

ИКЕЛЬЦЕ ВАЛОСЬ

Религиозной книгатнень седе ламо авортнэ эсь сёрмадовкстнэсэ пшкалить писательтненень ды богословтнэненень. Ансяк пек чуросто пазнэнь кемемадо роботаст алтневить весемень туртов. А вана те книгась сёрмадозь аволь богословтнэненень ды философтнэненень – „ульцянь ломанентень“. Ули бажамом максомс сонензэ виде превспутома од эрямодонтъ, эрямонтень молема кидентъ, конатнень невтинзе асодавикс галилеянин кавто тыща иеде теде икеле. Тень снартнинь невтеме рядовой ломанень кельсэ, кадык „ки ланга молицятне, куш превтеметь, а манявольть“.

Снартнинь а токшемс карадо-каршонь сеть кевкстематненьгак, конат пек сеетьстэ велявтнестъ христианской церькованть пельксэнь пелькс явомань тувталокс, лия ёндо, эзинь эцне кодамояк тевс-ладямос, кона колевтевель Пазонтень кемеманть, эсь кемемантькак эзия полавтне.

Арсян, рядовой ломанесь тошнакадсь эсь арсеамсонзо-оймесэнзэ ды весе седейсэ бажи вастовомо Пазонь эрямонтъ марто.

Бульчом, мон парсте чарькодян, те книганть вастсызь аволь вейкетъстэ. Веенстнэ шнасызь, лиятне кармить сяддомонзо. Неень фарисейтненень, конат кекшнить эсь видечинь оршамкатнес, мельс сон а туй. А туй неень шкань садукейтнень мельскак, конат сяддыть кемемань юронок. Водородной бомбань кирдема шкасто, зярдо, секень вант, тейсызь кобальтонь неень

бомбантькак, састь тевенек топавтомань читне. Миненек эряви ваномс эрямонть лангс панжозь сельмсэ, мезентькак апак менстя ды апак сёпо.

Сетненень, кить вешнить Пазнэнь озномань од кить Сонензэ пачкодемга, те книгась а лезды. Ловнодо мезеяк лия. Тесэ монь бажамось вейке: максомс минек Иисус Христос Паздонть седе ламо содамочить, кепедемс христианинэнтъ мелензэ-бажамонзо эсь кемемантень.

„Пазонть марто ладямо“ книганть, ве ёндо, мон сёрмадынъ ламо иеть. Лия пельде – сон анокставсь капшавтозь-чиевтезь зярыя недлянъ перть...

Ламо мельтне, конат ёвтазь те книгасонть, аволь эсень – неть иетнестэ сынъ саезь эрьва косто. Бути цитататне максовить саема таркавтомост – те истя секень кувалма – неть таркатне стувтозь ды лецтнематнес кадовсть ансяк пултыця-кемевтиця писанианть валонзо.

„Пазонть марто ладямо“ – те истямо сёрмадовкс, конань анокстыя кумажа лангсо аштезь. Вакссом мон свал маринь Пазонть улеманзо. Ды эрьва чи карман озномо сень кисэ: кадык талнома шкань те книгась лезды тенк совамс Пазонть оймес-тевс.

Б. Г.

МЕЗЕ КНИГАСОНТЬ

1. Пельксэсь: КЕВКСТЕМАСЬ

1. Вешнемасо	9
2. Библиясь	21
3. Пазось	31
4. Пежетесь	41
5. Идемевсесь	56
6. Мезе учи эйсэнек куломадо мейле	67

2. Пельксэсь: КЕВКСТЕМАТНЕНЬ ВАННОМАСЬ

7. Мекс сась Христос?	85
8. Кода ды мейстэ ушодомс?	105
9. Прянь простявтомась	115
10. Кемемась	124
11. Одс чачомась	137
12. Идемантень кемемась	147

3. Пельксэсь: МЕЗЕ КАРМИ УЛЕМИ СЕДЕ ТОВ

13. Христианинэнтъ ятонзо	157
14. Христианонь эрямонтъ правиланзо	168
15. Христианинэсь ды церьковась	179
16. Христианинэнтъ вейсэнъ тевензэ	193
17. Христианинэнтъ сы шказо	209
18. Ды okayники – оймень сэтьмечи	225

БИБЛИЯНЬ КНИГАТНЕНЬ ТУРТОВ КИРТЯЗЬ ЛЕМТНЕ

Ташто Заветэнь книгатне

Бытиясь	– Моисеень васенце книгась
Лисемась	– Моисеень омбоце книгась
Числатне	– Моисеень нилеце книгась
1 Инязор	– Инязорксчинь васенце книгась
Неем.	– Неемиянь книгась
Иов.	– Иовонь книгась
Псал.	– Псалтиресь
Валв.	– Соломононь Валвеляксонь книгазо
Исаия	– Исаия Пророконть книгазо
Иер.	– Иеремиа Пророконть книгазо
Иезек.	– Иезекииль Пророконть книгазо
Дан.	– Даниил Пророконть книгазо
Мих.	– Михей Пророконть книгазо
Софон.	– Софония Пророконть книгазо
Мел.	– Малахия Пророконть книгазо

Од Заветэнь книганте

Матф.	– Матфеень пельде святой паро кулясь
Марк.	– Марконь пельде святой паро кулясь
Лук.	– Лукань пельде святой паро кулясь
Иоан.	– Иоаннонь пельде святой паро кулясь
Деян.	– Святой Апостолтнэнь тевест
Иак.	– Иаковонь кучовксозо
1 Петр.	– Петрань васенце кучовксозо
2 Петр.	– Петрань омбоце кучовксозо
1 Иоан.	– Иоаннонь васенце кучовксозо
2 Иоан.	– Иоаннонь омбоце кучовксозо
3 Иоан.	– Иоаннонь колмоце кучовксозо
Иудань	– Иудань кучовксозо
Римл.	– Римлянтнэнь кучовксось
1 Кор.	– Коринфянтнэнь васенце кучовксось
2 Кор.	– Коринфянтнэнь омбоце кучовксось
Гал.	– Галатнэнь кучовксось
Ефес.	– Ефесянтнэнь кучовксось
Фил.	– Филиппиецтнэнь кучовксось
Кол.	– Колоссянтнэнь кучовксось
1 Фесс.	– Фессалоникиецтнэнь васенце кучовксось
2 Фесс.	– Фессалоникиецтнэнь омбоце кучовксось
1 Тим.	– Тимофейнень васенце кучовксось
2 Тим.	– Тимофейнень омбоце кучовксось
Тит.	– Титнэнь кучовксось
Филим.	– Филимоннэнь кучовксось
Евр.	– Еврейтненень кучовксось
Витьк.	– Иоанн Богословонь витькстамозо

ВАСЕНЦЕ ПЕЛЬКСЭСЬ

КЕВКСТЕМАСЬ

ВАСЕНЦЕ ГЛАВАСЬ

ВЕШНЕМАСО

„Ды вешнесамизь Монь ды мусамизь, бу-
ти карматадо вешнемень весе седейсэнк“.

Иер. 29,13

Ине вешнемась тынк туртов ушодовсь сестэ, зярдочачиде. Паряк, ютасть ламо иеть ды уш ансяк мейле чарькодиде: мезе-бути вешнетядо. Вешнетядо сень, мезесь уцяскасонк арасель, вешнетядо сень, мезесь эрямосонк пек эрявиксэв. Лиясто теде терявтниде стувтомо, лиясто бажиде тень эйстэ явомо, ансяк бу а кадоволь а шка, а мельть лиянь туртов, сех малавикс тевтнеде башка. Лиясто, паряк, маридеяк – олякстомиде се вешнемадонть, мезентень лемгак арась. Ульнесть шкат, зярдочачиде неть вешнематнень тунь кадылинк. Ялатеке мештьсэнк эрясь лецтязь ёжось, ды тынь таго ушодылинк те вешнеманть.

Нусманя ськамочинь шкатнестэ ванылиде лия цёратнень ды аватнень лангс ды свал кевкстнилиде эсь прынк эйсэ – вешнить-арась сыньгак сень, конань арась лемезэ, мезесь эряви тенст ды мезенть кувалма молекшнить мелест? Юткстост кой-конатне, лангс ваномс, ульнесть тынденк уцяскавт, эрямонь сталмост седе шождальть. Веенстнэ, неяви, мусть часия семиясто ды урвакстомасто. Лиятне тукшныльть содавксчи ды ярмак мельга омбо масторов. Колмонстнэ

кадовсть кудос, эрясть уликсчисэ ды, сынст лангс ванозь, паряк, арсилиде: „Неть ломантнень арасть ине вешнемаст. Эсь кист сынь муизь. Сынь содасть, мезе тенст эрявсь ды тень саизь. Мон ансяк съкамон молян се киванть, кона ковгак а вети. Эстенъ макснян неть кевкстематнень, вешнян-чаран, пупорькшнян майсе-мас ветиця те чопода кинть лангсо ды а кеман валдос лисемантень.“

Ансяк тынь а съкамонк. Мода лангонь весе эрийтне тынк марто, эдь сынъгак стардозь вешнемасо. Весе мирэсь-масторось вешни ответ эсь кавтолдоматнень лангс оймень чавочинть кисэ, кона чополгавты эря-монтъ. Весе ломантне пиить-мелявтыть эсь прядост, учить оймамот-уцяскат.

Миненек кортыть: эрятано „ризнэмань шкасто“. Историктне кемевтить: моданть лангсо ломанесь истямо пелема ды кемема марсесь ансяк зярыяксть. Эрьва чинь весе койтне калавтозь. Минь кортатано мирдэ – эйсэнек тандавтнить войнасо. Вешнетяно-арсетяно, кода идемс эсь прянок, сон жо, те идемась, арась. Кунцетяно ваксканок уиця олгонтень, ды натой сестэ, зярдэ цопадъсынек-таргасынек, сон ялатеке ёми.

Раськестэ раськес ютамсто капшинек тандавтозь эйкакш ладсо, ве прябезарьдемасто омбоцентень. Ды свал кемевтинек эсь прянок эйсэ: „Те кись виде, сон ветясамизь тов, ков бажинек“. Ды свал манявкшнынек.

Сеть васень китнестэ вейкентъ лемезэль, конань кочкинек, – те „политической олячи“. „Эрьвантень максодо политической олячи,“ – кортынек, – „ды мирэсь-масторось тееви уцяскавкс“. Кадык минсь кочкасынек эсь прявтнэнь, карми уleme истямо правительстванок, конань пингстэ эрямось шождалгады.

Ды вана добовинек те олячинть, ансяк эрямось эзь шождалгадо. Эрьва чистэ газетатне пачтнить „верцетнень“ рамсемадост-микшнемадост, вечкевикс ломанест паро таркава аравтнемадо, каявкссо-мезесэ лепштяmodo, сеть манчематнеде, конат эзть вишкалгадо, лиясто кой-кить кежень пандомасо васов кадызь натой кезэренъ корольтнень. Политической олячись – пек паро тев, ялатеке сонензэяк а максови се эрямось, конантень бажатано.

Лия кинтень – сонзэ минь лемдинек „образовани-якс“ – ламот кемсть. Олячинть марто ламо содамо-чинь пурнамось – те питней надобия, кортасть кой-конатне, ды минь прянь-полданъ синдезь сыргинек образованиянтъ мельга. Сон неявсь тенек валдокс-мазыкс, истямо превейкс – весе седейсэ тензэ кеминек. Ансяк ков сон ветимизь? Ней содамочитнень коряс весе шкатнень кадынек удалов – ды, теке марто, теевинек сехте муцявозекс. Мезть сёпомс, мода лангонъ физической законтнеде ней студентэнек содыть Аристотелень шканъ ине ученойтнедеяк ламо, ды куш прянок пешкедсть эрьва мейсэ – седеенек чавот.

Весетнень ютксто сехте валдо ды тердиця кикс ульнесь се, конатантъ лемдизь „сэрей эрямок“. Малав эрьва ломанесь кемсь те эрямонтень: сон автоматика вельде, келя, ветясы сонзэ кенярксов уцяскантень. Те кись неявсь тензэ сехте видекс. „Ансяк лепштысак кнопкантъ – весемесь ули анок!“ Те кись мольсь мазыйде мазый журналонъ яволявтоматнень пачк, цитница од автомобильтнень ды холодильниктнень вакска. Ды эрьвась кемсь, ней уш эзь маняво. Паряк, лия китне ветясть аволь тов, а уш монсесь, марят, ветясамизь ков эряви!

Паро, варштадо эсенк перька. Вана те минутас-

тонть Америкась – мастор, косо политикань олячись кузь истямо тёкшос, конань ламо сypав мастортнэ онстосткак эзизь некшне. Америкасо ладязь вадрясто вадря тонавтома, минек эйсэ шныть кода эсенек кудосо, истя границянь томбалеяк те „сэрей эрямонтъ“ кисэ. „Американецтнэнь кондымо уцяска“, – истя минь лемдинек электричества-автомат ды цитница хром-никель потс ваязь экономиканть. Арази тень эйстэ седе уцяскавтано? Сон макссь-арась тенек уцяска, эрямонь смусть, конатнень вешнинек? Эзь максо. Ды те зярдо минь верьга вайгельть шнатано прянок сеньсэ, мезде ансяк арсесть икелень поколениятне, зярдо минь зярыя часос, аволь ковс, эсенек мельга каднотано океант, зярдо нолдтнетяно чудань теиця надобият, стявтнетяно истят кудот, конатнень вакссо Вавилононь башнясь неяви коткудав пизэкс, зярдо эрва чи панжтнетяно моря потмаксонь од муевкст ды пачколетяно планетатнень васолкстнэс, – ёмавтано – арась куш ве ваксонь кувалмо меште чавочинть эйстэ? Максыйть-арась неть чудань тевтне ёжомарямонь оймамот, толковасызь-арась, мезень кис эрятано, невтить-арась тенек сень лангс, мезес оштё тенек тонавтнема?

Арази те чавочинь кажварч ёжось а карми кирдеведе седе тов? Арази се, мезенть панжинек-теинек, оймавтни ойметь, сонзэ марто икелень коряс седе шожда тенк? Арази ломань пелеманть, авечкеманть ды кольняйкс теевеманть каршо бороцямось муеви лабораториянь пробиркасто эли телескопонь трубаство?

А сёптано, наукась ламо макссь ломанентень. Ды секс наукась казимизь истямо апаро вийсэ, конань зярдоак эзинек некшне. Те „казнедентъ“ ашти минек

планетань эрва живой ойменьт седе товолонь эря-мозо, сон кузни тандавомань сулеекс арсеманок лангс, якси эйкакшонок онтнэва. Те ансяк пря невтяно – мартонок мезеяк эзь лисе, ракамкакс ловтано сень, мезесь вельксканок вели куломакс. Сы шка – валске ланга сыргозтяно ды несынек: кодамояк водородной бомба арась, атомной бомбаськак апак тее. Ансяк газетась, мекевланк, ёвтни лиядо.

Улить лия китькак. Неть – славань ды властень кить. Ютксост эрвась вети ваямос. Минь тапавинек эсь арсемань шанжавс. Истя ёжовсто аштетяно эсенек кедьсэ теезь пистьсэнтъ, натой ормань тувталт-лецямот а содатано. Куломась жо а учи.

Бути видестэ ёвтазь – „эрва орманть каршо улить ормаменькст“ – миненек сынст муема. Цивилизациянь частнэсэ песокось капшазь чуди алов, ды бути ули ки, кона вети валдос, бути кись тарги оймень шумбрачинть – вейкеяк час илядо ёмавтне!

Те шкане ламот пупорькшнить, весе виест макснить сынсь а содыть мезень кисэ. Мелят американецтнэ ютавтсть сядо комсьветее миллионт долларт муниця орожиятнень лангс! Сядо комсьветее миллионт долларт ёмавтсть тандавтозь ломантне эсест кондят манязь эрийтнень лангс, ансяк бу максовольть тенст манчиця ответт седеень талновтыця кевкстемаст каршо!

Ютазь иестэ кемготово тыщадо ламо американецт, конат истят ответкак эзть маря, маштызь пряст, куломасо полавтызь эсь оймень кавтолдомаст.

Арсян, теде мейле кевкстьсамизь: „Косо ней аштетяно?“ „Косотано ды ков мольтяно?“ Мереди ёвтамс тенк, кить минь истятнэ ды мезе эйсэнек. Минь нация, конань арась кемемазо. Прянок пештязь сода-

мочисэ-знаниясо, ойменек – чавот. Минь пеняцятано – масторонь од ломаненек ёмавтызь кенярксо, тевс ды икелев молемань бажамотнень. Эрва чистэ монень савкшны марсемс тетятнень-аватнень пельде: „Мень зыян лиссь эйкакшонок марто?“ Сынь, келя, а снартнитькак мезеньгак тееме, ансяк вешить ды вешить. Улема, тетятне-аватне аздыть: парсте тонавтозь, оршазь ды андозь какшост оймевтеметь. Мештьсэст арась Святой Духось, конавтомо кеняркст а чачнить. Арась бажамот, кона икелев ветяволь покш мельспаро марто. Мекс оймest чавот? Од ломантне а содыть, косто састь, мекс ней тесэть ды ков молить-эскелить! Сынь сеть автомобильтнень кондят, конатнень пельксэст пурназь кода эряви, ансяк бакост бензинтэме. Лангс мазыйть, потмост – вийтеметь. Текень кувалма сынь аштекшнить-чемениить. Аржонь ськамочиденть.

А стяко кортави: ськамочинть коряс Америкась светэнтъ лангсо – васенце таркасо. Те лисни вана мекс: минек масторсо ламо эрва кодат налксемкат, шкань стяко ютавтнемень тувталт, ломантне а содыть, кодамо тевс кундамс. Сыненст эряви пандомс сеть ломантненень, конат вешнить тенст минутань-минутань кеняркст-ойсемат, а мезть тейнемадо прянь кекшнемат. Ды косто кекшеват певтеме тандалематнень эйстэ?

Паряк, арсетядо, эрямосонок ськамочись саи а вельть покш тарка? Нама, лиясто ломанесь сонсь вешни башка аштемат ды арсемат. Те тевесь а берянь. А бути тошначис вай-ёми масторось, сестэ мезе? Бути сон сэви-поти седейть ды калги пряудемень? Ломанесь – Пазонь вейкине теевкс, конась ськамонзо марясы ськамочинть. Мода лангсо ломандентъ башка арась лия существа-эриця, кона налкставоль эсь прядонзо

эли природанть эйстэ. Те пек неявикс тешкс, эдь мастор лангонтень минек Тетясь мезеяк а нолды апак арсе. Ды бути Сон макссь ломанентень тошначинь обуцят, тень теизе а стяко! Тошначись – потмоёжонь сех неявиця ёжомарямо! Сон, прок термометра, видестэ невти тенек, покшт-арась оймесэнек чаво таркатне. Мода лангонь законтнэнь эйстэ сехте а колсевицякс ловови се законось, конась кемевти: эрва чаво таркась свал пештявкшны, ды натой шкань апак сацтне.

Кемекстамонтъ кисэ ёвтан: чаво ойме нациятнень марто а эряви велявтнемс кезэрень пингтнес. А эряви велявтнемс Европань кой-кона мастортнэнь а умоконь эрямонтеньгак – природась сонсь невьсы, кода бойкасто пешти ломань мештнесэ чамозь таркатнень. Ломань оймесэнтъ а мезекс улемс „коштонтень“, бути сон пештязь Пазонь Духсо. Природась шождасто а совси сетнень превс ды седейс, кить, меште лембень пултазь, учить толонь кирваземат. Природась а вечки чавочить, ансяк минденек ашти се, мейсэ ули пештязь чамозь оймесь.

Истят вана минь, потмо толтомо ломантне. Снартинек ойметнень пештямс наукасо ды тонавтнемасо, сюпавчисэ ды налксемасо, конатнес, арсян, бажинек свал – ялатеке ойме лембенек арась. Мекс истя? Инешкесь нолдымизь светэнтъ лангс эсензэ кис. Сонзэ марто апак эря-печтя меште валдо зярдояк а нетяно. Иисус Христос уш умок мерсь тенек: „аволь ве кшисэ эри ломанесь“ (Лук.4,4), минь ялатеке тенень эзинек яво мель. Эсь прянок эйсэ пештинек эрва кодамо кшисэ. Истямо пештямос пачкодинек – натой ормалгадынек.

А цидярдтано оймень чавочидентъ, миненек а

мезекс ваномс икеленек аштиця майсемань вейкине кинть лангс. А онкстави, кода сизинек вейкенек-вейкенек а вечкемадонть, жаднойчиденть ды пежетьс вайсематнеде. Куш сынь оймесэнек, ялатеке арасть сынdest явовомань меленек.

Шкась канды покш смуть. Модань истожамонь орудиятне кедьсэнек, миненек виськс якамс манчемань китнева, миненек а лади вешнемс кичкере китьянт. Тенень шканок аламо! Эдь раськенек-поколениянок тейсть зняро, зяро лиятне ансяк снартнесть тееме эли ансяк арсесть теде властенъ превтеме минутатнестэ! Пачкодинек весе орудиятнень истожамонтень! Минь – превтемечи текшонь неицят: атомось лазнозь-явозь!

Кода раксевельть идемевстне, зярдю неевлизь, кода иень-иеть сех превей ломантне важдость куломасо тандавтнемканти лангсо! Явозь-калавтозь атом! Явшек ды кучнок-пансек! Калавт-тапак, сорновтнек, ёртнек! Се, „кенже мартонсесь“, прядызе эсь тевензэ, ды ломантне снартнесть лездамс тензэ. Толбаргонь сравтнезь толгелътнень икельде ней минь нетяно идемевсень шедевра, сонзэ ёжов чачонзо. Идемевсень чачоськак, пазонь толгелътнеяк молить верде, сын паловтыть весеметь, мезентень ансяк токадевить. Сынст ютксо авейкетъксчись истямо, кодамо адонть ды менеленть ютксо!

Минь эрятано се моданть-масторонть лангсо, косо весемесь путозь прянзо лангс, пуворязь-човорязь. Кемимизь, те апаро тевесь сатананть пельде. Библиясь корты тенек: сатанась – ине манчиця, сон алтызе эсь прянзо сесе манямонтень, кона яви весе народтнэнь. Сон кармавтымизь кемеме: сы шкань эрямось вадрялгады, куш сон седеяк беряньгадсь.

Содавикс английской ученоесь, Генри Битт, сёрмады: „Вейксэньгеменце иетнестэ кемевтсть эйсэнек: эряви модемс ансяк икелев, тосо весемесь карми уле-ме вадря-паро – ней те эрямость мезекскак а маштови... Сувов кемемась сеньс – образованиясь, гуманизмась ды „прогрессэсь“ кепедьсамизь-сюпалгавтсамизь мельце комсьветее иетнень перть – целанек велявтозель прынзо лангс. Сатанась яла жив. Властесь ды чопода вийтне нардевить, весе модась-масторось палы сынст кежсэ“.

Чарькодтяно, те пингенть ушоткссто мирэсь-модась полавтовсь. Революциянтъ тердеманзо коряс, сон юты покш эскелькссэ, калавтни икелень койтнень-кирдатнень, конатнень марто келенек, эрямонь вешеманок ды арсеманок лиякстомсть. Ансяк манить эйкакштне покш мальспаросо бажасть понгомс пристанев ды сельмень тетъкезь вансть покш пароходтнэнь лангс. Ней сынъ мельде-валдо ванкшныть геликоптертнэнь ды турбинань самолётнэнь. Минь, кить чудакс ловсть телеграфонть, ней мезекскак а ловтано телевидениянтъ. А вельть умок ломань орматне лововсть а лецявицякс, ней улить истяк надобият, конатнень вельде сыречинь орматнеяк изнявсть. Ламонть добовинек, а мезть сёпомс. Теке шкастонть ломанентень эзьт решаво сех эрявикс кевкстематне. Стявтнетяно сэрей кудот, кувака сэдть, строятано теплоходт, ды ялатеке а маштанэ эсь прянок кирдеме, вейкенек-вейкенек марто ояксчисэ эрямо!

Тенек панжтневить искусствань ды музыкань школат, од ды од витаминт – ялатеке мелявксонок секетне жо. Рискстнэ-мелявкстнэ, конат икеле потясть ломаненть седеензэ апак лотксе, ней седеяк покшолгадсть. Сынъ лиснить икеленек лия чачосо, кантнить тенек од

пштикст-муцямот. Лепштязтяно сеть пежетнесэ, секе судсонть, коронь секеть кирдематнесэ, конатнень ломантне кирдсть свал.

Эдемень садсонть лисезь тамашадонть мейле, зярдо эсь олячинть ломанесь кочкизе Пазонть олячинзэ таркас, эйсэнзэ тардевтсть а полавтневиця кевкстемат. А ёвтавикс апаратне, конатнень теинзе сонсь, ёвтнезь Римлятнэнень Кучовксонь васенце глава-сонть. Сынст эйстэ лецямонь надобия максы тенек Иисус Христосонь Евангелияськак.

Пежетьс совазесь пешти эсь оймензэ кежсэ ды авечкемасо, сельмень сьвадомасо ды жаднойчисэ. Сон сюдозь сынст кисэ, ды пингестэ пингес течис мельганзо якси куломадо пелема. А ёмиця прывтнэ макссть тензэ вийть ламонть полавтомс, ансяк а эсь прянзо. Эдь ломанесь, неень шкань шнавиця „прогрессэнтъ“ лангс апак вано, кадовсь истямокс жо, кодамокс ульнесь икелеяк.

Пежетеськак эзь полавтово, куш ломанесь снартнесь лиякстомтомонзо. Снартнинек оршамс сонзэ лиялемсэ. Педявтнинек од этикеткат яд марто секе суликантень. Пежетенть снартнинек лемдямс „ильветьксэкс“, „манявомакс“ эли „виськсчамань стувтомакс“, грехесь жо кадовсь истямокс, кодамокс чачсь. Кода эзинек иде эсь совестенть, содылинек: ломантне яла пежетевть, грехень орматне эзть полавтово – акемемась ды куломась сынст лангсо ялатеке азорт.

Майсематнеяк секеть. Сынъ ушодовсть сестэ, зярдо Адам ды Ева тардезь-авардезь вансть чавозь Авель цёраст рунгонзо лангс ды васенцеде маризь покш рисксэнь сталмонть. Майсематне кирдевьсть течис, ней сынъ – весе мода-масторонь мелявкст, Иовонь оймавтыцятнень юткстояк вейкентень натой марявьсь,

оймень те тардемась – эрямонь бажамо, секс сон мерсь:

„Ломанесь чачни прянь муцямос, теке сяткт, верев куземанть кисэ“ (Иов, 5,7).

Куломаськак кадовсь истямокс жо. Ломантне полавтыксэлизь чачонзо. „Кандолазонь теицясь“ лемдя-зель „калмамонь бюрокс“. Снартнетяно чевтемгав-томо калмамонь койтненьгак, кодат ансяк лемть а путневлинек, кода а мазылгавтовлинек-артавлинек, кельме-кежев куломась весе пингтнень перть кадовсь икелень кондямокс.

Колмо алтамот ломаненть эрямосо: сонзэ ютазь шкась – пежетьсэ, неень чизэ – майсемасо, икелепеле эйсэнзэ учи тона чис туемась.

Библиясь корты:

„Ды кода ломантненень весть сы кулома, мейле судямоськак“ (Евр. 9,27).

Простой эриенть туртов весемесь те марявсь пек кежевекс. Сядо философской теориятнень ды ламо кемематнень арсизь-теизь сынсь ломантне ансяк вейкенъ кисэ – ютамс Пазонтъ Валонзо вакска. Неень философтне ды психологтне яла невтить пря, келя, Христосонь кидентъ башка улить лия кить. Ломанесь сынст весень ютнинзе, ды вейкеськак сонзэ ковгак эзизе ветя.

Христос сась пежетте, майсемадо ды куломадо колмо свалшкань кевкстематнень каршо валонь ёвта-мо. Ансяк Иисус Христос, Сон Съкамонзо, а полавто-виця ды а кульця, „Иисус Христос исяк ды течи, ды пингестэ пингес истямо жо“ (Евр. 13,8).

Лиясь-мезесь полавтови, Христос кадови, кодамокс ульнесь. Ломань бажамонь певтеме-келейтеме океан-сонть Христос ашти кеместэ ды апак тално, Сон анок

ёвтамо паронь арсемат весенень, кие пшкади Тензэ ды прими войнань а улемадо баславамот. Эдь минь эря-тано чанстень максомань пингестэнтъ, конасонтъ Инепазось алты: кадык эрьва бажицясь примасы Сонзэ Цёрантъ (Иоан. 1,12). Чанстень максомань те пингесь а карми улеме свалшкансекс. Ней эрятано ансяк Инешкентъ коронь кирдеманзо кувалма (Петр. 3,9).

ОМБОЦЕ ГЛАВАСЬ

БИБЛИЯСЬ

„Менелесь ды модась ёмить, Монь валтнэ а ёмить“.

Матф. 24,35

Шкась чии икелев. Вентень молемстэ часонь нал-нэсь ловны секундат. Мирэнь-масторонь весе ломант-нень тюк стардынзе. Кодамо ки тенст кочкамс? Ка-довсь-эзь ветиця? Ули-арась ки, конаванть молевтяно? Ули-арась ломань, кона весенень содавикс ды конанень пшкадевлинек? Эли те отьмантень кадымизь а содавикс вий, сень лангс апак невте, косто минь сынек тей, мекс тесэтяно ды ков мольтяно?

Неть кевкстематнень лангс каршо валось вейке: ули панжомань ключонок. Минь содавикс лисьмапря мартотано. Сон кезэрень исторической книгасонтъ, конанень мертяно Библия. Те книгась ютась ламо кедьга, сон ламо ёнкс-смусть марто ды кирдинзе ве-се кайсевематнень. Вандализмасояк, цивилизациянь превчисэяк сон эзь токадеве. Толсо, раксемасояк эзь саеве. Цитница чачозо ды смустезэ эзь полавтово ламо пингтнень перть.

Ней, зярдо, секень вант, пачкодтяно историянтъ теиця часонтень, одс пшкалетяно превчинь ды икел-нень ёвтамонь а олыця Книгантень, арсетяно се тув-талонтъ муеме, конань вельде те книгась цидярдынзе

весе кажотнень. Сон свал ульнесь ломанентень кеме-мань ды ойме виень лисьмапрякс.

Кой-кона ломантне Библиянтъ лемдизь Израилень народто ёвтамокс. Лиятне кортыть: сон, келя, лецтни пингед-пингес кирдевица шумбрачинь пря ветямодо. Кода иляст корта, весе те ансяк ве ёндонь сюлмавкст Библиянь покш темантень, кона теевсь Инепазонь историкас Иисус Христосонь чачосо. Се, кие Ташто Заветэнтъ лови литературань теемань тэкшокс, седейс токиця поэмакс, тень пингстэ а неи – те сон весе ломантнень идемань история, – сетнень кедьсэ ёмси алкуксонь смустесь ды пародо паро кулясь, конат Библиясонть.

Библиясь сёрмадозь Нишке Пазонть бажамонзо коряс, сон панжи идемань Пазонь планонтъ. Сёрмадозьгак сень кисэ: кадык Сонзэ эйкакштнень туртов улелельть валдт а токшевица Закононзо, Сонзэ превчисэ эрямга сынъ ветявольть эсь тевест, покшто-як покш Вечкемазо улелель уцяскань кинть лангсо оймавтыцякс. Эдь Библиявтомо модась-масторось валоволь а ёвтавикс чоподасо-тандавнемасо ды а улелель Инепазонть невтиця валозо.

Библиянтъ шожда ловомс се вейкине книгакс, косо кирдеви паз оймень витъкстамо. Книгатнеде эрва кодамо религиянь: ули Магометэнь Коран, буддистэнь, Зендавест Заратустрань ды браминэнь Ведань святой книгат. Весень сынст содасынек паро переводсо, сын-дест эрванть эсензэ арсеманзо. Курок карминек содамо: весе неть аволь христианской библиятне молить манчемань киява. Кадык сынъ ушодовитькак валдонь ципельдематнестэ, ялатеке вайсить чоподань отьмас. Мик мельде-валдо ваньцясь фати: сынст эйстэ Библиясь явови целанек, сон – вейкине книга, кона иди ломантнень ды невти кевкстемань вешиця ки.

Эрявсть кемготово пингть те Библиянь сёрмадо-мантень. Лангсонзо важдо келомантень ламо аворт, эрьвась ульнесь Инешкень летописецекс. Неть ломантне, вейкест-вейкест эйстэ явозь ламо пингесэ, аволь ансяк сёрмалесть сень, мезде сынь арсесть ды мезентень кемсть. Сынь конёвс тешкстнесть Инепазонь кармавтомат. Сынь сёрмадсть, Сон тонавтсь эйсэст, паз ойме виенть вельде несть ине ды аполавтневиця смустть ды кадсть эйсэст сы шкань раськетненень.

Неть кемготово пингетнень перть Библиянь кодгемень кото книгатне сёрмадозельть пель тыща кельсэ, ды весе сынь пачтнесть вейке ёвтамо. Инепазось кортыль эрьва ломаненть марто сонзэ кельсэ ды эрямо шкадонзо, тень пингстэ ёвтнемась а полавтневиль.

Зярдэ ине учёнойте вейс пурнасть ламодо ламо манускриптт еврееень, армянонь, грекень кельтнестэ ды ютавтызь сынст неень кельс, мусть-фатясть: Инепазонтэ эрямо тарканзо ульнесть секеть жо ды ломанентень Сонзэ пшкалематне эзть полавтово течис. Свалшкань неть валтнэнь ловномсто чарькодтяно: эрямонь вешематне, конатнень аравтнизь тюштянь пингень летописецтнэ, прок течинь, ды смустест эзь колаво неень раськетнень туртовгак. Сынь истят жо, кодатольть Христосонь пингстэ.

Ды а стяко мода-масторонтэ лангсо Библиянтэ ловность сехте пек. Превчинь ды поэзиянь образтнэнь коряс сонзэ вакс а путат вейкеяк лия книга. Критиктне, конат кортыть – Библиясонтэ ламо теевкт ды а топавтовикс арсемат – седеяк кемекстыть те меленть: чумочись эсест критиктнесэ, аволь Библиясонтэ. Домка исследованиятне невтизь, кодат карадокаршонь аштемат чачсть лия кельс ланга-прява ды

апак арсе ютавтозь текстнэнь кувалма. Ломаненть эряви идемс ильветькстнэде, аволь эсензэ Библиянтъ.

Ды ялатеке ломань кудосо ды, мерьсынек, тонавтозь ломантнень ютксо, кой-кить вечкить пеетькшнеме Библиянтъ лангсо, сонензэ, келя, пулиякшнома лався лангсо. Зярдо священникесь кевкстизе вейке тейтерькиенть, соды-арась сон, мезе Библиясонтъ, тона апак кавтолдо мерсь: соды. Ды сеске кармась цётамо: „Патянь цёра ялганзо снимказо, авань кедь ваднемканзо, ялаксон прячерезэ ды тетянь частнэнь лангс квитанциясь!“ Те всемесь, мезенть сон содась семиянь Библиядонтъ. Ламот тонадсть Библиянтъ ловомо ташто сёрмань ды костязь цецянь кирдема таркакс ды тунь а явить мель се лесксэнтень ды кемемантень, конань, Пазонтъ арсеманзо коряс, максовлизе тенст те книгась.

Неень шкане Библиянтъ лангс вановтось полавтови, ды пек бойкасто! Эрямось ёрты весе сень, мезенть арась смустезэ. Аксунгалематне, конатнень ломанесь певерди ломань чамас, лангс ливтить весе ильветькстнэнь. Зярдо минь тандадозь вантано эсь перьканок видечинь вешнемстэ, кода свал, пшкалетяно кезерень те Книгантень, кона ламонь оймавтынзе ютазь пингтнестэ.

Ломантне таго „панжить“ Библиянтъ эйсэ! Ташто экземпляртнэнь лангсто нартнить пуленть ды рамсить одт. Эйстэст сынь мукшныть содавикс, теке марто пек стувтозь валтнэнь, конат прок сёрмадозельть исяк. Библиянтъ эйсэ ломанентень эрявикст весе содамочитне, сынст вельде оймезэ шождалгады-кемексты. Эдь Библиясь – Инепазонтъ-Строицянтъ бажамонзо, ансяк сонзэ превсэ строяви-аравтови се эрямось, конань вешнетяно.

Америкасо кирдтяно оштё вейке ине документ, конань пек вечксынек ды ловнотано. Сонзэ сёрмадызь сядо ведьгемень иеде теде икеле сеть ломантне, кить кувать важдость ды седеяк кувать пелькстасть эсь ютковаст ды, okayники, максызь кемголмово штатнэнь туртов кемекстамо. Неть ломантне, минек Конституциянт авторонзо, содасть: весе кармить эрямо олячисэ сестэ, зярдэ эрьвась тонавтнесынзе законтнэнь ды а стувтсынзе эсь праватнень. Сыненст улема вейкетекс судонт икеле, эдь судьясь истя жо сюлмавозь секеть законтнэнь марто ды эрьва теветь ванны-топавты улезь условиятнень ловозь.

Се шкастонть, зярдэ ванность ломанень ине экспериментнэнь мельга, ламот фатясть: бути сынь сода-сызь законтнэнь ды топавтыть сынст эйсэ, сестэ, лисни, сынь алкуксккак эрить олясо! Ломанесь, okayники, муизе эсь тарканзо. Сонзэ ульнест праванзо ды истя жо обязанностензэ. Бути веенст законтнэнь эзь лово, тень эйтэ кирдеветь лиятнеяк. Ды зярольт берянь кочкицятнеде, кочкамсто, конат эзь топавтне эсь гражданской тевтнень, меельцъпелев сынсь чарькодсть; правительствась путсь лангозост марявикс сталмот, конат эзь тукшно мелезэст!

Кода Америкась кассь-мазылгась эсь Конституциянт вельде, истя келейгась Библиянь законтнэнь коряс аравтозь христианствась. Кода Конституциясь алтавь ломантненень ды совавтовь тевс сонзэ вешематне, истя Библияськак велявтсь верховной Конституциякс мастор лангонь эрийтнень туртов, сонзэ законтнэ вейкеть весемень туртов.

Кода Конституциясь масторсонок сех покш прывтзакон, истя Библияськак – Инепазонь ветиця закон, эдь Библиянт вельде Пазось кемекстынзе Эсензэ

вешематнень-кармавтоматнень. Библиясонть Инешкесь невтинзе свалшкань Эсь эрямо тарканзо. Библиясонть Инепазось аравтсь весе ломантнень идемаст коряс план.

Перть пельксэнтъ минь нетяно Пазонь законтнэнь теевксэст. Кие зярдо-бути эзь ванкшно пельтеме мелельстэ тештнень, конатне нолдазельть Пазонтъ кедькоморстонзо? Кие эзь кенярдо тундонь шкава сень неезь, кода од вийсэ валовкшны весе чачозесь? Мазычистэ ды уликсчистэ, конат перьканок, минь нетяно Теицянтъ мелензэ ды ёрокчинзэ, ансяк перть пельксэсь тенек а корты Пазонтъ вечкемадонзо. Природасонть арасть эсь прянь идемань таркат.

Оймесэ минь марьяно Инепазонтъ улемадонзо паронтъ ды кежевентъ ютксо вадря кулянъ вайгельть, сынъ аволь истя чарькодевикст ды неявикст, кода Библиянтъ тонавтоманзо. Те сонзэ страницатнестэ мукшнотано ванькс пачтямот седе, мезе лангсо ашти алкуксонь христианствась.

Христианствань вешематне кемекстазь Библиясонть, кемицясь эйстэнзэ мезентькак а сёпи, кода а путыяк мезеяк од Пазонь Валонтень. Бути Соединенной Штатнэнь Конституциясонть шкань-шкань тейневить витевкст, Библиянтень а эрявить кодаткак полавкст. Минь весе седейсэ кемтяно сенень: сеть ломантнень кедест эйсэ, кить сёрмадызь Библиянтъ, ветнесь Святой Духось, те Сонзэ бажамотнень коряс сынъ чамдсть оймest ды кочкcесть валтнэнь. Кода мерсь Пётр апостолось: „Эдь зярдояк пророчествась эзь ёвтнeвe ломань меленть коряс, сонзэ панжтнильть Пазонь святойтне, конатнень ветясь Святой Духось“ (2 Петр. 1,21). Павел апостолось корты тенек: „Весе Писаниясь пазонь ойме таргамо, сон лезэв тонав-

томсто, лангс апаронть ливтемстэ, видечинть кисэ кармавтомсто, кадык Пазонь ломанесь свал ули чевте, эрва вадря тевс анок“ (2 Тим. 3,16-17).

Видечинь кучоматнень сёрмадомсто Библиянтъ ано-кстыцятне зярдоак эзть арт-мазылгавто эрямонь нев-теманть. Сынъ апак кекше витъкстакшность кода вишка, истя жо покш пежеттнеде, невтсть ломанень асатыкстнэнь, ёвтнеть се эрямодонтъ, конасонтъ ломантне пиксестъ кезэрень шкатнестэ.

Мезесь сехте пек дивавты – тувталтнэ, конатне кирдсть-ветясть шкань эрийтнень – нейгак эзть полав-тово. Библиянтъ ловномсто сонзэ страницатнестэ мутано сень, мезесь талакавты седеенек, кармавты эйсэ-нек арсеме, ёвтни миненек асатыкстнэде ды потамот-неде, пежеттнеде ды мелявкстнэде.

Видечись эри аволь шкасо. Ве пингень видечись омбоце пингентъ кондямо, сон а ашти народтонть ды эрямо таркадонтъ. Вейке-вейке ёнов а молицят ансяк мельтне-идеятне, ломань койтне ды оймень ванькс-чись, видечись зярдоак а полавтневи, сон секе, кода-моль икелеяк.

Иисус Христосонь, минек Идицянтъ, самозо – те Библиянтъ юрозо, идемань куля. Библиянтъ сёрмады-цянзо ваннзы Иисус Христосто ёвтамотнень Ташто Заветэнтъ ушоткссто саезь, эдь Сондензэ ёвтамотне – те кода Ташто, истямо жо Од Заветэнтъ туртов ал-куксонь тема.

Бытиянь Книгасонтъ сон кода Нинь Видьме.

Лисема Книгасонтъ – Сон Инечинь Агнец.

Левит Книгасонтъ – Сон Прянь васькавтомань Жертва.

Числатнень Книгасонтъ – Сон Кев, кона максы ведь.

Второзакониясонтъ – Сон Пророк.

Иисус Навинэнь Книгасонтъ – Сон Пазонь ушмонть
тень Ветиця.

Израилень Судьятень Книгасонтъ – Сон Изниця.

Руфень Книгасонтъ – Сон Менель Азор.

Инязорксчинь ниле Книгатнесэ ды кавто Парали-
поменононь – Сон алтазь Инязоро.

Неемиянь Книгасонтъ – Сон Израилень раськентъ
Идиця.

Иовонь Книгасонтъ – Сон монь Чумонь Саиця.

Псалтирьсэнтъ – Сон монень Весе ды Весемесь.

Соломононь Валвелявкстнэнь Книгасонтъ – Сон
монень прянь ветямонь Невтиця.

Экклезиастонь Книгасонтъ – Сон Бажамом.

Весе Моротень моронь Книгасонтъ – Сон Мель-
спаром.

Пророктень Книгатнесэ – Сон Мода-масторонь
икелепелень Инязор.

Евангелиятнесэ – Сон Христос, кона сась ёмазентъ
вешнеме ды идеме.

Апостолтнэнь Тевтнесэ – Сон Одс чачозь Христос.

Кучовкстнэсэ – Сон Паз Тетянтъ эйстэ вить кедь
пеле аштиця Христос.

Витькстамотнесэ – Сон Сыця ды Инязорэземс
озыця Христос.

Те – Библиясто свалшкань кучома. Те – эряmodo,
вечкемадо, менельде ёвтамо. Библиястонть а вастат
кекшезь арсемат. Сонензэ а эрявить башка толко-
вамот. Эйсэнзэ валдо, а пелиця кучома мода лангонь
эрьва эриентень – кадык содаст Христосто, олячи-
нтень Пазонтъ марто Сонзэ тердемаднеде. Иисус эсь
тонавтницянзо марто та-кода вестъ аштесь озадо
Капернаум ош маласо пандо прясо. Сынъ пурнавсть

Сонзэ перька. Паряк, ве кець ёнонзо аштесь Петра, лия пеле – Иоанн. Иисус вансь вечкезь, тетя ладсо, мерят, кавонест Сонзэ кедтнесэ кутмордазельть ды эрьвась ансяк сон ськамонзо. Истя Иисуснэнь эрьвсь вечкемс весе тонавтницятнень.

Валдо-вечкиця сонзэ вановтонть ало неть тонавтницятненень эряволь чатьмонезь арсемс сень марязь: секень учок, лиси мезе-бути а онкставикс ды сыненст а стувтома теде, эдь весе неездень ёвтнема весеменень. Те сыненст, аволь лиянень кинень, сави марямс Тонавтыцянтъ кургсто ине валтнэнь.

Самай тосо, пандо прясо, цитниця оливкань сёрмав-пиже лопатнень ало аштемстэ, паряк, Иисус ёвтась инеде-ине вал христианонь эрямодонтъ. Зярдэ Сон прядызе кортамонзо, народонтъ саизе талакадома, „сон дивсесь Сонзэ тонавтоманть кувалма, эдь Сон тонавтсь сынст кода покш властенъ кирдиця, аволь книжниктнень ды фарисейтнень ладсо“ (Матф. 7,29).

Сон тонавтсь кода властенъ кирдиця, те властесь Тензэ максозь Эсензэ Инепазонтъ пельде, кемекстазь Сонзэ законтнэ – Инепазонь законт, сынст топавтома эрьва кемицянтень, конань седейсэ кирдеви прянь идемас кемема.

Кудосонк а улиндеряй Библиясь, моледе ды сайнк те Книганть, сайнк сень, конась сехте пек тукшны мелезэнк тусонь-покшолмань коряс, озадо ды снартнеде тынсь чарькодеме, мекс те вейкине Книгась цидярдсь ламо пингть.

Ловнынк, мекс сон шны се кемеманть ды виентъ, конат ветить икелев мода-масторонь весе эрийтнень .

Бути Библиянтъ умок эзинк сайне кець, ловнынк Иоаннонь пельде Евангелиянтъ. Сень мельсэ кирдезь – те Библиянь сех домка книгатнестэ вейкесь – сон

максы тенк домка чарькодема, кить минь ды мекс чачинек. Те Евангелиясь сёрмадозь сень кисэ, мекс ды кода ломанесь идеви.

Иоаннонь пельде Евангелиядонтъ мейле ловнынк Марконь, Лукань ды Матфеень Евангелияст. Ды чарькодтядо: неть ломантне, сёрмадомань эсест лувостлангс апак вано, ёвтнить Христосонь кучовт идемадонзо. Сестэ тынь карматадо содамо се видечидентъ, конадонтъ Павел Апостолось мерсь: „Иисус Христос исяк, течи ды пингестэ пингес Секе жо“ (Евр. 13,8).

Прядови Евангелиятнень ловномась, ушодынк Од Заветэнтъ ды ловнынк сонзэ пестэ пес. Зярдотейсынктень, марятадо: Библиянтъ эйс педиде весе оймесэнк, эйтэнзэ мутадо истят вийть, конат кепедьсызь ёжомарямонк, валдомгавтсызь превенк, ды Библиясь сови эрва чинь эрямозонк.

Библиянь содамочитне тенк эрявить кода ведесь ды коштось, эдь те Книганть валонзо лездыть кайсемс ютнемань сэдть апаротнень ланга, эрямонь олазь тюстнэнь полавтомс питней кевлангс. Эсь кевкстеманк марто тонавтнеде пшкалеме Библиянтень, сон лездымаксомс виде ответт.

Васняк, нама, Библиясь панжи тенк Менель Тятянтъ. Ламо пингень перть философтне кевкстнестъ вейкеде: кие Сон, косо Сон, мезе Сон? Бути ули истямо Ломань, тукшны-арась мелезэнь? Кода карман Сондензэ содамо? Неть ды лия тыща кевкстематнень лангс ответт мутадо святой Книгастонтъ, конань лемезэ Библия.

КОЛМОЦЕ ГЛАВАСЬ

ПАЗОСЬ

„Вешнемасот муеви-арась Пазось?“

Иов. 11,7

Кие те Пазось? Кодамо Сон чачонь коряс? Кода те-нек наяв кемемс – Сон ули? Некшнинек-арась Сонзэ?

Эськанзо эли марямга истят кевкстнемат максни эрвась, эдь свал дивсетяно эсь сельмсэ неезентень. Ко-да иля корта, чистэ чис вастневтяно эрямонь чуданть ды куломань тайнатнень марто, цветиця чувтнэнь морост ды менелень келес пeverезь тештнень марто. Кие тень теизе? Кие модас теизе ускомань закононтъ, конань вельде весемесь кирдеви вейке таркасо? Кие нолдынзе чинть ды вентъ, иень шкатнень велямост?

Нетъ ды лия кевкстематнень лангс каршо валось вейке: сынст нолдынзе Инепазось. Кода частнэнь теин-зе изобретателесь, истя мода-масторонь рунгонтькак теизе Изобретателесь-Теицясь. Минь сонзэ лемдинек Пазокс. Те лементъ содасызь весе. Сон совась эйзэнек эйкакш пингстэ саезь. Библиясь тонавты: „Пазось, Конадонть кортатано, Пазось, Конань свал лецтнетя-но, Пазось, Конанть эйсэ паронь максомась ды казнет-не“ (Иак. 1,17) – самай се Нишкесь, Кона теизе моданть-масторонтъ ды нолдымизь лангозонзо эрямо.

„Кие Сон?“ – кевкстьсамизь. „Косо Сон?“. Весе содасынек лемензэ. Минь тердтяно Эйсэнзэ стака

шкатнестэ. Ютксонок кой-кить Сонтемензэ ве минутаяк а эрить. Лиятне кортыть, Сон зярдоjak арасель. Лиятне мерить: „Толковинк Сонзэ тенек, паряк, седе мейле карматано кемеме“.

Бути эрямонк перть лецтниде Пазонь лементь ды учиде, кияк ёвтни Сондензэ, ды теде мейле карматадо кемеме Тензэ – тень таркас саинк Библиянтъ – сон лезды тенк. Ней, зярдо полавтови мода лангось, „Ко-дамо Пазось?“ кевкстеманть каршо ответэсь ансяк те книгасонть. Кадык эйстэнк эрвась соды, кие те Пазось ды мезе Сонензэ тееви.

Зярдо ломанесь Пазонть эйсэ а прими ды а топавты мелензэ – свал карми майсеме нужачисэ. Тень эйстэ эрямось калали, ойметнестэ майсематне зярдоjak а лисить.

Кинень тенек пшкадемс тень коряс? Кие эйстэнек панжсы видечинть? Арази минь тесэ аволь кулы ломанть? Арази Пазось мода лангсто киньгак кочкизе ды теизе сехте содавиксэкс? Арась, лия эзь кочка. Вейкине Ломанесь, конань теизе истямокс, эрясь кавто тыщат иеде теде икеле, ды минь сонзэ чавинек крёст лангс! Кода теде карматано содамо?

Кевкстиндерямс учёнойтнень, сынь мерить: Инепазось се, конась природасонть ды эрямосонть, сон – Пазонть Рунгозо ды Оймезэ. Мерить тенк: Пазонть несынк ведь байгестэ ды менелень покшолмастонть.

Кевкстеде философ, ды сон тенк ёвты: Пазось – те а полавтневиця, пень-келейчинь а содыця вий, кона кирди весе моданть, Сон – мекев-васов чудиця лисьмапря.

Карматадо седе тов кевкстнеме – марятадо: Пазось – Весемесь Весемедень, Сондензэ лият-мезть кияк а соды.

Пазонть лемензэ зярыя. Эрьва масторось, расась эли народось, эрьва семиясь снартность лемдямс Ине Эрицянтэ эсензэ валсо. Весе пингтнестэ ломанесь бажась чарькодемс Творецэнтэ, конань теевксэнзэ сельмест икеле, Эсензэ чачо лангс эзизь некшне. Неть толковамотнень эйстэ конась сех виде?

Икельце главасонть уш ёвтазь: Пазось Сонсь Эсь прынзо панжизе Книгасонть, конань лемезэ Библия. Бути кемтяно – Библиясонть Пазось панжи оймензэ, сестэ минь кадтано певтеме мельспаро эсь седейтнес-превтнес.

Пазось панжи оймензэ Библиясонть, ды бути Библиянтэ карматано ловномо эрьва чи, кода газетатнень, Паздонть карматано содамо зняро, кода эсь вечкевикс политиктнеде ды спортсментнеде!

Бриллиантонть зярыя кевензэ-тюсонзо, Эсь прыдонзо Пазонть ёвтнематнень туртовгак ламо томт а сатовольть. Таркань а сатоманть кисэ тесэ минь лецятанано ниле сех эрявикс онкст, конатнеде тенек эряви лецтнемс свал.

Васенцесь: Библиясь лемди Пазонть Духокс. Си-харской лисьманть вакссо ава марто кортамсто Иисус макссь Нишкентень истямо онкс: „Пазось – те Дух“ (Иоан. 4,24).

Мезде арсетядо „дух“ валонть марямсто? Мезе нетядо кемиця вановтсо? Нетядо-арась менельстэ тусто пель? Эли ловтадо, духось – те эйкакшонь тандавтниця сулей? Эли духось – тенк мезеяк а невтиця тарка? Содатадо-арась, кодамо чарькодема Христос ёвтась „Пазось – те Дух“ ёвтамосонзо?

„Дух“ валонть смустензэ панжомга ды мезе теньсэ невтсь Христос, миненек таго варштама Библиянтень, се сонзэ таркентень, косо невтеви Христосонь одс

вельмемась, косо Сон корты: „Ёвтадо Мондень ды ванномизь. Кода нетядо, духонть рунгозо ды ловажанзо арасть“ (Лук. 24,39). Лисни, духось РУНГОВТОМО, сонзэ улить виензэ, сон эри. Миненек тень стака чарькодемс, эдь марятано ансяк рунгосо ды ёжосонок.

Минь, ломантне, Пазонть ладсо васов а нетяно, секс тенек а содави Духонть покшолмазо, кона сэрьтеме-вайгельтеме. Зярдю марясынек „дух“ валонть, сеске онкстатано эйсэнзэ истя, зняро превенек. Те моли сень ёнов, зярдю ломанесь пиземе эрькте башка эзь некшне кодаткак иневедть! Кода истямось несы певтеме океанонть потмаксонзо, бути сельмензэ икеле рудазов ведне? Кода сон чарькодъсы сень, мезесь тензэ а онкстави? Кода сонзэ кемевтемс – истямо чуда ули мастор лангсонть?

Седеяк стака тенек чарькодемс, мезе Христос ёвтыксэль неть валтнэсэ: „Пазось – те Дух“. Иисус Христос содыль теде! Сонзэ превчись аволь минекенсенть кондямо. Вановтозо эзь педякшно рудазов веднес. Сонензэ онкставиль Духонть покшолмазо, ды Сон сась тенек мирэнь смустенть-чарькодеманть ёвтнеме.

Содатано: духось те се, мезесь апак сюлма рунгонть марто. Духось, рунгонть коряс, а сырели. Духось, кода рунгось, а полавтневи. Библиясь тонавты: Пазось – те истямо Дух, кона рунгодо покш, сонзэ келензэ-пензэ арасть. Сон мезеяк марто апак сюлма, а онкставиця, сельме икеле а неяви. Библиясь тонавты эйсэнек: бути Сон певтеме-келейтеме, сестэ вейке шкасто эри эрьва косо. Сон весемень эйсэ неи, весеменеде мариця.

Миненек те а тееви ды текень кувалма снартнетяно Пазонть немензэ. Бажатано сяддомо Пазонтень те-евикс тевтнень, конатне эстенек а топавтовить. Снартнетяно невтеме: бути эрьва козонь а кенертяно, сестэ,

лисни, Нишкеськак а кенерькшни. Минь мольтяно се ломаненть ёнов, конась, океандонтъ марязь, окойники, пурнась ваномонзо ды, сонзэ чирев пачкодезь, кедькоморо потс амольдясь зярыя ведьбайгинеть.

„Вай, – серьедевьсь, – иневедесь монь кедьсэ!“ Алкукскак, океанонь пелькске кирдсь коморсонзо, теке шкастонть иневеденть тона пеле лия ломантькак амольдить зяронь-зяронь. Кадык миллион мода лангонь эрицят пештясызь коморо потмост ведьсэ! Кадык зяро мелест амолить – океанось тень эйстэ а алкинъгады, певтеме отьмасонзо эрямось карми молеме икеле ладсо, куш чиресэнзэ аштиця ломанесь кирьга видьс пешкедезэ байгедензэ.

Истя Пазонтъ мартояк. Ве шкасто сон, весень озномаст примсезь, тесэяк эри, тосоаяк. Христосонь лемсэ чекамотнень-покамотнень пингстэ Сон пештни мода лангонть дивань тевсэ. Эсь таркасоств кирди тештнень, лисевкстнэнень максни сэрьс касома, морятнесэ калтнэнень туртов невтни умань кить. Пазонтень арасть петь, виензэ а онкставить. Вечкемадоаяк петь а соды.

Бути снартнетядо Пазонь тевтнень вишкакс неемс – стяконь тев. Сынть тенк а вишкалгавтовить, эдь океанось тенк а киртяви. А саты смелчинк лоткавтомс ковонтъ эли эсензэ юронть перька велиця моданть! Сетне превтеметь, кить арсить Пазонтъ тевензэ кирдеме! Сюконян тиринь авам икеле ламонтъ кисэ, но мезесь сехте пек кадовсь меельце эрямон иетнес – те валдо лецтнемат чачтыцядон. Кемень иетькак тень арасельть, кода сон кармась тонавтомон: Пазось те Дух, Свалшкань, А полавтневиця, Певтеме. Пазонтень истямо онкс марто мель мон печтян цела пинге. Зярдэ ломанесь кантни седейсэнзэ те меленть – Пазось Свалшкань, А полавтневиця, Певтеме, – Сонензэ ке-

мат весе оймесэть. Пазонтень тееви се, мезенть ломанесь а тейсы!

Юткстенок кой-конатне кавтолдыть: Библиясь, келя, аволь Пазонь вал. Неть ломантне, нама, а кемить Нишкентень вейке тувталонь коряс: эстест мезеськак а топавтови. Зярдю педепев а кемтядо Библиянтень – ловнынк сонзэ одс. Варштадо се ломаненть сельмсэ, кона весе пингензэ перть вансь рудазов пиземе латкинес ды конань икеле ней – певтеме океан! Паряк, ансяк сестэ васенцеде несынк Пазонтень виензэ цитнеманть. Арсеви, ансяк сестэ Сонзэ чарькодъсынк истямокс, кодамо Сон свал. Эдь Пазось алкукскасе Духось, Конадонть корты Христос. Теде мейле кемезевтядо Сонензэ, чарькодътядо, Кие ды Мезе Сон минек туртов.

Омбоцесь: Библиясь невти Эйсэнзэ Личностекс. Весе Библияванть юты истямо мель: „Пазось вечки“, „Пазось корты“, „Пазось теи“. Весемесь, мезенть сюлматано ломаненть марто, сюлматано Пазонтень. Ломанесь – ансяк эриця, кона мари, арси, бажи. Модалангсо ломаненть онкстатано рунгонь марямосо. Кодамо, марят, ловажавтомо-вертеме эриця? Содатано, эсенек рунгтне аволь вечнойть. Куломсто рунгось каднови оймевтемекс, сырги лия кива. Содатано ды ялатеке стака тенек ёвтамс теде.

Покшто покш улель се витъкстамось, меревлиндеряй: личностесь а онкстави рунгсо-верьсэ. Пазонтень арась рунгозо, ялатеке сон Личность. Сон мари, арси, вечки, талны минек кисэ, эри сеть мелявкстнэсэ, конатне вастневить эрямосонок.

Колмоцесь: Библиясь кемевти: Пазось аволь ансяк Дух ды Ломань, Сон Святой ды Праведной Эриця. Бытия Книгастонтень саезь Витъкстамонь Книгантень видьс Пазось лемди эсь прянзо Святой Инешкекс. Сон истя

пек святой – пежетьс совазенть эйс кедензэяк а токадъсы, истямо святой – ве варштавкс а каи грехс совавтозь эрямонтъ лангс.

Неевлинекак весе видечинзэ, кода паркстомоль народтнэнь ды башка эрва ломанентъ эрямо! Содав-линекак, кодамо сэрей чопода латко ашти Пазонтъ ваньксчинзэ ды пежетьс ваязь ломанентъ ютксо! Святой Писаниясонть Сонзэ лемдизь валдокс, кона ве чополксккак а соды, Сон вейкине Ине Эриця, конань лангсо арась сулей панксккак.

Ды таго кемевтема простой ломанентень. Миненек, кинь ильветькстнэ ды лавшочись эрва косот, стака неемс Сонзэ святой ойментъ. Миненек эряви примамс те святойчинть, бути бажатано Библиянтъ чарькодеме ды саеме эйстэнзэ лезэ.

Отъмась, кона яви ломанентъ ды Пазонтъ, невтеви весе Святой Писаниясонть. Сон невтезь скиниянтъ ды храмонтъ Святоекс ды Святойнень Святоекс явома-сонть. Невтеви максозь жертванть вельде, конань арсить путомонзо, бути пежетьс совазесь арси Пазонтъ ваксс молеме. Те невтеви сеньсэ: эрявить башка священникть, конат улевельть Пазонтъ ды ломантнень ютксо вастневемстэ. Левит книгасонтъ те кемекстави аваньксчиде законтнэсэ. Тень минь несынек Израилентъ ды Палестинанть ютксо явомастонть.

Святой Писаниясонть кортави: Азорксчизэ ашти Сонзэ Святойчидентъ. Пазонтъ святойчинзэ ды ломанень аволь святойчинть ютксо истямо домка латко, кодамо вастат Пазонтъ ды грехс совазенть ютксо. Библиясь тонавты эйсэнек: Менель Тетянтъ эйстэ минек явимизь закононь колсематне. Явимизь истя кежевстэ – натой Сонзэ чачось кекшезь минек эйстэ, ды Сон а мари эйсэнек, зярдо Тензэ пшкалетяно.

Пазось пек ванькс, штобу мельде-валдо ваномс кежень лангс. Сон пек святой, штобу совамс грехс. Ломантнес кежень совамодо икеле Пазось ды ломанесь вастневсть-кортасть вейкест-вейкест марто. Ней вастовомат арасть, ломанесь кортни Пазонтъ марто Иисус Христосонь вельде. Ансяк Иисус Христос лезды Пазонтъ марто вастовомо.

Грехс совазь ломанентень эстензэ уцякась а вад-рялгавтови. Ёмаволь сон, бути Пазось а кучовлизе тензэ милостень максомо Эсь цёранзо ды кона а таргаволь ёмамонь латконтъ трокс сэдъ.

Ансяк Пазонтъ Святойчистэ нетяно Христосонь куломанзо. Сонзэ Святойчись вешсь кежень пандома пежетентъ кисэ, Сонзэ вечкемась онкстасть Иисус Христоснэнь чумочи ды теньсэ идизе ломанентъ. Пазось, конанень минь сюконякшнотано, видечинь Пазось, святой Пазось, ванькс ойме Пазось кучизе тенек Эсензэ Вейкине цёранзо ды истя вастовсь ломанентъ марто. Ды бути а явтано мель Сонзэ лесксэнтъ лангс, а карматано Сонзэ законтнэнь топавтнеме, сестэ Тензэ а мезть пшкалемс лескс мельга.

Нилецесь: Пазось – те ВЕЧКЕМА. Ломантне, кить а ловныть Библиянтъ, а чарькодъсызь Пазонтъ лия бажамонзояк.

Минсь аздатано, мезе ёвтамс „вечкема“ валсонть. Сонзэ пек сеетьстэ а истя лецтнить. „Вечкема“ валось невти оймеёжояк, виськсчамаяк; кортатано: „вечктяно оймсеме“, „вечктяно тантей прякат“, „вечксынек од автомобиленек эли стенань шпалертнэнь“. Натой малавикс ломантненьгак „вечксынек“. Лиясто те валонтъ ёртнетяно а мезть тейнемадо. Вана мекс а сода-сынек сень, мезде кортави Библиясонть: „Пазось те Вечкема.“

Илядо мелявто: бути мертядо „Пазось – те Вечкема“, весемесь карми ютамо валанясто, вейкеськак а ули чумондозь пежетензэ кисэ. Пазонь Святойчись веши грехенть кис наказамот, ансяк Пазось мусь пежетьсь совазтнень туртов идемань ки. Пазонтъ вечкемазо ветизе Иисус Христосонь крёстс чавомантень, конанть вельде ломаненть простизь ды ванськавтызь.

Кемеде Пазонь ине вечкемантень, сон ансяк Пазонь ды лиссь святойчистэнтъ. Кодат раужот авольть уле тынк пежетне, Пазось вечктядызь. Бути а Сонзэ вечкемась, киньгак авольть уле икелепелень эрямонтень кемеманзо. Ды ялатеке Пазось те Вечкема! Вечкемазо а ольця, свалшкань. „Пазось эсь вечкеманзо невти сеньсэ – Христос кулось минек кисэ, зярдо оштё ульнинек грехс совазекс“ (Римл. 5,8).

Вечкемадо Пазонь алтамотне ды простямотне истят нардевить – ломанесь теде а ёвтави вал вельдеяк. Океанонь шнамосояк а невтевить сеть мазычитне, зярс сынст а несуть эсь сельмтнесэ. Истя ашти тевесь Пазонь вечкеманть марто. Зярс сонзэ а марясынк весе ёжосонк – киненьгак Сонзэ чудань тевтне а ёвтневить.

Те аволь се, мезесь саеви превчисэ. Истямо покшонтъ, кодамо Пазонь Вечкемась, арсемасо а онкстасак. Тынк превтне а ёвтыть, мекс раужо скалось порни пиже тикше ды максы ашо ловсо, – тынь ялатеке симтядо сондензэ. Тынк превтне а кенерить перьканк молиця тевтнень мельга: зярдо модас ёрттадо видьмине, – тосто, вансак, кепетить тантей арбузт. Тынк превтненень а ёвтневи, мезе те электричествась, конась максы валдо, ансяк тынь содатадо: сон ули, ды ней, паряк, толонзо ало ловнотадо те книганть эйсэ.

Тыненк эряви примамс Пазонтъ ойме кемемасо, ознодо Сонзэ цёрантень, Иисус Христос Идицянк тур-

тов. Зярдэ лиси те, ёмить кавтолдоманк. Сестэ седейсэнк кевкстеманть туртов тарка а кадови: ули Паз эли арась – Сондензэ карматадо содамо.

Бути кияк пшкади тень, мекс мон кеман – Кикс ды Мезекс Пазось ашти мештьсэнь, монень сеске лецтяви седе ёвтнемась, кода вейке цёрабаесь нолтнесь коштонь гуй. Пувась виев варма, менельсэнтъ уйсть тусто пельть. „Гуесь“ кузь яла верев ды верев ды, окойники, овсе кекшсь пельтнень томбалев.

– Тон мезть теят? – кевкстизе цёрабаентъ ве ломанесь .

– Нолтнян коштонь гуйть, – мерсь тона.

– Вантая... Косто содат теде, эдь сонзэ эйсэ а неят.

– Арась, – корты цёрабаесь, – мон сонзэ а неян, мон марян те гуентъ эйсэ вана те пиксэнтъ вельде ды секс кемангак – сон тосо!

Ломань валтнэнь илядо лово Пазонь валокс. Нишкентъ вешнеде эсь прянк кисэ, ды сестэ кирвази седеенк, ды тынь покш кемема марто карматадо содамо: Паз ули.

НИЛЕЦЕ ГЛАВАСЬ

ПЕЖЕТЕСЬ

„Секскак весе сынъ совасть пежетъс ды кадовсть Пазонтъ чанстемензэ.“

Римл. 3,23

Бути Пазось видечинь ды вечкемань кандыця, сестэ мекс зняро кежтнеде ды майсематнеде? Косто сынъ саевсть? Мекс эстенек теинек зняро ветицят? Мекс сюконякшнотано войнань, жаднойчинь ды ансяк эстенек лезэнь кандыця алтартнень икеле? Мекс ломантне, конатнень Пазось нолдынзе эсензэ ёнов молицякс, ваясть истямо виськсчамас, – Пазонтень натой савсь кемекстамс кемень вешемат, ды сынъ кармавтозельть сынст топавтнеме? Мекс Пазонтень савсь кучомс идеменек Эсь Цёранзо? Мекс Пазсо нолдазтне истят кежевьт ды нулготьксэвьт?

Тень кемемга ды неемга, мекс вейке народось стякшны омбоцентъ лангс, семиятне калалить, мекс эрва газетась пештязь нарьгамодо, превтемечиде, кежень пандомкадо ды вейкевейкень а вечкемадо яволявтомкасо, тенек эряви велявтомс ушотксонтень. Миненек велявтома райсэ Адамонтень, Бытиянь Книгань васенце пельксэнтень.

Юткстонок кой-кить кортыть: мода лангс ломанень нолдамодо ёвтнемась – те ансяк ёвкс, эйкакшонь кевкстематнень каршо шождыне манчемс седе, мезесь

а толковави. Те а истя. Библиясь педе-пев ёвтни тенек, мезе лиссь икеле ды мекс се шкастонть саезь ломанесь апак лотксе мольсь эсь прянзо ваявтомантень.

Пазось теизе мода-масторонть мазыекс, педе-пев анококс, ды сонзэ кувалма минь тошналетяно, арсетяно неемензэ свал одокс.

Мазыйде мазый те мода лангонть Пазось максызе ломанентень. Адамгак педе-пев вадряль-мазыель, эдь Пазось мезеяк апак прядо-тее эзь нолдтне. Те ломаненть Пазось казизе сех покш сюпавчисэ – макссь эсь мелензэ коряс эрямо.

Васенце ломанесь пингензэ печтясь аволь пещерасо, сон кирьгапарень сезнезь эзь тандавтне идем зверть. Адам ульнесь превей ды шумбра ломанекс. Сон яксесь ды кортнил Пазонть марто. Сонензэ улемаль Пазонть кедь ало мода лангонь инязорокс.

Истямоль Адамонь эрямозо раень садсонть, зярдо сон васенце ломанель, конанень Пазось макснесь певтеме олячи. Сонзэ ульнесть праванзо примамс эли а примамс, топавтнемс Пазонть кармавтоманзо эли модемс сынст каршо, эсь пряньт теемс уцяскавкс эли, мекевланк, часиявтомокс. Эдь аволь ансяк олячинть кедькоморсо кирдемстэ эрямось вадрялгады, ламодо ашти сень эйстэяк, мезе тейтяно сонзэ марто.

Олячинть саемстэ ломаненть икелев стить кавто кить. Бути сон кочкасы ансяк вейкенть ды туи сонзэ ланга ськамонзо, сестэ ёмавтсы олячинть смустензэ. Истя тейсь Адамгак.

Минь содасынек сеть аватнень ды цёратнень, конат а манчекшныть, ансяк мезе берянесь – те лисни аволь зняро эсь мелест коряс, кода манчематнень туртов тувталонь арасьчинть кувалма. Содасынек сетненьгак, конат эсь пряст эйсэ шнакшныть мазычисэ, ды те се

шкастонть, зярдю перькаст эрямоськак истямо. Косто мерят – пежетьс а соватано, бути эйзэнзэ эзинек токшевеяк.

Пазось эзь путне истят пирявкст Адам икелев. Сон макснесь тензэ олячи кочксемс. Сень кувалма – вадрядю башка Пазось мезеяк эзь нолтне, Сон явокшнось Адамнень тарка ды шка служамс Тензэ апак манче.

Райсэ эрямсто Адамонь пежетензэ арасельть, честезэ апак пацькаль. Икелензэ тетькезель весе модась, ломань пингтне ваньксстэ ваньксэльть. Лиякс ёвтамс, сонензэ максозельть прават сёрмадомс эрямонь историянтень васенце главанть ды онкстамс-арсемс, кодамо кива сыргить ломань раськетне.

Пазось прыдынзе Эсь тевтнень. Сон панжсь мода лангонь сад, косо ломаненть ульнесь весемезэ. Сон казизе сонзэ превсэ ды оймесэ, макссь тензэ олячи арамс весень лангсо азорокс. Ды кода Менель Тетя, Пазось учось, кодамо кива сырги эйкакшозо.

Максозель прянь кирдемань шка! Те минутась истямоль, зярдю Адам эсь мелензэ коряс, кинькак ёндо апак кармавто, кочкаволь эстензэ виде эли, мекевланк, манчиця ки, эдь икелензэ китнеде ульнесть зярыя.

Сон кочкась ды невтсь ломантненень истямо пример, конань мельга сыргасть весе. „Те шкас вейкенть зыянов тевензэ весеменень чумонь кирдема...“ (Римл. 5,18).

Адам ульнесь васенцекс, кинь эйстэ ушодомаль ломанень раськетненень. Сонензэ, мода потсто чавиця лисьмапря ладсо, эстензэ кочкамаль, кува кандомс ванькс, валдо ведтнень – стадань ваноматаркатнень вакска эли валномс-човсемс эйсэст ущельянь кевть ды

кадовомс кельме оймекс, лиянень кенярксонь а кандыцякс.

Пазонть а мезекс мурнемс сень кисэ, мекс ломантнень истямо уцяскаст: чумочись Адамонь лангсо – те сонензэ максозель кочкамс виде ки, те сон кунсолынзе кельсэ лабордыцятнень манчемаст, аволь Пазонть мелензэ. Вана мекс течис ломантне майситель ильветьксэнзэ кисэ...

– Ды те а виде! – мертядо. – Мекс тенек майсема се пежетенть кисэ, конань светэнтень лангс нолдызе васенце ломанесь? Мекс раськетне те шкас эзь шумбралгадо?

Велявтано кельме, чопода леенть уцясканстэнь, конась чуди домка ущельянтень потмакса. Мекс те лесь а велявтсы чудеманзо паксятнень ёнов, косто ушодовсь? Мекс а кады чопода кинзэ ды а нолдасы цитниця чудеманзо, кодамокс чавозевсь моданть потсто?

Сонензэ те а тееви: арасть виензэ. Ёмасть сынень, икеленцетне. Бути уш весть велявтсть песоков берёктнестэ ущельянтень чоподантень, валдо масторонть пелев чудемазо одс а сыргавтови. Моцезэ улевель – а машты ков ветямс-путомс сонзэ.

Чудатне лиснить апак учне. Сеть чудатне, конатне ломань леенть мекев велявтовлизь мода лангонтень. Минсь а кемтяно эли кемеме теньс а бажатано. Мода лангонь эрийтнень ловомаст коряс, сынст туртов мезеяк а каднови, кода эскелямс Адамонь киванть семс, зярс эрямонь чудемаст а човоргады моря марто.

Леень уцяскась – те Адамонь пингестэнтень саезь ломанень эрямо, кона чистэ седеяк пры домка чоподас. Ды куш кепсетяно вайгельть ды вештяно лескс – яла теке, Адамонь ладсо, кочксетяно апаро кить. Майсемстэ минь пшкалетяно Пазонтень ды сёвнотано эйсэнзэ

лисезь кинть кисэ. А кемтяно Сонзэ превтнес ды виде-
чинтень. Сонзэ милостьсэяк мукшнотано ве кажот.

Стувтынек, Адам ульнесь мода лангонь эрийтнень
прятокс, президентэнь кондямошь. Минек Америкасо
мезе мери президентэсь, истя теи народоськак. Бути
президентэсь нолды кодамояк кармавтома, те
арсемась ловови народонь мелекс.

Адам – ломань раськенень прявт. Зярдо эцесь пе-
жетесь, сонзэ марто пежетиясть апак чачо поколени-
ятне, эдь Библиясь чарькодевиксстэ невти: Адамонь
грехензэ кармить пандомо сы шкань ломантне. Минь
пек парсте содасынек те Книгантъ сеть строканзо,
косо ёвтнезь трагедиядонть, кона путозь минек лангс
Адамонь чумонзо кисэ. „Тонь кисэ модась сюдозь,
покш мелявкс марто кармат прят андомо сонзэ эйстэ,
кеж ды майсемат сон касты потмозот, кармат ярснеме
пакся тикшеде. Ливезь потсо сэвсак кшинть, зярс а
велявтат се моданть лангс, косто саезят, эдь улов тон,
уловокс велявтаткак“ (Бытиясь. 3,17-19).

Еванень жо Пазось мерсь: „Ламолгавтозь ламолга-
втсынъ пешксесэ улемань майсемат, ормань кирдезь
кармат эйкакштнень чачтнеме, мирдететь бажамось-
как тееви эсеть, сонгак карми тонь лангсо азорокс“
(Библиясь. 3,16).

Лиякс ёвтамс, Адамонь пежетензэ кувалма модась,
кона икеле пек ламо раштниль, ней максни лавшо
урожайть. Ломанесь, кона оймсекшнесь садсонть ды
ве кедень кепедемасо сезниль ярсамкат, конанень
оршамкат-мезть эзь эрявкшно, ней чинек-венек ва-
жоди эсь прынзо ды семиянзо трымонтъ кисэ. Авась,
икелень мелявкстома эриесь, течи сэвезь эрямосо-тар-
демасо.

Пежетесь совась родс-канс Адамонь вельде, ды ней

ломань раськетне лезэвтеме снартнить олякстома сонзэ эйстэ. Библиясь тонавты: Пазось мерекшнесь Адамнень ков а эряви а эцекшнемс, бути сон варштасы грехень плодонть – кулы. Библиясь истя жо кемевти: Пазось мерекшнесь Адамнень ды Еванень родонь ламолгавтомадо. Ды куш эйдест Сонзэ ёнов молицяльть, Адам Ева марто макснесь тенст ансяк эсь чачост. Тень кисэ Каин ды Авель ульнесь уш ормалгавтозь куломасо, конань сынь саизь эсь тетяст-аваст пельде ды пачтизь сыця раськетнень туртов. Весе минь грехень кантницят, ды кода аволинек бажа, эсь пежеттенть а явовтано.

Ламо теинек Адамнень улезенть мекев велявтоманзо коряс. Тонавтнеманть, философиянь, религианть ды правительстванть вельде снартнинек ёртомскекшемс грехтнень. Тень коряс кой-кона ушоткстнэнь эряви шнамс, ялатеке оштё ламонтень эзинек пачкоде. Весе минек содамочитне, изобретениятне, эсь прянь вечкемань таштавкстнэ, конат кармасть молеме икелев, течис яла пек вишкат. Сестэ кадовкшны вейке кись – велявтомс эсь ушоткстнэс. Эдь весе нолтнетяно секеть ильветькстнэнь, конатнень теинзе Адам – арсетяно теевеме инязорокс эсенек вийтнесэ, Пазонтъ икеле апак суюконя.

Мекс моданть лангс чачсть зяро пежетнеде, апак арсе Пазонтъ илядо чумондо. Васня арсесынек-ванносынек, кода истя лиссь. Загодь ёвтатано: Нишкесь Эсь оймень певтеме лембензэ кучизе тенек стакачитнестэ Эсь Цёранть лисеманть кисэ. Сон кучизе эсь Цёранзо, штобу Се варштавлинзе сеть кажотнень-майсематнень, конатнень макснинзе Адамненьгак. Идемевсесь секенсьэ муцясь Иисус Христосоньгак. Сон макснесь Тензэ власть ды слава, бути сон яви

Пазонть эйстэ – кода Адамонь ды Евань – тонгизе грехс.

Ине авейкетьксчись сеньсэ: Иисус Христос эзь педя виськсчинь плодонтень!

Зярдэ идемевсесь невтинзе Тензэ мода лангонь весе инязорксчитнень ды алтынзе весе сынст славатнень, бути сон сырги аволь Пазонть мельга, тень коряс Идицянок мерсь: „Арак монь эйстэ ве ёнов, идемевсь, эдь сёрмадозь: „Эсь Менель Тетянтень суюконякшнок ды Сонензэ ськамонзо служак“ (Матф. 4,10). Сон грехс эзь вая ды теньсэ самай весе масторонь раськетненень невтизе пежетьс а совиця обуцяно.

Эсь лавшочисэнек минь – Адамонь алкуксонь эйкакшонзо ды прянь нолдазь мольтяно сонзэ мельга. Паряк, сюдотано Адамонь ды ялатеке тейтяно истя, кода тейсь сон.

Ве чияк эзь ютне, штобу а кирдевлинек сонзэ цидярдоматнень.

Вейкеяк чи арасель – а аштевлинек идемевсень алтнематнень ды Пазонь Валонть ютксо. Весемениень ули ки эскельдямс се мазыйде мазый раентень, косо эрясь Адам.

Бажатано сасамо се чинть, зярдэ акемемась, орматне ды куломась ёмить, ансяк те бажамось а топавтови, зярс кадовтано Адамонь а полавтовиця эйкакшокс. Миненек кодаяк ды явома эсь пежетнеде. Седе товолонь главатнесэ минсь несынек, мезе Пазось тейсь ломань раськенень ванськавтоманть коряс.

Ушоткссто саезь течис властенень пазтомо моле-мстэ, зярдэ весемесь путови ансяк эсь прянь идемга, ломанесь пачкодсь куломань латконтень чирес. Цивилизациянь сезнезь пелькстнэ сравтнезь весе моданть келес. Те оштё весть кемевти: ломанентень Пазтомо

мезеяк вечной а тееви. Од майсематне-горятне чачнить эрва чистэ, ды ялатеке ломанесь а лоткави эсь апаро кинзэ лангс.

Весеметь тень чевте ойме ды превей Инешке-пазось, нама, несъ ды учось, зярдо мода лангонь эриентень сыть валдо превть. Сон учи, штобу максомс модантень ды сенень, кие пшкади Тензэ лескс мельга, идема. Кавто китне, конатнень Сон панжожкшнынзе Адамнень, течис яла аштить минек икеле. Минь эря-тано милостень пингестэнтъ, сонзэ шкасто Пазось а нолтни сеть чумондоматнень, конатнень умок тенек педявтомальть.

Грехесь а канды ломанентень часия, сонзэ кант-немстэ ломанесь а пачкоди эсь бажамотнес. Эрва валдо уцяскась, конань арси тееме-путомо, меельцьпелев калады-стувтови секень кисэ: сон ушодозь виде-чивтеме. Калаткстнэ, конат пирить эйсэнек, кортыть весе моданть грехтензэ.

Ломанесь ёмавтызе а полавтневиця тувталонь ды следствиянь законотъ. Мезе лиссь тень эйстэ – сод-тано, ансяк тувталтнэ а чарькодевикст. Паряк, неень философиянь „касомась“ сокоргавты ломанентъ? Паряк, ломанесь истя вечксы эсь теевть теориянтъ – кедьстэ апак нолда кирди эйсэнзэ, ды тень вельде мода лангонь эрийтне апак пупорькшне эскелить эсь касомантень?

Философтнень ютксто кой-кить мерить: мода лангонь неень каладомась – те ансяк покшонтень моле-мань кинть лангсо теваразень тев. Ды невтить ломань уцяскань тамашат, зярдо сыця шкась неяви чоподадо чоподакс. Лисни, эйстэнзэ лисемась а топавтовикс. Философтне мерить: майсематнень пингстэ, конатнесэ эрятано ней, те а лия мезеяк, кода вандынъ валдо чинь

чачома! Ёвтыть: ломантне – эйдть, сынъ пупорькшнить эйкакшонъ садонъ эрямодонтъ ды яла васолот сень эйстэ, кодамокс кармить улема пингень ютазь.

Ансяк Библиясь видестэ кемевти: естественной наукатне а мельсэ сайтъ мельс сень – природась сонсь кемевти кода Теицянтъ, истя жо грехс совицянтъ улемадост. Ломанесь стувтни: минек эрямось а истямо, кодамокс тенек панжизе Теицясь, сон колазь. Пазось теизе модантъ пек мазыекс, грехесь колызе сонзэ. Пазось теизе эриентъ грехтемекс, зярдэ сонзэ эйс совась пежетесь – ломанесь полавтовсь. Жежень невтемась – те сех покш грехентъ теевксэзэ, сон эри ломанень родсо чистэ. Сон неяви эрва косто ды жертванъ вешнемстэ натой кармавты африканъ идем эриентъ ютнемс джунглянь пачк налчирьке марто. Парсте тонавтозь пилотонтъкак ливтневти секеть джунглятнень велькска ракетанъ самолётсо, штобу мездеяк а арсиця велинентъ лангс ёртомс бомба.

Нетъ кавто ломантне явовать вейкест-вейкест эйстэ ламо сядо пингень культурасо. Омбоцедентъ мерят: сон „кассъ“ лиянтъ коряс, сонзэ кедьсэ ломанень теевть цивилизация, васенцесь – течис первобытной строень эрямосо. Ды ялатеке сынъ пек вейкетъ! Арази пелемасо ды акемемасо а эрить? Арази, мезе тенст те илязо стя, эсь прянь вечкезь аволь кавонест капшить эсь бажамотнес, а ютнить эсь раськень братнэнь ланга? Арази бомбась налчирькедентъ чевте ды седе а кежев? Арази мертяно: кавонест снартнить малавиксэст вечкеме, аволь чавномо?

Весе тарькстнэ-нарьгамотне, сэретькстнэ ды виськсэнь а содамось келькствявить „грех“ валонтень. Те аволь паро вал, ды уш, нама, а неень – ялатеке смустезэ пек чарькодевикс!

Ломантне а вечкить, зярдо лемдясыть пежетевекс, куш тетяст-авасткак, покштят-сыривасткак истя-тольть. Библиясь корты: „Эдь арась авейкетьксчи, сынъ весе совась грехс ды ёмавтызь Пазонь славанть“ (Римл. 3,22-23). Библиясь яволявты: мода лангонь эрва эриесь Пазонть икеле совась пежетьс, ды бути ёвтан кидеяк, конась мери, мон а чуман, – тень лец-тяви вейке озныця марто лисезь тамашась. Совась сон пасторонтень грехте кевкстема марто ды ушодсь:

– Вечкевикс пастор, эсенек приходсо минь сынек истямо мельс: тынь ламо илядо корта пежетте. Тенек маряви, зярдо од ломаненек ламо марить сондензэ, седеяк шождасто совить виськстэмечис. Мекс а ёвт-нетядо „ильветькстнэде“ эли а мертядо: минек од цёратне ды тейтертне сеетьстэ чумот сень кисэ, мекс вайсить „а виде кортамос“? Илядо ёвтне истя наяв пежеттенть, инескеть.

Пасторось стясь, лався лангсто сайсь яд марто сулика ды невтизе озныцянть. Этикеткасонть покш буквасо сёрмадозель: „Яд! Илинк токше!“

– Мезе пельдем вештядо? – кевкстсь пасторось. – Арази превейстэ теевлинъ – те сёрмадовксонть лутав-лия ды тарказонзо педявтовлинъ лията, мерьсынек, истямо вал марто: „Мятань настойка“? Мезе, теде мейле суликастонть ядось ёмаволь?

Пежетенть, умодо умонь пежетенть, конась совав-тызе Адамонь виськсчамас ды конадонть ней май-сетяно седеяк пек, арази карматано мазылгавтнеме тердиця валтнэсэ? Од валтнэ тенек а лездыть. Сень, мезесь тенек эряви – эряви вешнемс эстенек. Вана мезе те муезь валось! Неень моданть лангсо грехтнеде пек ламо, сатыть ломантнедеяк, конат тунь а содасызь

валонть алкуксонь смустензэ. Самай те мелень а яво-
мась стяськак сэрей пирявксокс виде ки лангс чалгам-
сто, христиантнэнь эйсэ а нолды Христосонь кондямо
эрямос.

Умонь духовной моросонть морави: „Аволь эрь-
вась, кие корты менельденть, моли Сонензэ“. Текесь
явовты грехенть мелензэяк. А эрьвась, кие кортни
пежетте, парсте чарькоди сонзэ смустьс, секс сондензэ
эряви содамс Библиянтъ коряс.

Лиясто минь мельде-валдо вантано пежетенть
лангс, ловтано эйсэнзэ „ломанень лавшочикс“. Лиясто
ютнетяно ваксканзо теке стяконь тев малава. Пазось
ансяк съкамонзо лови пежетенть нулготьксэв зыя-
нокс. Ломанесь орголи грехтенть, Нишкесь толкови
сондензэ ды иди эйсэнзэ. Пежетесь – аволь налкшкенъ
кондямо – те тандавкс, конадонтъ эрявименькшнемс!
Содадо седе, мезе те грехесь Пазонь сельмсэ!

Ричард Биль докторось максы тенек пежетень вете
онкст:

– Васенцесь: Грехесь – те закононь арасьчи, кона
колси Инепазонтъ закононзо (1 Иоан. 3,4). Пазось
аравтсь пирявкс паронтъ ды кеженть юткс, ды зярдо
минь апак вано ютнетяно те пирявксонть вакска, эсе-
нек лангс сайнетяно кежень кирдемань чумот, колсе-
тяно закононтъ. Зярдо а эрятано кемень заповедтнень
коряс, зярдо мольтяно нагорной проповедтнень кар-
шо – колсетяно Пазонь закононтъ ды совсетяно пе-
жетьс.

Весе минь чумотано, мерсь Иаков Апостолось, зяр-
до невти сень лангс: „Эрьвась маньякшны, зярдо шны
прязно виськсэс ваямосо, виськсчис совамось кан-
тни пежетть, нолдазь пежетесь канды кулома“ (Иак.
1,14-15). Самай теньсэ минь коласынек Пазонь закон-

тнэнь, ютатано Сонзэ заповедтнень трокс ды теевтяно грехс совазекс.

Омбоцесь: Библиясь лови грехенть авидечикс. Манчемась – те се, зярдо ломань сельме икельде а нетяно Пазонь вановтонть. Те истят ильветькст, конатнень тейнетяно апаро обуцянок вельде, эли сонсь эрямость истя кармавты.

Иисус Христос теде ёвтась истя: „Эдь потмо ёжосто, ломанень седейстэ, лисить кежев мельть, лия авань вечкемат, ломань чавномат, саламкат, сельмень сиядомат, пазонь сялдомат, превтемечи . Весе те кежесь лиси потмо ёжосто ды пацьки ломаненть“ (Марк. 7,21-23).

Колмоцесь: Библиясь лови грехенть эйсэ бажамотнень ланга маниця ютамокс, эрявикс бажамос а понгомакс. Пазонь бажамось – Христос. Эрямонь тёкшос куземстэ шнави тонатась, кона снартни улеме Сонзэ кондямокс. Сон сась тенек невтеме, мезес ломанесь пачкоди, ды зярдо а мольтяно Сонзэ мельга – эрявикс бажамос а пачкодтяно, пазонь кондямокс а ультяно.

Нилецесь: Грехесь – те кажос ваямо. Те эсь мелень коряс Пазонь властьс совамо. Грехесь – те аволь ансяк нулготькс тев, аволь ансяк Пазонь авечкема. Грехесь – те арсема, зярдо эсь прят эйсэ путат Пазонтть таркас, „монсь“ валонтть тонгат сех икелев. Эсь прянь вечкемась истямо жо пежеть, кода саламось ды ломань чавомась. Арсян, те сехте кекшезь грех, конань пингстэ а варштаткак яд марто суликанть лангс. Сетне, кить сорнозь мелявтыть эсест кисэ ды идить ансяк эсь праваст, – сынть истят жо грехс совазь ломанть, кода пиянициятне ды лиянь ава мельга пансицятне.

Иисус Христос мерсь: „Эдь кодамо лезэсь ломанен-

тень, бути сайсы весе мода лангонть ды тень пингстэ эсензэ ойментень паро а канды?“ (Марк. 8,36). Зярдоте ёвтамонтъ ютавтомс неень кельс, арази а меревлиде: „Кодамо лезэсь се ломанентень, кона тееви промышленностень королекс, эсензэ сэви рак-орма ды мезеяк тензэ а понги? Кодамо лезэсь диктаторонтень, зярдот сайсы пель мирэнтъ, сонсь сорнозь сорны кежень пандомадо эли ятонь мельде? Кодамо лезэсь тетянтень, кона тонавты эйкакшонзо тандавтнезь, ды конат мейле явить эйстэнзэ ды кадсызь сонзэ?“

Эсь прянь вечкемань пежетесь алкуксккак куломань грех.

Ветецесь: пежетесь – те акемема. Акемемась – те грех, Пазонь видечинь покордамо. „Пазонь цёрантень кемицясь кемеманть кирди эсь потсонзо, Пазнэнь акемицясь лови Эйсэнзэ манчицякс, секс а кеми эсь ойме вийтнес, конатнень Пазось ёвтынзе Эсь Цёрадонзо“ (Иоан. 5,10).

Самай те акемемась пексты менелень кенкштнень ды панжтни адонь ортатнень, самай те акемемась сёпи Пазонь Валонтъ ды а прими Христосонь Идицякс. Самай те акемемась кармавты ломантнень улемс ама-рицякс Евангелиянтень ды сёпи Христосонь чудань тевензэ.

Пежетесь терди эсь мельганзо куломанть, вейкеяк ломанентъ арасть виензэ менемс сонзэ эйстэ эли ванськавтомс эсь седеентъ виськсэс ваямодонтъ. Ангелтнэяк, ломантнеяк а меневить грехтентъ. Ансяк Христос идесы пежетъсь совазентъ се уцяскадонтъ, конась учи эйсэнзэ. „Эдь грехентъ кис пандомасть – кулома“ (Римл. 6,23). „Грехс совась оймесь, се кулы“ (Иезек. 18,4). „Ломанесь кодаяк а идесы эсь братонтъ ды а максы Пазонтень кисэнзэ рамамот“ (Псал. 48,8).

„Сиясткак, сырнесткак а идесызь Пазонь кежтнень само чистэнтъ“ (Софон. 1,18).

Ломаненть вейкине идемазо ашти Голгофасо, мезесь – „Лобной тарка“. Кавто ёнга крёстс чавозь злодейтне, сынст ютксо терновникень венецьсэ Ломанесь. Сонзэ кедтнестэ ды пильгтнестэ чуди верь, вересь чуди лазозь бокастонзо, польдерди Сонзэ сельмтнес, – сетне жо, кить аштить Икелензэ, пейдить-раксить Сонзэ лангсо.

Кие те Ломанесь, Кона кирди истят майсемат, Кие те Ломанесь, Конань снартнить чавомо? Те Пазонтъ Цёразо, мода лангонь Князесь, менеленть кучозь ломанезэ, кона валгсь пежетьс пезназь моданть лангс. Те Се, Конань икеле ангелтнэ чачонь вельтязь пульзьявсть. Ды ялатеке Сон крёстс чавозь, прясто пильгс верь потсо, перьканзо пурнавозтнень эйстэ явозь.

Мезесь тей Сонзэ ветизе? Кие муци Ломаненть лангсо, кона сась вечкеме тонавтомо? Тень теинек тынь ды мон, эдь тынк ды монь грехтнень кисэ Иисус Христосонь чавизь крёст лангс. Те а стувтовикс шкастонть весе ломань родось ваякшнось сехте покш грехень отьмас, пачколесь сонзэ пентень. Мень дивсемат, зярдо чиськак эзь цидярдо ды вельтизе чачонзо!

Варштадо: Идицям верь потсо,

Куломасо оймезэ чавсь.

Те Се, Конась алгызе прянзо

Ды Кие монь кисэ мелявтсь.

Пежетесь сасызе эсь прянзо те крёстонть лангсо. Христосонь чавица вачкотьксэсь теевсь истямо вачкодемакс, кона панжинзе ломанентень олячинь ортатнень. Виськчинь ды певтеме авечкемань покшолмась

велявтьс Пазонь милостень ды простямонь покшчикс. Христос сонсь кепединзе эсь Рунгсонть минек грехтнень чувто лангс. Сон кулось минек кисэ ды мекев вельмесь. Сон невтинзе Пазонь эрямо таркатнень, конатне максозь ломанентень, ды бути тынь течи карматадо кемеме Христоснэнь, тыньгак менстясынк пежетнень ды теевтядо оля ды сеньс кемиця ломанекс: Иисус Христосонь вечкеманзо вельде ойменк ванськадыть ды улить идезь куломадонть.

ВЕТЕЦЕ ГЛАВАСЬ

ИДЕМЕВСЕСЬ

„Секскак сёвноманок аволь веренть ды рунго бажамотнень, но прявтнэнь каршо, властнень, те пингень чоподанть ветицянзо каршо, менель кежень духтнень каршо...“

Ефес. 6,12

Весеметь марто, мезесь лисни течи, човорязь идемевсенть весе ушотксонзо. Умодо умонь яттонтъ ёвтнемстэ Библиясь яволявты: „Ине драконось, кезэренъ гуесь, кона лемдязь идемевсекс, весе мода-маторонтъ эйсэ грехс ваявты“ (Витькс. 12,9). Минськак содатано, сон визделгавтни весе народтнэнь, аванькс тевензэ неявить эрва косо.

Ансяк кемезеват – минек шкантень эскели мирэсь-модась, кода сеске кепедевить апаро арсемат ды акемема. Теде мейле весе куватень тевесь туи тюшумбар. Эдь идемевсесь капши эсь акирдевикс бажамотнесэ вейкес: кадык чопода, кеняркстомо ломанень леесь вети эсь муциця кинзэ апак лотксе. Сон изнизе Адамонь Эдемсэ, сон кеми, Адамонь раськетнень оймезэсткак эци.

Мода лангсо арась вейкеяк превей ломань, кона а арсевель идемевстенть. Седе – сон ули – а мезть кавтолдомс. Минь эрва косо вастневтяно сонзэ марто,

нетяно азорксчинзэ. Тевесь аволь сеньсэ – ули-арась идемевсесь, тевесь лиясо: мекс ды кода сон чачсь.

Адамонь ды Евань уцяскаст тонавтнемстэ минь нетяно: идемевсесь эрясь оштё Пазонь теевть ломандень икеле. Кежгак ульнесь, истяк Нишкесь а кастоволь чувто, конань умарензэ макснесть паронь ды жежень содамочить. Лиякс, мезекс те чувтось, зярдодемс а кинь?

Тесэ минь аштетяно а панжовиця тайна икеле. Кода Инепазонтъ – Менель Азоронтъ ды Сехте Святоентъ – сатотсть виензэ нолдамс светлангс идемевсенть? Мекс Адамнень савсь совамс пежетьсь? Мекс идемевсенть Вере Пазось эзизе куловто, зярдотонась совсесь гуенть потс Евань виськстэмечис ваявтомо?

Тень коряс Библиясь максы тенек кой-кодат чарькодедат. Сон истя жо пек видестэ кемевти: ломанесь теде а карми содамо семс, зярс Нишкесь нолды идемевсенть Эсензэ бажамотнень топавтомо.

Виськстэмечис Адамонь ваямонь ды натой чачо-манзо самс Пазонь теевть модась, нать, явшезель пельксэнь пелькс, ды эрванть лангсо прявтокс ульнестъ ангелтэли архангелт, ды ветясь сынстэйсэ Сонсь Нишкесь. Павел Апостолось корты тенек: „Кода модалангсо, истя жо менельсэнтъ эрва мездентъ а онкставишка; престолтнэде, инязорксчидентъ, прявтнэде-начальниктнеде, властнеде – весе Сонензэ алтазельть, весень Сонтеинзе“ (Кол. 1,16). Ангелтнэде ды архангелтнэде лецтнемстэ Библиясь кемевти: сынстютксо ульнесь ояксчи, кушютксо кой-конатне седе покшольть. Идемевсесь, бульчом, истямо менель прявтоль, конань мелензэ топавтсть ламот. Содавикс кода Люцифер, „светоносецэнтъ“, сон аштеть тунь Пазонтъ вакссо – истя малацек, натой седеезэнзэ

совась певтеме каштанчи. Мелезэ, натъ, мольсь улемс
Инязорксчинь урекс ды сась тензэ бажамо теевемс
Эсензэ Нишкенть кондямокс!

Те шкастонть Пазонь кедьсэ панжозь мазый модась
каладсь-сезневсь, ды кой-кона пельксэнзэ стясть Па-
зонть каршо. Те истя идемевсесь терявтнесь кемекс-
тамо эстензэ од инязорксчи. Сон валгсь менелень алце
пельтнень лангс ды яволявтсь: сон ней Нишкенть
кондямо. Зярд-бути Менель Тетясь сонзэ кемекс-
такшнызе те мирэнтъ князекс, Пазось эзизе пане те
таркастонть, куш Христосонь куломанзо марто мере-
зель панемс сонзэ. Явома шкасто саезь идемевсесь яла
моли Пазонть каршо. Кода виев инязор, эсь тѣжа
ангелтнэнь марто, конат кедьалонзо, сон кемексты
моданть лангсо эсензэ властентъ.

Иисус Христос Эсь тонавтницянзо марто содасть
идемевсентъ улемадо. Матфеень Евангелиясонтъ мак-
сови Иисус Христосонь ды идемевсь ютксо весе корта-
мось (Матф. 4,1-10). Содасть идемевстентъ фарисей-
тнеяк. Содасть истя парсте, натой чумондызь Иисус
Христосонь сеньсэ, мекс Сон Сонсь идемевсень вийсэ
лепшти! (Матф. 12,4). Иисус Христос эзь кавтолдо –
ули идемевсь, ды сонзэ апаро тевтне эрить минек мода
лангсо.

Идемевсень виесь вадрясто невтеви Иуда Апо-
столонть кучомасонзо: „Михаил Архангелэсь, зярд
пелькстась идемевсентъ марто Моисеень рунгодонзо,
эзь смея ёвтамс покордыця судямот, ялатеке мерсь:
„Кадык Инепазось кардатанзат“ (Иудань куч. 1,9).

Идемевсь ликентъ неень а чарькодемась лиссь вана
мейстэ: икеле, сехте пек Средневековьясто, сонзэ ланг-
со свал раксестъ-згилясть. Идемевсентъ икеле сор-
номаст лоткавтомга ломантне эсь карикатуратнесэ

невтсть сонзэ суро ды кувака пуло марто тандавтниця бесэкс. Рисовакшность эйсэнзэ тандавксокс: кедьсэн-зэ кирдсь сяngo, чамасонзо налксьеь чавола мизолкс. Сонзэ лангс ваномсто ломантне пеетькшность: „Эрь, кие пели истямодонтъ?“

Алкукс жо идемевсьеь – превей, покш талант марто существа. Лиясто минь стувтнетяно седе: идемевсьеь весе ангелтнэнь ютксто, паряк, сехте ёжовось. Сон истямо дух, кона снартни саеме эсь кедь алов Пазонь теевть весе улезенть. Саемань-каподеммань мелензэ а онкставикст, педицят, превензэ пштить. Пазонь виев, суро ды пуло марто ят, сонензэ весемесь саеви, сон живстэ-парсте лисеви эрьва кодамо зыянсто.

Идемевсьеь, конадонтъ ёвтни Библиясь, лиясто натой пророк. Неень акемемань шкатнестэ сон то инязор, то антихрист. Вана мекс религиятнень тейни Менель Тетявтомонтъ. Церьковатнень стявтни Христостомо, служамо терди Пазонь Валтомо.

Павел Апостолось тень сеске неизе ды мерсь: „Пелян, кода гуесь ёжовчисэ манизе Евань, истя тынк превтнеяк иляст колаво, зярдю явтадо Христосонь простойчидентъ. Эдь кие сы юткозонк ды ушоды тонавтомо лия Иисусто, конадю минь эзинек ёвтне, эли тыненк саволь лия Дух, конань эзинк получа, эли паро кулясь, конань эзинк сае, сестэ тынь сондензэ аволиде яво... Эдь истят манчиця апостолтнэ теить прят Христосонь Апостолокс“ (2 Кор. 11,3-4.13).

Содатано, Антихристэсь сы ды карми эстензэ таргамо ломань седейтнень. Шкась, секень вант, маласо, сценась анок: пелемат-сорномат, кавтолдомат яксить моданть ланга. Манчигай пророктонтъ яволявкстнэ марсевить эрьва косо, ды ломантне эсест сельмсэ несызь се апаронтъ, зярдю эрямонтень сы пе. Те лиси

минек ютксожак, эдь частнэ панить шканть эйсэ апак кирде, ды эрва косто минь нетяно ават ды цѣрат, конат аштить Пазонть ды идемевсенть кисэ.

Те вети куломанть самс покш тюремас. Бороцямсто кармить улеме простнемат ды лескст. Каршо моле-мась ушодовсь раень садсо, зярдэ идемевсесь манизе ломанень Пазонть эйтэ, кармавтызе молеме эсь кичкере киванть. „Весе минь реве ладсо манявинек, эрвась чалгась эсь кинзэ лангс, ды Инепазось пугынзе Сонзэ лангс весе минек грехтнень“ (Исаия. 53,6). Истя карми улеме эрямонть прядовомас, зярс Пазонть виезэ а изни ды а кемекстасы престолонть лангс Алкуксонь Инязорксчинть.

Течи сельмеде сельмс аштить колмо триединстват: Пресвятой Троицась (Тетясь, Цѣрась ды Святой Духось) ды сатанань стяконь триединстватне, конатненень сон снартни сюконякшновтомс весе ломантнень. Идемевсень триединствась (сонсь идемевсесь, антихристэсь ды лжепророкось) невтезь Иоанн святоенть Витькстамосонзо: „Ды неинь мон дракононь ды зверень кургсто ды лжепророконть кургсто аванькс, ватракш ёнов молиця колмо духт“ (Витькст. 16,13).

Неть карадо-каршонь вийтне ононь неемстэжак а каднотадызь... Тынь эрва минутасто арсетядо, конань мельга сыргамс тенк. Идемевсесь свал ашти тынк вакссо, манчезь-сюконязь терди тынк эйсэ. Ды тень пингстэ вакстонк а тукшны вечкиця Инепазоськак. Сон учи, пшкадтядо Тензэ, ды кеженть каршо стямсто максы тенк лескс.

Зярдэ прянк марясынк лавшокс апаратнень самсто, конатне тенк а изнявить, зярдэ ойме рискстнэ потязь потить, – самай сестэ идемевсесь снартни тулкадемс тынк се кинтень, конань лангс чалгакшнось Адам.

Куломань те минутастонтъ лецтядо: Иисус Христос эзидизь кадо лескстэме. Истя, кода Сон идемевсентъ апаро тевензэ топавтомсто изнясь, тыньгак изнядо. „Секень кисэ саськак Пазонтъ Цёразо, штобу калавтомс идемевсентъ ушотксонзо“ (Иоан. 3,8).

Библиясь одс ды одс тенк корты Инешкентъ вечкемадонзо ды идемевстентъ, кона учи шка, зярдо кершамс сетьсэ ломань ойментъ. „Илядо талакале-пота, эдь каршонк молиця идемевсесь яки-паки теке урныця лев, бажи нилеменк“ (1 Петр. 5,8). Библиясь невти идемевсентъ истямокс, конань кедь ало демононь пельть, сынъ снартнить таргамс эсест ёнов ломанентъ весе тевензэ.

„Вийтне коштсо прывтонть-князентъ ды каршо молиця цёратнень духсо“ (Ефес. 2,2).

Идемевсь ули, тень коряс а мезть кавтолдомс! Те личностесь алкуксонь! Сон пек превей ды ёжов! Бути а кемтядо – варштадо кедьс саезь газетань васенце страницантень. Нолдынк радионтъ эли кунсолынк телевидениянь кулятнень ды чарькодтядо.

Арази превей цёратне ды аватне ветявольть пряст истя, авольть понгояк кеж алов? Арази истятнэ Пазонь вечкицят, зярдо нолтнить нарьгамот эрва чистэ? Арази тонавтозь ломантне озавольть конференциянь столь экшс, ды невтевельть лия ломантнень мелявксост тунь ачарькодема, бути авольть уле кола-чополгавто сынсест мелест-арсемаст?

Зярдо марясынъ неень „ученой“ ломанентъ раксеманзо идемевсентъ лангсо, монень свал лецтявить Альфред Гугонь стихензэ:

Аволь тетякс, а кемтяно ней „кежнень“,
Сынст пансезь, яла пекстнетяно кенкшть.
Сынъ, келя, умок эрить тона светсэнтъ

Ды мельспаросо ней а порить кенжть.
 Сестэ кие тандавтни, тень ёвтадо?
 Кие сельгевкст ёртни видезь паксяс?
 Кинь апаратне келей леекс чадыть?
 Кие шны прянзо – сон, келя, „Од Паз“?
 Мерсть тенек истя: идемевсесь ёмась,
 Но кинь вайгелесь маласо тыжны?
 Кинь пурдазь чачось, теке кежев ломань,
 Весень сельме икеле свал ашти?
 Ды кие ёвты тенек, мекс те светсэнтъ
 Зяро кежтнеде – покшт сынъ ды вишкат.
 Ды яла латкт чувнокшныть лиянь кедьсэ,
 Ков, секень учок, апак фатя прат?

Кие, алкукскак, ответи нулготькс тевтнень кисэ, конатнень нетяно эсенек перька? Кие чумось, бути аволь апаро виесь, сеть майсематнень кисэ, конатне пракшныть минек лангс эрва чистэ? Мезть кортамс, неень содамочитне човоргавтызь превенек, эдь, келя, наукантъ вельде минь ёмавтынек идемевсень виентень кемеманок.

Джордж Гелловэй, неень воспитаниянтень апак кеме, мерсь: „Теориясь седе – неень мастор лангсо улить вийть ды истят юрт, эсенек ды лиятнень, конат свал молитъ Пазонтъ каршо – нинь содамочитнесэ нардави“.

Ине проповедникесь Кловис Чеппель докторось эсь „Валвелявкстнэде Проповедтнесэ“ сёрмады истя: „Улема, Иисус Христос Од Заветэнь святойтнень марто вейсэ кемсь апаро личностень улемантень, конанень мерить идемевсь. Ней те тонавтомась стувтозь“. Ды полады: „Бути а ловтано уликсэкс идемевсень кежентъ, те зыянось тенек а истожави. Грехесь жо – чопода тарка, кода сонзэ иля толкова“.

Пежетесь алкуксккак чоподань торта! Сон кепсеви апак учо, тапи-яжи весе паронть, конаньс бажить ломантне. Сон, раужо сулей ладсо, свал анок пекстамс верде валгиця валдонть. Тень нетяно эсенек сельмт-несэ, марятано оймесэнек. Путт тензэ куш кодамо лем, ансяк эри сон эрва ломаньсэнтъ – тень эйстэ ковгак а кекшеват. „Секскак сёвноманок аволь верень ды рунго бажамотнень, но прявтнэнь каршо, властнень, те пингень чоподанть ветиянзо каршо, менель жежень духтнень каршо“ (Ефес. 6,12).

Кодат идемевсь арасьчинь толковицятнень мелест сень коряс, мекс кежесь истя бойкасто сови эрямос? Кода сынть толковасызь сеть каршо молемаатнень, конатне путневить праведниктнень икелев? Мейсэ кемевтьсамизь – каладомась а фатяткак кода кивчкади, теке шкастонть лезэнь кандыця тевенть ладямозо яла тарксеви?

Коштс ёртодо кенгелема, нолдадо покорямот – сеске пачкодить сех васоло таркатнес. Ёвтадо валт, улест куш ваньксстэ ванькст – а неявикс вийтне сеске сынст вельтасызь раужо сулейсэ.

Идемевсенть лемс проповедень ловномо эсь мельсэ кияк эзь стявтне а храмт, а кафедрат. Но валонзо кайсетить эрва косо, ды сеетьстэ весе топавтнить сонзэ мельтнень. Бути ломань оймень пацькиця ды паро мелень колсиця анеявикс вийть арасть, сестэ кода толковасынк ломанень анокчинть кунсолосо весе беряенть, ды теке шкастонть ваньксэнтень а бажатано капшамо?

Арази юткстонк куш вейкеськак прянзо велявто-влизе кенерезь плодонть эйстэ ды саевель сукссо сэвезь умарь? Минь яла нулгодтяно сень эйстэ, мезесь мазый ды вадря. Минь свал вешнетяно мезекскак а маштовицанть. Те идемевсень тев, ды сон эри эрва косо!

Сень, мезенть нетяно – виев бороцямонь пелькс. Сонсь бороцямось кеженть ды паронть ютксо. Ловтано, минек планетась – мода лангонь куншка, минь покш мель явтано эсенек перька чадыця иетненень. Эсь прянь невтеме вечкеманть пингстэ минь ладятано ансяк сень марто, мезесь кедь маласонок!

Кезэрень превей ломантне содасть теде, чарькодсть: аволь весемесь пачколи ломаненть пилес ды аволь весементь сон неи. Неень эрицясь кенярдовты эсь прянзо ансяк се арсемасонть: сон теизе радионть, телевидениянть, васов нолтни звукт ды невтни ломань чачот. Видечись жо сеньсэ: волнатне, конатнень икеле а содылинек, ульнесть свал. Стувтнетяно седеяк: модамасторонь васолкстнэсэ аволь аламо лия чудань тевть, конатнеде тунь а содатано. Седе – неть чудатне улить, содасть кезэрень пророктне, – ды натой сыньгак фатясть ансяк сынст ламочинтень.

Се питненть пельксэсь, конань Адам пандызе идемевсенть кортавтоманзо коряс, велявтсь духовной ёмавоксо. Эстензэяк, ломантнень туртовгак сон ёмавтынзе неемань, марямонь ды чарькодемась смустнень, ней сынь материальностень земевтеметь. Адам явовсь мода лангонь мазычитнеде, ёмавтызе неемань пштичинзэ, эзь карма ваномо икелев ды истямо ладсо беряньстэ топавты течинь тевтнень. Сон явовсь Пазонть эйтэ ды теевсь мирсэнтъ ятокс.

Зярдэ Адам теизе тень – велявтсь телевидениянь колазь аппаратонть кондямокс, кармасть примсеме ансяк вейке волнасо, невтемазояк пек сумбура!

Зярдэ телевизоронь экрансто нетяно чопода ликть, невтиця станциянть а чумондтано. Бути арась се передачась, конань бажинек ваномонзо, а мурнетяно телевидениянть туртов лампань теиця ученойтнень. Сода-

тано: ильветьксэсь – аппаратсонть. А кортатано: теле-видениясь – а маштовикс, эдь, паряк, антеннанть а истя аравтынек эли эрятано се таркасонть, косо волнатне а саевить.

Но бути кирдтяно уцяскань вачкотькст эли стака ормат, бути оймесэнек аштить эсенек пежетне, тень кисэ сеске чумондтано Пазонть! Телевизортнэнь ваномсто, бути сынъ а невтить тенек эрявиксэнтъ, сеске ушодтано Нишкентъ эйсэ сёвномо.

Мельспаросотано, зярдо содавикс ломаненек кепедьсызь роботасо ды, мекевланк, зярдо се, кинь ловтано эсь прядонок вишкакс ды кона кенери тееме эскелькст икелев, мейсэ минсь потазевинек, – сеске карматано пижнеме Пазонть авидечидензэ! Миненек эряви содамс, мекс Нишкесь нолтни истямонть! Минь тунь нолдынек сельменек икельде: Инепазось, телевидениянь станциянь главной инженерэнтъ ладсо, свал кучны тенек Эсь вечкемань ды видечинь образт. Лисни, берянь передачатнень невтемась эсенек эйсэ!

Кежесь ды ойме колавкстнэ мешить тенек неемс ды марямс Пазонь мирэнтъ. Грехенек чополгавты весе картинанть ды а нолды эйсэнек теевемс Пазонь ванькс ойме эйдекс. Павел Апостолось мерсь минек кисэ: „Паронть, конань бажан саемензэ, а теян, кеже-вентъ, конась а тукшны мелезэнь, теян“ (Римл. 7,19). Павел Апостолось неIZE тандавтниця ятонть, весе мода лангонь эрийтнень каршо молицянтъ, ды серьгедсь: „Мон урексчинь ломань! Кие идесамам куломань те рунгодонтъ? Пазонтень ёвтан чансть Иисус Христоссо, минек Нишкесэнтъ. Лиякс, мон секесь, превсэнъ служан Пазонь закононтень, аволь грехень закононтень“ (Римл. 7,24-25).

Павел Апостолось неинзе карадо-каршо молиця

вийтнень ды сень, кода ломанесь сезневи сынст ютксо.
Пазонть виезэ тарги седейть ды превть Пазонтень,
кеж виесь снарти ноцковтомс рунгонть ды калавтомс
сонзэ. Тыньгак аштетьадо эрямонтъ ды куломанть ют-
ксо. Кочкинк Пазонь кинть, ды мутадо эрямо. Коч-
касынк идемевсень кинть – сы тенк кулома!

КОТОЦЕ ГЛАВАСЬ

МЕЗЕ УЧИ ЭЙСЭНЕК
КУЛОМАДО МЕЙЛЕ?

„Ансяк вейке эскелькс монь ды куломанть ютксо“.

1 Иняз. 20,3

Уш ёвтазель: весе эрямось – те куломанть анокстамо. Псалмань морыця корты: „Кие ломантнестэ эрясь ды эзь нее кулома?“ (Псал. 88,49).

Неень шканок ловови олячинь пингекс. Снарнетяно мирэнтъ ды сонзэ ветиця законтнэнь полавтомо науканть, изобретениятнень-панжовкстнэнь ды философиянтъ вельде. Престол лангс арсинек аравтомо а виде пазтнэнь: ярмактнень, славанть, ломанень превтнень, ды зяро эзинек тее, песь вейке: „Ломантненень сави куломс вестъ“ (Евр. 9,27).

Од порасто куломанть нетяно эрва эскельксэ. „Бойка лескс“ машинань бибкаематне, куломань бюронь рекламатне, калмазыртне, конатнень вакска якатано, катафалкось, кона юты улыцянтъ куншкава – весемесь тенек лецтни: куломась эсь пелюмасонзо керясы эрванть. Кияк юткстонок а кеми, што пратано, ансяк весе содыть: сон сы куш кодамо шкане.

Джон С. Вимбиш докторось теде ёвтась вана кода: „Эрямонок понгавтозь чова суресэ. Куломась раужды пильгалонок пингень эрва кинть лангсо. Куломась –

весе мирэнь ят. Натой инязортнэ путнить пряст эйсэ сонзэ лёзанть алов. Ученоесь ды врачось снартнить панемензэ дворецтнэнь кенкшест икельде, ансяк тандадомань ёжов те азоравась ютни ванстыцятнень вакска, чикордозь такшарды кудыкелькстнэва королень уцема таркатнес ды вельти виев правительтнень раужо плащсэ“.

Эрва иестэ ниленьгемень тыщат американецт ойсить эсь автомобильтнес апак арсе седе: те ардомаст – меельце. Кода иляст вансто пряст эйсэ, оштё колоньгемень тыща ломанть чавновить кудосо эрва кодамо зыяндю, куш куломась аштекшнесь эйстэдест пек васоло. Куломась леди ломантнень апак лотксе ды, сень лангс апак вано, – медицинась ды „безопасность инженертнэ“ ветить сонзэ каршо виев бороцямо, куломась ялатеке изнякшны.

Седей орматне сявордтнить од ломанть. Ракось потязь поти тыща ломанень рунгт. Туберкулезось, верь орматне, эйкакшонь параличесь, тевелявонь простудямось вешить каявкст, куш медицинань исследование ниятне пек нурькалгавтызь куломанть покшолманзо. Ды кода аволинек ёвтне – ней эрямонь пингесь кувалгадсь, чавноматне ды прянь пувсематне аламоладсть – куломась эзь пота. Сон – мода лангонь меельце сехте покш мелявкс!

Куломанть каршо бороцямость ушолеви эйкакшонтъ чачома чистэнзэ саезь. Авась алтни эсь эйденть ванстомантень ламо иеть. Ванны ярсамкатнень-оршамопельтнень мельга, тердтни врачт ды медсестрат, ды ялатеке какшкесь пурны куломас.

Ютыть иеть ды эйкакшонтень педи васенце лавшочись. Пеень врачось муи курго потстонзо лазновкст. Сокор сельмтненень эрявить сельмукшт. Киськесь

вельтяви сормсевкссэ, лавтовтне мендявить, рунгось кукорьгады-мендяви. Ловажатне лавтомить, минек вийтне кармить аламонь-аламонь аламолгадомо, ды малазонок куломась седеяк шашты.

Эряmodo-ормадо прянь страховамось шождалгавт-сынзе вачкотькстнэнь. Тень минь тейтяно меельце вийтнень ды алтамотнень кисэ. Мейле апак учо чарь-кодтяно: минек эрямось – куломанть каршо куватень тюрема. Несынек, пингень кувалгавтомантень кемемась максы тенек зярыя иеть, ды кода аволинек манче зыянонь кандыщятнень, весе седейсэ марятано: куломась изни!

Кода кекшни ятось прянзо! Ёжов сон, кода сонсь эрямось! Эдь се эрямонтъ, конань нетяно перьканок ракшатнестэ ды растениятнестэ, аволь минсь теинек ды педе-пев сон тенек а толковави. Куломаськак а панжови, куш парсте содатано: сон сы. Ды, кода а вечктяно сондензэ лецтнеме, эйстэнзэ ялатеке кортатано. Зярдэ мода лангс чачи эйкакш – кеняркшнотано. Зярдэ эрямось туй ды ломанесь кулы, мельсэнек бажатано кода бу седе бойкасто оргодемс лисездентъ.

Ней планетанть лангсо малав кавто миллиардт ломанть. Сядо иень ютазь сынъ а улить. Сынст рунгтне а кармить марямо эрямонтъ эйсэ. Но ков тейсак ойментъ – уцяскань свалшкань нильксэнтъ? Теньсэ самай тайнаськак. Мезесь тукшны, зярдэ ломанесь кулы? Ков ёмси сурсо а токшевицясь?

Кавто иеде теде икеле Колорадо штатонь Денвер ошсо кулось ве журналист. Калмазырьсэ ильтицянзо кунсолызь пленкас сёрмадозь вайгелензэ. Тосо сон кортась: „Нетъ калмамотне монь. Мон атеистан ды истямокс ульнинь свал. Натой нулгодян пазнэнь озноматнеде. Священниктне – моральной труст. Чудань

тевтне – те ансяк бажамот. Кучовольть ниле репортёрт эрямонтъ мельга ванномо – сынъ тенк неездентъ ёвтневельть зяро – кода апостолтнэ Библиясонтъ. Теде мейле весень паневлизь редакциясто. Монень а эрявить пазонь тонавтоматне. Калмамстон энъялдан вейкеде: илинк кола меельце ильтямонь койтнень“.

Весе пингтнень перть ульнестъ ломанть, кить Пазонть авечкемасо згилясть церкванть, Священной Писаниянтъ ды Иисус Христос лангсо. Апак арсемелявто снартнить маштомс Нишкентъ вайгелензэ. Историясь невти, Джордж Бернар Шоу, Роберт Ингерсолл ды лия философтнэ превчисэ бажасть истожамс куломадо пелеманть. Те эзь лисе.

Кунсолосынек, кода антропологось ёвтни джунглясо куломандонтъ. Тосо арасть „пазонь лабордомат“ – ломантне эзть марсеяк Иисус Христосто. Тосо кодамокс неить тоначив туеманть? Кой-кона племенатнесэ сыре ломантнень пансить тусто вирь потс, одтнэ кекшнить ды ванить, кода звертне сэвить-порить покштязь-бабаст эйсэ. Лия народтнэсэ живстэ кадовотне кайсесызь эсь лангстост оршамкатнень ды лайшемань таркас артыть рунгост эрьва кодамо тюссо. Аватнень куватень пижнемаст яволявтнить седе: оймесь кадызе рунгонть. Христианствавтомо куломась сэрсь пештязь тандавтнемасо.

Пазнэнь кемицянтъ тоначив туемазо а истямо. Зярдосась Иисус Христос, Сон варшталъ куломанть лангслия вановтсо. Ломанесь свал ловсь куломанть эсензэ ятокс, ансяк Иисус Христос мерсь: Сон изнизе куломанть ды таргизе эйстэнзэ пупиця сардонть.

Христос тень теизе эрямонтъ ловозь ды кармавтсь куломантень анокстамс эйкакш порасто саезь. Пазось мерсь: „Илядо пеле рунгонь чавицятнеде, пеледе

сетнеде, кить рунгт ды ойметь калавтнить“. (Матф. 10,28).

Библиясь невти, эрямосонть куломатнеде кавто: физической ды вечной. Иисус Христос мерекшнесь: миненек седе пек пелема свалшкань куломадонть. Сон лови эйсэнзэ адокс, конась тунь явсь Пазонть эйстэ. Рунгонь каладомась, лецтни Сон, мезеяк оймень чарькодевица свалшкань куломанть коряс.

Кулыця ломантнень меельце валост макснить паро материал сетненень, кить вешнить куломанть икеле видечи. Вильбур Смит докторось „Секскак лоткак!“ эсь содавикс книгасонзо невти одра лангсо сеть содавикс ломантнень меельце часост, конат эзть кеме Пазонтень.

Кода а вейкеть кемицятнень ды одра лангсо аштицятнень ёвтнемаст! Меельцетне, кода свал, Иисус Христосонь пельде вешить простямот. Се колледжэнтъ, ков яксилинь ламо иень перть, тонавтсь английской кельс ды литературас Эффи Вилер докторось. Те авась пек озныцяль. 1949 иень майстэ сон сёрмадсь колледжень коллективентень ды сонзэ прывтонтень Эдмон докторонтень:

„Мон покш сюкпря пачтян тенк се минутанть кисэ, зярдо Тынь явтадо мель те сёрмань ловномантень. Каникулав туемадонк икеле арсян ёвтамс се виде-чинть, конадо карминь содамо тона недлястонть. Вра-чом, окояники, онкстызе куватень ормам: рак, сон операцияс а маштови. Улевель врачось христиани-нэкс, истя а талакадоволь ды сеске ёвтаволь теде. Эдь мон, кода тыньгак, эрямонть ды куломанть вастано вейкетьстэ. Бути Вере Пазось мерсь тень шкань апак сацтне самс Тензэ, тень мон тейса покш мельспаросо. Инескеть, илядо кисэнь мелявто! Мон а ёвтасынь тенк

„проштян мартонк“ кельме валтнэнь, „вастомазонок“ валонтъкак а ёвтаса сень самс, зярс а нетядызь тынк од эрямонь се масторсонть, косо, паряк, мерить тень панжомс икеленк кенкштнень. Мон тынк весе седейсэм вечктядызь кода вейсэ, истя жо башка-башка. Эффи Джен Вилер“.

Кавто недлянь ютазь, кода сёрмадызе те сёрманть, Вилер докторось стясь Инепазонть икелев, Конась топавтызе Эсь алтамонзо ды саизе куломань сардонть (1 Кор. 15,55-57).

Библиясь кемевти, ойменек а кулокшныть. Сынь кармить эрямо свал. Лиякс ёвтамс, „мон“ смустесь бажи-кеми, сон зярдояк мештьстэ а лисни. Библиясь тонавты, оймесь эри тесэяк, тона светсэнтъкак. Бути тынь пазнэнь а ознотадо, ойменк кадови се таркантиень, конань Христос лемдизе адокс, тосо сон карми Нишке судонь учомо.

Содан, адтонть кортамось парт а кантни. Сон кепси спорямот ды ачарькодедат, эйстэнзэ молить миненьсюнонь кулят. Масторганть службань ветямсто мон вейкешка чокшне ды яла алтнян те теманть. Истят вастовоматнеде мейле газетатнесэ, кода свал, лиснить ловныцянь сёрмат, косо карадо-каршонь мельть, эдь Библиясонть сыненст таркатнеде явозь вейкетъстэ. Студентнэнь аудиториятнесэ монень сеетьстэ максневи кевкстема: „Мезе те адось? Ули-арась адсонть тол?“ Кода пасторонтень, монень савкшны ванномс неть кевкстематненьгак. А маштан сынст вакска ютнеме, куш ломантнень туртов сынь кандыть а свал вадря ёжо. Лован, те – христианстванть сехте стака тевтнестэ вейкесь.

Улить ломанть, конат кемить: эрвась, келя, яла-теке ды лиси зыянсто, эдь Пазось, вечкемань Нишке-

нек, киньгак эзь кучно адс. Кемить, „вечной“ ды „вечной эрямосо улезесь“ валтнэ а макснить „вечной уцяска“. Валось, кона невти Пазонть эйстэ свалшкань явома, лецтни менель лангсо эрямонтъ свалшкадонзояк. Кие-бути мерсь: „Видечись веши, штобу минь лововлинек праведнойтнень кенярксост ды аволь праведнойтнень наказамост вейкетъстэ, эдь грекень кельсэ те валось совавтневи те шканть невтемстэяк“.

Лиятне тонавтыть лиякс: куломадо мейле сетне, кить эзизь сае Пазонь идемань планонть, улиць истожазь. Зярдод пестэ пес ловныя Библиянтъ, те мелень кемекстыця ве арсемак тосто эзинь муе. Библиясь корты: минь уल्याно идезь эли кулотано, но ойменек свал кармить живть.

Кой-кить тонавтыть: куломадо мейлеяк, келя, улиць эсь прянь идемадо вийть, тень коряс лескс максы Нишкесь. Теде Библиясь таго ве валгак эзь ёвта, эдь те Книгась одс эйсэнек кемевти: „Ней вана паро шкась, вана ней идемань чись“ (2 Кор. 6,2).

Тень кемекстамга можна саемс ламо примерт, мезде Библиясь тонавты эйсэнек: „Эрьвась, кие а прими Менель Тетякс Христосонь ды Искупителентъ, карми муцявомо се толсонть“ (Лук. 16,24).

Ломань Цёрась кучсынзе Эсь Ангелтнэнь, ды сын пурнасызь Сонзэ Инязорксчистэ весе манявоматнень ды законь колсемань тейницятнень, ёртсызь сынст толонь каштомс, тосо кармить авардемат ды пеень чикордомат“ (Матф. 13,41-42).

„Сестэ евты сетнененьгак, конат эйстэнзэ керш кедь ёнот: „Моледе Монь эйстэ, сюдозтне, идемевсентень ды сонзэ ангелтнэненень анокстазь свалшкань толонтень“ (Матф. 25,41).

„Олгонть жо пултасы а лоткавтовиця толсо“ (Матф. 3,12).

„Гувкаиця толсо, конат пандыть кеж Пазонь а содамонтъ кисэ ды конат а топавтыть минек Инязоронтъ Иисус Христосонь паро кулянзо, ваить-ёмить Пазонтъ ды Сонзэ певтеме славадонзо“ (2 Фесс. 1,8-9).

„Кие жо мери „превтеме“ – алтави толонь геенантень“ (Матф. 5,22).

„Истя карми уleme пингень прядовомсто: лисить Ангелтнэ ды явсызь кежевтнень праведнойтнень ютксто ды тонгсызь толонь пецькас: тосо кармить авардемаат ды пеень чикордомат“ (Матф. 13,49-50).

„Се карми симеме Пазонь кеж винанть, конась анокстазь Сонзэ а цидярдоманть пингстэ. Сон ули муцязь толсо ды серасо святой Ангелтнэнь ды Агнецэнь сельме икеле, муцямонь качамось карми лисеме пингестэ пингс, ды тарка-эзем чинек-венек а кармить содамо сетне, конат сюконякшныть зверентень ды сонзэ енов молицянтень ды конат примсить сынст мелест“ (Витькс. 14,10-11).

„Куломась ды адось ваявтозь толонь эрькс. Те омбоце кулома. Ды кие апак сермацто эрямонь книгантень, се ули ертозь толонь эрькентень“ (Витькс. 20, 14-15).

„Пелицятнень ды аванькс ойметнень, ломань чавныцятнень ды авань вечкицятнень, идолнэнь служицятнень ды манчицятнень – эрьксэнтъ таркаст, кадык палыть тосо, те – омбоце кулома“ (Витькс. 21,8).

Каршозом, паряк, мерить: „А кеман адонтень! Мон кеман Нагорной проповедентень“.

Паро, пшкадтяно Нагорной проповедентень. Тосояк мутано истят валт: „Бути вить сельмесь сывады, таргик сонзэ ды ёртык, эдь эстетъ седе паро – кулось

рунгонь пельксэть, аволь весе рунгот ваясь геенас. Бути вить кедеть тарги эйсэть виськсэв тевс, керик сонзэ ды ёртык, эдь седе паро: рунгонь ве пельксэсь кулось, аволь весе рунгот ваясь геенас“ (Матф. 5,29-30).

Тесэ минь нетяно Иисус Христосонь тонавтоманзо лещязь адтонть. Иисус Христос кортась теде ды невтсь примерсэ, ванстась ломантнень пежетьс совамодо.

А мезть кавтолдомс: пежетевтне кирдтнить муцямот моданок лангсоjak. Библиясь корты: „Варчатадо наказамот се грехенк кисэ, конась сасатадызь“ (Числатне. 32,23). Ды таго кортави Библиясонть: „Плоть-стэнтъ лисезь плотьсэнтъ видицясь наксады, духсто духонь видицясь свал карми эрямо“ (Гал. 6,8).

Кой-кона пежетевтне, лангс ваномс, кенерькшнить эрва ков, видечинь а ёмавтницятне майсить эсь тевест кисэ. Библиясь тонавты эйсэнек: сы судямонь истямо шка, зярдэ грехс совазентень максыть тевензэ кисэ.

Кучсы-арась Пазось вечкема ломанензэ адс? Ответсь вейке: кучсы! Ансяк Сон кучсы аволь Эсь мелензэ коряс. Ломанесь сонсь теньс эци, бути велявты Пазонь идемань кинть лангсто.

Менель Тетясь максни ломанентень прянь идема, менель лангонь чансть. Ломанесь сонсь эсь сокорчинзэ, ношка превензэ ды пежетензэ кисэ а саи Нишкенть алтамонзо ды секс зыянс понгони.

Мерьсынек, тынь сэредтядо ды тердиде врач, сон сёрмады тенк эрявикс надобия. Арсезевезь, тынь а явтадо мель тенень ды а карматадо те надобиянтъ симеме. Зярыя чинь ютазь врачонтъ мекев тердевть-сынк ды сон фати – седеяк пек ормалгадыде. Арази сонзэ карматадо мурнеме, мекс истя теиде? Сон макссь тенк надобиядо конёв ды тынь а сайсынк неть надобиятнень!

Вана истя жо Пазось сёрмали эрва кодат надобият ломань раськень лецямсто. Тынь алтыде тензэ лецямс эсь орманк. Бути а сайсынк надобиянтъ, сестэ сэредеде. Сестэ а мейс Нишкентъ чумондомс.

Улить ломантъ, конат кевкстнить: „Мейсэ адонть эземеэ?“ Грекенъ Библиясонть адонъ смустесь ашти ниле валсто. Эйстэст вейкесь – ШЕОЛ, сон кода „ад“ колоньгемень вестъ ютавтови Ташто Заветсэнтъ. Те тоначинь алкс, козонъ понгонить кулозтне. Бути ютавтомс эрзянь кельс – те „а неявикс ежосо аштема“. СЭРЕТЬКС, РИЗНЭМА ды КАЛАДОМА.

ХАДЕС валось ютавтозь грекенъ кельстэ, Од Заветсэнтъ сон лецтневи кеменксть. Невти секень жо, мезе невти ШЕОЛ валось Ташто Заветсэнтъ. Мартонзо свал сюлмавозь судто ды майсемадо валтнэ.

Колмоце валось – ТАРТАРУС, сон ансяк вестъ лецтневи Петр Апостолонть кучовкссонзо. Тосо Апостолось корты: „Пежетев ангелтнэ улить совавтозь „Тартарусос“. Те валось невти судямонь тарка, сон чопода тюрьмань кондямо.

Нилеце валось – ГЕЕНА. Сон лецтневи кевейкексть Од Заветсэнтъ ды панжи „адонь“ смусть. Те леменьт Иисус Христос максызе шукшпрянь Енон латконтень, конась Иерусалимень стенатнень ало.

Кой-кить кевкстнить: „Библиясь тонавты-арась, што адсонть весемесь тол потсо?“ Ловнынк Библиянтъ ды карматадо содамо: тосо толось максови образ вельде. Пазонть, нама, ули палыця толозо, ансяк сон а пулты.

Зярдо Моисей несъ терновникень тарад, дивазевсь: сон палозь палы ды кодаяк куловокс а велявты...

Колмо еврей цёрабайнетъ ёртозельть тыжныця пецькас, ансяк толось эйзэст эзь вередеме, вейкеяк черь прястост эзь пра.

Лия ёндо, Библиясь корты минек кельденть, конась „Сонсь кирвазекшны геенадонть“ (Иак. 3,6). Зярдэ ёвтатано мезеяк берянь малавикс ломанде... Те а корты седе: эрва чистэ пултатано келенек, зярдэ беряньстэ лецтнетяно эсь малавикстнэде. Ансяк виде ды кекшезь смуть арась эрямосонть. Бути адось алкуксонь толтомо, сестэ Пазось евтасы тень образсо ды истя максы сехте берянде чарькодема.

Адось – Нишкеде туема. Те омбоце кулома, лиякс ёвтамс – вечной явома валдонть, паронть, видечинть ды часиянть эйстэ. Те тандавокс ёжомарямодонть. Библиясь корты: зярыяксть ды свал эри оймесь куломадо мейлеяк.

Дива, ломантне анокстнить эрва ков, ансяк аволь тоначив туеманть. Эсь прянок эйсэ тонавтнемасо анокстатано коммерциянь тевтнес, прявтокс, семиясо эрямо, сыречинть. Весеманть минь аноктано, ансяк аволь куломанть. Библиясь жо корты: кулотано ансяк весть.

Куломась – истямо тев, конань эрвась онкстни эсензэ онкссо, тень пингстэ стувтнетяно седе, кода сонзэ вастсызь лиятне. Куломась весень туртов вейкетьксэв. Сон сая супавонть миллиононзо ды пурныцянтэ нуланзо-валанзо. Лоткавтни жаднойчинть ды бажамотнень. Тынк меленк арасель сондензэ арсемс ды сави васодемс мартонзо – князнень эли сокийтненень, превеентень эли чаволанть, ломанень печкицянтень эли святоентень. Куломась а лови а иеть, а класст. Сондензэ пелить весе.

Эрямонь эсь меельце иетнестэ Даниил Вебстер вечкиль ёвтнеме велень ве церьковадо. Тосонь сыре пасгорось, чевте седей ломанесь, озкстнэнь ды Евангелиянь текстнэнь ловномсто оймень панжозь мерсь

перьканзо пурнавозтненень: „Оят, минь кулотано ансяк весть. Паряк, неть валтнэ марявить тенк лавшокс ды кельмекс, но монь оймес сынь кадсть истямо ёжо, кодамо чуросто каднови“.

Шожда арсемс лиятнеде, кить вастнить куломанть эйсэ, но стака помнямс: миненекак сави мартонзо вастовомс. Зярдю нетяно фронтов туиця солдатт эли ловнотано тюрьмас пекстазденть, конань ледьсызь, – колави ёжонок. Зярдю соватано сэредиця ялгань варштамо, мельспаро сень эйстэ, кода сон кеняркшны. Куломанть вастсы эрьвась, ды зярдю те лиси, соды ансяк шкась ды Нишке Пазось. Весе лия вастовоматне эрямосонтъ – тевень коряс эли лиятне – а сайневить мельс, ансяк куломанть марто вастовоманть вакска а ютават. Эрямосонтъ сон эрси весть ды эйстэнзэ ковгак а меневат!

Бути рунгонь куломась Пазтомоль, сондензэ а мейс пелемс. Библиясь иди эйсэнек омбоце куломадонть, кона сонсь явовсь Нишкеденть.

Ялатеке теньсэяк ули валдочи. Кода Библиясь алтни грехс ваязентень ад, истя Пазоськак алтни рай тензэ озныцантень.

Ютындерятадо од кудос, васняк бажатадо содамс тосо эрицятнеде. Карматадо эрямо лия ошсо – снартнеманк лията: кодат сонзэ китне, кодат предприятиянзо, парконзо-эрькензэ, эряви содамс весемеденть. Райденть минь ловнотано Библиястонтъ. Модась райденть пек седе вишка. Весе Мода лангонь мелявксонк теевить вишкадо вишкакс, бути арсетяно икелепелень эрямодонтъ. Христианинэнтень раесь неяви уш светэнтъ лангсо. Сонзэ ули оймезэ, сон эри эсь совестензэ коряс, Нишкентъ марто оякчисэ. Стакачитнень лангс апак вано, Пазнэнь озныця ломанесь кеняркшны эсь

сельмтнесэ неезентень, яки шождасто, седейсэнзэ свал кеняркст, чамазо валдо-сияждыця.

Сех эрвиксэсь сеньсэ: Библиясь алты озныцянтень часия тоначисэ. Кие-бути кевкстизе Квинс Адамсонь, конанень ульнеть вейксэньгемень ниле иеть, кода мари прянзо. „Сатышкасто парсте“, – мерсь сон, – ансяк се кудось, косо эрян, а вельть уш истямо вадря“. Се кудось, косо семиянок, лавшо ды сэредиця. Прянок марясынек виевекс ды кемекс, бути карматано Пазонтень кемеме. Иисус Христос кортась, мезе те раесь.

Можна невтемс зярыя таркат Евангелиясто, но сехте покш мельспаро кады Иоаннонь 14,2-3-сто саезь валтнэ. „Монь Тетянть кудосо эрийтнеде ламо, бути а истя, Мон меревлинь: Мон молян тенк таркань максомо. Ды зярдю молян ды анокстан тарка, сан мекев ды сайтядызь Эстень, кадык тыньгак ультядо тосо, косан Мон“. Павел Апостолось истя кемсь раень улемантень, натой мерсь: „Минь оймесэ оймсетяно ды седе пек бажатано лисемс рунгостонтъ ды совамо Менель Тетянтъ ваксс“ (2 Кор. 5,8).

Кодат а вейкетъ христианинэнтъ ды Боб Ингерсолл агностикентъ арсемаст, конась мерсь эсь братонзо калмо лангсо: „Эрямость – те кавто вечностень кельме тёкштнэнь ютксо пирявкс. Минь стяко снарнетяно варштамс лангозост. Пижнетяно, ансяк вейкине минек ответэкс теевсь пижнеманок каршо пачкодезь вайгелесь“.

Павел Апостолось яла лецтнесь: „Минь содатано“, „минь кемтяно“, „минь вешнетяно“. Библиясь корты: „Авраам учось юр марто ош, конань художникезэ ды строицязо Инепазось“ (Евр. 11,10).

Ломантнень эйстэ ламотне кортыть: „Кемтядо-

арась, раесь ули?“ Те истя. Иисус Христос мерсь: „Мон сырган тенк таркань анокстамо“. Библиясь тонавты, Енох ды Илия кепедевсть менелев эсь рунгсост истямо жо таркас, кода Лос-Анжелесэсь, Лондоносъ ды Алжирэсь!

Ламот кевкстнить: „Косо раесь?“ Священной Писаниясонть а ептави, косо сон. Библиясь тонавты: те масторось карми улеме пек мазыекс. Те Книгасонть раесь невтеви кода „Пазонь кудо“, „сюпав мастор“, „слава“.

Паряк, кевкстыдо: „Карматано-арась содамо вейкенек-вейкенек райсэ?“ Библиясь а вестъ кемевтсь: сы ине вастовома сетнень марто, кить тустъ минденек икеле.

Кой-кить кевкстнить: „Кемтядо-арась, эйкакштне улить идезь?“ Библиясь невти, Инепазось а чумонды эйкакштнень пежетнень кисэ, зярс сынъ а касыть покшокс, а кармить ответственностень кандомо эсь апаро тевест кисэ.

Библиясь невти сень лангскак: раесь тееви вейсэнъ валдо уцяскакс, конань мода лангсто а добовасак.

Исаак Ньютон, уш атякс улемстэ, мерсь превчинзэ шныщантень: „Мон моря чирень церыне, кона кочки кевнеть-кумбрят, но видечинь ине океанось ялатеке оште лымбакстни икелем“.

Томас Эдисон вестъ мерсь: „Мон а содан весемедентъ миллион пельксэнь ве проценткак“.

Ламо тайнатнеде, кода ойме майсематнеде, акемамадонть, седей рискстэнтъ ды трагедиятнеде, Нишкентъ чатьмонемазо ули толковазь тоначисэ.

Ламот кевкстнить: „Мезе карматано тееме райсэнть? Кеняркшномо тосонь эрямодонтъ?“ Те а ули! Библиясь невти сень лангс: минь тосокак карматано

служамо Пазонтень. Библиясь лецтни теде истя: „Ды мезеяк а карми улеме сюдозь, но Пазонь ды Агнецень престолось карми тосо улеме, сонзэ уретнеяк кармить Тензэ служамо“ (Витьк. 22,3). Тоначинь пингесь тееви кенярксонь, Менель Тетянтъ шнамонь шкаккс.

Библиясь тонавты: куломодо мейле ломанесь сти Инепазонтъ икелев. Се минутастонтъ, зярдо сон лексти меельцеде, оймезэ чачи одс, мекев васодеви рунгонть марто.

Ломантне кевкстнить: „Кода мекев вельмить калмазь ды пултазь рунгтне?“ Ученойтне толковизь: химической вещеватне а ёмсить моданть лангсто. Пазось, кона теизе рунгонть, мекев пурнасынзе-лацесынзе химической пелькстнэнь, ды рунгось откстоми ойментъ марто вейсэндямонтъ кисэ. Од рунгонок тееви истямокс, кодамо Христосонь Рунгозо. А пря сэретьксэнек а кармить, а сельведенек-орманок, а куломат-мезть.

Вана истят, лисни, кавто миртнэ. Адамонь эрва цёрась понги те или тона светэнтень. Ине тайнасо вельтязь неть кавто эрямотне, но Библиясонть сатышка кармавтомат ды кортамот вана мезде: вейке мирэсь канды рискст-майсемат, омбоцесь – валдочи ды слава.

Минь кепединек уцяскадо зярыя кевкстемат. Бути ванномс сынст ланга-прява – сынъ пек стакат ды теке шкастонтъ простойть. Ней содатано, сынъ ёвтавить вейке валсо: те ПЕЖЕТЬ. Лисни, Инепазтомо ломанентень часия а сы. Бути сон учи Нишкентъ пельде лескс, тензэ топавтомат содавикс условиятне, конатнеде ёвтнетяно те книганть лия главатнесэ.

ОМБОЦЕ ПЕЛЬКСЭСЬ

КЕВКСТЕМАТНЕНЬ
ВАННОМАСЬ

СИСЕМЕЦЕ ГЛАВАСЬ

МЕЗЕКС САСЬ ХРИСТОС?

„Мон васенцекс невтинь тенк, мезенть монсь саия, лиякс ёвтамс, што Христос, Писаниянтъ коряс, кулось минек грехтнень кисэ, што Сон калмазель ды одов вельмесь, кода пачтясь Писаниясь, колмоце чистэнтъ“.

1 Кор. 15,3-4

Ней содатано: мода лангонь сехте покш калавтницясь – те грехесь. Сон ашти весе мелявкстнэнь, весе кеженть, весе пелематнень юрокс. Полавтызе ломань ликенть, колызе эрямонзо, эсензэ ломаненть тулкадизе идемевсень отьмас.

Весе сэретькстнэ, войнатне-мезтне лисить пежетьстэнтъ. Пежетесь – превтемечинь ды кельме седеень тувтал. Библиясонтъ сон невтеви а лечавиця ормакс. Пежетесь моли менезь варма-крандаз ёнов, сон теке превстэ лисезень кудосто менезь бесиця ломань, прок розбойник, кона кекшнезь капши пеель марто, теке живой сывелень вешниця лев. Пежетесь каявкшны моданть лангс ёндолонь вачкотьксэкс, прянь керсиця узерекс. Сон, прок рак-орма, сэви ойметь. Грехесь – те чавиця рудаз ведь, кона эсь кинть лангсто тарги-салы весе икелензэ понгозенть.

Пежетенть вельде ломань тевтне пацькавкшныть,

раушкали чинь валдось, эрямонь эрва эскельксэсь тандавтни, эрва путешествиясь пештязь зыянсо. Пежетесь калавтни часият, чополгавтни пряудемть, ёмавтни виськсчинть, алтни бархат ды максни саван, вети уречис.

Грехень сэредемасо сокоргавтозь мода лангонь эрийтне пингень перть эрясть чоподасо, тосто лисеманть вешнесть сур штюпамосо. Эрявсь истямо ломань, конась ливтевлинзе сынст оймень майсематнестэ, идемевсень тюрмасто. Ломантне вачонь седейть, бажиця превсэ, лепштязь оймесэст стяковансть те чоподантень. Идемевсесь те шкане праздноvasь эсь изнямонзо Эдемень садсо.

Джунглянь ломаньстэнтъ саезь неень покш цивилизация марто Египетэнтъ, Грециянтъ ды Риментъ видьс пачкодезь, мода лангонь тандавтнезь эрийтне яла макснесть секе кевкстематнень: „Косто муемс лисемань янонтъ? Мезе теемс тенек? Кона киванть сыргамс? Кода менемс те апаро ормастонть? Кода лоткавтомс икелев капшиця рудаз ведентъ? Кода лисемс те латкстонть, ков понгинек? Бути ули валдоки, косто муема сонзэ?“

Тень коряс Библиясь корты истя: Пазось – те вечкема, ды Сон снартнесь лездамс ломанентень, идиксэлизе сюдозь пежетнеде. Кода тень Сон теевлизе? Ломанесь ансяк чачсь – Сон уш кортась тензэ: кулы рунгсо ды оймесэ, сыргиндеряй идемевсенть мельга. Пазось эзизе простя ломань грехенть, лиякс Сонсь велявтоволь кельсэ лавгицякс. Сон мерсь: „Кежень ды паронь чувтонть эйстэ лисезь, иля сэве эйстэнзэ, теят лиякс – се чистэнтъ, зярдс сускат эйстэнзэ, кулат куломасо“ (Бытиясь 2,17).

Муемаль лия ки, эдь ломанесь ёмаволь. Сонсь ло-

манень природась ульнесь пацьказь. Сон стясь Нишкенть каршо. Ламот натой Пазонь улемаскак эзь кеме, – истя сокоргавтозельть се ормасонть, конань эйстэ майсесть.

Эдемень садсо уш Инепазось макссь чарькодема: Сон мезеяк ды теи. Кардызе идемевсенть ды алтась ломанентень: „Теян аладямот тонь ды нинть юткс, эсеть видьменть ды нинть видьмензэ юткс, сон карми прят сэвеме, а тон кармат пупамо сонзэ пильге кочкаряс“ (Бытиясь 3,15). Неть валтнэсэ – менельстэ валдо. Эйсэст – сонсь эрямость. Неть валтнэ максыть мода лангонь эриентень кемема. Пазось алтась: сы ве, зярдо сы Идицясь. Ды ламо пингень перть эриенть икеле кувтёлдсь кемемань те толось.

Те аволь весе. Пингтнень перть ульнесть шкат, зярдо мода ланга менель валдось чудсь апак лотксе. Ташто Заветэнтъ келес Пазось явши эрямонь чансть се ломанентень, конась кеми Идицянтъ тевезэнзэ. Самай тень кисэ Эсь народонтъ Инешкесь кармась тонавтомо сеньс: сонзэ идесы Цёразо. Ули истямо Ломань, те сон сти ломаненть кисэ.

Арсемасо велявтано раентень. Пазось мерсь: „Се чистэнтъ, зярдо сускат сондензэ, кулат куломасо“ (Бытиясь 2,17). Ломанесь сускизе умаренть ды кулось.

Мерьсынек, Пазось ёвтаволь: „Адам, тон ильветькс теят, те тонь ёндо шожда манявома. Простятан тонь. Истя зярдояк иля тейне“. Сестэ Пазось улевель манчицякс. А улевель Святоекс, Видечинь кантницякс! Сонензэ кирдемаль Эсь валонзо. Картанть лангсо ашгесь Видечизэ. Ломанентень эряволь куломс рунгсо ды оймесэ. Пежетезэ явизе Нишкеденть. Седе тов ломанентень пандомаль эсь грехтнень кисэ. Кода нетяно, Адам ульнесь ломань раськень прятокс.

Зярдэ сон совась пежетьс, миньгак грехс ваинек. „Секскак, кода вейке ломаненть марто грехесь совась эрямонтень, грехенть марто куломаськак, истя тоначис туемаськак совась весе эрийтнес, эдь весе тейсть пежеть“ (Римл. 5,12).

Сехте пек мелявтовты истямо кевкстемась: „Кода видечинь кантница Нишкесь идизе грехс совазенть?“ А эряви стувтнемс, ИДЕМС валось панжи „чумодо ойменть олякстомтомс“ чарькодеманть. Идемс – те простямодо покш. Грехенть эйстэ явома, прок сон зярдояк арасель. Ломаненть эряви теемс истямокс, штобу сонзэ лангс а кадовольть кодаткак апаро кикст. Лиякс ёвтамс, ломаненть таго велявтома истямокс, кодамокс сон ульнесь пежетьс ваямодонзо икеле.

Ламо пингень перть эсь сокорчист кувалма ломантне бажасть велявтомо Эдемс, ды ялатеке те тенст эзь тееве. Сынь снартнесть сыргамс лия кива, ансяк стяко. Тонавтнемась эряви, ялатеке сонгак ломаненть а ветясы Пазонтень. Манчиця религиатне – те наркотикень кондямо средстват, конат кекшити нищейчинть, косо майси ломанесь, но сынь зярдояк эрявикс бажамонтень а ветясызь. Объединенной Нациятнень Организациясь, паряк, мода лангс эряви, эдь эрьванть тандавтнить войнасо, ды минь кеняркшнотано эрьва эскельксэнть кисэ, конась тееви мирэнь ладямонтъ коряс. Но бути те Организациясь весе войнатнень лоткавтовлиenze, сестэ ломанесь меревель Инепазонтень: „Тон миненек ней а эряват. Минь эрятано ояксчисэ“. Весе неть плантнэ – орожиянь надобият, конатнесэ лаци прынзо мирэсь Ине Врачонтъ самозонзо. Эсь историянт лангс ваннозь, несынек, те ломань келень лавгамо Вавилононь башнянтъ строямсто.

Лисни, кадови вейке кевкстема: „Нишкесь кодамо

видечинь кирдиця, лиякс ёвтамс, кодамо Сон святой, бути иди пежетевтнень?“ Кадык эрвась сонсь кантни эсь грехтнень, весе мода лангсо эрийтненень а лездат, эдь эрвась сэвезь вейке ормасо.

Кевкстемась решаши, бути чумонь а содыцясь эсь мелень коряс кулы рунгсо ды оймесэ, тееви Пазонтъ полавтыцякс. Те чумонь а содыцясь эсензэ лангс саизе се кежентъ, кодамокс ловови куломась. Ансяк косто муят истямо ломань? Чарькодеви, мода лангсто сонзэ а мусак, эдь Библиясь корты: „Эдь весе совасть грехс ды кадовсть Пазонтъ слававтомонзо“ (Римл. 3,23). Менель Тетянтъ Цёразо ансяк съкамонзо истямошь. Сон саинзе Эсензэ лангс мода лангонь весе пежетнень.

Библиясь панжи Пазонтъ эйсэ колмо чачосо. Те тайна, конась тенек а чарькодеви. Библиясь а тонавты: эрять колмо пазт, мекевланк, сон корты: Пазось ансяк вейке. Те Вейкине Нишкесь ялатеке невтеви колмо лицасо: Менень Тетясь Сонсь, Пазонтъ Цёразо ды Святой Дух Пазось.

Святой Троицань омбоце лицась – Пазонтъ Цёразо, Иисус Христос. Сон Нишкентъ покшолмасо. Сон аволь Пазонь цёратнестэ вейкесь, Сон Пазонь Цёра. Съкамнензэ. Сон Менель Тетянтъ цёразо – Святой Троицань Омбоце ломань, живой Идицянок.

Библиясь тонавты: Иисус Христосонь ушотксонзо певтеметь. Сонзэ кедьсэ теезельть тештне, моданок, лия планетатне.

Иисус Христосонь чачома чизэ, конань тешкстатано Роштовасто, те аволь сонзэ чачома чись. Чачомазо истямо жо тайна, кода мода лангс Пазонтъ валгомазояк. Библиясь корты ансяк вейкеде: „Васня ульнесь Валось, Валось ульнесь Нишкентъ, Валось ульнесь Паз“ (Иоан. 1,1).

Библиясь тонавты эйсэнек: Сон „а неявикс Инепазонть ликезэ, кона чачсь весе живойденть икеле, эдь Сон теизе весементь, мезесь менель ды мода лангсо, неявиксэсь ды кекшезесь: улест неть престолт, начальникть, азорксчись, властне-мезтне – весемесь Сонензэ ды Сонзэ кедьсэ теезь, Сон васенцесь, Эйстэнзэ весемесь ашти“ (Кол. 1,15-17).

Меельце фразась невти: весементь Сон кирди Эсь кедьсэнзэ. Лиякс меремс, вселенноесь пeverевель миллион атомкс, а кирдевлизеяк Иисус Христос. Ды таго Библиясь тонавты: „Васняк Тон, Инепаз, путык-сравтык моданть, менель лангоськак – Тонь кедтнень тев, сынъ ёмить, а тон кадоват, весе сынъ олыть риза ладсо, оршамкакс сынст пуворясыть, ды весемесь полавтови, ансяк Тон секесь жо, Тонь иетнеяк а прыдовить“ (Евр. 1,10-12).

Иисус Христос истя жо мерсь Эсь прыдонзо: „Мон Альфа ды Омега, ушоткс ды пе“ (Витькс. 1,8). Сонзэ ды ансяк Сонзэ ськамонзо ули властезэ ды виезэ велявтомс ломаненть Инепазонть. Ваннось-арась Сон тень мельга? Бути тень теевлизе, сестэ валговоль мода лангс. Сестэ Сон велявтоволь урекс, молевель ломань ёнов. Сестэ Сон покордавлизе Эсь прынзо ды куломазонзо улевель покордазекс. Сон стяволь грехенть каршо, вастовлизе идемевсенть ды изнявлизе. Эсь верьсэ питнень пандозь Сон нолдавлинзе тюрьмасо аштицятнень. Сонзэ эйстэ велявтовольть ломантне. Пазось стувтовлизе. Сон улевель ранязь-чавозь ломанекс пезетнень кисэ. Сон ладяволь ояксчи Пазонть ды ломаненть ютксо. Сон теевель Сонзэ полавтыцякс. Ды весементь тень теевлизе эсь мелензэ коряс.

Сюк Пазонть – весемесь те лиссь! Менель лангсто Сон несъ чопода сюдозь-азозь, грехсэ калавтозь,

адонь учиця моданок эйсэ. Сон несъ тынкак, моньгак, пежетень цепсэ сюлмазтнень. Сон сась мельс Эсь менеленть лангсо эрямсто. Ангелтнэнь вановтост сэтъмелгадсть, зярдо инязортнэнь Инязорось ды азорксчинь Азорось, кона Валсо теиль миртнэнь, стясь Эсь цитница колесницанть лангс, ютынзе менель лангонь жемчугсо артозь кенкштнень ды чопода вене, зярдо морыця тештне ды мартонзо молиця ангелтнэ шнасть Сонзэ эйсэ, явовсь колесницадонть Иудея вельксэ, ёртынзе Эсь цитница оршамкатнень ды велявтсь ломанекс!

Неевлинка мезе лисевель, бути ки ланга ютамсто мон чалгавлинь коткудав пизэ лангс. Варштавлинь алов ды меревлинь: „Монень жаль, чалгинь пизэнк лангс. Мон калавтыя кудонк. Тынь прыде покш майсемас. Мон бажан мереме тенк: вечктядызь, лангзонк чалгавинь апак фатя, простямизь“.

Тынь мертядо тень каршо: „Те чаво валт, коткудавтне ялатеке валозонк а чарькодить“. Самай теньсэ тевесь! Пароль, бути зярыя минутас велявтовлинь коткудавокс ды эсень кельсэ ёвтневлинь тенст, кода мон сынст вечксынъ!

Истя тейсь Христоскак. Сон сась ломантненень Паздонть ёвтнеме. Мерсь тенек: Нишкесь вечксамизь ды арси эрямонок полавтомо. Пачтясь тенек се милосттенть ды паро арсематнеде, конатнень снартни Пазось каземе миненек. Алтась тенек свалшкань уцяска. Иисус Христос тейсь седеяк ламо: Сон велявтсь ойме ды рунго марто эриекс, штобу куломс. „Сон сась сень туртов, штобу саемс пежетенек“ (1 Иоан. 3,5). Христос валгсь мода лангс „Эсь оймень максомо ломань идемстэ“ (Матф. 20,28). Иисус Христос сась тенек Эсь эрямонзо максомо ломань грехтнень кисэ. Сась

куломо. Тоначив туемань сулеесь мода лангс понгавто-
зель Сонзэ эрямонь весе колоньгемень колмо иетнесэ.

Се вестэнтъ, зярдэ чачсь Иисус Христос, идемев-
сесь соракадсь. Сон снартнесь чавомо Сонзэ уш сестэ,
кодак Иродось нолдась эйдтнень чавомадо указ; бажа-
мозо вейкель: добовамс Христосонь куломанть.

Мода лангсо эрямонзо перть Сон весткак эзь совсе
пежетьс. Сон вейкине ломанель, кона а содыль грехть.
Сонзэ ульнесь праванзо стямс ды меремс: „Кие Монь
чумондсамам авидечисэ?“ (Иоан. 8,46).

Ятось чинек-венек пансесь Мельганзо, ансяк эзь
муе Сонзэ эйстэ пежетть. Сон ваньксстэ ваньксэль.

Иисус Христос эрясь простойстэ. Сон эзь добова
кодаткак почестть, слава мельга эзь пансе. Сон чачсь
кардсо, иензэ ютавынзе Назарет ошкесэ. Ульнесь
плотникекс. Эсь перьканзо пурнакшнось калонь кун-
цият, ды тонат сыргасть Сонзэ мельга. Ломань ютксо
эрясь кода ломань, эзь невте прянзо, сюпавчить эзь
содакшно. Сон вишкалгавтсь Эсь прянзо лиятнеде пек.

Но Сон тонавтсь весень истя парсте, кунсолицятне
натой дивсестъ: „Ве ломанькак истя эзь кортне, кода те
Ломанесь“ (Иоан. 7,46). Эрьва валозо видель кода
историянь, истя жо наукань коряс. Нравственной ва-
новтсонзо Иисус Христосонь оймезэ панжадолъ ды
ваньксэль келеде келес, Сон нейгак истямо, тунь эзь
полавтово.

Сонзэ валтнэ несть течинть. Икелепеленть Сон уш
сестэ ёвтызе. Закононь кирдийтне снартнесь кунда-
монзо ёжов кевкстемасо ды зярдояк Сонзэ эзизь тала-
кавто.

Каршонзо молицятненень ответэнзэ валдт ды чарь-
кодевикст. Толковамосонзо кевкстематнень туртов
тарка эзь кадново, мельтнесэ арасельть чоподачить,

Сонзэ валтнэ талакадомат эзь содакшно. Сон содась ламодо ды секс кортась тевень содазь. Кортась истя простойстэ – простой народось кунсолось Эйсэнзэ кенярдозь. Валонзо домкальть ды теке шкасто чарько-девиксэльть. Сынъ сияждсть истямо простойчисэ ды валдосо, натой травасть Сонзэ ятнэнь. Сон решась эрва чинь ине кевкстематнень истя – Ваксканзо юты-цятне натой сыргильть Мельганзо.

Иисус Христос лецясь кромождыцят, сокорт ды лавшомозтнень. Сон ванськавтсь проказадо ды вельмевтнесь кулозтнень. Сон пансесь бест, лоткавтнесь кандыловт ды вармат. Эсь озноматнесэ явшесь тыща ломаннень кемемат ды кеняркст.

Чачостонзо кияк эзь некшне пелемат. Сон зярдояк эзь капша. Мартонзо эзь лисне тамашат. Эзь вайсе прянь акирдемас, эзь тално, а содыль потамот.

Сон прянь кепедезь аштесь Пилат икеле ды мерсь: „Монь лангсо властеть аволь уле, бути сонзэ а максовлизь верде“ (Иоан. 19,11). Ды Сон велявтсь тандавтозь ломантненень: Кедь алонзо кирди ангелэнь легионт.

Крёстонть алов Сон стясь тандадомань апак невте, куш, нама, содась: ятнэ топавтсызь сень, мезде мерсть Сондензэ кавксо пингеде теде икеле: „Реве ладсо Сон ули ветязь, ды прок ревелевкс нарыця икеле, истя ве валгак Эсь кургстонзо эзь ёвта“ (Исаия, 53,7).

Сон мольсь слава марто, Эсь покшчинзэ марязь ды Эсь тевензэ содазь. Сон сась грехс совазтнень идеме, Пазонь кеженть лоткавтомом, идемевсенть базарсто ломантнень рамамо. Сась стаканть изнямо, калмонтъ ды адонтъ лангсо кеняркшномо. Куломадонзо ёвта-зель тыща иеде теде икеле. Васня, кода неинек, Эдемень садсо. Седе мейлеяк Иисус Христосонь куломадо ёвтазесь эзь стувтневе ламо пингень перть. Авраам

неизе Сонзэ куломанть ревелевксэнь печкемстэ, истя лецтнесь Сондензэ Израилень народоськак. Эрьваксть, кодак иудеень алтарь лангсо кармиль чудеме жертвань верь, те веренть ловсть Пазонь цёранть верекс, Кона сы ды идесынзе грехте. Давид невтизе Куломанзо эсь псалматнесэ. Исаия пророкось алтась тенень эсь книгань башка глат, косо педе-пев невтеви, кода Сон кулось.

Иисус Христос мерсь, келя, Сонзэ улить Эрямонзо максомс виензэ, зярдо мерсь: „Мон паро пастырян, паро пастыресь максы эсь эрямонзо реветнень кисэ“ (Иоан. 10,11). Ды оштё мерсь: „Истя улезэ онкстазь Ломань Цёрантень, кадык Тензэ ве кемицяськак аволь куло, но свал эряволь“ (Иоан. 3,14-15). Иисус Христос несь свалшкас стявтозь крёстонтъ. Чачомадонзо икелень молиция пингтнестэ Сон содась: малавгады куломань Чизэ. Зярдо Сон чачсь Аванть пельде, крестось уш чополгавтсь кинзэ. Сон теевсь ломанекс куломанть кисэ. Лавсьстэ саезь крестонтъ видьс – Сонзэ бажамокс ульнесь куломась.

Майсесь сонзэ самодо икеле истя, кода ве ломаньгак эзь майсе: Гефсиманонь садсо ютавтозь весь, кона валдомтозель пальця факелсэ, миичянтъ паламозо, первосвященникентъ икеле судось, учомань частнэ, римской губернаторонь дворецэсь, Иродонь дворецэнтень ютамось, Иродонь кежев ушмантнэнь нарьгамост, седеень лоткавтыця се аренась, зярдо Пилат снартнексиль Сонзэ идеме, кода се шкастонтъ, священниктне ды курос пурнавозтне вешсть Сонзэ веренть, пижнициятне, Иерусалимстэ Голгофав ютамось, эсктне, конат чавозельть Сонзэ кедтнес ды пыльтнес, кавто роботниктнень пеетькшнemaст-нарьгамост: „Лиятнень идекшнить, Эсь прят Теть а идеви!“ (Матф. 27,42).

Кой-конатне кевкстность, мекс Христос кулось истя бойкасто – ниле часонь перть, кода лиятне прястлангсо майсесть кавто-колмо чить. Ды эдь Сон ульнесь лавшокс ды муцявозь, зярдо кузсь Голгофанть пряс. Зярдо Христос кулома лангсоль, кулось эсь мелензэ коряс. Сон кочкась эрявикс шка ды лекстясь меельцеде.

Моданть ды менеленть ютксо Сон аштесь, понгавтозь. Сынть чавсть Эйсэнзэ, зярс Сонзэ чамась эзь валово верьсэ. Сынть сельгенесть Сонзэ чачос, зярс лицязо эзь вельтяво бесякадозь ломанень сельгсэ. Яла-теке сон пеняцямонь ды энялдомань ве валгак эзь ёвта, ансяк кавто валсо пачтизе майсеманзо, зярдо мерсь: „симемс“. Вересь чудезь чудсь. Пазось вешсь грехс совазенть ды полавтыцянзо чавома. Христос ульнесь Сонзэ полавтыцякс. Гавриил архангелэсь ды легиононь тыщась ливтнесть вселенноенть чирева панжозь налчирьке марто. Ве Сонзэ чевте вановтозо, ды сынть керсевлизь пижницятнень. Аволь эсктне кирдсть Эйсэнзэ – вечкемань сюлмотне, сынть эйсэнзэ кирдсть сеть пикстнэде виевстэ, конат кодазельть ломань кедьсэ. „Но Пазось Эсь вечкеманзо тенек невти сеньсэ – Христос кулось минек кисэ, зярдо ульнинек оштё пежетьсь ваязекс“ (Римл. 5,8).

Тынк кисэ! Монь кис! Сон кандынзе грехенек Эсь Рунгосонзо крестлангс. Кие-бути мерсь: „Арседе немс Сонзэ крестлангсто прянь нолдазь, ськамонзо ды Паздонть явозь, истямокс, кона весе Седейсэнзэ саинзе мода лангонь пежетнень. Сон теизе сень, мезенть эзь веше Эстензэ, мезенть ульнесть виензэ явшемс сетненень, кинь таркаст саизе крестлангс. Чарькодтяно, неть майсематне тенек а кирдевить, минь ансяк марятано, кода эйсэнек саи Сонзэ покш-

чинть ды вийтнень икеле сюкпрянь максомась, зярд
Сонзэ кельбрясто марясынек: „Те теевсь!“

Иисус Христосонь рунго майсеманзо аволь эсензэ
майсемат. Ламот кулсесть Сондензэ икелеяк. Ламо ло-
манть муцязельть. Иисус Христосонь сех покш майсе-
макс теевсь ойменть куломазо. Сон пачкодсь грехень
отьманть потмаксос, онкстызе тосонь весе горянтъ, зя-
рдо Вере Пазось велявтсь Сонзэ эйстэ ды кекшизе
Чама Ликензэ, сестэ Сон натой серьгедевсь: „Пазом,
Монь Пазом! Мезень кисэ Тон кадымик?“ Съкамонзо
улемстэ Христос неть валтнэнь ёвтынзе ломань исто-
риянь ине часстонть. Сынмест кирвазезь, толонь сияж-
домась истя пекстынзе сельменек, Кемпбелль натой
эзь кирдеве, мерсь: „Вейкеяк сельме те сияждоманть
эзизе цидярдо“. Неть Сонзэ валтнэ ульнестъ ёвтазь,
кода корты Морган докторось, секень кисэ: „Кадык
ломанесь соды перьканок улездентъ, сень, мезес сон а
чарькоди“.

Сон, пежетень а содыщясь, теевсь пежетевекс ми-
нек кисэ, Сонзэ трокс минь идинек эсь прянок Ниш-
кенть икеле. Сон теевсь Пазсо стувтозекс, секень ку-
валма, мекс а содыль грехть, се чумондомась, конань
Сон кирдизе, велявтсь питнекс, те питнесь минек
чарькодематнеде покш. Эстензэ Сон эзь эряво. Бути
саизе пежетенть Эсензэ Рунгсо, Сон тейсь истямо пит-
нейчи, конась Эстензэ ульнесь а мезекс. Сестэ кинень
тень теизе?

Кода те весемесь лиссь чоподань отьмасонтъ, лoma-
несь зярдояк теде а карми содамо. Мон ёвтан ансяк
вейкеде: Сон кандынзе монь грехтнень Эсь Рунгосонзо
крест лангс. Сон педявтозель тозонь, козонь мон чаво-
малинь. Сеть адонь цидярдоматнень, конатненень
прамалъ монь лангс, Сон сайнзе Эсензэ рунгс, ды мон

ней молеван менелев ды тень саеви се, мезесь правань коряс а монь – алтазь Сонензэ. Ташто Заветсэнтъ ёвтазесь ней топавтозь. Священниктненень а мезекс иезэнзэ вестъ совсемс Святойтненень Святоентень. Сонзэ жертвасонтъ чумонь кирдемаатне ды ломань кис аштемаатне ды „кода ломантненень вестъ сави куломс, мейле понгомс судс, истя Христоскак вестъ теизе Эсь прынзо жертвакс, штобу саемс ломань пежетнень“ (Евр. 9,27-28).

Ней, зярдю идемань юрось путозель, весементъ, мезентъ теемаль грехень кандыцянтень, – те кемемс Пазонь Цёрантень, ды сестэ ломанесь парсте эряволь Нишкентъ марто. Эдь Пазось истя вечксь моданть-масторонтъ, натой максызе Эсь Вейкине Цёранзо; „кадык эрьвась, кие кеми Тензэ, а кулы, эри свал“ (Иоан. 3,16).

Крест лангс Христосонь чавомастонть мон неян колмо смустть: васняк, невтезь ломань грехень домкачись. Илядо сядо се шкань ломантнень, мекс истя тейсть! Монгак, тыньгак теньсэ чумотадо. Аволь Римень солдатт ды тынк пежетне велявтсть тувталокс сенень, мекс Сон сонсь саизе Эстензэ куломанть. Пштистэ варштадо Голгофань Крёстонть лангс – тосто Пазонь вечкеманть несынк.

Крестс чавомань колмоце тувталось – те идемань вейкине кись. Иисус мерсь: „Монь кись, видечись ды эрямость, кияк а юты Тетянтень, кода Монь пачка“ (Иоан. 14,6).

Адстонть ды грехтентъ прят а идесак, бути сеньс а кемат: аволь Христоснэнь – тонеть крест лангсо аштемаль. Улевель идемань лия ки, сестэ Сон муевлизе сонзэ. Идевлизаяк ванькс оймесэ пештязь эрямость, Иисус Христоснэнь а мезекс улевель куломс. Сестэ

полавтыцязо араволь Сонзэ таркас. Ломантне теде а вечкить кортнеме-кунсолото, эдь те вишкалгавты прянь шнамо́ст.

Ломантнень ютксто ламотне кортыть: „Арази прям а идеса, эрян апак манче? Эли теян истя, кода мери Христос? Эли эрян се эрямосонть, кода Сон эйсэнь тонавты?“ Кадык натой эрявлиде Христосонь тонавто-манзо ладсо, ялатеке улевлиде пежетевекс. Ялатеке карматадо пупорькшнеме, эдь зярс оштё киненьгак эзь удала чачома чистэ саезь куломанть самс эрямс истя, кода вешсь Христос. Кода иля корта, нолтниде ильветькст, колсиде закононть, грехс вайсиде, ульниде а кунсолыцякс. Сестэ ков тейсынк пежетенк? Каднови вейкесь – кандомс сынст крестонть алов ды вешемс тосто простямот.

Зярд-бути Карл Пятый королесь Антверпенэнь вейке купецень кедьстэ займась ламо ярмакт. Сась пандомань шка – королесь розорявсь. Пандомс тензэ а мейсэ. Купецесь тейсь короленть лемс покш симем-кат. Зярд пурнавсть инжетне ды столътнень лангс каванямкатнень оштё эзизь вачка, купецесь путовтсь короленть икелев кирвастезь штатол марто вакан. Купецесь таргизе зепстэнзэ апак пандо векселенть, ютавтызе штатолонть ланга, ды тона теевсь куловокс. Сестэ королесь кутмордызе идицянзо ды кеняркссонть аварьгадсь.

Пазонть икеле минекак истямо долконок. Пандо-мань шкась ютась ды пандомс ярмаконк арасть. Кавто тыщат иеде теде икеле крёст лангсо Пазось истожинзе тоньгак, моньгак грехтнень, зярс эзь ёма чумочинек меельце киксэсь.

Библиясь корты: „Ды весе Закононь коряс вансь-кавтови верьсэ, верень апак ёмавто простямот а улить“

(Евр. 9,22). Ламот кортнестъ тень: „Кода те тулкади ломанеть! Илядо эйсэнек кемевте: кемтядо верь валомань религияс!“ Лиятне дивсестъ ды кортасть: „Мон кодаяк а чарькодян, мекс Нишкесь веши верь?“ Ульнестъ лия дивсематкак: „Кодаяк а чарькодян, мекс Христоснэнь эрявсь куломс монь кисэ“. Неень шкане Христосонь верь валомадо мелесь ловови таштокс ды ламо проповедтнэсэ сондензэ а лецтневи, ды ялатеке сон ули. Сондензэ ёвтазь Библиясонть. Эйсэнзэ – христианствань корёнтнэ. Христианствань башка ёнксокс ашти Христосонь верь валомазо. Сонтемензэ минь а ультяно идезь. Вересь – те Христосонь куломань символ.

Библиясь тонавты: Христос саинзе грехенек Эсензэ верьсэ: „Содазь, аволь сиясо ды сырнесэ тынь идезтядо эрва чинь мелявксонь эрямодонть, Христосонь, пезетьс апак соавто ды ванькс агнецэнтъ питнейде питней верензэ вельде“ (1 Петр. 1,18-19). Минь таргазтяно аволь ансяк идемевсентъ вийсэ, законсоjak. Крёстлангсо Христосонь куломась ливти эйсэнь закононь властентъ алдо. Законось судимим, Христос пандсь кисэнь. Весе сырнентъ ды сиянтъ ды модань лия питней кевтнень вельде мон а идевлинь. Сень, мезесь тенст эзь тееве, теизе Христосонь куломась. Минь питнень арасьчиде ульнинек миезь идемевсентень, Иисус Христос рамимизь ды велявтызе идеманок.

А эряви стувтнемс: вересь МАЛАВГАВТЫМИЗЬ Пазонть марто: „А ней тынь Иисус Христоссо, икеле ульниде васоло, тееvide малавиксэкс Христосонь верентъ вельде“ (Ефес. 2,13). Зярдэ ульнинек явозь Израилень обществадонть, а содылинек Пазонь алтамотнень, эринек кемемань апак сода ды Пазтомо, Иисус Христос малавгавтымизь Нишкентъ марто.

„Ней арась кодамомяк судямо сетненень, кить Иисус Христоссот“ (Римл. 8,1). Идезь грехень кантницясь а сти мейле Инепазонь судонть икелев. Христос саизе судонзо.

Вересь ТЕИ МИРЭНТЬ. „Ды штобу Сонзэ вельде весементь мирямс Мартонзо, весементь ютавтома Сонзэ крестонь Веренть пачк мода лангсонтькак, менель лангсонтькак“ (Кол. 1,20). Модась-масторось а карми сэтъмечинь содамо, зярс а сти Иисус Христосонь крестонть алов. Пазонть марто а улить оякочи, превчинь ды оймень ладямот, зярс а стятано крестонзо алов ды а пшкадтяно Христоснэнь. Тосо кирдеви Нишкенть марто ладямонь тайнась.

Вересь иди: „Свал ней сехте пек, Сонзэ верьсэ идезтне, ультяно идезь Сонзэ кежтнедеяк“ (Римл. 5,9). Ломаненть эрямозо полавтови Пазонть икеле. Те – чумочиденть ды сюдоманть эйстэ простямос-стувтомас ютамо. Простязь пежетень кантницясь а моли тюрьмас пекстазенть ёнов, кона ютавтсы аштема шканзо, сонсензэ зярс арасть гражданинэнь праванзо. Иисус Христосонь верьсэ простязь пежетевесь получасынзе эсь праванзо. „Кие карми чумондомост Пазсо кочказтнень?“ Пазось идесынзе сынст. Кие чумонды? Христос кулось, ды эзь вельмеяк, Сон ды одесной Нишкесь, Сонсь мелявтыяк кисэнек“ (Римл. 8,33-34).

Вересь ВАНСЬКАВТЫ. „Бути яксетяно мода ланга, кода Сон те ашо светканть, сестэ васолевтяно вейкенек-вейкенек марто, ды Иисус Христосонь вересь, Сонзэ Цёранзо вересь, ванськавты эйсэнек эрьва грехтенть“ (1 Иоан. 1,7). Сон ванськавты аволь грехень пелькстэ – „эрьва грехтенть“. Эрьва лавгамось-манчёмась, конань нолтнинк икеле, весе апарось, рудазовтевь, конань теинек зярдо-бути, весе пежетев бажа-

монк – весемесь ванськавтозь Иисус Христосонь куломасо.

Зярыя иеде теде икеле Лондононь вейке приемсо пурнавкшность ламо содавикс ломанть. Ютксост ульнесь се шкань гайгиця проповедникесь Малангак. Вейке дамась мазыйстэ морась, тень пингстэ сонсь налкесь рояльсэ, весе инжетне кадовсть эйстэнзэ покш мельспаросо. Зярдо авась лоткась морамодо, проповедникесь мольсь ваксозонзо ды чевтьстэ, апак пеле пшкадсь тензэ: „Течинь чокшнестэнтэ кунсолынь Эйсэнк ды арсезевинь, кодамо покш лезэ кандовлиде Христосонь тевтнень пачтямосо, бути алтавлинк Тензэ эсь талантонк. Содатадо-арась, тынь истямо жо Пазонть икеле пежетевтядо, кода латксо удыця пияницясь, теке фонарь ало ульцясо учиця авась. Мон кеняркшнан эсь ёвтамонть кисэ: Иисус Христосонь, Пазонь Церанть, верезэ ванськавты эйсэнек эрва грехтенть“.

Од авась тень каршо ёртсь апаро валт. Проповедникесь мерсь истя жо састо: „Сударыня, монь арасель мелем Тынк обидямс. Ознан Пазнэнь, штобу Сонзэ Духось Сонсь кемевтевлидизь“.

Приемось прыдовсь, ды весе сралесть. Од авась мадсь кудосо удомо ды кувать эзь матедеве. Икелензэ аштесь проповедникенть чачозо, пилесэнзэ гайгсть сонзэ валтнэ. Окойники, валскень кавтошка чассто авась кирнявтсь таркастонзо, сайсь карандаш ды конёв ды, сельведьсэ сынст начтозь (Шарлотта Эллиот аванть лемезэль), сёрмадынзе эсь содавикс стихензэ:

Кодамокс улян, веренть лемсэ,
 Кона валозель крестонтэ лангс,
 Мон весе седейсэ ды превсэ
 Тонеть, Христос, озныщякс сан.
 Кодамокс улян мон – пек одан,

Зярдэ мештьсэнь а марян озкст,
 Прянь простявтомсто максат, содан,
 Монень кемемань вийть, Христос!

Те оштё аволь пе. Минь а кадтано Христосонь крест
 лангс, косо Сонзэ пильгтнестэ, бокастонзо ды кедтнес-
 тэ чуди верь. Сон таргазель ды путозель кандолазс.
 Покш кев пексты калмонь совамо тарканть, аштить
 ванстыцят. Субутань перть авардсть Христосонь тона-
 втницянзо. Кавтотне уш лиссть Эммаусонь кинть лангс.
 Весень стардынзе сорнома. Инечинь валскестэнтъ, зяр-
 до чись ёртынзе сятконзо, Мария Магдалина ды Сало-
 мия стить калмонть икелев. Кандолазтнэнь пря песэ
 аштесь Ангел ды кевкстинзе: „Кинь вешнетядо?“ То-
 нат мерсть: „Назаретэнь Иисусонь“. Ды сестэ Ангелэс
 пачтась тенст кенярксов куля, конань, паряк, зярд-
 бути марякшнызь весе: „Сон арась тесэ. Сон мекев
 вельмесь!“

Те ине событиясонть – Пазонь идемань весе пла-
 нось. А улевель вельмема – идемаяк а улевель. Иисус
 Христос ламоксть ёвтакшнось одс чачомадонзо. Весть
 Сон мерсь: „Кода Иона аштесь китэнь пексэ колмо
 чить ды колмо веть, истя Ломань Цёраськак карми
 аштеме модань седейсэ колмо чить ды колмо веть“
 (Матф. 12,40). Ды, кода Сон ёвтась, истя вельмеськак.

Уликсчинь содавикс законтнэ онкстыть историсясо
 лисезентъ. Седе, Иисус Христос вельмесь кулозьстэ
 колоньгемень колмо иесэ, истянь зняро эрясть Юлий
 Цезарь марто Александр Великийгак – тень ковгак а
 кекшсак. Историктне лецтить теть тыща примерт, ко-
 натнесэ цифратне вейкетъ. Зярдэ жо кортамось ушо-
 дови Иисус Христосто – теить пряст амарицякс. Неть
 ломантнень горяст сеньсэ – сынъ а бажить кемеме.

Оймень неемаст истят сокорт, сынсь истят а кемицят, натой Библиясто ловнозь Христосонь вельмемантькак а бажить эстет саеме.

Вельмемась невти васняк сень: Христос ульнесь Пазокс.

Сон ульнесь Се Ломанекс, Кодамокс ловсь Эсь прянзо. Христос ульнесь рунгсо Нишкекс.

Те невти: Пазось примизе крѣст лангс Сонзэ стямонзо, конась эрявсь идеманок туртов. „Конась миезь минек пежетнень кисэ ды вельмесь идеманок кисэ“ (Римл. 4,25).

Те максы вийть ломантненень виде судсонть.

Сон вельмевтизе рунгонок. „Христос вельмесь кулозтнестэ, Сон юткост васенцесь“ (1 Кор. 15,20). Священной Писаниясь тонаваты эйсэнек, христиантнэнь: зярдо кулотано, рунгонок вельтясызь модасо, но сынть стить кулозтнестэ вельмемань ине чистэнтъ. Сестэ куломась ули изнязь. Христосонь вельмеманзо вельде куломастонть таргавить пупиця сардось ды Христосонь кедьсэ куломань панжоматне. Сон кортась: „Мон васенце, меельце ды живоян, ульнинь кулозекскак эдь эрян пингестэ пингес, аминь, монь кедьсэ адонь ды куломань ключтне“ (Витьк. 1,17-1).

Христос алтась: „Мон живан, тыньгак карматадо эрямо“ (Иоан. 14,19).

Те невти: куломась изнязь. Куломань азорксчись лепштязь, сон ёмась. Ней сась шка меремс псалмань морыцянь валсо:

„Бути сырган куломань сулеень лашмова, кежде а тандадан, эдь Тон монь марто, Тонь жезлат ды посохот – сынь оймавтыть монь эйсэ“ (Псал. 22,4).

Христосонь вельмеманзо марто Павел Апостолось кенярдозь учось кулома. Сон мерсь: „Эдь монень

эрямость – Христос, секскак куломась – рамамо“
(Фил. 1,21).

Христосонь вельмевтеманть а ули икелепелезэ.
Библиясь алты: сы истямо чись, зярдо чамадо чамас
минь вастовтано Вельмевтезь Христос марто ды рун-
гонок тееви Сонзэ рунгонть кондямокс.

Христосонь марто мон – чамадо чамас.
Мезе арсян Сонензэ ёвтамо?
Сенень, Конась идимизь пежетнеде,
Ды Сонсь кулось, рудазс ваязь, текеде?
Туян менелев. Тосто вастса Сонзэ,
Несынь ванькс тевтнень ды святой Чачонзо.

КАВКСОЦЕ ГЛАВАСЬ

КОДА ДЫ МЕЙСТЭ УШОДОМС?

„Мон меринь: апак манче кортан тенк,бути а пшкадтядо ды а карматадо кода эйкакштне, Инязоронь Менельс а соватадо“.

Матф. 18,3

Кода нетяно, природасонтъ ули закон, конась тарги эйсэнек алов, теи животноень кондямокс, сокоргавты превенек, ношкалгавты совестентъ, лоткавты икелев бажамонтъ, ды минь теевтяно чумондозекс эсь снарт-нематнень кувалма.

Инешкесь святой ды видечинь кис аштиця. Сон моли пежетентъ каршо. Пежетесь яви ломанентъ эйсэ Паздонть ды канды оймезэнзэ кеж. Ломанесь ёмавты-зе превень ды оймечинь ёжонзо. Ды семс Пазонтъ эстензэ а велявтсы, зярс а мусы тензэ кинть.

Нишкентень кинть а арсесак. Ломанень арсема образтнэ а аравтовить пазонь арсема образтнэнь ваксс, эдь рунгонь превчись моли Пазонтъ каршо. Нишкентень кинть сюконязь а добовасак – ломанесь стясь сонзэ каршо. Те кись а муеви нравственностентъ вад-рялгавтоманзо вельдеяк – ломанень личностесь колазь грехсэ.

Самай текень кувалма икеленек стить истят кевкстемат: мезе теема? Мейстэ ды кода ушодомс? Кодамо

кись мекев таргасамизь Пазонтень? Те кись ансяк вейке. Иисус Христос мерсь: „Бути а пшкадтядо ды а карматадо кода эйкакштне, Инязоронь менельс а соватадо“ (Матф. 18,3). Истямо ладсо Иисус Христос вешсь мелень ванома. Вана мейстэ ушодома! Вана кода ушодома! Тыненк эряви пшкадемс Пазонтень!

Улить ламо ломанть, кить пшкадеманть човорить закон марто. Библиясонть Моисеень законось анокстазь башка валсо. Тосо сон невтезь аволь чудань теиця виекс. Те васняк зыянтнэде онкс. Сон онксты тынк мелявксонь тувталтнэнь, аволь сынст лецямонть. Библиясь корты: „Минь аздатано, што законось, мездеяк кортындеряй, пшкали законотъ ало аштицятненень, секскак пекстневить весе кургтне, ды весе мирэсь теви Пазонтъ икеле чумонь кирдицякс“ (Римл. 3,19). Законось кундызе ломанень авидечинть, секс Библиясь корты: „Закононь тевтнесэ Икелензэ а идеви рунгонь бажамось“ (Римл. 3,10). Законотъ вельде а пшкадеват. Библиясь корты: „Законсонть а саеви грехесь“ (Римл. 3,20). Законось – прянь ветямонь зеркала. Сон чумонды, но а полавты. Сон невтни сурсо, но а максы милость. Законсонть арась эрямо, эйсэнзэ ансяк кулома, эдь сон яволявты: „Тонеть эряви куломс“.

Улить ломанть, конат кортыть: религиякс тенст теевсь Нагорной проповедесь. Но эзь чачо истямо ломань, кона эряволь те проповедентъ коряс. Библиясь корты: „Весе совастъ грехс ды кадовсть Пазонь слававтомо“ (Римл. 3,23).

Кортамодо икеле – ойменк ванькст ды Пазонтень пшкадемс тенк а мезекс – васня онкстынк эсь прянк. Штобу ёвтамс – религиозной пшкадемась лади лиятненень, сонзэ пельде меньгак лескс арась – васня апак манче ды арсезь-мелявтозь варштадо эсь ойметнес.

Холливуд ошсо проповедень ловномсто фильмань теиця артистнэ икелем энядлсть ёвнемс озномань ёжомарямотнеде. Зярдю прядыя кортамом, васенце кевкстемась тень истямолю: „Мезе те пшкадемасть?“

Шкань ютазь Вашингтонсо тердимизь проповедень ловномо политической деятелътнень туртов. Дискуссиянь ветямсто васенце кевкстемась ульнесь монень истямо жо: „Мезе те пшкадемасть?“ Университетнэсэ, колледжтнэсэ студентнэяк васняяк макснить тень те кевкстеманть: „Мезе те пшкадемасть?“

Ответнэ а вейкетъ. Мезе те ПШКАДЕМАСЬ? Кодамо смустъ сон канды? Мезе канды эсь мельганзо? Мейс тенк эряви пшкадемс Инязоронь Менельс совамодо икеле?

ПШКАДЕМАДО чарькодемасть, нама, аволь уш истямо стака. Эрьва паро купецесь соды: микшнемстэ сон рамицятненень васняяк невтьсы эсь товаронзо. Рекламань прывтоськак шнамонь кисэ тарги эсензэ пелев рамицятнень. Лецятано сеть политической деятелътнедеяк, конат пшкадсть лия политической тонавтоматнес ды конат явовсть икелень эсь вановтост эйстэ. Меельце войнань иетнестэ минь марсинек мирной промышленностень ламо предприятиядо, конат теизь эсь производстваст военнойкс, ды нефтасо уштовиця печькатне полавтозельть уголиясо уштневицякс.

Пшкадема валось невти „велявтомс мекев“, „полавтомс эсь вановтонь смустнень“. Религиясо сон толковави „ одс чачомс“, „стямс кемемань кис“, „божамс грехс а совамодо“ чарькодематнесэ.

Превстэнь а лисни се пиянициясь, кона ульнесь монь вейке промкссо. А стувтса, сестэ сон мерсь тень: „Мистер Г., мон а кеман, што сеньсэ, мезде тынь

кортыде, ули видечи, но мон тынк Христосонтень пшкадян, ды бути Сон куш аламошка теи истя, кода Сондензэ ёвтнетядо, сестэ сан тыненк ды алтаса Пазонтень весе эрямом“.

Зярыя недлянь ютазь сон мерсь тень: кодаяк, келя, а чарькоди, мезе лиссь мартонзо. Кодак озы симеме, прок кияк лоткавты эйсэнзэ. Те Христос макссь тензэ винадо явомань вийть. Мейле цёрась велявтсь эсь семиязонзо ды кармась эрямо Христосонь кисэ. Ёвтамс лия валсо, сон валдомгавтызе уцясканзо – пшкадсь Пазонтень.

Пшкадемась эрси эрва кодамо. Эрва ломанесь пшкали эсензэ ладсо, кода арси-мелявты. Пшкадят, зярдэ оймесэть рискс, мезе-бути ёмавтыть эли бажамот эзь топавтово. Эли арсить касомо-куземе важдема таркасо, ды теветь эзть лисе; эли ваить ськамочис. Святой духось лезды теть – ды сельметь одс валдомить. Ансяк те лескстэнтъ мейле чарькодят: эрямо виень лисьмапрякс весенень ашти Инешкепазось. Содак: ансяк Сонзэ пельде покш лескстнэ, вишка лескст Сон а максни.

Лиясто пшкалят парсте эрямстояк, зярдэ Пазонь чанстне пракшныть теть эрва чистэ. Но самай неть чанстне кармавтадызь арсеме: Нишкесь тенк аппарат эзь кантне, ды тынь вештядо Сонзэ пельде простямот.

Пшкалемась пракшны апак учне, кода, мерьсынек, пшкалекшныть язычниктне. Сынь кемить кевс, чувтс, лисьмапряс ды тень пингстэ весень ловить эсест Пазокс.

Пшкадемась аволь ойме толонь кондямо. Ули истямо пшкадема, кона сакшны ёжонь каладомадо мейле, зярдэ уш Пазонь идемантень апак кеме ве эскельк-скак а теят. Лисни, Христос ломань мельтнень чарько-

динзе ды кармасть сонзэ идеме зыянс ваямодонть. Сестэ уш Эйтэнзэ а явоват.

Секскак мертяно: пшкалемась эрси свалшкань ды истямо, зярдо Пазонть вечкемазо панжовкшны эриентень кода-бути сеске, кери се явовксонть, кона таргавкшны чоподанть ды валдонть, вечной эрямонть ды куломанть ютксо.

Истямо тевгак эрси а свал. Монь нинтень, примеркс, а лецтяви се чись эли часось, зярдо сон велявтсь христианкакс, но сон кеми: од религияс ютамозо ульнесь. Од ломантнень ютксо ламотне, кить лиссть христианинэнь семиясто, кодаяк а чарькодъсызь се шканть, зярдо сынь максызь эсь пряст Христоснэнь... Лиятне, мекевланк, парсте помнясызь, зярдо кармасть Христоснэнь озномо. Пшкадемадонть Од Заветсэнтъ кортави, што сон сакшны друк, пиземе ёндол ладсо.

Пшкадеманть ды религиозной опытэнтъ обуцяст умок апак ванно, но меельце комсвеее иетнестэ тень коряс психологтне ютавтсть зярыя исследованият, конат невтить, што пшкадемасть – те аволь ансяк христианинэнь, лия пазтнэс кемицятнень ёжомарямосткак.

Исследовательтне-психологтне састь ве мельс: пшкадеманть колмо ёнксонзо. Васенце ёнксось – те зярдо ломанесь кавтолды-мелявты. Омбоце ёнксось – зярдо сон эсь ёждонзо поты аламонь-аламонь, колмоцесь – зярдо ойметь шождалгады ды пештяви кенярдомасо.

Старбек, мекевланк, корты, што пшкадемаатнеде кавто ёнксонь. Васенцесь, валонзо коряс, онкстави грехень пек марямосо, омбоцесь – зярдо ёжось колави, ды ломанесь бороци духовной ваньксчинзэ кисэ.

Психологонь исследованиятнень питнейчист зярс паро ладсо апак онкста. Миненек а ютнама сынст вак-

ска, сынъ валыть ламо валдо. Берянесь лиясо – аволь весе психологтне ловить Библиянь пшкадеманть верде празь ёжомарямокс.

Монь койсэ, пшкадемаатнеде ялатеке кавто видэнь. Васенце видэнсесь – те зярдо ломанесь ве таркасо а аштеви, свал талны-ризны мезде-бути, кеми ды простявтни эсь прянзо. Омбоцесь – те зярдо ломанесь ковгак а эцекшни, весень эйстэ ашти ве ёно, мезесь седеяк вадря. Истямось, кода свал, пшкали Пазонтень вечкема марто, а кавтолды эсь кемеманзо коряс.

Сень туртов, штобу совамс Менель Инязорксчинтень, мерсь Христос, тыненк эряви пшкадемс. Те аволь мон кортан – те Иисус Христосонь валонзо! Сон мерсь: „Бути а пшкадтядо ды а карматадо кода эйкакштне, а соватадо Менель Масторонтень!“ (Матф. 18,3).

Пшкадемась алтави весе превтненень, ёжомарямотненень, обуцянтень. Тыща ломанть превсэст пшкалить Пазонтень. Сынъ кемить Библиянтень, Христосто тонавтомантень, теке марто паро ладсо эзь пшкале Сонензэ.

Иоаннонь пельде Евангелиянь омбоце главасонтъ максовить сядо ломанде лецтнемат, конат сыргастъ Иисус Христос мельга Сонзэ тонавтоманть васенце пингстэ. Текстсэнтъ кортави, ламотне кемсть Тензэ, но Иисус Христос оймензэ тенст эзизе панжо, эдь Сон содыль, мезе аштесь седейсэст. Мекс тенст Сон эзь кеме? Содась: мельганзо сыргазтне кемсть превсэ, аволь оймесэ.

Превсэ ды седейсэ пшкадемаатненень ютксо покш авейкетъксчи. Бути арсетядо пшкадеме Христоснэнь, кемеде Тензэ оймесэяк, превсэяк.

Тыща ломанть печтизь неть ёжомарямотненень,

конатнень ловить Пазнэнь пшкадемакс, ялатеке сынъ Сонензэ пшкалемакс эзьт тееве. Иисус Христос веши алтамс Тензэ весе эрямонк, ды бути уцясканк опыт марто апак сюлма, сестэ те опытэсь стявтни кавтолдомат. Зярдэ сатадо Христоснэнь, ёжомарямосонк, нама, пек ламось полавтови, эдь сынст эйсэ – вечкема ды каршо молема. Тынь явтадо грехтенть ды карматадо видечинь вечкеме. Христос сови оймезэнк, Сон зярдояк мартонк а яви.

Зярдэ Христос ансяк превсэнк – васов а пачкод-тядо. Тынь весе бажамонк алтынк Сонензэ! Сестэ тынь сыргатадо Христос мельга ды топавтсынк Сонзэ мельтнень. Бажамосонк сави сюконямс Нишкентень. Тынк „монсь“ чарькодемась ули чавозь крестонтъ эйс. Кадовить веенст снартнемат – модемс свал Мельганзо.

Зярдэ пшкадемстэ аштетядо крест ало, Святой Духось максы тенк грехень простявтомань вийть. Духось вети кемеманк Христоснэнь, Конась кулось мартонк, ды тынь панжсынк теньсэ эсь седеенк, штобу Сон соваволь эйзэнзэ. Самай те шкастонть Святой Духось максы тенк од чачома, ды тынь рунгсо-оймесэ отк-томтадо. Иисус Христос Святой Духонтъ вельде сови мештезэнк.

Пшкадемась истямо простой, натой вишка эйкак-шонтеньгак топавтови, ды теке шкасто сон пек домка – весе пингтнень перть сонзэ смустесь богослов-тнэненъ эзьт полавтово. Пазось макссь тенек идемань простой ки. „Те киванть молицятне, натой тунь опыт-тэме, а манявить лангсонзо“ (Исаия. 35,8). Менель Мاستоронтень кись киненьгак а ули пекстазь секе тувталонтъ коряс: ломанентень сон а чарькодеви. Улезэ ломанесь бедной эли сюпав, пек превей эли простой – кадык весе пшкадить Нишкепазонтень.

Нурькасто ёвтамс, пшкадемасть – те „полавтома“. Бути ломанесь пшкадсь, сестэ, лисни, сонензэ можна вечкемс тень эли тонатань, но тень пингстэ тенень тув-талтнэ кармить лият. Пшкадезесь полавтсынзе вечкемань предметэнзэяк. Эсь ялгатнедеяк явови. Аволь сень кисэ – а вечксынзе сынст, мартоост яви вана мекс: пазнэнь кемемась, эрямонтъ лангс вановтось лията.

Пшкадезесь карми вечкеме сень, мезентъ икеле сон эзь вечке, ды а карми сень вечкеме, мезентъ вечксь. Полавтови Пазонтъ лангс вановтозояк. Бути икеле Нишкентень сон кодамояк мель эзь явкшно ды эрясь свал пелезь, ней сон карми Нишкентъ кунсолома. Карми Эйстэнзэ пелеме, сюконякшномо Тензэ, кенярдомо сень кисэ, мекс уцяказо ашти Сонзэ эйстэ. Пшкадемадо икеле ломанесь вайсесь виськсчис. Превсэ бажамонзо, ярмак мельга пансемась сонзэ эрямосо аштильть васенце таркасо. Ней, Пазонтень пшкадезь, ломанесь мештезэнзэ саи совесть ды видечи. Христианонь эрямось тееви тензэ ветиця виекс, эдь сон топавты Христосонь вешеманзо. Лиякс ёвтамс, ломанесь полавтови.

Монень а стувтови ве тейтересь, кона Нью-Йорксо тейсь эстензэ карьера ды мейле сась эрямо Лос-Анжелсэв. Нью-Йорксо сон вастовсь мазый цёра марто. Цёрась роботась Нью-Йорконь рекламаны покш предприятиясо. Вастневсть, кода свал, вень клубсо. Прянь вечкиця алужось начальникекс теевемантъ кисэ сась Калифорнияв ды кемсь, пель иень ютазь одирьвазо сы тензэ, ды сынъ налксить свадьба.

Недлянъ ютазь Лос-Анжелесэв самодо мейле, сень учозь – таго ушоды киштемань эрямо, – тейтересь фатясь, алужозо педясь вейке мазыйка артисткас ды виздсь теде витъкстамо сонензэ.

Те ошсонть тейтеренть арасель вейкеяк малавикс ломанезэ, весе бажамонзо каладсть ды икелепелесь тензэ неявсь потмурадо потмуракс. Семиязо ульнесь аволь пазнэнь озныця, тейтеренть тюк стардызе.

А содавикс ульцятнева лытамсто сонензэ а кинень ульнесь евтнемс эсь меште рискстнэде, сон тондавсь „палаткань церьковантень“, косо минь ловнынек проповедть. Мейле ёвтнесь, кода пельсь совамодо, ды ялатеке совась, ознома шкасто аштесь весень удало кукарьгадозь – чатьмонезь. Сы чокшнестэнтъ тейтересь таго сась... Истя сон кармась яксеме церьковав эрва чистэ, зярс ойме сэретьксэнзэ эзь пота, ды сон эзизе маря Вере Пазонтъ вайгелензэ.

Зярдэ Иисус Христосонь кемеманть вельде чумонь ды каршо молемань сталмось саезель лавтовстонзо, тейтересь несъ: вечкемась, конань ёмавтызе, ульнесь ансяк алце кустемакс ине вечкемантень. Покордамонь ёжомарямотне, конат кирдсть эйсэнзэ мекев Нью-Йорков велявтомадонть, ёмасть. Седе тов эрямось уш эзь неяво тензэ прыдозекс. Мекевланк, мештезэнзэ чачсь од ойме. Авейкетъксчись ульнесь ансяк сеньсэ: сень таркас, штобу путомс эсь превчинзэ ды докачнтъ киштематнес, сон кармась апак лотксе важодеме Инешкинтъ лангс. Эсь фантазиянтъ, конань васня алтась мазычинь невтемантень, ней путсь сенень, штобу седе ламо ёвтнемс од ломантненень библейской ёвтнемат. Ярмаконь добовамонь ёрокчинзэ алтызе Пазонтъ лемс. Пасторось витъкстась: тейтересь макссь тензэ валдо идеят, конатнень вельде церьковав сакшныцятне седеяк ламолгадсть. Ней тейтересь прынзо а мари кадозекс ды киненьгак а эрявиксэкс, эдь эрва шкасто сонзэ тердсть озныцятне. Сехте пек эрявиксэсь – тейтересь а вайси ськамочис, эдь соды –

сон эряви Иисус Христоснэнь, кона свал аштекшни вакссонзо, иди эйсэнзэ ды вети райс.

Весе те лиссь тейтеренть пшкадеманзо вельде. Тейтересь велявтсь морянь нусманя кистэнтъ, косо ара-сель часиязо ды пшкадсь эсензэ Вере Пазонтень ды Идицянтень Иисус Христоснэнь! Сон ладясь Пазонтъ марто.

ВЕЙКСЭЦЕ ГЛАВАСЬ

ПРЯНЬ ПРОСТЯВТОМА

„Пачтян тенк: менель лангсо кеняр-доматнеде прянь ве простявтыцянтъ кисэ седе ламо кармить улеме сеть вейксэньгемень вейксэ проповедник-тнень коряс, конатнень туртов прянь простявтоматне а эрявить“.

Лук. 15,7

Нетяно, Иисус Христос веши пшкадема. Истя жо фатинек: колмо кустемань пшкадемакс теевсь прянь простявтомась, кемемась ды одс вельмемась. Можна пелькстамс седе, конась кона мельга ашти, можна лоткамс сень лангскак: весе сынъ ютыть малав ве шкасто. Арсезь-арась те паро ладсо – а содатано, ансяк пшкадемань стака шкасто весе неть сех эрявикс ёжомарямотне сельменек икелеть.

Бути прянь простявтомантъ ёвтамс ве валсо, мон бу кочкавлия ЯВОМА валонть. „Мезе явома?“ – кевксть-самизь. Каршо ёвтамось вейке: „грехентъ эйстэ“. Библиясь, кода уш лецтнинек, тонавты: грехесь – закононь коламо. Грехесь – те Инешкепазонтень весе алтамотнень ды авторитетэнь аразьчи. Грехесь – те кеж, кона совась Эдемень садс сестэ, зярдо Адам ды Ева эскельдять пежетьс. Шкань ютазь пежетьс ваямось кежсэ колынзе весе ломантнень. Лисни, весе грехс совась,

ды ней арась грехтеме ве эрицяк. Пежетесь сезинзе Пазонть марто сюлмотнень, ды, кода эрявсь учомс, ломанесь эзь карма ладямо эсензэ мартаюк.

Улема, Пазонть ды вейкенек-вейкенек марто ладось тенек а аравтови, кода а ладяви эсенек потсо мирэськак, зярс мезе-бути а тейтяно сень каршо, конань Нишкесь а вечксы. Мерезь: миненек явома аволь ансяк грехень принциптень, весе пежетнедеяк. Явома мирэнтъ, рунгонь бажамонь идемевсентъ эйстэ. Тень коряс а мезекс торговамотне, кавтолдоматне ды кортавтоматне.

Натой тесэяк васенце таркасо вечкемань принципесь, эдь зярдю весе оймесэнк педятадо Иисус Христоснень, зярдюяк тенк а саеви се, мезентъ Сон ёрты ды а вечки. Автомат ладсо явовтадо эсь эрямонь пежетнеде, бути эсь прянк целанек алтасынк Сонзэ верантень. Секскак прянь чумондомась ды пазнэнь кемемась молить кедте кедьс кундазь.

ПРЯНЬ ПРОСТЯВТОМА чарькодемась неень читнестэ, кода а жаль, церьковань кафедратнесэ а лецтневи. Ансяк васенце проповедесь, конань ловнызе Иисус Христос, корты: „Прянк простявтынк, ансяк эдь валгсь ваксозонк Менелень Инязоркчись“ (Матф. 4,17). Истя яволявтсь Паз Тетясь Эсь Цёранзо вельде. Иисус Христос алты тенек весе седей лембензэ, кона склень пештязь вечкемасо, Сон пачтясь чумодонтъ ды грехтентъ. Сон тердсь ломантнень чумодонтъ витъкстамо ды явомо Пазонтень а кемемадонтъ. Сон мерсь, прянь простявтомантень улема седе икеле, зярдю Сон валсынзе эсь вечкеманзо ды мелень ваноманть ломантнень лангс. Иисус Христос Сонсь явовсь зыян тевтнень кекшнemaдо. Сон кармавтсь, штобу эсензэяк чумондовлизь, явовлизь пежетнеде. Пазонь вечкеманть

максомато икеле Сон арсесь кемекстамс ломантнень марто оякочи.

Весть Иисус Христоснэнь састь озныцят ды ёвтнесть Тензэ галилеянтнэде, конатнень верест Пилат човоринзе сынст жертватнень марто, зярдо Римень легионтнэ чалксизь Иудеясо восстанянтъ. Сынъ ёвтнесть Тензэ Силоамонь башнядонть, кона тапась сядот ломанть. Иисус Христос каршоност мерсь: „Арсетядо-арась тынь, неть галилеянтнэ ульнесть весе галилеянтнэде седе пежетевть, секс истя тапазельть. Бути прянк а простявтсынк, весе истя кулсетядо“ (Лук. 13,2-3). Лиякс ёвтамс, Иисус Христос мерсь: сень лангс апак вано, ломантне тапсевить лепштямосо, зыянов тевтнеде эли кулсить паро куломасо, сынст уцяскаст ули секе жо, бути эзть пшкаде Пазонтень прянь простявтомасо. Зярс те эзь лисе, кемема тенст а максови. Пазонь милостенть те а лоткавтсы, ансяк прянь простявтомась панжи ки Нишкенть паро арсеманстэнь.

Содатано, идемань юрость – Пазонтень милостьсэ. Уш некшнинек: жертватне, койтне-кирдатне эли паро тевтне зярдожк эзть идекшне вейкеяк ойме. Библиясь корты: ве ломаньгак апак иде законсо Пазонь сельме икеле. Библиясь тонавты, „сон виде кемемасо карми жив“ (Римл. 1,17). Идемась ды простямось нежедить Иисус Христосонь идиця жертванть лангс. Ломантень простявтома прянтъ эсь грехтнеде ды эряви примамс Христосонь веранть.

Иона пророкось ловнось прянь простявтомато проповедть Ниневиясо, ды Ниневиясь простявтызе эсь прязно.

Иезекииль пророкось ёвтнекшнесь прянь простявтомато, зярдо мерсь: „Секскак Мон карман судямот,

Израилень кудо, эрванть эсензэ киява нолдаса, корты Вере Пазось, прянк простявтынк, весе яводо апаро тевденк, штобу честень а улемась эйзэнк а кадоволь“ (Иезек. 18,30).

Иоанн Крестителень ине кармавтомазо шнавсь прянь простявтомань проповедьсэ, зярдо Сон мерсь: „Прянк простявтынк, эдь сы Менелень Инязоркчись“ (Матф. 3,2).

Од Заветсэнтъ прянь простявтомась лецтневи сизь-геменксть. Иисус Христос мерсь: „А простявтсынк прянк, лиятнень ладсо кулотадо“ (Лук. 13,3). Троиця чистэнтъ озксонь ловномсто Петр мерсь: „Простявтынк прянк, ды кадык ютксонок эрьвась озны Иисус Христосонь лемсэ прянь простявтоманть кисэ“ (Деян. 2,38). Павел Апостолось кортась текеде жо: „Иудейтненень ды еллингтненень алтан Пазонтъ икеле прянь простявтома ды кемема эсь Иисус Христос Нишкентень“ (Деян. 20,21). Библиясь корты, Пазось терди прянь простявтомо: „Ней Инепазось эрьва косо кармавты ломантнень прянь простявтомо“ (Деян. 17,30). Те кармавтома. Инепазось корты: „Простявтынк прянк – эли кулотадо“. А тынь эсь прянк простявтынк? Весе седейсэ теньс кемтядо?

Мезе Христос чарькодсь ПРЯНЬ ПРОСТЯВТОМА валтнэсэ? Мезе теде свал лецтневи Библиясонть? Бути варштатадо словарьс, тосто мутадо: прянь простявтомась – те „мезде-бути мелявтома эли мейсэяк эсь прянь чумондома“. Грекенъ ды еврееень кельтнесэ жо алкуксонь валтнэ, конатнень ёвтынзе Христос, невтить седеяк покш смусть. Те – „полавтома“, „мекев велявтома“. Те молиця вий, зярдо ломаньсэнтъ – революция. Зярдо Библиясь терди эйсэнек грехтнеде прянь простявтомо, те корты седе: миненек эряви явомс пежет-

тенть, лиякс ёвтамс, сыргамс эрямо кинть лия ёнов ды весе сень эйстэ, мезесь совавты эйсэнек грехс.

Иисус Христос ловнось валвелявкс лытыця цёрадо, штобу теньсэ черькстамс сень, мезе Сон ёвтыксэль „прянь простявтомасонть“. Зярдэ лытыця цёрась витькстась эсь пежетнеде – идизе оймензэ. Сон эзь кадово туво юткс. Стясь ды сыргась! Сон тусь ютазь кинзэ каршо. Муизе тетязно, прынзо простявтызе ды получизе эсь казненць.

Неень христиантнэнь ютксо ламотне эсь сельмест икельде нолдызь сень, мезенть невтсь тенст Библиясь, зярдэ эрямонь те Книгась кортась Нишкеденть. Прянь простявтомась те аволь лия мезеяк, кода прянь чаравтнезь ёвтамо: „Вай, кода жаль, мекс истя теинь!“ – мейле эрямс икеле ладсо.

Прянь простявтомась невти мезень-бути эйстэ велявтома, од кива сыргамо. Янксемс – те оштё аволь прянь простявтома. Иуда мурнесь-сюдось эсь прынзо, ансяк эзь янксе. Оймень откстомтомаськак тенень а сатны. Арась истямо муцямо, конаньсэ идевлинк эсь рунгонк, арась истямо чумондома, конаньсэ потавтовлинк ойме сэретькстнэнь, конатне пек эрявикст Виевде Виев Пазонтень. Минек грехтне идезельть Иисус Христосонь крёстс чавомасонть. Крестонтъ лангсо Сон идимизь, ды ней арасть истят цидярдомат, конатнесэ простявлинек эсь прынок.

Зярдэ кортан теде, икелем авардемань эзем а неян. Ламо ломаннень мон а весть лецтнинь: прянь простявтомга сыненст эряволь авардемс эсь грехтнеде, прок оршамальть раужо одежат, ды истя теньсэ анокстамс эсь прынтъ идемантень. Вейке ломанесь мерсь тень: се вестэнтъ, зярдэ сон муизе Христосонь, сыргась вейке духовной промксов. Алтарь икеле кумажа лангсо

аштемстэ сон марясь, кода ваксозонзо мольсь вейке ава, токизе лавтовс ды мерсь: „Бороцяк, брат! Арсиндерят Пазонть муеме, ознок апак лотксе!“ Шкань ютазь ломаненть ваксс мольсь церьковань служицясь ды мерсь: „Брат, олякстомт“. Мейле сась лия ава ды таго тензэ пшкадема марто: „Се вестэнтъ, зярдо мон пшкадинь Нишкентень, валдо тол вачкодсь чамазон ды правтым-им“. Мейле озныця цѣрась витъкстась тень: сон, келя, валдонть вешнемстэ снартни бороцямомяк, оймень ванськавтомояк, ды мезеяк тень эйстэ а лиси.

Христианонь вейке деятельгак монень витъкстакшнось: пшкадема пингстэнзэ пасторось учось, штобу васня сонзэ пельде лисевельть обуцянь полавтомань ёжомарямот. Истямо вешемась мешась тензэ сыргамс Пазонтень.

Кой-кона промкстнэсэ манчиця ёжонь полавтнемась стякшны кеме пирявксокс валдонь вешница ойметнень туртов. Но се прянь идемань китне, конатнеде лецтнинь, те алкуксонь библейской прянь простявтома, сон педи ПРЕВС, ЁЖОС ды БАЖАМОТНЕС.

Васняк эряви ЧАРЬКОДЕМС пежетенть. Библиясь корты: „Весе совасть грехс ды секскак ёмавтызь Пазонь славанть“ (Римл. 3,23). Зярдо Исаия пророкось явьсь эсь грехтнеде, сон мерсь: „Ды меринь мон: горя монень! Ёминь! Эдь мон рудазов кель-валонь ломанян“ (Исаия. 6,5). Зярдо Иов фатясь, сон совась грехс, ёвтась: „Секскак мон яван ды пря простявтан“ (Иов. 42,6). Зярдо Петра витъкстась эсь пежетнеде, мерсь: „Мон пежетьс совазян“ (Лук. 5,8). Зярдо Павел чарькодинзе эсь грехтнень, эсь прянзо лемдизе грехс совазтнень ютксто вейкекс (Тим. 1,15).

Те мель-арсеманть терди Святой Духось. Алкукскак, прянь витъкстамось а сы, зярс Святой Духось а

валдомгавтсынзе седейтнень ды превтнень. Святой Духонтъ лесксээ пачколи озкстнень, пасторонь проповедтнень, радиосо христианонь передачатнень вельде ды церковань баяганть лангс ваномсто. Ламось, пек ламось терди эйсэнек истямо мельс. Минек промкстнэсэ мон некшнинь истят ломанть, конат сорность эсь грехтнеде ды ялатеке лангс эзть панжо сынст эйсэ. Лиясто фатят эсь пежетнес, содат – ваязь ваить потмозот, теде натой сельведь потсо аштят, ды кодаяк сынст а ливтьсыть лангс.

Прянь витъкстамонтень совить ЁЖОМАРЯМОТ-НЕЯК. Совить истя жо, кода сынъ сьулмавозь потмо ёжонь лия ёнкстнень марто. Павел Апостолось корты, што „Пазонтъ кисэ мелявксось терди прянь простявтом аполавтовиця идемантень“ (2 Кор. 7,10). Ламот ловить ёжомарямонтень стяконь тевекс, ды секс койкона критиктне а кемезь ванить се пшкадемантень, зярдо ломанесь сонзэ ёвтасы паро ёжосо. Манчиця ёжосонтъ, кода свал, апаро тевть. Бути сон панжови ансяк эсь прянь невтеманть кисэ, ялатеке лиясто истямо ёжо марто ломаньсэнтъкак эри валдо мелень домкачи.

Британиянь содавикс методистэсь В. И. Зенгстер докторось эсь книгасонзо сёрмады: „Мереде ёвтамтень истямо мель: ломанесь, кона кенярдозь пижни футболонь ваномсто ды пувори турват крест ало авардиця грешникень неемстэ, – а кеман, сень кияк карми вечкемензэ“.

Вейке проповедникесь вестъ чумондызе Пазонь ванькс ойме служицянтъ, Джон Веслеень, мекс, келя, сон проповедень ловномсто весе ёжомарямонзо лангс чукади. Натой вана ков пачколетяно!

Эряви меремс, прянь простявтомантень сови потмоёжонь кирдемаськак.

Ансяк сестэ, зярдо ёжонь кирдеманть алтасынек Пазонтень, онкстави тенек Сонензэ кемемаськак. Эдь, штобу кадомс грехенть, бажатано полавтомо эсь арс-матнень ды весе эрямонь смустенть.

Те бажамонть макссы тенек ансяк Пазонь Духось. Те вишка тейтернеде ёвтнамадонть ламо, зярдо тонась ознось: „Осподи, теемак парокс, ансяк истямо парокс, штобу эйсэм а чавовольть!“

Минек Америкасо сядо ломанень лемть сёрмадозь церьковань книгатнес. Неть ломантне сакшныть озно-мо, зярдо тенст пракшны ютко шка. Сынь макснить церьковань лемс ярмакт, шныть сонзэ роботанть. Службадо мейле истятнэ суюворить пасторонь кедть, шныть озкстнэнь. Кортнить христианонь кельсэ, Священной Писаниясто ловить теть цела страница, текстэнтень апак вано, ялатеке ёжомарямост аволь алкук-сонь. Христианонь верантень вановтост кодамо-бути ланга-прявань. Сынь пшкалить Пазонтень ды озныть Тензэ, зярдо понгить зыянс, лия шкасто а мелявтыть Сондензэ. Библиясь тонавты: зярдо ломанесь сы Иисус Христоснэнь, оймесэнзэ полавтови весемесь, мезес бажась сон.

Священной Писаниясонть арась вейкеяк стих, кона невтевель бу сень лангс: тыненк улема христианинэкс ды печтяма эсь меленк кондымо уцяска. Ломань седейс совазь, Христос веши, штобу Сон улевель тосо Азоркс ды Тонавтыцякс. Бажи саеме превенкак, ойменкак. Мелезэ – ансяк Сонзэ властенть ало сынь аштевельть.

Неень христиантнэнь ютксо пек ламотне бойкасто налкставкшныть церьковав якамотнеде, ансяк аволь холодильникень рамамадонть. Мериндерямс тенст: од автомобиленть кисэ пандт, эли ярмакот явсыть вос-

кресной школань стявтоманть. Кочкасызь васен-
центь. Христианонь лементь тыща кантницянзо сю-
павчикс ловить целковойтнень ды вещатнень, ансяк
аволь Христосонь тонавтоманть. Минь мукшнотано
шка футболонь эли лия пелькстамонь ванномс, но ве
минутаяк – Пазонтъ лангс мелень явоманть. Машт-
тано ярмаконь таштамо од кудос ды свал стувтнетяно
церьковань членской взноштнэде. Те – идол икеле сю-
конямо.

Полавтомань шкась ялатеке сы! Сурсо невтнетяно
язычниктнень ды идолнэнь озныщятнень лангс, куш
сынст ды минек ютксо авейкетъксчись сеньсэ: идол-
тнэ теезь алюминийстэ ды стальстэ.

Иисус Христос веши азоркчи. Веши пельденек
максомс Тензэ весементь, мезесь сюлмазь общест-
венной, семиянь ды темень эрямонтъ марто. Сонензэ
аштема васенце таркасо эрва косо, мезде аволиде
арсе ды аволиде корта, эдь бути, алкуксккак, прянк
простявтсынк, Пазонтень карматадо пшкалеме эрва
кодамо кевкстемань коряс.

Христос яволявтсь: Сон а нолдасамизь Эсь Мене-
лень Инязоркчинтень, зярс а стувтсынек эсь грехт-
нень. Илядо корта: „явован кой-кона пежетнеде ды
грехс карман совсеме эрва косо. Мон максса эрямо
пельксэм Христоснэнь, лиясо-мезесэ карман тееме эсь
мельтнень коряс“. Иисус Христос веши пельденек мо-
лемс Мельганзо весемесэ, ды зярдод лиси те, Сон ся-
доксть казьсамизь. Ансяк илядо учо, тенк ули максозь
казнень пелезэ тей-тов прянь кайсеманть кисэ! Сон
веши весе максоманть ды полавкстнэнь. Бути алтыде
явомс грехтень, шаштодо эйстэнзэ ды весементь
максынк Христоснэнь. Теньсэ тейтядо оштё вейке
эскелькс Пазонтень.

КЕМЕНЦЕ ГЛАВАСЬ

КЕМЕМАСЬ

„Эдь благодатентень идезтядо кеме-
масонть, ды те аволь тынк пельде, те
Пазонь казне: аволь тевтнеде, кияк пря
аволь шна“.

Ефес. 2,8-9

Ней минь аноктано Пазонтень од эскельксэнь те-
еме. Ней тынь аноктадо явомо ютазь эрямодонтъ ды
грехтентъ. Истя тейтядо – уцясканк полавтсынк. Ниш-
кентень молезь, Сонзэ вечкемась, милостесь ды азорк-
счись мартонк малавагадыть. Простявтынк прянк, коч-
киде виде ки, куш сон карми пек стакакс. Чалгиде се
контень, конаванть Моисей мольсь колмо пелькс мар-
то тыщат иеде теде икеле, зярдо максозельть тензэ
прат озамс престолс ды тень таркас эстензэ сон саи-
зе Пазонь баславамонтъ.

Зярдо сась истямо мельс, Моисейнень ульнестъ
ниленьгемень иеть. Стакачи марто видечись Пазонь
вечкемавтомо сюпавчидентъ сэрей. Аламот кить истя
теевельть.

Моисеень ульнесь покш культуразо ды образова-
ниязо, сонзэ лемесь гайгезь гайгсь. Кода фараонень
нуцька, сон содыль веенст шнамкат. Сонензэ кадновсь
ансяк венстямс кедь, ды се шкань мазыйде мазый Еги-
петэсь понговоль коморозонзо.

Ды ялатеке Библиясь корты: „Кемемасо ламо иес пачкодезь, Моисей прянзо эзь карма лемдямо фаранонь нуцькакс, сонензэ сась бажамо ризнэмс Пазонь народонть марто, явсь грехень танстнеде, Христоснэнь служамонть ловизе Египетэнь певтеме сюпавчитнеде покшокс, эдь сон кемсь часиянь максомантень. Кадызе Египетэнтъ, эзь тандадо Инепазонь кежтнеде, Анеявицянть прок неезь, кеместэ кирдсь эсь мельтень“ (Евр. 11,24-27).

Илядо стувтне: сон „явсь“ ды „кемсь“ – вана мейсэ алкуксонь кеняркось. Теде башка Библиясонть лецтязь: сон тень теизе „кемеманть вельде“. Кода кортнить кой-кона психологтне, истямо мельс Моисей сась аволь оймень палома шкасто, мезевтеме арась пазнэнь ознома. Сон сонсь виев ломанель. Моисей кочкизе Пазонь кинть аволь кежень пандомсто, тошначиде эли берянь уцяскадо. Пазнэнь служамонть сон кочкизе эсь мелензэ коряс. Почет ды слава мельга эзь пансе, сетнень эзинзе прима, кить раксестъ озкстнэнь лангсо ды мейле сынст вельде вешнестъ идема. Моисеень ульнесь се, мезесь арасель лиятнень, ды ялатеке эрямонь мазый иетнестэ сон кадынзе почестнень-мезтнень ды сынст таркас кочкизе Пазонтень кемеманть.

Эрьваксть, зярдо марян, ансяк лавшо ломантне, конат ёмавтнить эрямонтень меельце кемемаст, муить прянь оймавтома религиясонть, монень лецтяви Моисей.

Духовной кевкстематнеде монень савсь кортнемс тыщат цера ды ава марто. Ды свал неинь: зярдо те эли тона ломанесь Иисус Христосонь Пазокс а лови, тень сон теи аволь секс – христианонь тонавтомась превсэ а саеви. Истят тевть лиснить сестэ, зярдо мода лангонь эриесь снартни оргодеме эсь кельсэ алтазdentъ. Лав-

шо седеезэ ды ношка превензэ а нолдыть эйсэнзэ Христоснэнь. Арась мелезэ служамс Пазонтень.

Моисей педепев ванкшнынзе КЕМЕМАНЬ КИТ-НЕНЬ. Несь, бути конась пек бажи Пазонтъ вечкеме, сестэ тензэ сави максомс сех питнеенть... Сон эзь капша ёвтамо эсь мельтнень, пельс-арсезь бажамотнень лангс эзь лотка. Содась, кодамо покш путовкс эряви. Ды зярдо уш те путовксонзо максызе, ансяк сестэ Нишкентень алтызе певтеме талантонзо. Веранть сон саизе аволь варчамонь кисэ. Те – кеме бажамо, кона а содыль кавтолдомат. Эсь мельганзо Моисей пултынзе весе сэдтнень, конат улевельть удалов потамонь таркакс. Зярдо ниленьгемень иесэ церантень сась се трагической минутась, сон весе эрямонзо максызе Пазонтень ды Сонзэ кармавтоматнень туртов.

Кодамо авейкетъксчи Моисеень мелензэ ды содавикс географонтъ Гамалиэль Бредфордонтъ ютксо, конась кулома лангсо мерсь: „Мон кодаяк а кундаван Од Заветэнь ловномо: пелян, манчиця ки аволинь кочка ды аволинь тееве Пазонтъ миицякс!“

Моисеень истямо пелемазо арасель. А мезть сорномс тыненкак, бути седеень панжозь пшкадтядо Христоснэнь. Илядо пшкале Тензэ истя кортазь: „Мон а куватьс варштаса христианстванть. Лиси те – карман тееме седе товгак, а лиси – кадови шкам полавтомс эсь уцясканть“. Бути сатадо Христоснэнь, мельганк сэдтнень яжинк-калавтынк, кадык прязонк мекев потамодо ве мельгак а сы. Ютасть зярыя пингть, зярдо пандо прянь римской орёлонь сёлмтне ёртсть чопода сулей весе моданть лангс, Цезарень апилиця ушмантнэ сыргасть Британиянтъ саеме. Зярдо врагонь кораблятне пиже зорят лиссть моря краентень, ламо тыщат англо-саксонецт, пелемань стувтозь, пуромсть пандо

чаматнес чачома ёнксонь идеме. Сынст дивсемантень, римлянтнэ мезе тейсть васенцекс – те пултызь эсь кораблятнень. Зярдэ толось потязь потинзе сынст, модань нельгицятненень а ков ульнесь туемс. Арази истямо дух мартотне а изнить! А стяко Темза лей чирень велинесь теевсь мир-масторонь азорокс.

Истямо а пелема веши пельденек Христоскак. „Конась путсы кедензэ плуг лангс ды ваны удалов, се Пазонь Инязорксчинть туртов а маштови“ (Лук. 9,62).

Моисей кочкась истямо ки, кона полавтызе весе уцясканзо. Арсиця превензэ онкстызь весе сень, мезесь ильтясь сонзэ бажамотнень. Сон неIZE эсь кинть эрва эскельксэнзэ. Васня сон варшталсь се келей, валдо кинть лангс, кона пештязель властьсэ, сюпавчисэ ды винасо. Сонзэ Моисей парсте содылизе. Ланганзо мольсь ниленьгемень иеть, те кись ветясь эйсэнзэ тоначив, адс.

Мейле Моисей варшталсь лия кинть лангс. Те кись теинель, васенцеденть калгодоль. Несь горят-майсемат, ломань лемень покордамот. Неинзе весе стакачитнень-мелявкстнень, ансяк эсь кемеманть вельде несь истя жо изнямот ды вечной эрямонь казнеть.

Ношка прев, вишка опыт марто ломанесь Моисей ладсо а теевель: кочкавлизе васенце кинть. Египетэсь сестэ ульнесь сехте виев масторокс. Сонзэ кедь ало ульнесь сюпав урожаень максниця Нилэнь долинась. Армянзо а изнявицяльть, сонзэ школатне седе мейле ламо пингть кадновсть примерэнь невтицякс.

Пазонть кочказь, Моисей кандсь покш жертва, но получась ине казнейк. Сестэ сонзэ ульнесь зняро улипаронзо, кодат киньгак арасельть. Сон сюпавтнень ютксо сехте сюпаволь.

1923 иестэ мирэнь сех нардев делецтнэ пурнавкш-

ность Чикагонь ве отельс. Промксоств невтизе капиталонь ине властенть. Вейке столь экшсэ озадолить сталень компаниянь президентэсь, Нью-Йорконь зёрнань комиссиянь биржань прявтось, Соединенной Штатнэнь президентэнь кабинетэнь членэсь, Международной банконь президентэсь ды се ломанесь, кона лововсь Вол-стритэнь вадовкс. Мартост ульнесть оштё кавто кавалт – монополиянь азорт. Весе вейс саезь, неть кавксо ломантнень кедьсэ кирдевсь Соединенной Штатнэнь казначействадонтъкак покш капитал. Теде содась эрва школьникесь. Ламотнень туртов сын ульнесть примеркс, эдь весе Америкась сынст коморо потсоль.

Неть ломантнеде 1923 иестэ печатазь материалтнэнь ловность эйкакшонь пес, сын сельмть сявадовтсть, кепедсть мельгаст молеме лиятнень. Ды яла теке сынdest сёрмадозесь – те ансяк башка глават. Книгатне лисить мейле, ламо иень ютазь.

Сеть читнестэ, зярдо неть ломантне озадолить ве столь экшсэ, эрвась Моисей ладсо ульнесь эсь эрямонтъ киулосо. Икелест истя жо аштестъ кавто кить. Улема, неть китнень сын эзть нее ды эзть яво тенст мель. Китне ульнестъ истят, конатнева сыргамо эзть арсеяк. Ней содасынек сынdest сёрмадозь книгатнень. Сын ёвтнить истямо эрямодо, кодамо печтясь Моисей, ды минь вансынек-тейсынек, кона кись седе вадря.

Чарльз Шваб, сталелитейной компаниянь президентэсь, меельце иензэ ютавтынзе долк потсо. Артур Каттен, сюронь коряс сех покш спекулянтось, меельце лекстямос эрясь омбо масторсо ды кулось нищейкс. Ричард Витней, Нью-Йорконь биржань прявтось, аштесь Синг-Синг тюрмасо, Альберт Пауль, кабинетэнь членэсь, нолдазель тюрмасто кудосо куломо. Джесси

Ливермур, Вол-стритэнь „левесь“, Леон Фразер, Международной банконь президентэсь ды Ивар Крейгер, сехте покш монополиянь „вадовось“ – ледизь пряст!

Весе лецтязтне кирдсть ламо ярмакт, дворецт-мезть, ульнесть интеллигентной ды покш образования марто ломанекс, ансяк эрвантень эзть сатно сеть обуцятне, конатне эрямонтень макснить смусть ды валдо бажамот куломозост. Сынть эзть полавтово ансяк вейке тувталонтъ кувалма – киненьгак ды мезескак эзть кеме!

Сындест сёрмадозь книгань меельце глататне явовать васенцетнень эйтэ вейкесэ – неть ломантне эсест оймес эзизь прима Христосонь!

Илядо стувтне, пазнэнь кемеманть вельде Моисей явовсь Египетэнь сюпавчитнеде. КЕМЕМАСЬ макссь тензэ истямо чарькодема: кадык уцяскань меельце читне кармить улема, паряк, аволь уш цитницят, яла-теке меельцьпелев сон сайсы сех покш казнить – вечной эрямонтъ!

Каттенэнь ды Швабонь кондытнэ, улема, Моисеень ловить превтемекс. Оштё мерить: „Седе паро ояз кирдемс кедьсэ, ансяк аволь менельсэ карго“. Меревельть оштё: „Варштакая мезеть ульнесь – цела Египет. Лиясь тонь превтнесэ ды истямо власть вельде ков ансяк а пачкодевель. Сайтъ картатнень кедьс, ды Египетэнтъ кедь ало аштевель весе мирэсь. Изнявлить весе эсь ятнэнь ды теевлить мезе мелеть“. Вана кода ёвтавольть Моисейнень, зярдю сынть арсесть истя, истя теевельть ды истямо ки эстест кочкавольть. Ды раксевельть се ломанентъ лангсо, конась ёвтаволь Пазнэнь эли Иисус Христоснэнь эсь кемемадонть. Сынть каршонзо, нама, меревельть: „Кемемась – стяконь тев“.

Библиясь тонавты эйсэнек: КЕМЕМАСЬ – те вейкине ки Инепазонтень. Апак кеме Нишкентень а

савтсак, эряви, эдь штобу сазесь кемевель Пазонтень, што Сон ули, ды Эйсэнзэ вешницятненень ули максозь“ (Евр. 11,6). Библиясь истя жо тонавты: кемемась лиянтъ-мезентъ коряс Пазонтень седе пек эряви. „Апак кеме Пазонтень а савтсак“. Вейкентъ кисэ – невтемс Пазонтень эсь прянтъ – ломантне кантнить минень-сюонь оршамкат, яжить-полавтнить рунгт, ламо шка ютавтнить озкстнэненень. Те, паряк, а берянь, ды ялатеке сех эрявиксэсь, мезентъ пельденек учи Нишкесь – те кемемс Сонензэ. Зярдэ малавикс ялгантень ёвтат шнамонь валт ды шкань ютазь мерят – а кемат тензэ, сестэ мезекс шнамонь валтнэ? Теньсэ ансяк покордасак, вишкалгавтсак сонзэ эсеть икеле.

Сех паро тевесь Пазонтъ марто ладямсто – кемемс Сонзэ Валонтень. Маряви, теке Иисус Христос вешсь эсь кунсолыцяно пельде кемема, зярдэ кортась тенст: „Кемеде Монень, Мон Тетясонть ды Тетясь Монь эйсэ, бути а истя, сестэ Тень кемеде тевтнень коряс“ (Иоан. 14,11).

Библиясь яволявты: КЕМЕМАВТОМО арась эрямо. „Паро, – мертядо, – бути кемемась эряви, сестэ мезе те истямось? Кодамо смусть сонзэ эйсэ? Кода онкстамс те кемеманть ды зняро сонзэ ёнкстнэде?“

Нетъ кевкстематнень лангс, нама, ответт сеске а максат. Теде ушодтано ёвтнеме мельга-мельцек, апак капша.

Библиясь тонавты: прянтъ идесынек ансяк кемеманть вельде.

„Сынь мерсть: кемть Иисус Христос Пазонтень, ды ули идезь кудот“ (Деян. 1,31).

„Сетненень, кить примизь Сонзэ, Сонзэ лемс кемичятненень максозель власть улемс Пазонь эйдекс“ (Иоан. 1,12).

„Ды весе сеньсэ, мейсэ прынк эзь идеве Моисеень законсонть, Сонзэ вельде идеви Пазнэнь эрва кемицясь“ (Деян. 13,39).

„Аволь теицянтень, Сенень кемицянтень, Кие иди а ванькс ойме мартонть, кемемась велявтни видечикс“ (Римл. 4,5).

„Истя, кемемасонть прянь идезь, Иисус Христос Инепазонть вельде сы тенек ладямо“ (Римл. 5,1).

„Минь аволь ёмамос талныця молицят, минь нежед-тяно ойме идемань кемеманть лангс“ (Евр. 10,39).

„Эдь благодатентень тынь идезтядо кемеманть вельде, ды те ашти а тынк эйстэ, сон Пазонь казне“ (Ефес. 2,8).

Алкукс? Кемемасонть ультяно идезь? Арась, сонзэ вельде сатано благодатентень. Кемеманть пачк сакшны Пазонь чанстесь. Сон кедь, кона венстневи Тензэ ды сайни Сонзэ вечкеманть. Еврейтненень (11,1) кучомасонть минь ловнотано: „Кемемась – те учомань тонавтома ды а неявиксэнтень молема“. Веймут тень ютавтывзе седе чарькодевиксстэ: „Кемемась – те тее-зенть эсь сельмсэ неема“. Лиякс ёвтамс, зярдо Сонен-зэ максат эсь прят эйсэ.

Северной полюссо мон зярдояк араселинь ды ялатеке кеман сонзэ улемантень. Мекс? Ёвтнесть тень сондензэ, ловнынь учебникстэ, сонзэ мон неия географической атласонь картасто ды кеман сеть ломантне-нень, кить сёрмадызь неть книгатнень.

Библиясь корты: „Истя, кемемась пилесэ маря-зdentь, марямось Эсензэ Пазонть эйстэ“ (Римл. 10,17). Кемтяно сенень, мезе ёвтась Нишкесь идемадонть. Тень приматано апак кевкстне. „Моисей, прок Анея-вицянтъ неезь, ульнесь кеме а потыця“ (Евр. 11,27).

Тесэ кодаткак тайнат арась. Иисус Христос мерсь

весенень теевемс вишка эйкакшокс, ды кода пакшатне кемить эсь тетяст-аваст туртов, истя Пазонтенькак тенек кемема.

Мерьсынек, мон ардан ки ланга часозонзо ветесядт вайгельбень скоростьсэ ды, секень вант, пачкодян пандо чама икелев. Сеске тень лоткавтома машинанть, валгома ды кузема пандонть пряс эли васня карман арсеме седе: пандонть тона ёнояк ули ки? Арась, тень а тейса. Мон кеман ки лангонь прявтнэ-нень, конатне вануть кинть мельга. Ардомань бойкачинть а лоткавтса, зярдю кеман: ули ки седе товолояк, ансяк ней а неян эйсэнзэ. Истя тевесь ашти Христоснэнь кемеманть мартояк!

Кода прянь простявтомсто, кемемань юрсонть колмо смустть-чарькодемат. Васняк, эряви СОДАМС седе, мезе тень коряс ёвтась Инепазось. Вана мекс эряви ловномс Библиянтъ, содамс оймень идемадо Сонзэ тонавтоманть. Саты ёвтамс ансяк седе: тынь грехс совазядо ды Христос кулось тынк кисэ. Саты содамс седе, мезе ёвтазь Иоаннонь пельде Евангелиясонть (Иоан. 3,16). „Эдь Пазось истя кармась моданть-масторонть вечкеме, натой максызе Эсь Вейкине Цёранзо секень кисэ: кадык эрвась, кие кеми Тензэ, эри пингде-пингес“. Ламот пшкадсть Инепазонтень вишка знаниявтомояк. Нама, бути теде тенк эряви содамс, васняк содадо Сондензэ ды вейкине источникентъ, косто сайсынек те идеманть – Библиясто!

Кой-кить мерить: „Ды монень Библиясонть ламось а чарькодеви, секс а снартнянкак сонзэ ловномо“. Истя, Библиясонть улить стака таркат. Примеркс, монь превс кодаяк а сови телевидениясо невтезесь, секс аппаратонть а нолтнянкак. Тень лован кемемакс.

Но Пазось а веши сень, мезесь тенек а топавтови. А

вешы пельденек а содавиксчис кирнявтоматкак. Христоснэнь кемемась парсте ёвтазь Библиясонть. Ды бути тосто ламонть а чарькодъсынк, ялатеке онкстасынк те Книганть питнензэ, эдь эйсэнзэ Пазонь Валт. Васенцесь, мезенть идемевсесь снартни ёвтамо ломанентень – те а кемемс Пазонь Валтнэс. Карматадо тень коряс кавтолдомо ды путнеме тозонь кевкстемань тешкст, понгтадо апарос. Зярдояк тенк а эряви стувтнемс: тынь пежетъс совсезтядо. Илядо стувтне седеяк: Иисус Христос кулось грехенк кисэ ды одс вельмесь идеменк. Христосонь куломась, калмамотне ды одс чачомазо – вана мезе Евангелиясонть. Теньс эряви кемемс, теде зярдояк а стувтнема пшкадеманть кисэ.

Кемемантень истя жо совить ЁЖОМАРЯМОТНЕ. Библиясь яволявты: „Мудростень ушотксось – Инепазонть пелемазо“ (Валвелявкстнэ 1,7). Павел Апостолось мерсь: „Эдь Христосонь вечкемазо кутмордатадызь“ (Кор. 5,14). Бажамось, вечкемась ды пелемась – весе сынъ эрямонтъ эйстэ а явовиця ёжомарямот. Вейкеяк превей ломань а мери: „Адядо кадсынек ёжомарямотнень“. Ёжомарямотнень домкачись а явови ойма мелявкстнэдеяк. Саиндерясынек се семиянтъ, косо вейкест-вейкест марто кортнить калгодосто-каштансто. Мезе лиси, козяйкама туртов мерян лисемс экшезэм седе мейле, кода витъкстан тензэ: а вечкса, марят.

Зенгстэр докторось весть мерсь: „Совавтодо религиянтень секе принципентъ. Карматадо вешеме, штобу Евангелиянь проповедникесь пачтяволь тенк эсь Пазонь милосттентъ, кона анок простямс ды баславамс тынк, но тынь карматадо вешеме тень апак кенярдо, сестэ учотадо а топавтовикс тев...“

Озномсто ёжомарямотне аволь вейкетъ. Веенст

ломантне пряст маштыть кирдеме, омбонстнэ, мекев-ланк, мелявксост-талномаст лангс ливтить. Ды яла-теке ёжонь апак ёвта озкстнэ а ютавтовить. Зярдю войнань иетнестэ Черчилль пшкалил Британиянь эсь народонтень мелень кепедиця валсонзо, сон саиль кунсолыцятнень седеест ды мелест. А стувтса, кода весть кунсолыя Глазговонь Айбрукс парксо. Сон кармавтсь эйсэнь арсеме ды теке жо шкастонть кепедсь ёжом эйсэ истя – те мельспародонтъ натой цють эзинь пижне-киште. Зярдю карматадо Иисус Христосонь вечкеме, тынк оймесэяк чачи истямо ёжо.

Кода свал, кемеманть ало ашти ойме виесь. Те прок колмо ломанть, конатнестэ вейкенть лемезэ „превть“, омбоцентъ – „ёжомарямот“, колмоцентъ – „бажамо“. Превтне кортыть, што Евангелиясь „пря удемев“. Ёжомарямотне лепштитъ бажамонть лангс ды кортыть: „Мон мерян Иисус Христоснэнь „вечкема“, эли „Мон пелян судто“. Ды сестэ сынст ютксо ойме виесь тееви судьякс. Сон кундасы улонзо ды домкасто арсезеви, мерят, вешни кевкстеманть коряс виде ответ. Ды весементъ сон тейсы-решасы. Улить преветь, ёжомарямоткак виевть, ды яла-теке Христоснэнь а пшкадят. „Тевтеме кемемась – улов“ (Иак. 2,20).

Зярыя иень ютазь мон марсинь ломанде, кона Ниагарской ведьбрамонть трокс таргазь канат ланга усксь тачка. Тыща ломанть цяпастъ тензэ. Цёрась тачконтень путсь кавто центнерт мода мешок ды мекев-васов ютавтызе канатонтъ ланга. Мейле сон пшкадсь пурна-возтненень: „Зяро ютксонк кемицят: ломаньгак ускан те тачкасонть?“

Весе ловизь: те тевесь топавтовикс. Икеле аштицясь пижнесь сехте пек. Сестэ акробатось невтсь лангозонзо ды мерсь: „Озадо, ней тынк очердесь!“ Не-

евлинка, кода тандадсь прянь шныцясь! Мерсь, сон кеми, келя, теньс, паряк, арсесь, што кеми, алкукс жо тунь эзь кеме ды тачконтень эзь оза.

Истя лисни Иисус Христос мартояк. Улить ламо ломанть, кить кортыть, што кемить Тензэ, куш Иисус Христосонь мельга зярдояк эзь сыркакшно. Кевкстьсамизь, паряк: „Ну паро, а знярошка эряви кемемадонть?“ Иисус Христос яволявтсь: „горчицань зэрнашка“.

Лиятне кевкстнить: „Кодамо эряви кемема?“ Тевесь аволь покшолмасо-мейсэ. Кемемась эрси ансяк вейке. Сехте ламо эряви содамс кемемань ОБЪЕК-ТЭНТЬ. Истямокс теевсь тенек Иисус Христос. Кемема аволь мазый озксос, эсь прянтень эли жертвантень – ансяк Сонензэ, Инепазонтень!

Библиясь кемевти эйсэнек: кемемась невтеви колмо способсо. Васняк – тонавтнемасо, сеньсэ, кода тынь кемтядо Инепазонтень сюконямосо ды сеньсэ, кода ветятадо эсь прянк ломань ютксо. Теде минь карматадо ёвтнеме те книгантъ лия главасонзо.

Библиясь истя жо тонавты: „кемемась а прядови сеньсэ, што тынь сыргиде Христос мельга, ды Сон идетьадызь. Кемемась моли седе тов. Сон касы-покшолгады. Васня, зярдо ловнотадо Библиянтъ эйсэ, те кемеманть марясынк, паряк, аволь истямо виевекс, мейле сон рашты-касы ды, окояники, карматадо яксе ме церьковав ды тосо марясынк ваксонк аштиця Нишкентъ. Седе мейле, зярдо грехтнеде прянк простявтсынк ды сайсынк Сонзэ кемеманть, Сон эйкакш ладсо кедте ветятадызь Менель Инязорксчинтень. Несынк-марясынк: Иисус Христос эри весе тынк мелявкстнэсэ, Сон свал мартонк. Сестэ лецтясынк Павел Апостолонтъ валонзо: „Ды уш а монсь эрян, монь эйсэ эри Христос. Эрян аволь ансяк рунгсо, Пазонь

Цёрантень кемемасо, Сон вечксамам ды максызе монь
кисэ Эсь пряно“ (Гал. 2,20).

Зярдэ мусынек Иисус Христоснэнь те идиця ды
кенярксов кемеманть, оштё вейке эскелькс тейтядо
Пазонтъ марто лад-эрямонтень.

КЕВЕЙКЕЕЦЕ ГЛАВАСЬ

ОДС ЧАЧОМАСЬ

„Бути кие вере а чачи, Менель Масто-
ронть а несы“.

Иоан. 3,3

Савовлинь тенк апак кевкстне ды кортавлинь мартонк сельмеде сельмс, тынь, паряк, витъкставлиде тень: „Мон кавтолдан ды а содан, мезе теемс. Мон колынь Пазонь законтнэнь. Эринь Сонзэ вешематнень каршо молезь. Снартнинь аравтомо эсь правилатнень, ды сынть тень эзть ладяво. Се сэпей уроктнень цидярдынь, савсь кирдемс мелявкссо-майсемасо. Мезе ансяк а максовлинь одс чачоманть кисэ! Мезе ансяк а максовлинь, штобу велявтомс мекев удалов ды весементь таго ушодомс. Сестэ мон сыргавлинь тунь лия киява!“

Бути неть валтнэ муить тарка тынк седейсэ, прясонк аштить истят мельть, сестэ ёвтан тенк ине куля: Иисус Христос мерсь, тыненк одс чачома! Приматадо од ушоткст, конатнеде арсиде свал. Явтадо пежетев „мон“ прянь шнамонть ды теевтядо од ломанекс, ванськады ойменк, грехенк шляви.

Кодамо рудазов аволь уле ютазь уцясканк, кодамо а чопода неень эрямонк, ды а неяволь а лисевицякс вандынь чинк, сынст потсто меневат. Меневат ансяк вейке ки вельде, конань тенк кочкама. Эряви чалгамс

вейкине кинть лангс, сон а сень кондямо, кува икеле якиде.

Кадык кадовтадо истямо жо музгордицякс, эсь прянтъ каршо молицякс ды аксунокс, кодамокс ульниде свал, но тыненк нейке можна самс истямо мельс: бажатадо одс чачома. Ды куш ташто грехенк кадовить, ушодтадо од эрямо. Теевтядо истямокс, кодамокс алтась теменк Иисус Христос.

Улема, кевкстядо: „Кода истя сасави тень од чачомасть?“ „Кода откстоман-полавтован?“ „Кода ушодса эрямонть лиякс?“

Нетъ кевкстематнень кавто тыщат иеде теде икеле Палестинань менель ало Иисус Христоснэнь макснинзе Никодимгак. Вельмемась, бульчом, те аволь ансяк кармамс эрямо одс, те велявтомс уцяскань лия страница эли полавтомс эсь мельтнень. Кода уш неинек, Библиясь тонавты: тынь васняк чачиде рунгсо, ойменк жо велявтозель грехс. Библиясь тонавты: тынь „кулозтядо апаро тевенк ды пежетенк кисэ“ (Ефес. 2,1).

Библиясь кемевти: грехев ды кулозь эрямосонк арась мезеяк живой. Пежеть потсо чачозентень виде уцяска а кемекстави. Ламот снартнить аравтомо виде-чинть эрямо оймень апак откстомто, ансяк истямо тевтенст а теевкшны. „Уловонтень эрямось а ладяви“ (Иак. 1,15).

Ташто оймесь Пазонтень а служи. Библиясь тонавты: „Чевте седей ломанесь а примасы сень, мезесь Пазонь Духтонть... ды а превейгады, эдь тень судяма духсонть“ (1 Кор. 2,14). Ней минь Пазонтъ марто ятт. А топавтано Сонзэ законтнэнь ды а карматанояк икелест сюконямо, кода кортави Римлянтнэненъ (8,7) кучовкссонть.

Библиясь истя жо тонавты: икелень ойменек сэрсь

колазь. „Пильгалкссто саезь пря колганс арась сонзэ шумбра ве тарказояк, петнатне-пупуркатне, сыявксов ранатне елейсэ апак ванськавто ды апак тапаря“ (Исаия 1,6). „Ломанень ёжов седеесь сехте пек колезь“ (Иер. 17,9). Те колемась лиси рунгонь бажамотнестэ.

Библиясь истя тонавты эйсэнек: минек ташто-чатыця обуцясь – эсь прянь вечкемань кой. Сон сонсь а полавтови. Библиясь корты: зярдо минь вере чачот-зяно, лангстонок Адамонтъ ёртсынек. „Каладо рунго“ ломанесь ули чавозь крестс, а карми касомо. Иисус Христос мерсь: „Тынь ванськавтадо кукшононь-ваканонь чачотнень, кадык те шкане сынь пештязь салам-касо-авидечисэ“ (Матф. 23,25).

Библиясь эйсэнек истя жо тонавты: сень самс, зярс од чачоманть эзинек маря-нее, Менель Инязорк-счинтень а понгтано. Иисус Христос тень коряс ёвтась седеяк парсте: „Тыненк вере чачома“ (Иоан. 3,7). Тесэ весемесь онкстазь-ловозь. Сенень, кие бажи понгомс Менелень Инязорксчив, эряви чачомс вере.

Идемась – те аволь полавтомс „мон“ икелень смустенть, „мон“ од чарькодеманть свет лангс нолдызе видечинь кантниця Инепазось. Одс вельмемась – те аволь рунгонь ды седеень полавтома. Чачомс вере – те аволь полавтомс прянтъ, те одс омбоцеде чачома. „Тыненк чачома вере“.

Ломанень лавшо рунгсонть арась шумбра тарка. Лавшо ломанесь а сыргави Пазонтъ мельга. „Секскак тынь а сень тейтядо, мезес бажатадо“ (Гал. 5,17). Рунгонь плотьсэ эрицятне Нишкентень а вечкевкшныть. „Чудильмань ве варясто чуди-арась ламбамо ды сэпей ведь? Монь братом, кода смоковницась а кантни маслинат, эли смоква виноградонь тарадось, истя жо вейке чудильмас а валокшны салов ды тантей ведь“ (Иок. 3,11-12).

Лавшо рунго ломанесь Римлянтнэнень кучовкс-сонть невтеви истя: „Сынст кирьгапарест – панжозь кандолазт, эсь кельсэст манчекшныть: аспидэнь яд сынст турватнесэ, кургост пештязь кежев ды сәпей валсо. Пильгест бойкат верень нолдамо, сынст китнень лангсо яжамот-калавтнемат, сын а содасызь ладямонь китнень. Сынст сельме икеле арась Паздо пелема“ (Римл. 3,13-18).

Кода тенк полавтовить истят кирьгапартне-турватне, пильгтне ды сельмтне? Те а топавтовикс тев. Иисус Христос содась теде, секс мерсь: „Ефиоплянинэнтень полавтови-арась эсь киськесь ды барсонть – эсь петнанзо?“ (Иер. 13,23). Римлянтнэнень (7,18) кучовкс-сонтькак пачтязель: „Эдь содан, мезесь а эри монь эйсэ, лиякс ёвтамс, монь рунгсо апарось“. Библияськак яволявты: „Бажадо весень марто кирдемс лад ды оймень ваньксчи, мезевтеме кияк Инешкенть а несы“ (Евр. 12,14).

Одс чачомась эсь вийтнень вельде а добовави. Ломаненть арась святойчизэ, конань Пазось веши Менель Азорксчинтень. Ансяк одс чачомастонть муят тенень од ушоткст. Сень туртов, штобу эрямс Нишкенть уцяскасо, тыненк эряви Пазонь эрямо.

Одс вельмемась моли монета ёнов. Сень кавто – верце ды алце – ёнксонзо. Од эрямонтькак кавто чачонзо: пазонь ды ломанень. Ломань чачонтъ минь уш неинек пшкадемадо главасонть, лиякс ёвтамс, карминек содамо, мезе тенек теема.

Одс чачомась – Святой Духонь тев. Мезеяк тынк а лиси, штобу получамс одс вельмема. Библиясь корты: „Сетненень жо, конат озкстнэнь примизь Сонзэ лемсэ, максозь власть улемс Пазонь эйдекс, конат аволь плотенть, аволь мирдень бажамотнеде – Нишкенть пельде

чачсть“ (Иоан. 1,12-13). Лиякс меремс, тынк чачты-дызь аволь вересь ды рунгось. Те невти: тыненк Сондензэ башка кияк од чачома а максы.

Наследствас а кадови тенк христианстваськак. Тетянк-аванк, паряк, христиант, ды те оштё а корты седе: какшосткак истят жо.

Эрямось а чачи рунгонь бажамотнедеяк, кортави Священной Писаниясонть. Лия валсо ёвтамс, эстенк мезеськак а тееви. Тынь кулозь ломантядо. Кулозенть арась эрямозо, секскак сон мезеяк а вельмевти.

Ломань бажамотнень вельде одс а вельметядо. Кой-кить ловить: сынъ, теке автоматт, прыть менельстэ, бути сюлмавить кодамояк церькова марто эли топавтыть религиозной койть-кирдат, эли полавтсызь эсь обучаест.

Иисус Христос мерсь, што „миненек вере чачома“. Те корты седе: тенек кие-бути лезды, сонсь ломанесь истямокс а чачи. Лиякс ёвтамс, одс чачомась – Пазонь тев, те Сон максы тенек од эрямо.

Никодим эзь чарькоде, кода, келя, омбоцеде сон чачсь? Тень коряс сон натой кавксть дивазь кевксть: „Кода истя?“

Бути одс сон натой кавксть дивазь кевксть: „Кода истя?“

Бути одс чачоманть ловтано чудакс, тень коряс дивсемс а мезть. Минь зярс, натъ, а чарькодтяно „кода“? кевкстеманть, ялатеке содатано: сон валдомты минек кудотнень, невти тенек теле-ды-радиопередачат. А содатано, кода ревесь касты пона, нармунесь – толгат, но минь нетяно: истямось ули. А чарькодтяно ламо тайнас, но кемтяно сенень: се минутастонть, зярдо прянок простявтсынек грехтнеде ды пшкадтяно Иисус Христоснень, од эрямонок пры верде.

Те самай уляк паз эрямонь валома ломань ой-
менть марто. Истя теевтяно Пазонь эйкакшокс, Ниш-
кесь нолдызе мештезэнек Эсь лексеманзо. Святой Ду-
хонть вельде Иисус Христос сови седеезэнек, ды ней
минь свал, пингде-пингес, Пазонть марто. Те корты
седе: бути тынь вере чачиде, карматадо эрямо семс,
зярс Нишкесь жив, эдь Мартонзо карматадо явомо
Сонзэ эрямонть.

Зярдо сатадо менельстэ, васняк, нама, карматадо
нееме ды чарькодеме. Пазонь валось корты: „Секскак
Пазось, кона валдонть мери чоподасто валгомо, тол-
со пештясы седеенек, штобу Иисус Христосонь чачосо
ёвтнемс тенек Пазонь славадонть“ (2 Кор. 4,6). Лия
таркасонтькак ёвтазь: „Панжинзе минек седеенть
сельмензэ, штобу ламодо содавлиде“ (Ефес. 1,18).
Мезенть лангсо раксевлиде икеле кода превтемечи
лангсо, ней сайсынек эсь кемемасонок. Полавтовить
ойме мелявксонок, „мон“ чарькодеманть сявордсынек
пьедастал лангсто. Седейсэнек весемесь сти прынзо
лангс. Библиясь корты: „Ды максан тенк од седей ды
од ойме максан, ды таргаса рунгстонк кевень кондымо
седеенк, ды максан тенк плотяной седей“ (Иезек.
36,26). Пазось корты: „Эсь законом путса пеке потмо-
зост ды седей лангозост сёрмадса Сонзэ“ (Иер. 31,33).

Ней тынь карматадо Пазонть ды сень вечкеме,
мезесь Сонзэ. Ней тынь вечктядо весе мазыенть ды
иненть, кадсынк апаронть ды нулготьксэвенть. Макс-
тадо лия питне эсь перьканк неезентень. Седеенк кар-
мить ризнэме нужачисэ майсицятнень кисэ.

Бажамо виенкак полавтовить. Меленк кармить ли-
ятат, эдь вельмить тулкадиця од тувталт. Библиясь
тень коряс ёвты: „Мирэнь Пазось жо... ды кадык
кепедьсамизь эрва паро тевс Сонзэ бажамотнень то-

павтомо вечкевикс Иисус Христосонь вельде“ (Евр. 13,20-21).

Од эрямонк, конань тенк макссы Инепазось, кирдеви Сонзэ кедь ало. Карматадо топавтнеме Сонзэ мельтнень, а явовтадо Эйтэнзэ. Сон кази тенк од обущят-ёжомарямот, од эрямонь лув, кармавтадызь чекамо-покамо церьковасо. Тыненк карми вечкевеме Библиясь. Карматадо эрямо Пазнэнь озкстнэсэ. Бути теде икеле эрямонк пештязель пежетьсэ-акемемасо, ней карматадо кемеме Сонензэ ды Сонзэ Валонтень.

Икеле прынк эйсэ шнакшныде, бажилиде властес, ней те обущясь тунь ёми. Ульнесть шкат, зярдо уцясаксонк азорокс ульнесть кежесь, сельмень сьвадомась, ней весемесь те ёми-калады.

Икеле свал манчекшныде. Арсемасонк-превсэнк ды тевтнесэ ульнесть веенст лавгамот, рунгонь бажамотнень ловилинк сех паро тевекс, ней весемесь те прок арасельгак. Зярдо понгтадо идемевсень капканс, карматадо янксеме ды грехс уш а соватадо, вештядо прынь простявтома, эдь тынь одс чачиде.

Ули умонь ёвтнема туводо ды ревелевкстэ. Вейке фермер соватсь кудозонзо туво. Шлизе сонзэ, вансь-кавтынзе кенжензэ, пурксизе одеколонсо, кирьгазонзо понгавтсь лента ды озавтызе столь экшс. Тувось теке ломань аштесь. Лангс ваномс, фермерэнтъ семиянзо ды ялганзо ютксо, конат састь тензэ, самай тарказо. Талайс шнасть эйсэнзэ. Но ансяк панжовсь кенкшесь – тувось кирнявтсь гостинойстэнтъ ды эцесь рудаз ведьс, кона понгсь кинзэ лангс. Мекс? Сон эсь седейсэнзэ кадовсь тувокс.

Сайсынек ревелевксэнтъ. Совавтынк гостинойс, мейле нолдынк кардазов. Сонгак ютасынзе весе рудазов таркатнень, ревелевксэкс кадови.

Саеде ломань. Оршинк-наряжинк, церьковасо озавтынк икельце рядс, ды сон карми неявиомо святоекс. Мизолкссо-пейдемасо кенярдовтсынзе эсь оятнень, но вандынь чистэ кучинк роботамо, кадовтынк кудос эли субутане сайнк клубов ды нетядо: весе апаронзо лисить лангс. Мекс те истя? Одс эзь чачо.

Зярдод одс чачтадо, зярдод примасынк Пазонь ликенть, Пазонть икеле ультядо идезекс. Прянь идемась – Нишкень тева. Прянь идемасонть Инепазось пацьказь ойме ломаненть ловсы идезекс, куш тона грехс совазь. Пазось стявты эйсэнек Эсь сельмензэ икелев, прок грехс эзиде вайсеяк.

Павел Апостолось корты: „Кие карми чумондомо Пазонь кочказтнень? Сон идесынзе“ (Римл. 8,33). Грехтне простязь. Нишкесь ёртынзе морянь човс весе минек пежетнень (Мих. 7,19), „ертынзе Эсь карязонзо трокс весе монь грехтнень“ (Исаия 38,12). Грехтне нартнезь. Тынь аштетядо Пазонть икеле долкс совазекс, но тынь получиде прянь простявтома ды мирязтядо сонзэ марто. Те шкас тынь ульниде Пазонть ятокс. Библиясь корты: „Ды а саты се, но шнатано прянок Пазсо Иисус Христосонь вельде, кона „максь текек ладонь-лувонь аравтома“ (Римл. 5,11). Седеяк ламо: тынь совиде Нишкенть семияс, ней Сонзэ эйкакштадо. „Сон саймизь Эстензэ цёракс Иисус Христосонь вельде, Эсь мелензэ коряс“ (Ефес. 1,5). Ней тынь Менелень семиясо эриця. Тынк сантнэсэ инязоронь верь, тынь инязортнэнь Инязоронь эйкакшт. Сельмсэнк палыть од сяткт, эскельксэнк сёлмовт, чаманк сияжды мизолкссо. Натой оянкак фатить: чачиде менельсэ.

Зярдод сатадо верде, полавтовить грехенть лангс вавновтонкак. Карматадо грехенть эйстэ орголеме, а веч-

кеме сонзэ, кода зярдояк эзь вечке эйсэнзэ Пазось. Лангозонзо карматадо ваномо нулгодезь-кеждязь.

Техасонь Хростон ошсо ознома промксонть ютавтомсто вейке ломанесь одс чачсь витьстэ икеленек. Сон ульнесь вина лавкань азорокс. Омбоце чистэнтэ те лавканть кенкшензэ лангс понгавтозель „пекстазь“ яволявтома.

А вельть умок мон марсекшнынь вейке ломанде, конась одс чачсь Евангелиянь ловномсто. Сондензэ ошонь келес кортасть кода пияницядо. Истя лемдизь-гак: „Сыре Джон“. Омбоце чинь валскестэнтэ киебути вастызе сонзэ ульця куншкасо ды пшкадсь тензэ: „Шумбрат, сыре Джон“.

„Кие марто кортатадо?“ – кевкстсь цёрась. – Ней монень мерть аволь истя, ней мон „Од Джон“.

Эрямозо полавтовсь.

Тынь карматадо содамо, што одс чачиде, эдь кунсолотадо Инепазонть. „Мезе содатано Сондензэ, марятано сеньсэ: сон топавты Сонзэ заповедтнень“ (Иоан. 2,3).

Ультядо явозь мирэнтэ эйстэ. Библиясь корты: „Илядо вечке мирэнтэ, сеньгак илядо вечке, мезе сонзэ лангсо, кие вечксы мирэнтэ, сень оймесэ арась Тетянь вечкема“ (1 Иоан. 2,15).

Седейсэнк чачи од вечкема. Библиясь корты: „Содатано, минь ютынек куломасто эрямос секс, мекс вечксынек эсь братнэнь, братонзо а вечкицясь кулы“ (1 Иоан. 3,14).

Мезесь паро, грехс совсеме а карматано. Библиясь корты: „Содатано, Пазонть пельде эрьва чачозесь грехс а вайси“ (1 Иоан. 5,18). Седе тов а карматано пежетевтевень тейнеме.

Техассо ёвтнить ве ломанентэ историядонзо, конась эрьва валскестэ сьулмсилы лишмензэ винань микш-

нема лавка икелев. Весть лавканть азорозо варштась ульцяв ды несъ: ней лишмесь аштесь церькова икеле. Винань микшнициясь серьгедсь цёрантень: „Ёвтака, мекс течи алашат сюлмазь церькова икелев?“

Тонась велявтызе прянзо ды мерсь: „Исяк мон пшкадинь озныцянь промксонтень ды ней лишментень сави полавтомс аштема тарканзо“.

Вана мезе казни чачомась. Вана мезде пшкадемась корты. Лисни, тынь полавтгадо эсь тарканк эйсэ.

КЕМГАВТОВОЦЕ ГЛАВАСЬ

ИДЕМАНТЕНЬ КЕМЕМАСЬ

„Тень сёрмадыя тыненк, Пазонь Цёранть лемсэ озныцятненень, Пазонь Цёрантень кемезь, кадык содыть, тенст максови свалшкань эрямо“.

1 Иоан. 5,13

Эрва недлясто мон получан байтяк сёрмат сеть ломантнень пельде, кить пазонь эрямонтъ лангс ваныть мельде-валдо. Ламо сёрмат кучнить тень пазнэнь кемицятнеяк, куш, маряви, Христосонь веранть сынъ примить а покш мельсэ. Мейсэ тевесь? Улема, паро ладсо тенст эзь тонавтневем християнинэнь опытэсь.

Самай тень кисэ те главанть мон алтаса те кевкстеманть ванномантень. Минь уш неинек, мезе те прянь простявтомась, кемемас совамось ды вере одс чачомась. Ломантнестэ ламотне, кинь марто кортнекшнынъ, пряст простявтызь, ней сынъ пазнэнь кемицят, ды ялатеке а маштыть пазнэнь пшкалеме. Оштё вестъ лецтян седе, мезень тееме тонадынек. Васняк: штобу теевемс пазнэнь кемицякс, тунь полавтынк икелень эрямонк. Аволь сеске, кода снартнить тееме лиятне – апак капша, весеме ёндо арсезь-онкстазь. Сестэ тынсь-как а фатятадо, кода откстомтадо-мазылгадтадо.

Штобу тамашат авольть уле, сеске мерян: образования вельде тень а добовасынк. Зярыя иеде теде

икеле вейке пек содавикс проповедник мерсь: „Миненек од ломантнень тонавтома христианской духсо, кадык а арсителькак: зярд-бути сыньгак ульнест пазнэнь а кемицякс“.

Зярс оштё мезесь ве таркасо кирдевети религиозной философиянтъ – те сон кувать тонавтнемантъ вельде явовсь христианонъ ёжомарямотнеде...

Те пингень ушоткссто ине мыслителесь Стербак фатясь: пазонъ служицятне лиснить сеть ломантнень ютксто, конат эсь пшкалемаст пингстэ а марякшныть покш ёжомарямот. Фатясь сеньскак: сетне, кить парсте содыть, мезе те пшкадемасть, эрясть сеть семият-несэ, косо пазнэнь озномась покш тебекс эзь ловово.

Нетъ валтнэ – аволь религиянь тонавтнемантъ сялдома, но кой-кить, улема, тень ловсызь ломанъ ёжонъ арасьчиде толковамокс.

Пазнэнь озныцятнень ютксто вейкентень оштё Иисус Христос Сонсь мерекшнесь: „Бути кие вере а чачи, Менель Азорксчинтъ а несы“ (Иоан. 3,3). Кода эсь религиянтъ парсте содамо шкатнестэ Никодимнень эзь полавтово духовной вельмевтемась, истя минек туртовгак покш эскелькст эзть тееве. Коконсо амазый суксось ашти куватьс ды тень пингстэ касокшныяк. Но сы шка ды коконстонть ливти сёлмов покш нимияв. Касоманъ нетъ сэтьме недлятне пек эрявить, но сынъ а полавтсызь се ёжонть, зярд таштось-амазысь юты од мазый эрямос.

Бульчом, улить тыща озныцят, конат а содыть чидентъ ды часстонть, зярд примизь Христосонь. Но сынст кемемась ды эрямось ялатеке кортыть седе: арсезь эли апак арсе пшкадсть Христоснэнь. Лецтявиарась се чись – а содатано, но сынъ ютасть се киксэнтъ трокс, кона эрямонть яви куломантъ эйстэ.

Улема, эрванть озномань ёжосонзо улиць талака-лемат-акемемат. Зярдо Моисей кузсь Синаень пандонть пряс, штобу Пазонть кедьстэ саемс алтамонть, сонзэ учиця еврейтне аламос ёмавтнизь сельмест икельде. Окойники, сынь ушодсть талнозь-мелявтозь кевкстнеме вейкест-вейкест: „Те ломанень, Моисеень марто, конась ливтимизь Египетэнь моданть лангсто, мезе теевь?“ (Лисема, 32,1). Паздонть явомась тенст ульнесь меельце янксемакс.

Оймень пултыця акемемась, кона ламонть сэвипоти, чачни алкуксонь ёжомарямотнестэ. Улема, койкинень а истя толковазель Пазонь Валось, ды сынь учить сень, мезесь а саеви Святой Писаниясонть.

Од Заветсэнтъ ломанень идеманть лемсэ „кемема“ валось лецтневи колмосядто ламоксть. Еврейтнень туртов кучомасонть ёвтазь: „Эряви, штобу Пазонтень сазесь кемевель: Сон ули ды Эйсэнзэ вешницятненень максни“. Секе стихсэнтъ кортави: „Ансяк Пазонтень апак кеме Тензэ а савтсак “ (Евр. 11,6).

Христианствань пропагандистнэнь ютксо кой-конат кемевтить: сынст ёжомарямотне, келя, пек стакат ды свал лезэвть. Мекс лисни истя? А вана мекс. Сеетьстэ минсь човорятано кавто чарькодематнень – кемеманть ды ёжомарямотнень – смустест.

Кемемась сюлмавозь объект марто. Лиякс ёвтамс, зярдо ломанесь мезескак ды кеми, штобу те „мезесь“ свал улезэ сельмензэ икеле. Тень лемдяса улезьчикс. Сесккак ёвтан тенк колмо валт, конат свал аштест мельга-мельцек. Мереди лецтямс неть валтнэнь, сынь невтить тенк акемемастонть кемемантень ютамонь ки. Неть колмо валтнэ – **УЛЕЗЬЧИСЬ, КЕМЕМАСЬ ДЫ ЁЖОМАРЯМОТНЕ**. Карминдерятадо полавтнеме таркаст, меельцьпелев понгтадо чоподас, косо а кеняркст,

а кемемат ды апак пеле а мертядо: „Эдь мон содан, Кинень кеминь!“ (2 Тим. 1,12).

Бути тынь идезтядо, сестэ те лиссь Иисус Христосонь Евангелиянтень кемеманть вельде, кода теде ёвтазь Святой Писаниясонть. Кадык васня тень ловсынек „коське“ мелекс, но тевесь вана мейсэ – лия ки арась. Библиясь корты: „Эдь мон васня сень тенк невтия-максыя, мезенть монсь примия, лиякс меремс, Христос кулось минек грехтнень кисэ, кода тешксты Писаниясь, Сон калмазель ды мекев вельмесь колмоце чистэнтъ, кода Писаниясонть“ (1 Кор. 15,3-4). Библиясь корты, минь идезтяно, бути теньс кемтяно. Христосонь тевесь – улезьчи, крестс Сонзэ чавомась – улезьчи, Сонзэ кандолазтнэ – улезьчи, мекев вельмамазо – истямо жо улезьчи.

А кода кемемс сеньс, мезе арась. Инечинь васенце чинь валскестэнтъ кандолазтнэ ульнестъ чавот аволь секс, што зярыя озныця ломанть кемезевсть тенень. Улезьчись свал моли кемемадонть икеле. Превсэ а карматадо кемеме, бути а ули кемемань объектэнк.

Библиясь а терди эйсэнек мезескак кемеме, сон терди кемеме Христосонь тевс, конань Сон теизе грехентъ ды грехс ветязентъ кисэ, эрванть кисэ, кие арси максомо эсь оймензэ Сонензэ ды сырги Сонзэ мельга. Кемемс Христоснэнь вечной идеманть кисэ – те кемемс улезьчинтень.

КЕМЕМАСЬ ашти улезьчинть мельга. Нама, мезесь арасель, сенень а мейс кемемс. А ули кемема, бути арась сонсь предметэсь. Христианонь верасонть истямо объектэкс ашти Иисус Христос. Кемемадо смустесь Христосонь вешематнень марто ве лувс прамодонть покш. Кемемасонть – бажамотне, сынст эйстэ ашти тевесь. Бути алкуккак кемтяно, сестэ карматано эрямо.

Тевтеме кемемась кулокшны. Эрямосо кемемась кемевти сеньс: ломанесь целанек максызе прянзо Христоснэнь, топавты кармавтоманзо. Кемемась панжи грехень витькстамо ды Христоснэнь пшкадема. Весе ёжомарямонок вельде Христос тенек а саеви, но минь карматано Сондензэ содамо котоце ёжосонть, конань Инепазось максызе эрва ломанентень – те маштомс кемеме.

Колмо валтнэнь рядсо „ёжомарямо“ валось – сехте меельце. Кадык сон кадови истямокс тынк мельтнесэ-як. Содан, ламо мелявкст чачныть седе, што ломантне, конат весе седейсэ вешнить идема, пракшныть апаро ёжос. Сынь арсить: сыненст, келя, васня пиемапалома, мейле уш пшкадема Инепазонтень.

Кить жо идеманть эйсэ вешнить истя, кода ёвтазь Святой Писаниясонть, истятнэненень ёжомарямот Библиясь а алты. Тынь мариде паро куля, витькстыде пежетьс совамодо, нетядо, эрямонк яжазь-тапазь, тынь вешниде эсь прянь откстомтомань кить, ды весе неть бажамотне тусть тюшумбар. Истямо лувс понгозь, пшкадиде Христоснэнь. Кемтядо, Сон муи идеманть вийть ды идетьадызь. Тынь ламоксть ловнынк пежетьс совазтненень тердеманть, зярдю Сон мерсь: „Садо Монень, нужас весе ваязтне ды сизезтне, ды Мон оймавтадызь“ (Матф. 11,28). Тынь ловнынк алтамотненьгак: „Монень сазенть а паньса – а ёртса“ (Иоан. 6,37) ды: „кинь симемазо сы, сак Монень ды симть“ (Иоан. 7,37).

Од Заветстэнтъ, штобу муемс, кодамо мелявкс учи эйсэнек, мон муинь, што сон ансяк вейке. Те мелявксось – озномань рискс. Кемемась – те истямо жо ризнэма, но ламот учить оштё мезе-бути седеяк покш. Библиясь тонавты эйсэнек: „ломанесь идезь кемемасо“, аволь ёжомарямосо. Ломанесь идезь сеньсэ:

сон кеми крест лангсо Христосонь тевентень, пижне-масо-лиясо прянтъ а идесак.

Паряк, каршозон ёртадо: „А кода ёжонть марто?“ Нама, идемас кемемасонтъ ули тарка ёжомарямонтень туртовгак, ансяк эсь прянок ванстатано аволь сынст вийсэ. Кодамо ёжо аволинек печтя-маря, те ансяк идемань пе, сынсь ёжомарямонтне а идесамизь!

Зярдо мон, грехс ваязесь, Христосонь вечкеманть маряса, Христоснэнь кучан истямо жо вечкема, конась сюлмавозь ёжомарямон марто. Ансяк те ёжось простой вечкеманть коряс пек седе сэрей-покш. Сон эсь „мон“ чарькодемадонть оля. Библиясь тонавты: „Вечкемасонтъ арась пелема, виевде виев вечкемась панси пелематнень“ (1 Иоан. 4,18). Ды се, кие вечксы Христосонь, Сонензэ алтасы весе кемеманзо, пелемат а карми содамо.

Зярдо чарькодян, Иисус Христос Эсь куломасонзо изнизе куломанть ды грехентъ, ёмавтсынъ пелемань ёжомарямонтеньгак. Библиясь корты: „Кода эйкакштне сюлмазь рунгсо ды верьсэ, истя Сонгак саинзе петнень, штобу куломасо саемс куломань азоркчинть виензэ, лиякс меремс, идемевсентъ, ды олякстомтомс сетнень, кить весе пингест перть майсестъ урексчисэ“ (Евр. 2, 14-15). Нама, теяк ёжомарямо. Таго мерян: минек эйсэ иди аволь апелемась – кемемась, Христосонь лездыцязо.

Совестьсэнтъ марямс эсь чумочинть – те домкадо домка ёжомарямот. Психологтне сынст ловсызь чумонь пусмокс ды сатыть виест лабордомасо истожамс сынст, но бути ёжомарямонтне чачсть Пазонь закононтъ коламсто, те толковамось а глушасы совестентъ вайгелензэ. Ламо преступникть сынсь макснизь пряст властненень ансяк секс, што аванькс совестесь тенст тюрьмадо апаро.

Библиясь тонавты эйсэнек: Иисус Христос ванскавты совестенть. Библиясонть ёвтазь: „Эдь бути атыка сеятнень ды од вазнэтнень верест ды куловост, святой ведьсэ пурксезь, святойгавтыть сельгенезтнень, штобу рунгось ванькс улевель, ков седе пек Христосонь Вересь, Конась Святой Духонть вельде Инепазонть Эсь прянзо максызе апак пацька, ванскавтсы минек совестенть кулозь тевтнеде живой ды алкуксонь служамонть“ (Евр. 9, 13-14).

Получамс аванькс совестень ванскаавтома ды виськсамань кирдемадо олякстома – те истя жо мелявкс-тардема. Ансяк сон идетьядызь – Христосонь эйс кемемась, ванскаавтозь совестесь – Нишкенть марто паро эрямос совамо.

Кеняркось – ёжомарямо. Оймень ладось – ёжомарямо. Лиятнень вечкемась – ёжомарямо. Чавовозтнень кисэ ризнэмась – ёжомарямо.

Окойники, кияк мери: „Мон кеман Евангелиянь улезьчинть, но ялатеке теньсэ зярс эзинь идеве“. Истямс истя, идиця кемеманть ули башка ёнксо: сон истямо вий, кона канды прянь кунсолومات ды од эрямо. Кой-кинень удалакшны талайс истя эрямс, ансяк сетне, кить кемить Христоснэнь ды сеньс – Сон сынст идинзе, оймесэст кантнить потмо ёнксонь виев ёжомарямот. Те се виесь, кона кантни видечинь уцяска ды покш бажамо служамс Пазонтень.

Кадык превчинь кемеманть. Паряк, сон тынк ули, ялатеке максодо прянк эйсэ Христоснэнь, весе седейсэ сайнк Сонзэ идеманть ды, Пазонтъ Валонзо коряс, тынь теевтыдо Нишкенть эйдекс. Сетненень, конат примизь Сонзэ, Сон макссь власть улемс Инепазонь эйдекс“ (Иоан. 1,12).

КОЛМОЦЕ ПЕЛЬКСЭСЬ

МЕЗЕ КАРМИ
УЛЕМЕ СЕДЕ ТОВ

КЕМГОЛМОВОЦЕ ГЛАВАСЬ

ХРИСТИАНИНЭНТЬ ЯТОНЗО

„Секскак сёвноманок аволь верень ды рунгонь бажамотнень – прывтнэнь каршо, властнень, те пингень чоподанть ветицянзо каршо, менель кежень духтнень каршо“.

Ефес. 6,12

Ней, зярдод саиде мель, чачиде вере, пшкадиде Пазонтень ды идезтядо, теевиде Нишкень эйдекс – мезе теема седе тов? Арази пельденек вешевсь ансяк бажамонь капшамод, ды тень лангс лотки весемесь? Арази монь арасть лия мелявксон-тевень?“ – кевксть-самизь.

Истя, истя, ней ушодыде христианской эрямо. Ансяк совиде од мирс – духовной мирс. Весе перть пельксэнк од. Лисни, те эрямосонть тынь теке эйкакшт. Тенк эряви оймень лембе, вечкема ды мельганк яксемат, ярсамкат-мезть. Тынк ванстома. Вана весе тувталтнэнь эйстэ вейкесь, мекс Иисус Христос стявтсь церькова. Съкамонк христианствас а совавлиде. Тынэнк максома лескс пшкадемасо.

Паряк, неинк: улить ятонк. Кежев, нардев ятонк, конат весеметь тейсызь, ансяк изнямстадо. Секень вант, зярыя минутань ютазь седе мейле, зярдод сададо од мельс, тынь уш муинк неть ятнэнь темень топавтомсто. Сынэ эли грехс совафтадызь, эли цидярдтадо

куш аламнес, ялатеке удалов потамот ды рискст-ниреждемат. Нама, седе мейле, зярдо сыргиде Христос мельга, тынк туртов весемесь тееви мельстуицякс. Кеман, карматадо талакалеме, икеленк стить кевкстемат ды натоу покш стакачить.

Библиясь тонаваты: ятонок колмо, сынъ кармить молеме минек каршо семс, зярс живтяно. Тенень свал уледе анокт.

Ушодтано неть ятнэнь ванномо, чамастост ноцковтсынек чамакстнэнь, ды вана кить-кодат сынъ, неть ятнэ.

Васенцесь те, нама, идемевсесь. Минь уш содатано, сон виевде виев мода лангонь эриця ды совавтни грехс Пазонь весе эйдтнень. Неинек, куш сонзэ Христос изнизе крест лангсо, ялатеке ломантнень кепеди кежсэ. Библиясь лемди эйсэнзэ „ёжовкс“ (Матф. 13,19), „бесэнь аванькс оймекс“ (Лук. 4,33), „ломанень чавныцякс“, „манчемань тетякс“ (Иоан. 8,44), „каршонк молицякс, кона вешни кинь бу нилемс“ (1 Петр. 5,8), „ломань лангс кенгелицякс“, „кезэренъ гукс“ (Панж. 12,9-10).

Се минутастонтъ, зярдо сыде мельс Христосонь мельга молеме, кежень духось потазевсь. Сон тыжнэзъ тыжны. Те шкастонтъ саезь снартни совавтомонк грехс ды искувамос. Илядо мелявто, Сонензэ идеманк ды изнямонтень кемеманк а нельгевить. Сон тейсы весемэнтъ ды изнямонтень кемеманк а нельгевить. Сон тейсы весемэнтъ, мезесь кедькоморо алонзо, штобу видемс оймезэнк кавтолдомань видьмекст варштамонь кисэ: алкуксонь-аволь Пазонтень пшкадеманк. Пелькстамс мартонзо – стяконь тев. Истят виев пелькстыцят зярдояк арасельть.

Оймевинь варчнema шкась сась васенце искувамо-

донть мейле сеске. Илядо стувтне, тыненк эряви явомс ёжомарямонк лангс кемемадонть, сынъ полавт-невицят, кода варма шкане толбаргтнэ. Малазонк идемевсесь токи сестэ, зярдэ педи эйзэнк каштанчи. Сестэ сон кемевтядызь эсь покш виезэнк, кучтадызь эсь кармавтомань топавтомо. Сы шка – седеенк пешт-тасы кежсэ, тонафтадызь лиядо апарсте арсеме-кортамо, ёрты мештезэнк сельмень сывадстомат, лавгамот-манчемат. Лавгамось – весе грехтнеде сех покш апарось, сон ёвтави валсоjak, тевсэjak. Мезесь оштё бажи манямс-покордамс ломанень – те манчемась. Идемевсесь тейсы весемень, штобу улевлиде истя-мокс. Кармафтадызь важдеме эсензэ лангс ды истя таргатадызь эсензэ кинтень. Сон виев, ёжов, превей. А стяко лемдизь „те пингень пазокс“ (2 Кор. 4,4), „те мирэнь князекс“ (Иоан. 12,31), „князекс, кона кошт-сонтькак азор“ (Ефес. 2,2).

Мертядо: „Кода изнямс сонзэ? Мезе теема тень коряс? Явтано-арась эйстэнзэ?“

„Тынк стардыдизь аволь кодамоjak – ломанень искувамо, ды кеми Пазось, Кона верде а нолдатадызь теньс, но искувамсто шождалгавттсы уцясканк истя, штобу стакачить аволиде кандо“ (1 Кор. 10,13).

Те стихсэнтъ Нишкесь корты: Сон максы тенк искувамостонк лисемань вийть. Ды илядо стувтне седе: идемевсень искуваемось а невти сень – Пазонтъ марто эрямонк моли видестэ-парсте. Искуваемось – те аволь пежеть. Истя жо илядо стувтне: Пазось а искуви эсь эйдензэ. Сон а кармавтни сынст кавтолдомо. Талакалематне-варштнематне лисить ансяк идемевсэнтъ эйстэ. Илядо стувтне: идемевсесь искуви, ансяк а сатнить виензэ тень теетеме тынкак, эдь сонзэ уш вестъ Иисус Христос изнякшнызе. Сонзэ властесь лавшомсь.

Библиясь терди эйсэнек стямс идемевсенть каршо ды, кода уш ёвтазь, тона „оргоди эйтэнк“ (Иак. 4,7). Но теде икеле пачтязель: „максынк прянк Пазонть...“ Зярдэ сэрсь макссынк сонзэ Христоснэнь, сон кадтадызь. Идемевсесь сорнозеве, зярдэ карматадо озномо. Сон изняви Святой Писаниянтъ валсонзо.

Ломанень омбоце ятось – мирэсь. Сон весе се, мезесь минек перька. Грехс таргатадызь пек ламось: бажамотне, апаро ялгатне, а мезть тейнематне, мирской тевтне, наряжамкатне. Акемицятнень ютксо кой-кить сяддыть христианинэнь уцясканть сень кисэ: сон, келя, пек уш карды, а мери. Озныцянть весемеде лезэв – важдемась. Эсь тевсэнк тынь истя педятадо Христоснэнь – аштемань ве минутаяк тенк а кадови.

Мерьсынек, кияк канды тень тарелка паморькст, зярдэ мон уш ярсавинь-обедавинь. Нама, мон ёвтан тензэ: „Пасиба, монь уш пекем пешкедсь“.

Мирскоесь, бульчом, а весенень чарькодеви. Тесэ кой-мезенть сави толковамс. Улема, те сех покш стакачитнестэ вейкесь, конань марто савкшны вастовомс од, пазнэнь опыттэме озныцянть.

Гриффит Томас докторось мерсь: „Эрсить эрва чинь бажамот, конат сынсь аволь пежетевть, но маштыть грехс совавтнеме, бути истямо снартнемаст. Уш сонсь „снартнема“ валось пек сеетьстэ невти сень, мезесь сонсь совавтни грехс. Теемс мельспаро – аволь закон колат, законотъ коласак, зярдэ сонзэ топавтнят стяко аштемадо! Эрва чинь оршамканок, ловномась, оячись ды эрямонь лия ёнкстнэ пек эрявикст, но сеетьстэ сынсь кантнить апарат. Эсь валвелявкстнэсэ Христос тонавты эйсэнек: мелявкстнэ пекстыть духовной видьмексэнтъ минек седейтнестэ. Ярмаконь аразьчиденть тюк сакшны, но зярдэ пансят сынст мельга,

сельметь сявадыть лиянь лангс ваномсто, конат тондеть сюпавт, сестэ эрямонь смустесь алкиньгады. Эряви лецтямс седеяк: мирской теветь классо-клансо а онкстасак, мирскоесь – те дух, атмосфера, мелень явома, сынь сайтэ эсь кедалов весе обществанть ды тень мельга эряви ванномс сельмень апак пекстне...“

Библиясь тонавты: „Илядо вечке мирэнтъ, сеньгак, мезесь мирсэнтъ“ (1 Иоан. 2,15). Библиясь истя жо загодь ёвты: „мирэсь юты ды виськстэмечись сонзэ, Пазонтъ бажамонзо топавтыцясь жо карми эрямо пингде-пингес“ (1 Иоан. 2,17).

Сядо кевкстематнестэ вейксэньгементне решавить ознозь-чеказы: „Мезе эряволь Иисуснэнь, штобу мон теевлия?“ Эли максодо лия кевкстема: „Монень можна вешемс Сонзэ баславамонть самай те теветень?“, эли „Кода Христос вановоль ютко шкам ютавтоманзо лангс, мезе ёвтаволь монь книгатнеде, оядон эли телевидениянь те передачадонть?“ Миненек а мейс налксемс неть кевкстематнесэ. Миненек саема прянь се ветямонть, конань Христос вешти.

Те а корты седе: обществасо прянтъ эряви ветямс святоень кондямокс. Истямо ладсо сеске понгтано духовной каштанчис, мезесь куш кодамо мирской духтонть берянь. Но неень шкасто улить ломанть, конат эрямос совавтыть христианванть ды, теке марто, кедте кедьс кундазь молить мирэнтъ вакссо. Азё кемть кие озныця, кие пежетьс совазь.

Христианинэнтень улема чоподасо цитница алмазокс, лиятнеде шумбракс. Сонензэ эряви маштомс ломань ютксо прянь ветямо, лиянь вечкеме ды тень пингстэ кемемс, штобу содамс, мезе теема. Сонензэ можна пейдемс-кенярдомс, но кодаяк а лади алкиньгалемс.

Библиясь корты: „весемесь, мезесь аволь кемеманть коряс – грех“ (Римл. 14,23). Тосо жо ёвтазь: парсте а кемицясь судяви, зярдю теи сень, мезес а кеми. Лия валсо, миненек зярдюк а теема сень, мезес педепев а кемтяно.

Колмоце ятокс, конань марто вастовтадо чачомадо мейле сеске – плотесь. Натой пшкадемадо мейле ава мельга пансемась а кады эйсэнк. Косто сон педясь тенк? Библиясь тонавты: минек ташто природась, весе сонзэ асатыкстнэнь марто, яла оштё эри тынк эйсэ. Самай сон кантни варчамонь кеж, лиякс ёвтамс, „минек потсо пикси мииця“. Грехс совсемась ульнесь свал, ней теньс миньгак эцетяно. Ансяк илядо стувтне, тынь стиде тюреме. Ней тынк природатнеде кавто, сынь бороцитъ вейкест-вейкест марто, ды эрвась бажи изнямс.

Библиясь тонавты: „рунгонь бажамотне молитъ духонтъ каршо, духось – сетнень каршо“ (Гал. 5,17). Те „мон“ смустентъ ды Христосонь эрямонтъ ютксо тюрема. Минек макшов природась Пазонь мельтнень а лади, а откстомтови. Чансть Пазонтень, што Иисус Христос кулось минек кисэ ды мартонок. Те макшов природась калады, бути „ловсынк эсь прянк пежетентъ кис кулозекс, живоекс Иисус Христосо Нишкентъ кисэ“ (Римл. 6,11). Те ансяк вейкесэ добовавкшны – кемеманть вельде.

Ялатеке тенк педепев ваннома сень, мезесь алкуксонь ды колси закононтъ.

Томас докторось корты: „Вожделение“ валонтъ васенце смустезэ невти „покш снартнема“, конась а свал грехс совамка, эдь минек природасонтъ улиць содавикс бажамот, истят, кода, примеркс, вачочись, симемань самось. Сынтемест мень эрямо? Теке марто, сынь

пежетть а кантнитькак. Тевесь сеньсэ – кода жежень кирдьсынек. Вачочись, примеркс, эрси эрва марто. Ярсамкас педямось – пекень вешема. Симемань самось – оймень витема. Лотксемань а содыця симемась таго пежетть совавты. Нузяксчиськак лиси рунгсто ды превстэ. Семиянь теемась кортазь Пазонтъ марто ды Нишкесь шны эйсэнзэ, эдь эряви нолдамс светэнтъ лангс ломань раське. Но улить рунгонь лия бажамот, конатне тыц пештязь грехсэ. Истямокс ловови хоть кодамо питнесэ жежень пандомась. Лиясто рунго бажамонь пежетне весе лия пежетнеде покшт, эдь сынъ кандыть вейке кеж. Идемевсеськак, натой эсенек манчиця седейтнесэ, а ветясамизь апарос. Грехесь тейневи ансяк эсенек бажамотнесэ, ды самай теньсэ минь вайсетяно певтеме, а нартневиця кежсэ“.

Павел Апостолось мерсь, што сон а кеми эсь рунгонь кирдемантень. Лия разнэ корты: „Рунгодо мелявкстнэнь илядо велявтне похотекс“ (Римл. 13,14). Лия таркасо истя корты: „А лоткаван ды муця эсь рунгом эйсэ“ (1 Кор. 9,27). Секскак минь целанек алтасынек прянок Нишке Пазонтень, штобу кемемасо макшов природанть ловомс грехентъ туртов кулозекс.

Ды вана сынъ, колмо ятнэ: идемевсесь, мирэсь ды плотесь. Сыненст мель-ваноманок етяви кавто валсо: **МАРТОСТ ЯВОМА**. Лацематне-торговамотне тезэнь а мезекс. Тунь явомс эйстэст – ансяк тень вельде добова-ви изнямось. Бути идемевсентъ лецтямс – сонзэ кисэ стятано ансяк Пазонтъ лесксэнзэ марто. Мирэнтъ ловозь, Библиясь корты: „Теяк ули изнямо, кона мирэнтъ изнизе, минек кемемась“ (1 Иоан. 5,4). Авань лембедентъ Библиясь корты: „Теде духонь коряс, ды а карматадо топавтомо рунгонь бажамотнень“ (Гал. 5,16). Теньсэ кенярксов куля сетненень, кить искува-

мотнень каршо уш цидярдызь бороцямонть. Пельденк а вешеве, штобу съкамонк тюревлиде грехс совамотнень марто. Римлянтнэнень кучомасонть (8,13) Библиясь тонавты: тынь Духсо куловтадо плотень тевтнень. Лецтика, мезе Иисус Христос алтась: „Сон зрядояк а кадтадызь“. Илядо стувтне, мезе Иисус Христос алтась тенек седе мейле, зярдо Сон кадсы те моданть. Сон кучи Лията – Колмотнень ютксто вейкенть – Святой Духонть, конань лемезэ Лациця, мезесь ютавтови истя: „Свалшкасто лездыця“ – „ды кадык Сон карми уleme мартонк пингеде-пингес“ (Иоан. 14,16). Иисус Христос мерсь: „Урозокс а кадтадызь: сан тенк“ (Иоан. 14,18).

Ней Святой Духось мирсэнть сех покш вий. Ташто Заветэнь шкась ульнесь Пазонть-Тетяньт шкакс. Модалангсо Иисус Христосонь эрямось ульнесь Пазонть-Цёранть пингекс. Ней, Пятидесятицианть, Святой Духонть Валгома шкасто саезь, эрятано Святой Паз-Духонть пингстэ.

Библиясь корты: седе мейле, зярдо приминк Иисус Христосонь кода эсь Идицианть, Святой Духось совась седейзэнк. Рунгонк тееви „эсенк Святой Духонь эриця храмокс“ (1 Кор. 6,19). Павел Апостолось кармавтокшнось: зярдо ломаненть арась Христосонь Духозо, сестэ сон а Сонзэ.

Паряк, мертядо: „Ды монь седейсэ од мезеяк арась. Пазонь Дух а марян“.

Ёжомарямотнень лангс илядо вано. Сынст вельде эзиде идеве ды тынк эйсэ а маряви Святой Духонть улемазо. Приминк Сонзэ кемемасонк. Сон эри потсонк секень кисэ, штобу славамс Христосонь, штобу меремс: тынь уцяскавтадо ансяк Сонзэ марто.

Библиясь кармавты: „Пештяводо Духсо!“ (Ефес.

5,18). Бути Духось сови эйзэнк, сестэ карматадо явшеме Духонь теевкстнэнь, конатнень смустест: „Вечкема, кеняркс, прянь кирдема, кемема, оймечи“ (Гал. 5,22-23). Святой Духсо оймень пшкадемасть – те аволь эсь олясо саема. Те приказ, конань тенек топавтома, долконок.

Кода марясынк, пештызтядо Святой Духсонть? Кода тень чарькодъсынк? Те лиси ансяк сестэ, зярдо целанек примасынк Христосонь, сестэ чачи тенк кемема: Святой Духось оймесэнк, тосо ансяк Сон Съкамонзо. „Истя, энялдан тенк, братт, Пазонь милостьсэ, неинк эсь рунгонк живой, святой, Пазонь мелень савтыця жертвакс превей служамонк туртов“ (Римл. 12,1).

Ансяк Духонтень алтазь озныцясь изнясынзе мирэнтъ ды идемевсентъ. Святой Духось карми бороцямо тынк кисэ. „Секскак сёвноманок аволь верень ды рунгонь бажамотнень, но прывтнэнь каршо, властнень, те пингень чоподанть ветицянзо каршо, менель кежтнень духтнень каршо“ (Ефес. 6,12). Те – оймень война. Простой оружиясо неть колмо ятнэнь каршо а стят. Зярдо Святой Духонтень макстано прават тюреме минек кисэ, сестэ педепев изнятано. Иисус Христосто мезеяк илядо кекшне. Мереди Тензэ улемс эрямосонк Инепазокс ды Тонавтыцякс. Сон мерсь: „Тынь лемдядо Монь эйсэ Тонавтыцякс ды Азорокс ды видестэ кортатадо: Мон алкукскак истяман“ (Иоан. 13,13).

Весть пек питней чакш марто налксемстэ пакшась тонгизе кедензэ те чакшонтень, кона мекев эзь таргаво тензэ. Тетясь снартнесь лездамс. Лият арсестъ уш чакшонть порксамо, кодак тетясь мерсь: „Оштё весть, цёркам, снартнека... Тетькить суртнэнь – вана истя, кода мон теян, мейле уш кедеть ноцковтсак“.

Тетятнень-аватнень дивамос, эйкакшось мерсь:

„Арась, тетяй, суртнэнь мон а тетьксынъ – кедьстэнь ярмакосъ пры“.

Улема, раказевтядо, но эдь тыща ломанть те церканть кондят – ансяк мелявтано, кода бу а менстямс кедьстэнек питневтеме ярмашкенть, ды секс олякстоманть эйсэ а приматано. Энялдан икеленк, – кадынк те пиже петаконть, конань кирдтядо седейсэ, максынк прянк Пазонтень, кадык сон ули тынк эрямонь прятокс.

Седе мейле, зярдо примасынк Христосонь ды алтасынк эсь уцясканть Сонензэ, илядо стувтне: Пазось примизе сень, мезенть кандынк Тензэ. Тесэяк кемемась эряви. „Монень сыщянтъ а паньса“ (Иоан. 6,37). Тынь сыде Сонензэ, ды Сон примидизь. Нишкентень прянк целанек алтазь, Духонь эрямосо валдомгавтозь-баславазь, тынь теевтядо апелицякс, кодамокс зярдо-як араселиде.

Святой Духсо пештязь ломанесь соды ансяк Паздо пелема, лия сорноматнень-мезтнень стувтсынзе. Истямо ломанесь Христосонь Валонть кандсы куш ков. Ловнындерясынк Апостолтнэнь Тевде книганть, тосо мутадо „каштанчи“ вал, кона сьулмавозь апостолтнэнь марто ды ламоксъ лецтневи.

Сы тенк аволь ансяк апелема, Духонть теевксэнзэ сайсынк эсенк кедьс. Илядо стувтне, Духонь теевкстнэ лисить Духстонть. Эстенек сынъ а теевить. Сынъ менельстэ прыть. Эрямосонк чачи од вечкема. Ине заповедесь, конань ёвтызе тенк Иисус Христос, яволявты: „Те заповедесь Монь, вечкеде вейкенк-вейкенк, кода Мон эйсэнк вечкан“ (Иоан. 15,12). Ёмить сёвноматне, сельмень сьвадомась, мода лангсо кармить улеме веенст кеняркст.

Пазнэнь озныщянтъ башка тешксэкс тееви потмо

кенярксось. Мизолгадыть чаманк. Христиантнэнь ютксто ламотне пек нусманят, мезесь тунь а корты Пазонтъ лувсо эряmodo. Алкуксонь христианонтень улема чатьмоницякс, мизолдыцякс, сон а коласы мартонзо эрицятнень ёжост. Библиясь корты: „Инепазонть икеле кенярдомась – тынк туртов виень максома“ (Нем. 8,10).

Эрямосонк чачи лад. Павел Апостолось корты: „Минь эрва косо пирызтяно, но апак лепштя, минь стакачис ваинек, но а кувсетяно, эйсэнек пансить, но эзимизь кадо, лепштязтяно, но а кульщят“ (2 Кор. 4,8-9).

Бажадо изнямс! Те вере чачозень прават. Тыненк эряма мазычисэ ды апак пеле. Сехте парось – тынк кедьсэ. Эрямось алтни тенк чевте ёжомарямот. Карматадо бажамо эрямс эрва минутастонтъ ды янксе-ме сеть частнэде, конатнень несынк онстонк. Эрва валскене сеть частнэде, конатнень несынк онстонк. Эрва валскентъ вастсынк покш мельспаросо, седе содазь: Христос оштё вейке маней чи тенк казсь, сон свал мартонк, тынк Идицясь!

КЕМНИЛЕЕЦЕ ГЛАВАСЬ

ХРИСТИАНОНЬ ЭРЯМОНТЬ ПРАВИЛАНЗО

„Ды кода ломантне теить тынк марто,
истя тыньгак тееде“...

Лук. 6,31

Мезес а кундавлиде: налксемас эли ветятадо машина, эли прякат пантядо – весеметь эряви содамс-маштомс, бути, нама, тевенк парсте лисевельть.

Библиясь тонавты: христианонь эрямось свал ике-лев молемасо. Зярдэ тынь чачтадо вере – соватадо духовной мирс, семиясо теевтядо сех вишка эйдекс. Пазонть мелезэ – касовлиде Христоснэнь лездыцякс. Бути стятадо Нишкенть ды природанть законтнэнь каршо, теевтядо эйкакшокс ды истямо ладсо – духовной карликекс. Петрань омбоце кучовкссонзо (3,18) Библиясь корты: тыненк касома. Те невти мельгамельцек покшолгадама, превчинь пурнамо.

Сень кисэ, штобу касомс-кемекстамс, эряви топавтомс духовной шумбрачинь содавикс правилатнень. Васняк тыненк ЭРЬВА ЧИСТЭ ЛОВНОМА БИБЛИЯНТЬ. Духовной эрямонк веши ярсамопель. Кодамо? Косто сонзэ муемс? Библиястонть, Пазонь Валстонть. Сон панжи Христосонь, Конась максни вачо ойменк туртов эрьва часонь кши ды симемань вешиця седеенк туртов – живой ведь. Истя а тейтядо – духовной эря-

монк лавшоми. Библиясь корты: „Теке потяка эйдть, вечкеде валонь ванькс ловсонть, штобу сонзэ вельде касомс идеманть кисэ“ (1 Петр. 2,2). Ловнокшнодо Библиянтъ, тонавтнеде эйсэнзэ, арседе велькссэнзэ, путодо превс-седейс. Весе стакачитнень вейксэнь-гемень вете процентнэ, конат прыть уцясказонк, лиснить вейке тувталонть кувалма: чуросто пшкалетядо. Мельсапарос илядо кадово сень эйстэ – мельде-валдо ловнынк сонзэ. Пазонь Валонть вансто до седейсэнк. Аволь ламось, но вадрясто арсезесь ойменк туртов канды седе покш питне, капшазь ловномась ливтни пилева. Илядо янксе седе, мекс кой-мезесь тенк а чарькодеви. Васня удемсэнк ютадо простой таркатнева. Эдь эйдентькак чачома чистэнзэ сывельде а андсынк – васня тензэ ловсо макстадо.

Мон ловноманть ушодовляя Иоаннонь пельде Евангелиястонть. Зярдо карматадо ловномо, Святой Духось валдомтсы эрва страницанть. Толковасынзе тенк стака валтнэнь, лезды панжомс кекшезь смустенть. Бути весемесь сеске а чарькодеви, эрва страницанть кеменксть ловнынк! Аламонь-аламонь, эрва валонть-ёвтамонть мештьс саезь. Тень эйстэ превенк ды ойменк валдомить. Вакссонк мешицят илядо кирде – лескс а максыть.

Омбоцесь: **ТОНАВТНЕДЕ ОЗКСОНЬ ТАЙНАНТЬ ЧАРЬКОДЕМЕ.** Ней тынк ули Менель Тетянк. Сон мари эйсэнк ды ответчи озноманк лангс. Иисус Христос мерсь: „Ды весеметь, мезенть озномасо вешсынк кемема марто, сайсынк“ (Матф. 21,22). Сон истя жо мерсь: „Бути мезеяк вешнетядо Монь лемсэ, тень Мон тейса“ (Иоан. 1,14). Эрва ломанесь, конань эрямозо макссь-кандсь церьковантень ды Менель Инязоркчинтень питне, озксонь кантницяль. Конась а чеки-

поки, а кеми Инешкепазонть – се аволь христианин. Иисус Христос озкстнэненень алтнесь ламо част. Лиясто Сон вень-веть эзь валгоне пандо прясто, косо яла Паз-Тетянть марто кортнесь ськамонзо. Уш бути Сонензэ эрjavсь озномась, сестэ миненек седеяк пек ознома!

Васня озксонок, паряк, кармить „кромождомо“. Келенекак, секень вант, пупставить – а сеске весемес тонадат. Но Святой Духось, кона эри седейсэнек, лезды тенек ды стявтсамизь пильге лангс. Эрjва озксонтъ каршо ули ответ. Лиясто истямо валокс пракшныть „учок“ эли „арась“ чарькодемаатне. Ды ялатеке ответэсь тенек пачкоди.

Энялдоманк улест истят: „Ды кадык Тонь олячись тень пачкоди!“ „Прянтъ оймавтан Пазсо, ды Сон топавтсынзе седей бажамон“ (Псал. 36,4). Пазось свал теи сень, мезесь эйдензэ туртов сехте пек эрjви.

Илядо стувтне, тыненк можна озномс свал ды эрjва косо. Шлятадо пенчть-вакант, чувтадо латко, важдотядо конторасо, магазинсэ, ультядо спортплощадка лангсо – чекадо-покадо, Пазось марятадызь!

Кемекстадо озномань лув. Чистэ Библиянтъ тонавтнемстэ сон лезды тенк уцяскань валдомгавтомсто. Библиясь тонавты: „Ознодо апак лотксе“ (1 Фесс. 5,17). Карматадо явномо башка част озкстнэненень – чинь перть прястонк сынъ а лисить. Валскень чекамотне а сатыть, сынест яводо мель обедстэяк, чокшнень порастояк, пелеветькак. Идемевсесь свал тенк карми пильгень путнеме. То эйкакш аварьгады, то телефонось гайгезеви, то кияк вачкоди кенкшес – тень лангс илядо вано, ознодо. Курок фатятадо: озксонь частнэ – сех мазый ды питней шканк. Сынст учома карматадо апак лотксе, ды курок марясынк Инепазонтъ марто потмо виень часиянтъ.

Колмоцесь: АПАК ЛОТКСЕ КЕМЕДЕ СВЯТОЙ ДУХОНТЕНЬ. Илядо стувтне, Христос эри Сонзэ вельде. Теде мейле рунгонк велявты Пресвятой Троицань эрямо кудокс. Сонзэ кедьстэ лесксэнтэ уре ладсо илядо веше. Тердинк Сонзэ, ды Сон сы. Энялдодо Икелензэ Сонзэ кедьс уцясканк максомадо. Витькстадо Тензэ, кодат тынь лавшот ды акемевикст. Шаштодо ве ёнов ды учодо, мезе Сон кочки-мери.

Христианонь эрямосонтэ аволь весемесь валаня. Те кинть ланга молемстэ Сон лезды тенк. Сонензэ а шожда кирдемстадо, эдь зярс тынськак каршо стицят. Стувтынк потмо янксематнень, илядо яжа прянк арсець мельтнень коряс – весеметь тень максынк те-емс Христоснэнь. Вандынь чидентькак а мезть мелявтомс – Сон сыця шкань Азор. Пенть несы уш ушотксонтэ путомсто. Изниця христианинэсь явови весе рискстнэде-мелявкстнэде, бути кеми Святой Духонтень.

Нилецесь: СВАЛ ЯКСЕДЕ ЦЕРЬКОВАВ. Джон Веслей весть мерсь: „Ськамочисэ эрямсто Библиясь мезеяк а максы. Христианствась – вейке уцяскань религия. Молемс Христос мельга – те, лисни, вечкемс, бороцямс видечинть кисэ, служамс Сонензэ. Те тееви ансяк вейсэ, ломань марто, конатнень вастсынк церьковасто. Церьковась – Христосонь мода лангонь кудозо. Те истямо тарка, косо суюконятано Пазонтэ икеле, топавтнетяно Сонзэ Валонтэ эйсэ. Библиясь церькованть лемдизе „святой народокс“, „Нишкенъ народокс“, „Пазонъ святой храмокс“, Нишкенъ кудокс“, „Христосонь рунгокс“ (1 Петр. 2,9-10, Ефес. 2,21-22) ды лиякс. Весе неть лемтне-образтнэ панжить эрямосо церькованть тарканзо.

Церьковав яксеманть мезеськак а полавтсы. Бути

тынь Иисус Христосонь мельга алкуксонь молиця, илядо вано берянь погоданть эли псинть лангс, валы пиземе эли уски кандылов. Неть аволь кирдемань тув-талт. Улить ломанть, конат берянь погодане озныть кудосо. Те а тев. Истямо озномась Пазонть оймензэ а витьсы. Церьковасо вейсэ служамсто, зярдо ваныть сельмезэть святоень сядо ликть, Нишкенть Валозо оймезэть седе чевтьстэ-парсте пачкоди.

Ломантне проповедтнень кунсолыть радионь пачк. Сон мезе, церьковань служавтоманть полавтсы? Арась, а полавтсы. Церьковав тынь мольтядо аволь ансяк Пазонтень озномо – весень марто Тензэ суюконамо. Церьковасо минь идезтяно сень кисэ, штобу служамс Сонензэ тозонь весе пурнавозтнень пельде.

Ветецесь: УЛЕДЕ НЕИЦЯ ХРИСТИАНИНЭКС. Карматадо топавтнеме ниле правилатнень, ветецесь сонсь топавтови истя жо, бути ваканс апак лотксе кай-сетядо веденть, сон ланга туи.

Ней тынь Инепазонь Инязоронть кемекстазь посланникезэ. Тыненк кепедеви эсь масторонь флагось посольствань вельксэс. Примеркс, минек посолось лия масторсо мерсь валкстомс американской флагонть эсь посольстванть прясто сень кисэ: сон а тукшны те масторонь народонть мельс. Сестэ те посланникенть сеске тердсызь кудов! Арази истямось Соединенной Штатнэнь посол?

Бути а мирятадо сень марто – флагонк лыйни кудонк вельксэс, эсенк конторасо, магазинсэ, общежитиясо – сестэ тыньмень Христосонь посланник?! Тыненк аштема эсь постонтъ лангсо, ды кадык перьканк пурнавозтне содыть: тынь христианин.

Седе мейле, зярдо пшкадиде, Пазось аравты икеленк тев – невтемс Сонзэ идиця милостенть ды ёвт-

немс певтеме вийдензэ. Тынь стятадо Христосонь знамя алов, теевтядо Сонзэ оружиянь кантницякс.

Иисус Христос мерсь: „Истя эрванть, кие ёвтнесамам ломань икеле, седе Монгак карман ёвтнеме Менель Тетям икеле“ (Матф. 10,32). Апостолтнэнь Тевтнесэ (28,23) невтеви астувтовикс сцена: Римсэ улемстэ Павел Апостолось, тюрьмань ванстыцясо пирязь, чанстенъ учицятненъ тердсь Христоснэнь ды валскестэ чокшнес толковась тенст Пазонь Инязорксчиде тонавтоманть. Эрвадонть истя ёвтамаль: „Вана, видицясь лиссь видеме“ (Матф. 13,3).

Покш конторань посыльноентень а максови олячи. Вейкине тевезэ ашти сеньсэ: кандомс сёрмине, конась сась конторанть лемс, ломанентень, конанень конторась кучизе. Паряк, сёрмасонть апаро куля. Ялатеке посыльноесь а лотки ки лангс. Конвертэнтъ а панжсы, текстэнтъ а полавтсы. Сонзэ тевесь вейке – пачтямс кулянтъ.

Минек, христианинтнэнь, ули Пазонь Валонок. Сон мерсь тенек: „Азёдо кандынк те кулянтъ кульця мода-масторонть!“ Кой-кить тень лангс мель а явкшныть. Улить истят, конатне сезнить Нишкенъ сёрманть ды полавтнить тосо пачтязэнтъ эсест кулясо. Ламотне черькстнесызь тосо сёрмадозэнтъ: келя, Инепазось а чарькоди сеньс, мезде корты. Лиятне кемевтить: Сон Сонсь, марят, истямодо эзь сёрмадо, тень сёрмадызь смустень а содыця простой ломанть.

А эряви стувтнемс: Павел Апостолось пингень ютазь уш тердсь христиантнэнь тонавтнемс ансяк Пазонь Валонть. Эдь миненек лисема видеме. Койкона видьмекстнэ, алкукскак, понгить кевев модас, лиятне – куракш потс, но минек тевесь – видемс ды видемс сынст. Сень лангс апак вано: берянтъ модатне.

Минь штатолонь кирдицят. Ды макстано Тензэ валдомтомань вийть. Кадык ципельдемазо а истямо уш покш – кода а кода, перьканзо дюм чопода, яла-теке кайсезэ валдо!

Минь трубачт. Шумсо-зэрнемасо трубанок гайтезэ лиясто ёмси, ды, тень лангс апак вано, миненек пач-тяма сетненень, кить ваямо лангсот.

Минь толбандянь кирвастицят. Те кельме моданть лангсо, кона пештязь эсь прянь вечкемасо ды акирде-масо, вишка толнэсь ве ёндо, паряк, эль-эль неяви, но миненек эряви кирдемс те толнэнь.

Минь вачкоетяно молотсо. Вачкотькстнэ лиясто сизевтить кедть, но те чавоманть а эряви лоткавнемс.

Сайтяно кедьс торот. Васенце эли омбоце вачкоть-ксысь лиясто эрси чаво – керсетяно кошт, ды, теке мерят, ятось тенек а изняви. Но миненек свал човсема те торонть эйсэ – „Сон торось Духонь“.

Вачо мирэнь туртов ули кшинек. Паряк, ломант-нень шкаст саезь лия тевс, кой-кинь мелест – те кшинть а примамс, но миненек яла-теке сави явшемс сонзэ ломань ойметнева.

Минек ули веденек сетненень, кинь сась симемаст. Ды эрваксть эряви кортамс тенст: „Кинь коськсть турванзо, сазо ды симезэ!“

Миненек зярдоак а стувтнема Пазонь Валонть эря-мос совавтомадо!

Иисус Христос мерсь: ламо тынк видьмекстнэ му-ить паро мода, касыть-кепетить ды кандыть плодт. Седеень ды турвань минек толось кирвастьсы святой толонть кельме мештнес ды ветясынзе ломантнень Христоснэнь. Молотось порккасынзе калгодо ойме ло-мантнень ды кармавтсынзе сыргамо Христос мельга. Торось керясы грехень киськенть ды лазсы эсь прянь

вечкеманть, кинь-бути турватне явавтсызь симемаст жив ведьсэ.

Уледе оймень кунцицякс! Сех кенярксов ёжомарямось, кона ПАЧКОЛИ ЛОМАНЕНТЕНЬ – ТЕ ТЕРДЕМС ХРИСТОСНЭНЬ лиятнень. Мон тердинь ламо тыщат истят ломанть. Ды ялатеке свал талнан, зярд модангань эриесь венстьсы кедензэ ды мери тень: „Мон примаса Христосонь!“ Те весе питнетнеде сех покш сюпавчи. Арась истямо часия, истят кеняркст, кодамо марят, зярд ломаненть ветясак Христоснэнь. Уледе оймень кунцицякс! Уледе Христосонь свидетелекс!

Библиясь корты: „Превесь терди ойменть“ (Валвелявкстнэ 11,30). „Превейтнеяк кармить сияждомо, теке кев лангсо светилатне ды конат ветизь ломантнень видечис, прок тештть, пингде-пингес, свалшкас“ (Дан. 12,3).

„Тынь – модань сал“ (Матф. 5,13). Салось правты симемас. Тынк эрямось терди-арась лия ломантнень жив ведте симеме?

Котоцесь: КАДЫК ВЕЧКЕМАСЬ ЭРЯМОСОНК ТЕЕВИ ВЕТИЦЯКС.

Иисус Христос мерсь сетненень, кить сыргасть Сонзэ мельга: „Сень коряс весе несызь: тынь Монь тонавтницям, бути потмозонк вередеми вечкема“. Библиянь лия страницастьяк мутано Иоанн Апостолонть кемевтеманзо: „Вечкевиксэнть! Карматано вейкенек-вейкенек вечкеме, эдь вечкеманть Пазось казизе, ды эрьва вечкицясь чачсь Инешкенть пельде ды содасы Сонзэ; кие а вечки, се Пазонтъ а содасы, эдь Пазось – вечкема. Пазонтъ вечкемазо панжовсь тенек сеньсэ, што Сон кучизе модангань вейкине Эсь Цёранзо, штобу эрямонтъ саевлинек Сонзэ вельде.

Сеньсэ вечкемась – аволь минь Пазонть карминек вечкеме, Сон кармась вечкеменек ды кучизе Эсь Цёранзо милостень кандомо минек пежетнень кисэ“ (1 Иоан. 4, 7-10).

Весе казнетнень ютксто, конатнесэ Инешкесь казинзе Эсь эйкакшонзо, сех инесь – вечкема. Святой Духонь плодтнэнь ютксто вечкемась ашти васенце таркасо.

Библиясь корты: сетне, кить сырчить Христос мельга, истя жо вечкест вейкест-вейкест эйсэ, кода Пазось вечксь эйсэнек, зярдо Эсь Цёранзо кучизе крест лангс куломо. Библиясь корты: се часстонть, зярдо сатано Христоснэнь, Сон максы тенек а онктавица вечкема, те вечкемась валови седейганок Святой Духонть вельде. Тенень кемевтемась – минь Христосонь – ашти сеньстэ: вечктяно вейкенек-вейкенек. Сасасынк Пазонь те тайнанть, сестэ тынь Христос марто уцяскав эрямонтень, мерть, пелевидьс пачкодиде.

Сисемецесь: УЛЕДЕ КУНСОЛЫЦЯ ХРИСТИАНИНЭКС. Мелень кочкамсто Христосонь нолдынк икельцекс. Кадык сон ули тынк Ветицякс ды Тонавтыцякс.

Кода уш неинек, искувамот эрсить. Искуваемось аволь грех. Максомс прянтъ искувамонтень – те уш пежеть. Пазось искуваемос а правтадызь. Но лиясто Сон ванноманк кисэ ветятадызь тенсь. Манямось – идемевсень тев, теде илядо стувтне. Искувамодо ловнодо Евангелиясто стих – ды сон туи эйстэнк, эдь пели Пазонь Валдонть. Зярдо пустынясо Иисус Христосонь снартнестъ ваявтомонзо искуваемос, Сонзэ изнямонь кедьёнксокс ульнесь Пазонть Валозо. Колмоксть Сон мерсь: „Эдь сёрмадозь“.

Бути идемевсентень мертядо: „истя Инешкесь мерсь“, сон оргоди. Ды теке шкастонть Святой Духонтъ вельде Иисус Христоснэнь максодо прават тюремс тынк кисэ. Вейке вишка тейтерькине мерсь: „Эрьваксть, зярдю маряса идемевсентъ кудо кенкшес вачкюемстэ, мон васня кучан идемень Иисус Христосонь“.

Эрьва ломанесь вайси искуваемос, ансяк улить истят, кить кирдевкшныть мартонзо. Натъ, варчамотне тенст вечкевить. Бути снартнетядо чеерентъ панемс тенстьсэ – нетядо, сон ваны аволь тенстентъ лангс – варя ёнов, косо прынзо идесы. Сельменк велявтынк искувамонтъ эйстэ ды ванодо Христосонь пелев!

Вестъ мон кевкстия ве офицерэнтъ: мезентъ сон кочкавлize боень паксясто – апелеманть эли приказонтъ? Сон апак кавтолдо мерсь: приказонтъ!

Пазоськак весемеде пек вечксынзе кармавтоматнень. Сень кисэ, штобу топавтнемс сонзэ мерематнень, васня содама тенек, кодат сынъ. Текень кисэ таго тенек эряви пшкадемс Библиянтень. Те Книгась – икелев ветицянок ды тонавтыцянок.

Кунсолодо сень, мезде тенк корты Пазось.

Вейксэцесь: УЛЕДЕ АЛКУКСОНЬ ОЗНЫЦЯКС.

Кие-бути мерсь: „Кой-кона озныцятне истя эрять менельсэ – тунь а маштовить мода лангонь тевтнень“.

Виде, Библиясь тонавты грехтентъ явомадо, но косяк а лецтни, штобу совавлинек сэредиця эрямос. Свал мизолдодо! Уледе чевте седей ломанекс, оймесэ ды рунгсо ваньксэкс, сэтьмекс, весень вечкицякс. Кадынк кельсэ лавгамотнень, превтеме сельмень сявалематнень, тей-тов кайсевематнень, ава мельга пансематнень. Уледе сэрьс-чачос мазыекс ды шумбракс. Кадык эрямонк тееви истямокс, кодамокс сон невтеви

Евангелиясонтъ. Тень коряс Бернхаус докторось мерсь истя: „Лиясто ломантне а токшитъ те мазый переплётсо наряжась Евангелиянтъ, но сынъ ве чияк а эрять простой переплёт марто Евангелиявтомо“.

Кеменцесь: КАДОВОДО МЕЛЬСПАРОСО СЕ ЭРЯМОНТЬ КОРЯС, КОНАНЬ КАЗИЗЕ ТЕНК ИНЕ-ПАЗОСЬ. Нишкесь теидизь истямокс, кодатадо ней. Сон путыдизь тов, косо аштетьядо. Ды секскак служядо Тензэ весе седейсэ. А мезекс апак лотксе ваномс пирявксонтъ тона ёнов, косо а тонь пиресь ды косо луганарось тетъ неяви эсеть лугадонтъ седе пижекс. Кода свал, истят ломантне сельмень сядыцят ды свал стувтнить седе, мезе ашти эсь пильгест ало, а нейть перькаст гувныця-цветиця мазычитнень.

Уледе Павел Апостолонтъ кондямокс, кона кортась: „Мон мезеяк лангс а ванан ды эрямонтъкак а ванстан“ (Ап. Тевт. 20,24). Павел Апостолось мерсь, што сон тонадсь эрямо сюпавчисэяк. Натой тюрьма-сожак ульнесь алкуксонь христианинэкс. Уцяскань стакачитне кадык а мендясызь карязонк. Тонадодо стакачинь кирдеме!

Нетъ правилатне-вешнематне, лангс ваномс, пек простойть. Карматадо сынст топавтомо – лездыть тенк. Мон тень неия тыща ломанень эрямосто. Эсь рунгсо-уцяскасо варчния. Бути сынст топавтнемс свал вешезь-кармавтозь, сынъ максыть седей оймамо, превть-часия ды кенярдома, ды тынь тонадтадо тайнань панжтнеме, кода паро пинге печтямс.

КЕВЕТЕЕЦЕ ГЛАВАСЬ

ХРИСТИАНИНЭСЬ ДЫ ЦЕРЬКОВАСЬ

„Конань вельде тыньгак мутадо тарка
Пазонь Духсонть“.

Фес. 2,22

Ломанесь – кортыця существа, сон вешни эрямонь-аштемань тарканзо сетнень ютксто, кинь марто ве лувс пракшныть мелензэ-арсеманзо. Весе ломань раськетнень ды организациятнень эйстэ арасель вейкеяк истямо виев, весеменень содавикс куро, кодамокс теевсь Христосонь церьковазо.

Первобытной строенть пингстэ ломантне вейс пурнавкшныльть эсь прят ванстомо-кирдеме. Седе товолонь шкатнестэ, конат миненек седе малавикст, сын тонадсть вейсэндямо эсь вийтнень седей мельспаронь витеме. Цивилизациянь прогрессэнтэ марто эрва масторсо вельместь-чачсть салавань обществат, конат макснесть тов совазь ломантненень башка прават: „Нетъ – клятват, кой-кирдань ванстомань тешкст, законт ды обязанность“.

Панжтневсть расань ды национальностень группат, тозонь совсесть ве чачонь ды вейке флагнэнь суюконьмонь коряс эрийть. Клубт, студентень ды литературань обществат, политической партият, военной организацият – весе сын, пародо паро клубстонть саезь „шайкань“ пурнавкстнэс, служить ломань ютксо эсь

таркань муемантень, шныть се эрямонь койтнень, конат тукшныть пурнавозтнень мельс, эдь сынськак обуцянь коряс истят жо.

Костояк, бульчом, ломанесь эзь мукшно седей оймавтома, кисэнзэ пшкадема, кода Христосонь церьковасто, эдь лия куротне-мезтне теезельть арсемань коряс. Церьковась – те живой организма, кона саи вийтнень ломань ойместэ ды канды эрийтненень чациянь од зэме.

ЦЕРЬКОВА валось сась грекень кельстэ, тосо сон истямо: **ЭККЛЕЗИЯ**, лиякс ёвтамс – ломань промкс. Те церьковась уш мейле сови ансяк христианствантень, сон истямо жо смусть кандсь сондензэ самодонтъ икеляк. Грекень мирсэнтъ сон тешкстневсь кода оля ошонь-государствань промксокс. Эрийтне пурнавкшныльть прявтост тердеманзо коряс вейсэнь темень арсеме-топавтомо. „Церькова“ валось лецтневи Ташто Заветсэнтъкак ды ютавтови кода Израилень народонь „общества“, конань члентнэ лововсть Пазонь „народок“ эли, кода ёвтазь Апостолтнэнь Тевтнесэ Моисейде Стефанонь кортамосо, „Сон ульнесь пустынясо ютавтозь промкссо“ (Тевт. Ан. 8,38). Р. Х.-нь валонзо коряс, васенце пингестэнтъ самай текень кувалма „церькова“ валось невтсь гректнень туртов самоуправления марто демократической общества. Еврейтнень туртов сон лововсь религиозной обществакс, конань членэнзэ ульнесь Пазонь народокс.

Церькова валонтъ-чарькодеманть христианствас совавтызе Сонсь Иисус Христос, зярдо Сон мерсь Петр Апостолонтень: „Те кевсэнтъ Мон тейса Эсь церькованть, ды адонь ортатнесэ сон а саеви“ (Матф. 16,18).

Истямо ладсо, Иисус Христос Сонсь теизе церько-

ванть. Сон се ине кевесь, конань лангс мейле кепеде-зель. Сон – пазнэнь кемицянтъ ёжомарьямонзо юр, ды церьковась кирдеви Лангсонзо. „Киненьгак а путови лия ушоткс, кона путозель ды кона Сонсь Иисус Христос“ (1 Кор. 3,11). Иисус Христос лемдизе Эсь прянзо церьковань путыцякс, ды церьковась ней ансяк служи Съкамонзо туртов. Сон алтась эрямс весе сет-нень марто ды сетнень эйсэ, конат теевсть церькован-зо членэкс. Церьковась аволь ансяк организация – рунго, кодамо мода лангсо зярдояк арасель. Сонсь Инепазось эри сеть простой ломантнень ютксо, конат совастъ Сонзэ церьковантень, ды Сон эри неть озны-цятнесэ.

Од Заветэсь тонавты: се шкастонть, зярдю панжозель ансяк вейкине церькова, сонзэ эйс можналь совавтомс зяряя общинат. Ды а стяко эрва церькова-сонть зяряя верань общинат ды группат. Сынст можна явомс национальной ды пазонь валонь башка ёнкстнэнь коряс. Ялатеке Од Заветэсь корты: куш Христосонь коряс мельтне полавтневицят, Пазонек вейке. А стяко гимнасонть морави: „Христос – церьковань юр ды Сонзэ вийсэ сон кирдевкшны“.

Иисус Христос ашти весе мирэнь церькованть прявтсо. Церькованть тонавтоманзо ды теვენзэ лиснить Сонзэ эйстэ, эдь Сон христианинэнь ойме ёжомарьямонь лисьмапря.

Неень электрофикациянь пингестэнтъ церькованть шожда аравтомс келей телефонной сетентъ ваксс, конань ули вейкине центральной станциязо. Тосо сюлмавить весе линиятне, тосто лисить весе связтне. Чугункань кинь системасонть истя жо свал эрси центральной станция, кона максни кармавтомат весе поездтнэненъ. Армиясо вейке командующеесь – генера-

лось максни приказт войскаченень, конат сонзэ кедь ало. Сонзэ пек ламо подчиненноензэ лиясто пачтить кармавтоматнень а свал вейкетьстэ, ды ялатеке тевест молить вейке-вейке лангс кемезь-нежедезь.

Весе мирэнь церькованть лангсо прявтось – Иисус Христос. Те Христосонь меленть коряс церьковась панжозель ды весе сонзэ виесь лиси Нишкенть пельде. Церьковань эрва куронтень-общинантень эряви сыр-гамс Сонзэ приказтнэнь мельга апак кавтолдо. Кода войскань командующеенть кармавтоманзо улить топавтозь, истя Иисус Христоскак учи эрва церькованть пельде, штобу сон целанек улелель Сонзэ кедь ало.

Церьковась ламоксть мурневсь аладямотнень-сёвноматнень, ды, лангс ваномс, ве мельс а прамонть кисэ. Неть, нама, потмо ёнксонь асатыкст. Целанек жо пелькстамотне, конат лиснить общей приказтнэстэ, а алкинъгавтыть Вере пазонтъ превейчинзэ ды Сонзэ певтеме праванзо приказонь поладоманть коряс.

Весе церьковатнень тевест малав вейкеть. Лиясто, паряк, сынъ явовить койсэ-кирдасо, пелькстыть озноманъ кевкстематнень коряс, но весе ловить Иисус Христосонь Нишкенть пельде масторов сыцякс, кона кулось трокслаз лангс ды вельмесь ломантнень идеманть кисэ. Теде содыть весе.

Ней, зярдо Христос теевсь тынк Идицякс, ловинк Сонзэ кемемакс, ды теевтядо ине церькованъ ломанекс. Тынь – Христосонь рунгонзо пелькс. Сон таргидизь кунсолосо, ды бути пульзятадо Христосонь пильге пес, сыргатадо Мельганзо ды карматадо Тензэ озномо. „А карматадо кадномо эсь промксонтъ, кода кой-киненъ те теевсь коекс“ (Евр. 10,25).

Кода кие-бути мерсь: „Христосонь рунгсо улемась – те эрямс Сонзэ церьковасонтъ“.

Ней аволь весе мирэнь, эсь таркань церковадонть карматано кортамо, тесэяк ламо асатыкст. Но минек а эряви стувтнемс: ве ломаньгак эзь кузне уцяскань тѣкшс, эдь сеть учреждениятнесэ, конат теезельть Пазонть славанзо туртов, асатыкстнѣде байтяк. Ансяк Иисус Христос ульнесь менель тѣкшос кузезь Ломанекс, Конась зярдо-бути эрясь. Весе минь остаткатне – пежетьс совазь янксицят, ды кода а теевлинек Нишкенть ладсо, Сонзэ мельга а кенертяно. Церковась сельмень конязь ваны эсензэ потс, зярдо снартни ваньксстэ-грехтемекс невтемс эсь кудонзо ды мельганзо молицятнень. Церкованть панжозь, Иисус Христос бажась, штобу весе Сонзэ мельга сыргазтне совавольть те ознома кудонтень. Неень шкасто ды минек масторсо (США-тнесэ), косо весе эрицятнень эйстэ ниленьгемень вейке процент апак сюлма церкованть марто кеме оякчисэ, тынь пратадо талакадомас сеть церкватнень ды общинатнень икеле, конань членэкс можналь теевемс. Эсь кинь вешнемстэ тынь, нама, кочкасынк се церкванть, конантень тонадыде эйкакшчистэ саезь. Теевемс кодамояк церквань членэкс – те аволь шожда мель, эдь бути церквовась максы тенек ине лескс ды, мезесь седеяк пек эряви, ламо вийть служамс лиятненень, сестэ тыненк озкс марто кочкама сень, косо Пазонтень тенк седе ламо тееви.

Зярдо кияк чумондозь кепедьсы невтиця суронзо ды максы кевкстема, мекс истя ламо эрва кодат церкватнеде, бути сынъ служить вейке Пазнэнь, тень коряс мон ёвтан вана мезе: весе минь лисинек вейке ломань раськестэ, но эрямосонть истянь зняро эрва кодат ёнкстнѣде-обуцятнеде ды вешематнеде – весень мелест секеньсэ а витьсыть.

Кой-кинень седе шожда пшкадемс Пазонтень покш-мазый кудосо, содавикс коень кирдезь. Лиятне ловить, Пазонтъ сынъ мусызь простой эрямонъ печтезь. Венстнэнь мельс тукшны вейке служамось, омбонстнэ-нень – лиятась. Зэмесь аволь сеньсэ – кода тень тейтя-но – тесэ васенце таркас лиси ёжомарямонъ дом-качись, секскак эрьвась эйстэнек кинть вешнезэ се церьковантень, конась сехте пек тукшны мелезэнзэ.

Арази тынь содавикс кудос совамсто васня а ванкшносынк потмонзо-мазычинзэ? Истя эрси Пазонтень служамстояк. Вансак, васня озныцясь сови вейке церьковас ды тень пингстэ паро ладсо а соды мекс. Мейле сеньс фатязь – ознома кудось а тукшны мелезэнзэ – юты лияв ды тосоак куватьс а кирдевкшны. Истямо тей-тов кайсевемась а Пазонтень лезэ а канды, а эстензэ ломанентень.

Эрьва церькованть – эсензэ коензэ-кирданзо, секскак озныцянтень кочкама се церькованть, косо сон муи седей оймавтома, кемевикс ялгат, конат лездыть тензэ духовной касомасо, вейсэнъ теветень мелень путомсто.

Илядо педякшно те эли тона проповедникентень, кемедэ эсь общинантень. Пастортнэ ды проповедник-тне полавтневить, церькованъ сюлмотне кадовкшныть истямокс жо, кодамокс ульнестъ икелеяк. Служадо Христоснэнь ды малавикс церьковантень. Аполавтне-виця ды шумбра пазонъ кудось откстоми-паролгады, зярдо тов якицятне казьсызь Христоснэнь эсь вечке-маст ды сыргить Сонзэ мельга.

Алкуксонъ христианинэсь яки церьковав аволь сень кисэ – тосо кепедьсы эсь прянзо, кармить эйстэн-зэ ёвтнеме кода Пазонъ вечкицядо. Алкуксонъ христианинэсь яки церьковав а сень кисэ – истя шожда-

лгавтсы эсь оймензэ, куш теньсэ церькованть таликазо аволь вишка. Алкуксонь христианинэсь яки церьковав аволь ансяк сень кисэ – тосто кудов кантни мезе-бути паро, но тозонь сонськак мезе-бути од путокшны. Сон моли эсь озкстнэнь путомо лиятнень озксост эйс. Сон моли эсь вайгеленть лия вайгельтнес валомо ды истя кепеди Вере Пазонтъ мелензэ. Моли Иисус Христосонь вельде озноматнень-чекамотнень виест путомо Нишкентень ды теньсэ славасы эсь Идицянзо.

Христианонь обществанть, конанень мерить „церькова“, эли „общества“ васенце бажамозо – СЮКО-НЯКШНОМС ПАЗОНТЬ ПИЛЬГЕНЗЭ ПЕСЭ СОНЗЭ ШНАМГА. Минь мольтяно церьковав аволь ансяк сень кисэ – кунсолормс проповедть. Церьковав яксетяно Пазонтень чанстень макснеме. Миненек сюко ज्याма Сонензэ видечисэ ды оймесэ. Койтне-кирдатне, озксонь морамотне – весе сынъ служить Вере Пазонтень Сонзэ славанть кепедемензэ кисэ.

ЦЕРЬКОВАСЬ СЮЛМИ-ВЕЙСЭНДИ ЛОМАНТНЕНЬ. Содазь, штобу понгомс райс, мода лангонь эрийтненень васня эряви прамс озномань лувс. Бути тынь алкуксонь христианинт, сестэ весе седейсэ карматадо учомо те раенть марто вастовоманть. Эряви лещямс вана оштё мезде: икелеяк общественной эрямонть седе покш пельксэсь пурнавкшныль церькованть перька, эрьва тевесь-бажамось сюлмазель озкстнэсэ. Кода христианинт, минь, кода а дива, течис аштетяно вейкенек-вейкенек эйстэ. Секскак свал тenek лездама вейкенек-вейкенек туртов.

Павел Апостолось церькованть лови рунгокс. Кедтнень ули обязанностест турватнень икеле, сельмтне важдить билетнень марто, пильгтнеяк сюлмазь кедт-

несэ. Рунгонь эрва пельксэсь канды эсь сталмонзо, но сонензэ сталмонь кандомсто роботамс рунгонь лия пелькстнэнь марто.

Христианствась – ве мельс прамонь религия. Лисни, Христос мельга молемасть – те вечкема, видечи ды служамо, ды весемесь те добовави вейкевейкенень максозь лесксэнтъ вельде. Лисни, церьковась ашти ве мельс прамонь юрсо. Сонзэ вельде минь кемекстатано вейкенек-вейкенек. Иисус Христос мерсь: „Косо Монь лемсэ кавто эли колмо пурназь, тосо сынст куншкасо Монгак“ (Матф. 18,20). Иисус Христос тонавтсь: миненек ознома ды суюконякшнома Пазонтъ икеле, Кона пурнымизь ве мельс самонтъ кисэ.

ЦЕРЬКОВАСЬ СЛУЖИ КЕМЕМАНЬ ВИЕНЗА-МОНТЕНЬ. Вейсэнь озкстнэнь-моравтоматнень вельде кемемась седеяк виензы. Теде уш минь кортынек „Христианонь эрямонь правилатне“ главасонтъ ды ней а мезекс велявтомс ёвтазентень.

ЦЕРЬКОВАСЬ – СЛУЖАМОНТЬ ЭРЯМОС СОВАВТЫЦЯ. Минь идезтяно, штобу служамс. Христианинэнтъ икеле аштить тыща тевть. Сынъ седе парсте топавтовить, зярдо сон церьковав якси. Церьковась – Христосонь мода лангонь кудозо. Ды кадык лиясто эрсить тосо явомат-асатыкст, ялатеке сон церьковакс кадови. Кодамояк лия организациясо а полавтови.

ЦЕРЬКОВАСЬ – ХРИСТИАНСКОЙ ТЕВС ЭСЬ ТАЛИКАНЬ ПУТНИЦЯ. Библиясь тонавты десятинань максомадо. Десятинась – те тынк ванькс доходонтъ кеменце пельксэзэ, лиякс ёвтамс, получазь ярмаконк кеменце таликазо, кона алтави Инепазонтень. Десятинантень путовксонтъ карматадо макснеме сестэ, зярдо Нишкесь баславасынзе тевенк кандомс жертва – те христианинэнь обуця, ды кадык сон

эрямосонть кирдеви се шканть самс, зярс а велявты сонзэ а явовикс пельксэкс.

Христос мерсь: „Покш чанстесь максомасо, аволь примамосо“ (Апос. Тев. 20,35). Сон содась, максоматне эждить седеенть ды казить тенст мельспарот. А стяко тень туртов явозель башка баславамо. Куш эсь прянь вечкемась пештязь тандавтнемасо, христианинэнтень а мейс пелемс. Иисус Христосонь кедтне свал панжадот – Сон а сювордтни сынст эсь прянь вечкемадонть ды жаднойчиденть.

Тевтнень а онкстасыть покш ярмаксо эли кантнезь оршамопелень посылкасо. Лиясто сехте покшокс тейневить ояксчинь ды паро шабрань казнетне. Чевте седей валось, мизолксов шумбрактнемась, вейсэ ютавтозь чокшнесь пурнакшныть Менель Инязоркчинтень сюпав урожайть. Христоснэнь оймень кантницякс а велявтадо семс, зярс жертвакс а макстадо мезеяк эсенк. Ды аволь ансяк ярмакт, талантонк – весе сынст алтынк Христоснэнь.

Максомась, кона десятинадо покш, илязо лоткавтово аравтозь правилатнесэ. Сонзэ теемстэ кадык топавтовить икеленк стязь вешематне. Паряк, те самай се казнесь шабрантень эли церабаентень, кона косяк васоло Африкасо чистэ тенк кантни газетат. Казнетне – Пазонтень вечкемань невтема. Минь макстано Тензэ эсенек вишканть Сонзэ ине вечкеманть таркас, конань Сон валы эйзэнек, ды истямо ладсо минь пачтятано Сонзэ вечкеманть седе тов.

Максомась-каземась – те искусства. Можна ломаненть сюпалгавтомс стопкань венстязь ды беднойгавтомс ярмаконь апак вечке максомсто. Теньсэ таго онкстави максыцянть оймечизэ, эдь казнесэнть, кона явовкшны ломаненть кармавтоманзо кисэ, кеж кирди,

аволь вечкема. Апак баслава се казнеськак, кона мак-
созь властенъ невтемга. Арась баславамка се казнен-
теньгак, конась казеви а мельсэ эли истямо мель мар-
то, зярдо бажат нееме, кода те казнесь саеви.

Казнетнень эряви явшемс покш мельспаросо, ка-
дык ломанесь кеняркшны ды арси – сонзэ казизь
аволь а мезть тейнемадо. Эряви макснемс казнетнень
весе седейсэ, лиякс – казнесь канды зыян, а ули басла-
вазь. Максомасонть алкуксонь ды кувака кеняркс,
конадонть эсь прянь вечкиця, скупой ломантне тунь а
содытькак. Зярдо максат оймень панжозь – лисни,
марят ломанень рискс.

Путтадо церьковань кассас эли Идемань Армиянтъ
лангс, эли макстадо литра верь Якстере Крёстонть –
весеметь алтама Иисус Христосонь лецтнезь. Ды сеть
ломантне, конатнень туртов тень тейтяно, кадык истя
жо содыть: весемесь максозь Христосонь лемсэ.
Христианинэнь каявкстонть, кона пурназь народонь
вийсэ, ёвтазь истя: „Мон максса тень Иисус Хри-
стосонь лемс“. Кадык те служи невтемакс сетнень
туртов, кинь кедь ало фондтнэ, ды истямо ладсо тынь
чавтадо кавто нумолот: путтадо ярмакт ды теке
шкастонть пачтытадо паро кулят.

Ванодо, илядо понго Пазонь манчиця пежетьс.
Библиясь тень коряс корты: „Весе десятинатнень ка-
дынк ванстомань кудос, штобу эрямо таркасон улевель
ярсамопель, ды куш теньсэ Монь онкстасамизь, корты
Саваоф, Мон тенк а панжан, каня, менель варят, ды а
валан лангозонк баславамот кирьгава пештямонк
кисэ?“ (Мал. 3,10).

Луис Эванс докторось мерсь: „Евангелиясь максови
стякодо, но сеть кукшонтнэнь анокстамонтень, конат-
несэ кантневи идемань ведесь, эрявить ярмакт“.

Максомась – истя жо пазнэнь службамо, кода суюко-
нямось ды озксо Вере Пазонтъ шнамозо. Весе модась-
масторось сеске марявлизе Евангелиядо кулянтъ, бути
Пазонтень христиантэ ули-паротнень максневельть
Сонзэ лементъ лецтнезь. Уледе оймесэ жертвань макс-
ницякс, ды Пазось алтась, Сон велявтсы тень сядоксть.
Содасынк истямо банконтъ эли финансонь учрежде-
ниянтъ, конась бу тевс совавтозь капиталонтъ лангс
максневель сядо процентт? Эзь максне. Нишкесь кор-
ты: „Невтинк Монень сень, мезе тейтядо, сестэ тынсь-
как редясынк, мезе Мон тенк теян“. Максодо, зяро
максовтадо, ды тынсь редясынк: Пазось тенк весе-
ментъ велявтсы.

Котоцесь: **ЦЕРЬКОВАСЬ СЛУЖИ ЕВАНГЕЛИЯ-
ДО ЁВТНЕМАНТЕНЬ**. Церьковась тонавты: „Моледе
весе мирэнтень ды кортадо Евангелиядонтъ, лемдядо
сетнень, кить теньс кемезевить“. Церьковань васенце
ды сех эрявикс тевекс ловови Христосто кулозь
ойметненень паро кулянъ пачтямось. Неень модась-
масторось церьковантень лездамсто кучны „СОС-нь“
(зыянс понгомадо сигналонь) тердема. Мода лангось
пештязь социальной, моральной ды экономической
авейкетъксчисэ. Эрьва чистэ чавновить ломантъ, па-
лыть кудот, косо-бути таго зыян... Мирэнтень эряви
Христосонь лесксээ. Церьковантъ тевезэ – ёртамс
идеманъ пикс ваицятненень ды чавновиця грешник-
тненень.

Иисус Христос мерсь: „Тынъ приматадо вий, зярд
оймезэнк валги Святой Духось ды Монень теевтядо
свидетелекс“ (Ап. Тев. 1,8) Мода лангонь эрийтненень
эряви пачтямс куля Иисус Христосонь Евангелия-
донтъ. Эдь, кода иля сёпо, минек поколениясь тунь
стувтызе Евангелиянь пропагандантъ. Улить оштё

тыщадо ламо кельть ды кортавкст, конатнес Библиясь апак ютавто.

Васенце церьковасонтъ Библиясь эзь кирдтневе. А семинарт тосо ульнестъ, а печатыця станокт, а литература ды школат, эзть ульне самолёткак, радиот-телевизорткак. Вейке поколениянтъ пингстэ Евангелиядонтъ марясь весе мирэсь. Эрямос Евангелиянь совавторманъ тайнатне – Святой Духонтъ виезэ.

Ней вадрялгадсть кулянь пачтямонь кедьёнкстнэ ды ялатеке Святой Духонтъ возмозностензэ тевс нолдавить пек лавшосто. Эсенек лангс пек кемтяно, куш удалов потамотнедеяк байтяк. Миллионт американецтнэ – язычникть ды идолонь пильге пес сюконицят. Церьковась жо Иисус Христосонь кармавтоманзо мари: „Моледе!“ Шканк юты! Мирэсь-масторось чиезъ чии эсь ёмамонтень! Превстэ лисезь мирэнтень кемемась вейкесэ – Иисус Христосонь Евангелиясонтъ.

Тынк пильгтненень кантневи Христосто кулясь, ды сынъ Тензэ эрявить. Самай тынк кедтнесэ Сон бажитеемс Эсь святой тевензэ. Самай тынк келентень пачтяви Сонзэ Валось. Эрьва талантонтъ, эрьва ёрокчинть-маштоманть совавтородо Христоснэнь ломантнень тердемстэ! Теньсэ церькованть ине тевензэ. Тердеде Христоснэнь эрьва кода: кудос совсемасо, проповедьсэ-тонавтомасо, паро кулясо, радионь ды телевидениянь пачк, кинофильмасо. Теде мейле ломантне кармить само Христоснэнь, ды Сон примасынзе весень, кинь оймест ванькст ды кить бажить Тензэ служамо.

Тердемс ломанентъ – те пек аламо. Миненек эряви таргамс сонзэ церьковас эрямо, штобу сон касоволь благодатьсэ ды Иисус Христос Пазонтъ тонавтнемасо. Те – церькованть евангелияс совавтома.

Ды меельцесь: ЦЕРЬКОВАНТЬ ВЕЛЬДЕ МИНЕК СЕДЕЙМАРЯМОСЬ ЭРЬВА КОВ ПАЧКОДИ. Минь алкукс теевтяно эсь братнэнь ванстыцякс, ды зярдэ понгат аволь христианонь масторов – сеске несак: самай те тонавтомань ёнкось яви алкуксонь христианинтнень Сонзэ весе содыцятнень эйстэ.

Самарянинтнэнь чевте оймеде валвелявкстнэнь Иисус Христос ёвтнинзе сень кисэ, штобу пингедепингс кадомс минек превтнес вечкемань Сонзэ кармавтоматнень. Сонзэ лемень кантниця вейкеяк озныцясь а явови лиятнень нужачидест ансяк секс, што пежетьсэ апак токаде. Чилисемань кой-кона мастортнэсэ стяконь тевекс ловови ломань рискстнэде мелявтомась. Эйкакшось, секень учок, кулы вачочиде, ульця куншкасо весень сельме икеле ды кияк ве эскельксккак каршонзо а теи. Истямо казямочись христианинэнтэ алкиньгавты.

Лездак вачодотненень, штапотненень ды тюрмас пекстатнненень! Миненек а эряви стувтнемс: Иисус Христос Сонсь мерсь тенек: улемс ломань рисксэнь вайгельтненень амарицякс – те, лисни, а марямс Сонзэ Валонтэ. „Алкукс кортан тенк: бути тынь эзиде тее вишкатнестэ вейкентень, сестэ эзиде тее Моненьгак (Матф. 25,45).

Церьковасо панжозь больницятнестэ ды сыре ломанень кудотнестэ илядо лисне. Тосо эсь сельмсэнк неинк, кода те тевесь ладязь-аравтозь. Эдь, кода иля сёпо, кой-кона мастортнэсэ, козонь эзь тока Христосонь тонавтомась, ансяк пежетьс совазтне якить пайстомотнень мельга.

Кадык Пазнэнь кемицятне ванньтэ здравоохранениянтэ мельга, куш эсест семиятнень лангс зыян аволь сяворе. Церьковатнень вийсэ можна лоткавтомс

властнень каштанчисткак. Бути карматано вешеме законь а колсемат эли натой кода седе парсте урядамс шукшпрятнень – арази те а служи простой ломанентень? Эсь мельсэ служамось – церьковань обязанностнень эйстэ вейкесь. Чевте ойма самаранинэнтэ примерэсь, кона сонсь венстизе кедензэ лесксэнь максомо, мезе уш седе паро христианинэнтэ туртов?!

Эрьвась, кие гимнастикантэ вельде тренирови эсь рунгонзо, соды: ялга ютксо те тевесь тейневи седе шождасто. Съкамот натой стака эскельдыамс.

Минь ломантэ, секскак вирьс ёмазь эйкакшонь кондяттано. Миненек, штобу а манявомс кочказы кинтэ лангсо, а сатни вейкевейкенень лездамось. Кувака кись нурькалгады, улиндеряйтэ вакссонк теке бажамонтень ютыцят. Стака канстось шождалгады, кандындерясак сонзэ ялгатнень марто. Истямо лескс максови церьковасо. Тосо кемиця эрьва оймесь мусынзе эсь духонь кудонзо ды тевензэ. Иисус Христос содась, кода миненек, ломантненень, важодема-трудяма, штобу эрямс ды оймсемс весень марто стака читнеде мейле. Самай секс Иисус Христос терди церьковав. Кие сы тов – а маняви, Церьковась учи эйсэнк, сонзэ кенкштне свал панжадат!

КЕМГОТОВОЦЕ ПЛАВАСЬ

ХРИСТИАНИНЭНТЬ ВЕЙСЭНЬ ТЕВЕНЗЭ

„Кода бажатадо, мезе мартонк ломан-
тне теевельть, истя тыньгак тееде“.

Лук. 9,31

Се шкастонть саезь, зярдо сыргиде Христос мельга ды ушодыде Библиянтъ ловномо, икеленк стясть од мелявкст. Мириде Инепазонтъ марто, пежетенк простязь. Ней тевенк-арсеманк лиятат, мирэсь-масторось полавтовсь. Иисус Христос лангс вантадо од сельмсэ. Ташто идеалтнэ-бажамотне лиякстомсть, эйстэнек аламонь-аламонь потазевсь эсь прянь шнамось-вечке-маськак.

Ламот явовкшность христианонь эрямодонтъ вейке тувталдо: а истя тенст ёвтнильть сондензэ. Кой-кить яла истя кортнилъть: христианонь эрямо коесь, келя, аравтось лезэвентъ ды паронтъ каршо.

Алкукс жо Пазонь вечкицясь зярдо як эзь арсекшне явомо кенярксов уцяскадонтъ. Мекевланк, сон кандынзе сеть пежетнень, конат кепсестъ тортат ярмаконь вешиця шкань ютавтоматнеде Христосонь каршо. Оймес Христосонь саемась ды Пазонтъ кармавтоманзо топавтнемась жо ветятадызь алкуксонь часияс. Юткстонк сетненень, кить вере эзть чачо, те, лангс ваномс, неяви, паряк, аволь уш истямо покш мельспа-

рокс, но се, кие эрва чистэ пшкалекшнесь Христос-нэнь, соды: весемесь канды алкуксонь седеймарямот.

Эдь кода мерсь псалмань морыцясь: „Пешкелить Тонь кудонь умарденть, ды Тонь танстнень вачкамондонть сынь симевкшныть“ (Псал. 35,9). Пазось истя жо мерсь: „Пацькамос а вайсицятнень кедьстэ Сон натой а сайни“ (Псал. 83,12). Павел Апостолось мерекшнесь, штобу „кемевельть живой Пазонтень, конась тенек максни уцяскань тантей печтямот“ (1 Тим. 6,17).

Се, мейс минь эрва чистэ Христос марто, максы тенек вийть печтямс алкуксонь эрямо. Те уцяскась а вещи, штобу ломанесь явоволь эсь бажамотнеде. Куш Святой Писаниясь тонавты – Христос, секень вант, велявты хоть кодамо шкане, ялатеке Сонзэ велявтоманть самс миненек максозь прават топавтнемс эсь тевтнень. Истя, мень берянь ульнесь сеньсэ: Ноень пингестэнтъ, примеркс, кода ней, ломантне ярсность-симсть, урвакстность? Пежетьс вайсематнеде ала-мольть! Кодамояк грех арасель сеньсэяк. Лотонь шкатнестэ ломантне рамсестъ-микшнестъ ды строясь. Мезе берянесь – пежетть эзь нолтне? Ноень ды Лотонь пингстэ неть тевтне ульнестъ эрямонь вейкине нежекс-бажамокс. Ломантне лиядо-мезде, кода эсь кудочитнеде ды уликсчинь таштамодо, эзь мелявтне. Шка тенст эзь кадново пшкалемс Пазонтеньгак, а зярдоль. Вана мекс Нишкенть мельс те эзь туде, ды Сон наказынзе эрийтнень.

Кода уш ёвтазь, Библиясь сёрмадозь аволь сень кисэ – шнамс вейсэнь тевтнес педязь эрийтнень. Библиянтъ снартнемазо – кармавтомс ломанень эрямонтъ лангс ваномо духовной питнейчитнень ловозь.

Библиясь истя жо тонавты: эрва тевенть миненек топавтнемс парсте ды педепев. Минь кучозтяно мода

лангс ды тенек максозь кармавтома. Сетненень жо, кить эсь пряст ловить озныцякс, эряви аволь ансяк трудямс – путомс весе вийтнень, штобу трудост улель шназь ды сехте вадря.

Библиясь шназь лецтни Веселиильде кода кшнинь, кевень ды чувтонь коряс мастердэнтъ (Лис. 35,30). Иаков церанзо марто стадань ваньель. Иосиф ульнесь премьер-министракс, Даниил – государственной деятелекс. Иосиф (Назаретэнсесь) ды Сонсь Иисус – плотникельть, тонавтницянзо ютксто кой-кить калонь кунцицяльть. Тенек ёвтневи эфиопонь ёвнухтонть, кона ульнесь казначейкс. Лидиядо, пурпуронь микшнициядонть, Павелдэ, Прискиллдэ ды Акилдэ, конат тейнест палаткат, ды Лукадо-врачто.

Христианонь идеалось а веши, штобу ломанесь кадовлинзе эсь эрямонь бажамотнень. Сон ансяк седе бу а стувтоволь: Пазонтъ прявтсо сонензэ топавтнама эрва чинь тевтнень эсь ёрокчинть коряс, ды кадык те ёрокчись ули алтазь Нишкентень. Истямо ладсо нетяно: Иисус Христос венсти тенк эсь кедензэ, лезды эрва чинь трудсо ды семьясо...

Лезды тенек сеть вейсэнь тевтнень топавтомстояк, конат, секень вант, ветясамизь тюкс. Эдь эрва чинь кеняркстнэсэ ды сеньсэ, кода вантано перьканок аштиця мирэнь кевкстематнень лангс, ламодо ашти се, кода те мирэсь неи Христосонь.

Л. Нельсон Белл докторось христианонь вейке журналсо сёрмады: „Бути недлячистэ ультядо церковасо, ломантне, конат тосо нетядызь, **УЛЕМА, СЫТЬ МЕЛЬС**: тынь Пазнэнь кемиця. Но кода ашти тевесь сеть ломантнень марто, конатнень некшнетядо эрва чистэ ушосо эли лавкасо – теде таго-мекс свал стувтнетядо. Оймень исповедентень-панжомантень, Святой

Писаниянтъ коряс, кирдеви башка тарка. Духовной промкстнэсэ ды литургиятнесэ эрсемась – те христианинэнтъ эрямонь пельксээ. Ярмаконь кис важдемаськак, кудуютконь тевтне-мелявкстнэяк – весе сынъ служить Христоснэнь. Мезе лиятне неить церкво-васо эрсемстэ? Сеть ломантне, конатнень марто вастневтядо ушосо эли лавкасо, мерить-арась, тынь Пазнэнь кемицят? Ёвтыть-арась каршозонк вастневицятне седе: Христос тынк оймесэ ды минь, Пазнэнь кемицятне, аволь весень кондят? Нама, христианинэнтъ ойме ёжозо чарькодеви, бути сон весень сельме икеле.

Мештень ёжомарямотне невтить эрва мезе: кода кортатано, мезе ёвтынек ды кекшнинец, мезе теинек ды эзинек тее. Эдь сень ловозь – христианинэсь аволь весементь ливти лангс – теке марто вейсэ сонзэ ёжось вайгельсэнзэ, обуцясонзо, эрва чинь сонзэ тевтнесэ. Кортамонок максы-арась Христоснэнь чансть? Шнавлинзе-арась коенек-ладонок? Маштано-арась ютко шкань ютавтнеме? Кармить-арась эйстэнек судязь кортамо сетне, кить неить эйсэнек, кодамо покш мель явтано материальной вещатнень лангс? Шнасызь-арась минек се меленть, зярдю пансетяно роботань покш тарка мельга ды те колы Пазнэнь кемицянтъ ёжонзо. Неть кевкстематнень кадък эрвась аравтни эсензэ икелев секень кувалма: алкукс-аволь сон христианин? Кода решамс васень кевкстеманть? Кода вантано половой проблематнень лангс? Мезе ёвтатано лиякс арсицятнеде? Ве ёнов неть пшкалематнень ашаштсыть, эдь тенек эряма сеть ломантнень ютксо, конатнеде самай неть кевкстематне.

Мирсэнтъ ды эсенек ютксо отношениятнень ветиця правилакс лади те ёвтамось: „Кода бажатадо,

мезе мартонк ломантне теевельть, истя тыньгак тееде“ (Лук. 6,31).

Кой-кить судить истямо „социальной Евангелиянт“, но Иисус Христос тонавтсь: миненек вейке кедьсэ кирдема духовной вельмеманть, омбоцесэнтъ кельмевтемс малавикс ломанентъ пряззо. Христианинэнтень эряви васняк решакшномс социальной кевкстематнень. Церьковась, аволь лия учреждениятне, – вана кие свал вадрылгавты эрямонь-аштемань условиятнень. Эйкакшонь трудось лоткавтозель законсо. Урексчись истожазель. Аванть сэрчизэ обществасо истя кепедевсь, кодамокс сон икеле зярдояк эзь ульне. Нама, весе неть реформатне теезельть Иисус Христосонь тонавтоманзо коряс. Ды самай текень кисэ христианинэнтень свал апак пеле стякшнома ломантнень кисэ.

ХРИСТИАНИНЭНТЕНЬ ВАСНЯК ЭРЯВИ УЛЕМС ПАРО ГРАЖДАНИНЭКС. Кодамо смуть канды те чарькодемась? Аштемс эсь Родинанть кисэ. Тевсэ, закононь кунсолomasо. Нама, Родинанть вечкемась – те аволь идемс сетнень, кить колсить законтнень. Пазось лица лангс а ваны. Ульть тон куш министра, куш стадань ваныця. Весе ломантне вейкетъ. Эрьва косо улезэ пазонь дисциплина.

Библиясь истя жо тонавты: миненек трудяма властнень марто. Иисус Христосонь кевкстизь: „Лади-арась кесарентень пандомс каявкс?“ (Матф. 22,17). Иисус Христос весенень путсь налогт. Сень кисэ, штобу законтнэ топавтневельть, эрявить ярмакт. Ломанесь, кона орголи каявкстнэде, ашти обществань сьвдикс лангсо. Лиякс меремс, сон салси вейсэнъ сьупавчитнень. Алкуксонь христианинэсь налогто а оргоди. Иисус Христос мерсь: „максомс кесарентень кесаренс-

енть“ (Марк. 12,17). Тенек улема налогонь пандыцядо сэреекс. Кирдемс законтнэнь – те оштё аламо. Миненек вешнема масторонть ули-паронзо таштыця од китьянт. Лиясто кисэнзэ тердьсамизь куломояк. Тень тенек теема кенярдозь – истямо, нать, Пазонтъ бажамозо.

Эряви улемс ломанень вечкицякс, лездакшномс благотворительной организациятненень, церьковань приходтнэнь, Якстере Крестонтень, Идемань Армиянтень. Иисус Христос тонавтсь эйсэнек: „Вечкть малавиксэть прок эсь прят эйсэ“ (Матф. 22,29). Мезе лисевель масторонок марто, бути эйсэнзэ а улевель лесксэнь максниця вейкеяк организация! Эрицявтомоль! Кода свал, минь кочксетяно эрямонь се тарканть, косо прявтокс – малавиксэнь вечкиця, вана мекс эрва ломанесь кочки эстензэ истямо мастор. Сень, кие оймензэ путы вейсэнь тевс, сень, кода свал, вечксызь весе. „Кадык эрва оймесь кирди властенъ кор, эдь Пазтомо властть а эрсить, весе сынъ аравтозь Пазонтъ мелензэ коряс“ (Римл. 13,1).

ХРИСТИАНИНЭНТЕНЬ УЛЕМА ЭСЬ МАСТОРОНЬ ВЕЧКИЦЯКС. Библиясь тонавты: кадык минек кудось ули панжозь весеменень, кие совси тов ды лисни тосто ды косто мари Христосонь эйсэ. Сень, мезентъ тенек максы Нишкесь, эряви явомс ломантнень ланга вейкетьстэ, эдь Сон баслави эйсэнек кудонек.

ПАЗНЭНЬ КЕМИЦЯКС ВАННОМА ТЕНЕК ПОЛОВОЙ КЕВКСТЕМАТНЕНЬ ЛАНГС. Библиясь косяк а тонавты: мирде ды ни ютксо эрямось – пежеть, куш те Эрямонь Книгантъ кой-кона толковицяно снартнестъ тень тееме ингельде ёндо. Библиясь лецтни ансяк вейкеде: половой эрямось максы ОД ЭРЯМО ды а стяко светэнь лангсо сонензэ улема сехте мазыекс-парокс.

Кажось сеньсэ – грехс ваязесь весе тень теи эсензэ ладсо, виськстэме-кирдевтеме, лиянь апак вечке, юбка мельга пансематнень кепединзе сехте покш сэрчис. Нама, истямонтъ Пазось а лови эсь эйкакшокс, зярсон а полавтсы эсь обуцяно. Ды а стяко Библиясонтъ ёвтазь: „Лиянь грехс ваямосо эсь пряткак ваявтсак“. Ков а варштат – неят семиянь веенст каладомат. Мекс лисни истя? Мирдтнень ды нитнень ютксо арасель, натъ, оймечи-лад, сынъ а вечкить вейкест-вейкест. Вана мекс ашо светэнтъ лангс чачныть уроз пакшат, вана мекс ламо тѣжат кудотнестэ марят седей ниреждемат. Семиявтомо мень эрямо? Арась семия – арась мастор-гак. Пазнэнь озныцясь покордави, зярдэ газетатнестэ неи штапо ават. Якстерьгали чамас сеть ломантнень кисэ, конат а содыть виськсчить. Илядо пацька пазсо максозь эрямонтъ, сонзэ уш истякак пек колызе иде-мевсесь.

Кить алкуксонь христианинэкс ваныть половой кевкстемантъ лангс, сеть истямо жо сельмсэ ваныть семиясо эрямонтъ лангскак. Урвакстомадо ды мирденень лисемадо икеле васня тынь сядоксть онкстынк-цѣтынк вандынь чинк. Эдь семиянь тееме арсетядо, аволь ведьга укшномо. Нама, те тевесь а минек эйстэ ушодовсь. Минськак чачинек тетянок-аванок пельде, сынсткак ульнестъ тетяст-аваст. Ды ялатеке васня... онкстак-цѣтак. Эдь, мезть сѣпомс, лиясто эрямонь ялгантъ кундасак апак учо-сода. Кундасак – ды ады мартонзо загсов. Ды ялатеке сонзэ шаршавсо а кекшсак. Мирде ды ни ютксо эрямось аволь салмуks – сэррей пандо. Сон эрьва ёндо неяви. Семиясь – те святой сюлмо. Нишкесь содась – церантень эряви лездыця, авантень – идиця-ванстыця. Пазонтъ бажамозо – кадык мирдтне-нитне а стувтнить, мекс урвакстсть-

венчасть. Аванть уцясказо – вечкемс эсь мирдензэ, улемс кудонь кирдицякс, церанть – вечкемс эсь нинть ды эйкакшост, конатнень казьсынзе тензэ козяйказо. Мелявтома сындет, андомс-оршнемс сынст, эдь кудост – Пазонь крепость.

Сетненень, кить пурныть семия Пазонь законтнэнь апак кола, явоматне а мезекс. Кить жо те тевенть ушолекшныть апак арсе-мелявто, кода свал эрси тень пингстэ, – кадновить часиявтомо (истят од ломантнеде сатышка!). Шка уш чарькодемс: мень эрямо карми, зярдю теньс Пазось эзидизь баслава?

ТЕНЕК ПОКШ МЕЛЬ ЯВОМА ТРУДОНТЬ ЛАНГС.
Библиясь корты: „Сень, мезенть тейтядо, тееде весе оймесэ, прок Инепазонтень, аволь эстенк, седе содазь: тень кисэ Нишкесь казтядызь ули-паросо, эдь тынь служатадо Христоснэнь. Кие а видестэ теи, се получи авидечинзэ коряс: тензэ а максови Пазонь чанстесь. Уретненень, мезесь сынст, сень апак стувтне яводо: тынк ули менель Пазонк“ (Кол. 3,23-25; 44,1).

Бути роботань максыцятнень ды трудицятнень ютксо аштевель Христос, авольть уле забастовкаткак. Авольть уле сынст ютксо пелькстамот, вейке-вейкень чумондомат. Колсевить праватне, кежесь сэви ойметь, майсить нужачисэ семиятне. Роботань азортнэ путовольть мель лангозост важдицятненень, сестэ тонаткак чинь тевест а стувтневлизь. Содавольть: трудить аволь ансяк ярмаконь кисэ – Пазонтень лемс.

Библиясь шны честной трудонтень, самай секс христианинэнтень эряви улемс сех паро трудицякс. Косо а роботаволь – лавкасо, паксясо эли фабрикасо – кадык сон свал ашти видечинть пеле. Истямо жо мельванома христианинэнтень-азоронтеньгак. Карми сон мелявтомо робота таркань условиятнеде, ломантне-

нень парсте пандомо, – сестэ, лисни, сон ашти сынст кисэ.

Весенень а стувтнама седеяк: профессиональной союзтнэ, конат идить важдоциятнень, истя жо панжозельть церькованть вийсэ. Оште кемгавксовоце пингестэнтъ сынъ панжозельть Англиясо, зярдо тосонь робочей классось стясь эсь олячинзэ кис. Сонзэ прявтокс ульнесь христианонь деятелесь Шефтесбери лордось. Эсь семиянтъ каштанчинзэ лангс апак вано, сон весе эрямонзо перть бороцясь робочей чинь нурькалгавтоманть ды трудонь условиятнень вадрылгавтомань кисэ. А лисевель сестэ те духовной вельмемась, ломантне, паряк, нейгак майсевельть урекчисэ.

Трудицятнень кой-кона прявтост – эсь прянь вечкиця ёжов ломанть. Кой-кона промышленниктненьгак истямо обуцяст. Шка уш тенст мирямс Пазонтъ марто ды приемс-мелявтомс вейкест-вейкест кисэ.

ХРИСТИАНИНЭСЬ ВАНЫ РАСАНЬ КЕВКСТЕ-МАНТЬ ЛАНГС ХРИСТОСОНЬ СЕЛЬМСЭ ДЫ ЛОВИ: церьковантень те проблемась эзь решаво. Минь пек уш максынек прянок спортонтень, политикантень, армиянтень ды тонавтомантень. Церьковантень тесэ паро ладсо аштема васенце таркасо, эсь мельсэ топавтнемс сеть тевтнень, конатнень ней эсь кедь алов саизь лепштиця федеративной судтнэ. Ялатеке виде мельс весе сатано крестонтъ ало, косо велявтано ояксчинь вечкемакс. Кодак шкань апак сацтне народтнэ сыть Христоснэнь ды Сонзэ крестонтень, сестэ седеяк малвагадыть вейкест-вейкест марто.

Библиясь корты: Христоссо арась а эллин, а иудей, церанть ды аванть ютксож арась явовомат. Эйсэнзэ арась а чевте седей ломанесь, а кежевесь, а сюпавось, а бедноесь. Библиясь невти: весе минь – Христоссо.

Миненек а мезекс киськень тюстнэ ды класстнэ. Минь нетяно ансяк ломантнень, конатне мель-бажамо, пелема, нужачи ды кемема мартот, кодат минсь-как. Мода лангонь эрийтнень минь нетяно Пазонь сельмсэ.

ХРИСТИАНИНЭСЬ СЮЛМАВОЗЬ ЭКОНОМИЧЕСКОЙ КЕВКСТЕМАТНЕНЬ МАРТОЯК. Иисус Христос мерсь, ломанень эрямось а ашти ламо имениань кирдемадонть. Ули-паротнень таркаст зепсэ эли банксо, ансяк аволь седейсэ. Нама, сюпавчинть ламо виензэ, но сонзэ а мезекс нолтнемс инязорокс, эсь кедь ало масторонь кирдиекс. Жаднойчись ярмактнень лови ломанде питнеекс, теи ломаненть эйсэ жадноекс. Сон калготкстомты седейть, лоткавтни паро бажамот, калавтни алкуксонь питнейчитнень.

Пеледе эрва кодамо жаднойчиденть! Эйтэнзэ вансто до прянк озномасо ды сельмень пштичисэ. Часиясь аволь долларсо ды центсэ, ламо кудочисэ-имениясо.

Зярдэ Иисус Христоснэнь энядсть явомс кавто братнэнь наследстваст, Сон ёвтась тень каршо валвелявкссо. Валвелявксось сюпав боярдо, конась уш одшкасто арсесь седеяк келейгавтомс эсь моданзопаксянзо, ламолгавтомс кудочинзэ-мелензэ ды тень вельде седеяк верев кепедемс эсь лементь. Улема, сон ломанесь превеель, талантозояк ульнесь, а вана эсь прянь вечкемазо, сюпавчи мельга пансемазо эзь кирдеве. Сюросо пештязь утомтнеде, лия уликсчиде арсеманзо ветизь пежетьс: эзь мелявто Паздонть, эзь капша Тензэ идема мельга. Но меельце валонть ёвтызе Нишкесь, ды сеть плантнэ, конатнень строясь церась-боярсь, эзь топавтово. Апак учо сон кулось. Сюпавчинзэ менсть кельме сур юткстонзо, явшезельть

родня-родня ланга, теке жо шкастонть сонсь боярсь понгсь Пазонть икелев эсь пежетензэ марто.

Христианинэнтень лиятнеде пек чарькодема: сат эрямонтень чавонь кедть – чавонь кедть сонзэ кадсы-некак. Эдь эрямонь ки ланга модемстэ меземекак а эрси. Минек эйсэ вети Вере Пазось, минь ансяк те моданть лангсо нурька эрямонок перть Сонзэ сюпавчит-нень управляющейть. Сень, мезенть нетяно перьканок ды конань ловтано эсь ули-парокс, получинек Пазонть пельде, ды зярдо Нишкеденть стувтнетяно, седеенек эйсэ потязь поти жаднойчись.

Зярдо цопадтяно мезеяк кедьс ды мертяно – „те монь“, зярдо сельмень сьвадозь вантано сень лангс, мезесь лиянь кедьсэ ды снартнетяно сонзэ рамамс куш кодамо питнеде, минь стувтнетяно: мезенек а улель, мартонок сонзэ тоначив а сайсынек. Тосо минсь стятано судонь престол икелев.

Те, нама, а корты седе: мода лангонь сюпавчитне – те грехс совамо. Теде Библиясонтькак кортави. Библиясь тунь чарькодевиксстэ невти: Пазонь кедьсэ явшезь уликсчитнень совавомс тевс лезэвстэ-маштозь. Ламо христианинт тень мельс эзть сае, секскак ваясть зьянов каштанчис, эрять нужачисэ ды тень ловить башка „заслугак“. Истятнэ кедень ахолязь кортнить: „Ды кода уш Пазось мери“. Вансак, яла учить мезе-бути менельстэ. Учок-иля, тосто каша а пры. Эряви трудямс, штобу эйкакшот вачодо авольть кадово.

Иисус Христос ёвтызе Эсь пародо паро притчанзо, косо кортамось моли ве сюпав ломанде, кона макссь эрьва эсь важонстэнь ярмак ды мерсь мекев велявтомонзо, семс лезэвстэ совавомс сынст тевс. Зярдо велявтсь – несь: вейке урензэ ярмактне ламолгадсть. Шнызе важонть ды кевкстизе омбоценть: кодат тевен-

ээ? Се, нузяксовось, ярмактнень ансяк кекшнинзе ды, нама, сынъ эзь ламолгадо. Кие шнсы истямонтъ?

Пазонъ законтнэнь коряс, ярмактнень добовакшнодо зяро меленк ды ютавтнеде сынст кода Сон кармавты. Десятинантъ яводо Инепазонтень апак манче, трешникень пес, эдь Библиясь корты: истя видестэ тейтядо. Бути тень коряс кавтолдтадо, сайнк кедьс Библиянтъ ды муинк тосто се таркантъ, косо кортамось моли ярмаконъ таштамодо ды сюпавчинь явшемадо. Мейле эсь прянк кевкстьсынк: „Кода Иисус Христос теевель истямо тевс понгомсто?“ – ды тейтядо истя, кода Библиясо сёрмадозь.

ХРИСТИАНИНЭНТЕНЬ ЭРЯВИ ВЕСЕ СЕДЕЙСЭ МЕЛЯВТОМС ПЕРЬКАНЗО ЭРИЦЯ ЛОМАНТНЕДЕ. Кадык ошонъ трущобатне теевить тынк трущобаккак. Тыщат шабра нищойтнеде мелявксось велявты тенк малавикс тевекс. Совседе сеть организациятнес ды обществатнес, конат лездыть бедной ломантнень. Те тевесь – Пазонтъ лемсэ алтазь покш путовкс.

Библиясь корты: простой народось покш кеняркс марто кунсолось Христосонь. Ков Сон а саволь, Сон лецясь сэредицятнень, оймавтсь покордазтнень, мелявтсь больницянь ды приютонь строямодо. Христианинэнтень, кода Христоснэнь, свал эряви мелявтомс лия мастортнэдеяк, косо оштё ламо вачо ломантнеде. Национальностентъ ды киськень тюсонть лангс апак вано, сонензэ лездама весенень, кить учить лесксэнзэ.

Библиясонтъ косяк а лецтневи седе, штобу явовлинек вейсэнь тевтнеде. Мекевланк, сон тонавты: миненек вейсэндяма сетнень марто, кинь ули лездамонь мелест. Пазонтень вечкевить сеть социальной роботниктне, врачтне, милосердиянь сестратне, кить потавтнить ломань орматнень.

Американь благотворительной клубтнень тердемаст истят: „Аволь эсенк лангс“, „Минь строятано“, „Олячись ды тонавтнемась – нациянок идема“, „Вечкть эсеть малавиксэть“ ды лият. Весе неть мельтне чачсть христианствасонть. Языческой религиясо истят учрежденият а кирдевить. Весе сынст пачк юты Христосонь лездыця духозо.

Чан-Кай-Шекэнь низэ мерсь: „Конфуциень религиясь тонавты покштятнень-сыриватнень мельсь путомо, ды теке шкастонть ве кудояк сынст туртов зярс апак стявто“. Минь жо, Христос мельга молицятне, се масторонть туртов, косо эрятано, тейтяно весеметь. Иисус Христосонь тердемазо вейке: „Вечкемс ды служамс“. Лисни, вечкемс Христосонь, служамс Сонензэ, вечкемс малавикс ломаненть! Служамс сонензэ. Иисус Христос мерсь: „Бути вечктядо Монь эйсэ, топавтодо монь заповедень“ (Иоан. 14,15). Лиякс ёвтамс, „Бути Монь вечксамизь, Эйсэнь кунсолодо! Служадо Монень!“ Иисус Христосонь улить ванномань-онкстамонь праванзо секс, што служатано Тензэ.

ХРИСТИАНИНЭНТЬ УЛИТЬ БАШКА ОБЯЗАННОСТЕНЗЭ БРАТНЭНЕНЬ – ХРИСТИАНТНЭНЕНЬ, сынст тенек эряви вечкемс духовной ёжомарямосо. „Содатано, ютынек куломасто эрямос, секскак вечксынек братнэнь, братонь а вечкицясь эри куломасо“ (1 Иоан. 3,14).

Тенек вечкема эсь ятнэньгак. Сень натой вечкема, кие панси эйсэнек ды виськстэме лавги лангозонок.

Но сех покш ёжомарямось – лия христианинтнэнь вечкемасо. Иисус Христос тень коряс мерсь истя: „Те улияк Монь заповедекс: вечкеде вейкенк-вейкенк, кода Мон эйсэнк вечкан“ (Иоан. 15,12).

Миненек мерезель служамс вейкенек-вейкенек тур-

тов: „Братт, вечкезь служажо вейкенк-вейкенк туртов“ (Гал. 5,13).

Библиясь тонаваты: ютксонок отношениятнесэ минек, Пазнэнь кемицятнень, пельде учови се, штобу весенень улелинек примерэкс. Павел Апостолось мерсь: „Ульть валонь алтыцятнень ютксо примерэкс эрямонь, вечкемань, духонь, кемемань ды ваньксчинь кирдеманть коряс“ (1 Тим. 4,12).

Те аволь паро мелень ёвтамо – кармавтома!

Библиясь тонаваты эйсэнек простякшномс вейкенек-вейкенек. „Но уледе вейкенек-вейкенек туртов паронь арсицякс, простядо вейкенк-вейкенк, кода Христосо Пазоськак простимизь“ (Ефес. 4,32). Иисус Христос мерсь: „Бути простякшномо а карматадо, сестэ Менель Тетяськак а простясы теезь пежетенк“ (Матф. 6,15). Сон мерсь: „Зярдо стиде озномо, простядо вейкенк-вейкенк эйсэ, штобу Менель Тетяськак простявлинзе уликс грехенк“ (Марк. 11,25).

Миненек, христиантнэнень, мерезель А СУДЯМС вейкенек-вейкенек, карадо-каршо аволинек аштекшне, эсь прянок аволинек лово лиятнеде превейкс ды покшокс.

Кода христианинт, миненек КАНТНЕМА ЛИЯНЬ СТАКАЧИТЬ. Улить сталмот, конатнэнень аштема эрва ломаненть лавтов лангсо, эдь кияк кисэнзэ а кандсы. Ялатеке эряви топавтомс Пазонтъ Валонзо, Пазсо тонавтомс эсь эйкакштнень, сень, што макстадо часия нинк туртов. Кудазоронтень эстензэ кандома те сталмонтъ. Но истят стакачитнень, кода, примеркс, горянтъ, ськамочинть, стака орманть, ськамот а изнясьть. Тесэ эряви ялгань-оянь лескс. Тень коряс Инепазтомо ве эскельксккак а теят. Эряви пшкадемс Тензэ вий мельга, ды Сон лезды.

Библиясь корты: миненек, Пазнэнь кемицятненень, эряви лездамс доватненень ды урозокс кадовозтненень. Библиясь тонавты: „Макснеде нужачис ваязтненень... вастнеде инжеть... шлякшнодо пильгть святойтненень... илядо стувтне пурныцятнеде...“ Иисус Христос мерсь: „се, мезенть тейтяно лиятненень – алтави Сонензэ ды што седе покш чанстесь максомасо, аволь примамосо“ (2 Кор. 9,7).

Ды, okayники, христианинэнтень улема СЕДЕЙМАРИЦЯКС, лиякс ёвтамс, эрванть вечкицякс. Кода свал, минь эрва эсь валонок ловтано видекс. Истяарась те – мейле несак. Мезе тенек теема ды мезе а теема – ловнынк Святой Писаниянтъ, тосо парсте ёвтазь теде. Зыянось лиясо: церковас сакшныцятне явновить эрва кодамо группава, сёвныть вейкествейкест марто стяконь тевде, ды тень пингстэ эйстэст эрвась лови: видечись сонзэ пеле.

Гарри Айронсайд докторось весть мерекшнесь: „Пеледе седе, штобу мельсэ бредямонк а примамс арсеманк таркас“.

Нама, миненек лангс ливтема авидечитненень ды виськчинть, но лиясто верьга прянь кантнеманок велявтни певтеме нежекс грехс совазтненень неемстэ.

Мон дивазевинь, зярдо телевизорга кортамсто масторонок келес содавикс вейке религиозной проповедникесь яволявть: „Тынь бу а вастовлинк Христосонь, кона усксевель нулготьксэв тев марто сюлмавозь ломань марто, эли сетненень марто, конатненень мелествановтост тунь аволь истят, кодат Иисус Христосонь? А вастовлинк!“

Те ломанентень, нама, содамаль: Иисус Христос эзь пеле вастневеме весень марто. Сонзэ каршо книжниктненень ды фарисейтненень чумондомакс ловови эрва

ломань марто оймень витъкстамозо. Улезэ те салыця, ученой эли усксевиця ава, сьупав эли бедной! Мик Сонзэ тонавтницятне прят велявтнестъ сетнень эйтэ, кинь марто вастневсь Сон весень пингстэ, ды те эзизе алкинъгавто Иисус Христосонь.

Превензэ а онкставицяльть. Ойме виезэ истямо покшоль – Сон эрсиль натой эрва кодамо ормасо сэредиця ютксо. Пелемась кармавты эйсэнек мельтеме кун-солокшномс ломантнень. Иисус Христос эзь сода истят пелемат, Сонзэ арасельть вишка вановтонзо. Сон содась милостентъ ды удалов потамонтъ ютксо авейкетъксчиде, ды минь а манявтано, бути карматано Пельдензэ тонавтнеме. Христос невтсь тенек чудань пример, зярдэ Эсь тонавтницятнень марто явомсто мерсь тенст: „Азёдо ды тееде истя жо“.

Те ансяк вишкась, кона сови христианинэнтъ вейсэнь тевезэнзэ. Сон а туи моданть-масторонть эйтэ отшельникекс ды ськамочинь майсемас а вай. Христианинэсь – обществань член. Секскак Христосонь тонавтомась пештязь малавикс ломантненень мелень ваномань кармавтомасо.

Тонавтнеде Библиянтъ – ды карматадо эрямо истя, кода тосо сёрмадозь.

КЕМЗИСЕМГЕЦЕ ГЛАВАСЬ

ХРИСТИАНИНЭНТЬ
ВАНДЫНЬ ЧИЗЭ

„Мон молян тенк таркань анокстамо. Ды зярдо молян ды тенк тарканть анокстаса, сан мекев ды сайтядызь Эстенъ, штобу тыньгак улевлиде тосо, косан Мон“.

Иоан. 14,2-3

Мода лангонь эрийтне састь ве мельс: весе сынъ кирдить певтеме стакачить. Ламот ёвтнить сы шкань ламолгадыця зыянтнэде. Кой-кить кемевтить: народ-тнэ сынсь капшить куломас. Кой-конатне ловить: ней аштетяно цивилизациянь ёмамо отьманть чиресэ.

Аволь вейке книга алтазь икелепелень уцяскан-тень. Газетань ды журналонь икельце страницатнесэ ёвтневи „Армагедондо“ – цивилизациянтъ ды мода-масторонть педензэ. Вейке президентэсь вейке эсь речьсэнзэ мерсь:

„Наукась макссь тенек вийть сэвевтемс эсь прянок“. Виллиям Фогт „Сенень кись, штобу кадовомс живстэ“ эсь книгасонзо тешксты: „Вете материкень стенатнесэ сёрмадовкстнэ яволявтыть тенк: минь аштетяно судонь чинть поровт лангсо“. Ричард К. Ульман докторось сёрмадсь: „Эряно решениянь паронть ды кежевенть, манчеманть ды видечинть, куломанть ды

эрямонть ютксо примамо шкасто, конась оштё зяр арасель. Кочкиндерятано чирь ки, секень учок, кадовтано меельце раськекс“.

Сорокин профессорось мерсь: „Минь эрятано ломань историянь каладома лангсо. Аволь ансяк войнась, вачочись, чумась ды революциясь, лия ламо зыянтнэяк сорновтнить моданть-мирэнтъ. Весе питнейчитне ёмавтозь. Весе вешематне колазь. Ломань раськень образось велявтсь ингельде ёндо. Яжамонь кев алов таргавить культурась, обществась ды наукась, философиясь ды религиясь, койтне-кирдатне ды законтнэ. Отьмас ваямос, секень учок, прыть социальной, экономической ды политической организациянь весе ёнкстнэ. Кадовсь ансяк учомс: зыянтнэ-мезтне сяворить лангозонок аонкставикс вийсэ-покшолмасо“.

Варштамс-ловномс се литературанть, конань нолдызь атомной ды водородной бомбатне, – книгатнень ды статьятнень (сынъ ёвтнить Невададо ды Бикиннсэ ютавтозь опытнэде) – вейке ёндо, ды омбоце пельде – сетнень, конатнесэ невтеви модань лондадомась, дивазевтяно, зярд фатятано, кода наукась тонадсь Библиянь валсо кортамо. Вильбур Смит докторось сёрмады: „Платон, Сенека, Аристотель ды лия ине философтне, мезть сёпомс, паро ладсо эзь бажаяк икелепеленть нееме“. Библиясь – ськамонзо вейкине виде книга. Бытиястонть саезь Иоанонь Витькстамотнень видьс те книгась пештязь событияень невтемасо ломанень историянь пенть учомадонзо. Меельце иетнестэ церьковань деятельтне а вестъ ёвтызь эсь пелемаст се фанатизманть коряс, конань марто койкить кортнить вандынь тамашатнеде, ансяк сонсь церьковась арси Святой Писаниянь текстнэнь мельсэ кирдезь.

Мирэнь церьковатнень Советэсь 1954 иестэ Ивенсон ошсо ютавтозь эсь промкссонзо кочкакшнось истямо тема: „Христос – мода-масторонтъ кемемазо“. Советэсь кемекстась Библиянь тонавтнеманть коряс комитет сень ловозь, штобу церьковась максоволь келей картина Пазонтъ икелепелень витькстамодонзо.

Истямо шкане, кодамо неенсесь, сетне, кить Библиянтень эзть варштнеяк, вант-вант, манявить эрва кодат пророктнень, ведунтнэнь-муницятнень манчемаст вельде. Истят тандавтнезь ломантне эрва чи ютавтнить тыщат долларт, ансяк содавольть седе, мезе учи сынст икелепеле. А эдь эрявияк тенст пек аламо – кадык совить маласо лавкас ды пельстяконь питнеде рамить Библия, ды сонзэ страницатнестэ мусызь вандынь чинь тайнатнень.

Мэри Бэкер Эддинь „Наукась ды шумбрачись“ книгасонтъ мезеяк арась истямо од, мезесь куш ланга-прява ёвтневель сы шкадонок. Ды ялатеке сонзэ содасызь Американь келес. Библиясь ды ансяк сон ськамонзо валдомты икелепелень тайнанть вельтиця чоподанзо.

Те тайнанть шаршавозо панжови: Библиясь шкадо икеле ёвтни, што мирэсь, кодамокс минь сонзэ содасынек, сы ды яволявты, што те пенть полавтомакс тееви Иисус Христосонь омбоце самозо. Библиясь кемевти эйсэнек: ламо пингень исторянтъ перть лиси инязорксчи лангс венчамо, зярдэ Христос озы престол лангс инязортнэнь Инязоркс ды прявтнэнь прявтокс.

Парсте содан, те темась а весенень чарькодеви, сон кепси ламо минень-сюонь толковамот. Икеле вастневсть ламо фанатикть, конат яксесь масторганть келестэ келес ды яла ёвтнекшныльть Сонзэ валгомань

шкадонзо. Ансяк текень кувалма те смустесь-видечись пек уш чополгавтозель.

„Эрямосо религиясь“ журналсонть лиссь „Христианонь кемемась ды сонзэ течинь питнезэ“ лем марто статья. „Минек сыця шканок“ теманть коряс эсь мелест-вановтоост ёвтывзь колмо пек содавикс мыслительтне: содавикс английской историкесь, Тойнби Арнольд докторось, Амос Н. Валдер, Чикагской университетэнь преподавателесь-богословось ды Оксфордской университетэнь профессорось К. С. Люис докторось.

Тайнби неи мирэнтъ-масторонтъ технологиянтъ вельде явовозь кавто лагерекс ды косо, келя, ломантне велявтсть вейкест-вейкест эйтэ авечкиця шабракс. Ученоентъ валонзо коряс, христианонь кемемантень самсто эряви бороцямс коллективизманть, эстензэ ломанентъ сюконямонзо каршо, эли, кода сон сёрмады – мода лангсто эряви нардамс „Левиафанонтъ“.

Валдер, лия ёндо ванозь, лови: ломанесь, келя, эрямостонтъ а мусы кемеманть. Искувамонтень, лови сон, лисема духовной лисьмапрятнестэ, аволь ойместэ. Ломанентень, келя, шка уш чарькодемс: Пазонь бажамотне тензэ топавтовить мик сестэяк, зярдю тень туртов нолды ванськавтыця тол. Мода лангсо эсь превензэ вельде эриесь, марят, зярдояк ды строясы Пазонь Инязорксчинть.

Люис докторось яволявтсь: Библиянь юрс минь, келя, понгинек арсеме. Натой яволявты: „Монь койсэ, Иисус Христосонь пазчинтень ды христианонь витькстамонь видечинтень арась кодамояк кемеманок секс, што Христос мекев а валги ды валгомскак тензэ а мезекс“.

Люис докторось невти колмо тувталт, мекс ломантне а кемить мода лангс Иисус Христосонь чачоман-

тень. Васняк – кемиця христиантнэнь ютксто ламотне кортыть: Христосонь омбоце велявтомадонть тонавтомась, келя, манчиця.

Омбоце тувталось, Люисэнь валонзо коряс, истямо: Пазонть мода лангс валкстокшнызе, келя, эволюциянь теориясь, кона кемевти, што Пазонь омбоце самотне седеяк пек а улить. Бути ловтано – ломанесь эрямонзо перть теи покш эскелькст касомасо, сестэ тенек а примави Христосонь алтамозо: Сон мекев сыды муи пе грехентень ды куломантень. Пазонь а самонь колмоце тувталокс Люис докторось лови сень, што Христосто тонавтомась калавты сядо миллионт ломанень плант. Мода лангонь эрийтне, марят, бажить ярасо-симеме, кеняркшномо-киштеме ве ёндо апак кардо.

Те ульнесь самай тувталокс сенень, мекс Ноень шкатнестэ ломантне эзть кеме потопонтень ды раксесть сонзэ коряс – икелепелень бажамотнень калавтомадо мельть арасельть. Библиясь икелев ёвты: меельцьпелев ломантне, эсь ёжомарямотнень апак кирде, кармить кортнеме: „Косо Пазонть самонзо юрость? Оште се шкадонть мейле, зярдо кармасть кулсеме тетятне, ушотксстонть саезь мезеськак эзь полавтово“ (2 Петр. 3,4).

Пазонь кемеманть смустезэ колаволь, бути Христос ёвтаволь мода лангс Эсь омбоце самонзо шкадо. Самай секс а содатано, зярдо Сон велявты, – эсь духовной кудонть тенек кирдема свал ваньксстэ. Д. Л. Муди, содавикс проповедникесь, сеетьстэ кортниль: „Апак арсе седе – Нишкесь велявты, паряк, омбоце проповедем ловномадо мейле мон васенценть а ушолекшнеса“.

Кемпбелл Морган докторось, английской церько-

вань ине деятелесь, мерсь: „Мон зярдояк а кундан валскенъ тевезэм апак арсе: паряк, Сон лоткавтсы роботам ды ушодсы Эсензэнтъ – Мон а учан кулома, учан Сонзэ эйсэ“.

Самай истямо ладсо христианинэнтень эряви печ-
тямс эсь пингентъ – Иисус Христосонь самонзо учома-
со! Кадык эйтэнек эрьвась, теке меельце ломань,
ашти се Судонтъ икеле, кона полавтовлизе мода лан-
гонь уцясканть!

Те арсемась, нама, а тукшны мелезэнек. А вечктяно
арсеме – икелепелентень арсезь-цѣтазь меленек, секень
вант, сезевить Пазонь ангелтнэнь вайгельсэст! Минь
истя ваинек эрьва чинь пелька пряшка озямотнес,
натой тунь стувтынек – ангелэнь вайгельть каятыть.
Ламот, секень учок, мерить: „Ну, паро, модась-мас-
торось эзь каладо, сестэ мейс сондензэ мелявтомс –
паряк, се шканть самс кадовсть ламо тежа иеть!“

Улема, тевесь ашти истяк. Но варштындерямс лия
ѣндо, тамашаткак эрсить. Монь арась кортамс мелем,
мезе лиси шкань ютазь. Тень коряс Христосонь тевен-
тень покш зыян уш путозь. Фанатиктне чавица эсь
валсост чалксизь Христосонь омбоце самодо кулянтъ.

Ломантне, конат тонавтнить религиань истори-
янтъ, пек парсте содыть, кода кой-кона „пророктне“
тейневсть народонь тюръгавтыцякс. 1843 иестэ Виль-
ям Миллер загодь ѳвтась: модась-масторось, келя,
калады мартонь 21-це чистэнтъ. Пелеве шкане, яво-
лявтсь сон, гайгезеви трубань пувамо, модась ды мене-
лесь тапарявить оршамопель ладсо, ды сестэ омбоцеде
сы Иисус Христос. Сеть, кить кемсть Вильям Миллер-
нэнь, аволь Библиянтень, пурнавсть куцяс ды Пазонь
валгоманть учость валскентъ самс. Сон тенст эзь учо-
во. Кудова ломантне сралестъ виздезь-покордазь.

Весень сельме икеле виськсчамас ваямот а улевельть, бути лецтявлизь Иисус Христосонь кармавтоманзо: „Уледе шумбрат-парт, эдь а содатадо, зярдо сы кудазорось, чокшне эли пелеветь, атякшонь морамо шкасто эли валске марто, штобу, зярдо сы апак учо, аволидизь кунда удыцякс. Секскак кортан тенк: уледе шумбрат-парт“ (Марк. 13,35-37).

Лавгиця яволявкстнэ, сень мельс апак сае, – эрямось истожави верде празь вийтнесэ, конат ломань уцясканть марто мейсэяк апак сюлмаво, – кармавты эйсэнек арсеме Сонзэ омбоце валгомадонть. А пелемадо арсеманть нурси оште вейке тувтал. Те – „прогрессэнтъ“ манчиця тонавтомазо! Ломаненть ды весе сонзэ тевтнень, марят, куш аламонь-аламонь, стакасто, но ялатеке икелев шаштыть эсензэ вийтне ды превчизэ. Сетне, кить кемить те теориянтень, эйсэнек истя кемевтить: ялатеке, келя, Христос сы омбоцеде, но сестэ, зярдо ломанесь оймензэ ванськавтсы, зярдо карми содамо войнань, жаднойчинь ды беряньстэ прянь ветямонь амезексчинть ды парсте чарькодъсы: сон алкуксккак эсь братонь ванстыця ды тензэ эряма сырнень правиланть коряс!

Те ёвксось – „акирдевица прогрессэнь“ теориясь – алкуксккак ёвкс ды а седе ламо. Сон ашти сеньстэ: ломанесь мезес-бути кемсь, мезесь, койсэнзэ, ули, но мезесь лиси аволь эсензэ эрямо. Зярдо истятнэ невтить пеень медицинанть лангс – келя, сон максы тенек покштятнеде кувака эрямо, сельмест вакска нолтнить вана мезенть: куломась – ялатеке уцяскань пе. Седе чевтъстэ меремс, минь кувалгавтано эсь эрямонок ансяк зяряя иес.

Зярдо истятнэ невтнить китнень вадрялгавтомаст лангс, сынь стувтнить вейкеде: тень минь добовинек

коштонтъ изнямга ды тень вельде эсь малавикстнэнь туртов явшетяно куломат. Мекс теде кияк а лецтни?

Зярдю прясъ эйсэ шныть ламо од школань ды учебной заведениянь стявтомасо, мекс седе чатьмонекшныть: неть тонавтнема таркатнесэ учениктне ды студентнэ седеяк явовсть Пазонтъ эйстэ?

Неть ломантне шныть превчинть, кона панжизе атомонь тайнанть, секе жо шкастонть сорнотано эсь прянок седе кевкстнезь : неть ине панжовкстнэ мезть алтнить тенек икелепеле?

Вана мейсэ ломанень „прогрессэнтъ“ касовксонзо! Кой-кить жо, кода а дива, кемить: те „прогрессэсь“ вети ансяк икелев!

Сестэ кодат тень коряс лия ломантнень мелестарсемаст? Кемить-арась лиятне – Иисус Христос мода лангс мекев велявты, ды те часонтень минь аноктано?

Тенень невтемакс теевсь Библиясь. Святой Писаниясонть Иисусонь омбоце самонтень явозь сатышка тарка. Библиянь ламо исследовательтне кемевтить: теде лецтнематне вастневить эрва колоньгемень стихтнень ютазь. Иисусонь васенце самодонтъкак кулясь ёвтави кавксо тешкссэ. Сонзэ омбоце валгоманть коряс лецтнематнеде колмосядт кемгавксово. Ташто Заветсэнтъ те темась панжови весе пророктнень сёрмадовкссост, Од Заветсэнтъ – цела кучоматнесэ (1 ды 2 Фесс.) ды главатнесэ (Матф. пельде 24, Марконь пельде 13, Лукань пельде 21).

Библиянтъ коряс яла одс ды одс ёвтневи: Христос валги мода лангс. Истя, Исаия пророкось (66,15) корты: „Вана Пазось сы тол марто, штобу сявордомс Эсь кежтнень ды весементъ пултамс эсь толбаргосонтъ“.

Иеремия пророконтъ книгасонзо тешкстави: Пазонтъ самодонзо мейле Иерусалимесь тееви Сонзэ

престолокс, ды весе народтнэ Нишкенть лемсэ пурна-
вить Иерусалимс. Самай тосо, койсэм, ули ютавтозь
разоружениянь коряс весе мирэнь конференциясь, ко-
дамо оштё эзь некшне а Лондонос, а Вашингтонос,
а Парижесь!

Иезекииль пророкось корты Иерусалимденть ды
храмдонт, конатнень одс стявтсызь-строясызь, ды
сынъ мекев цветязевить-мазылгадыть.

Даниил пророкось неи Иисусонь Судьякс ды мода
лангонь Инязорокс.

Осия пророкось корты: меельце шкатнестэ, зярд
Нишкесь валги мода лангс, Израилень народось ловсы
Сонзэ эсь Азорокс ды Ветицякс.

Иоиль пророкось лецтни, кода мода лангонь уш-
мотне меельце чистэнт стить стройс менелень войс-
катнень каршо.

Амос пророкось ёвтни Давидэнь престолдонт, ко-
на мекев ули стявтозь Иерусалимсэ.

Авдий пророкось корты Пазонт Инязоркчинзэ од
кемекстамонт каршо молемадо.

Михей пророкось лецтни: од инязоркчинть пинг-
стэ лоткить войнатне, торотне-кинжалтнэ улить со-
лавтозь тарвазокс.

Наум пророкось яволятсь: „Пандтнэ ды модась
сорныть Сонзэ икеле ды кие цидялды Сонзэ валгомань
толдонть?“

Аввакум пророкось невти Нишкенть, конась теке
онкстни Инязоркчинть Эсь онкссонзо, пандтнэ жо
лыхайть Сонзэ икеле.

Софония пророкось лецтни од моронт: „Кенярдт,
Сиононь тейтерь! Кенярдт, Израиль! Веселгалек весе
седейсэ, Иерусалимень тейтерь! Пания тонь ятонть!
Израилень инязорось, Сонсь Вере Пазось тонь вакссо!“

Аггей пророкось корты весе модань соракадомадо, зярдо кирдеви, койсэнзэ, ансяк Нишке Пазось съкамонзо.

Захария пророкось максни келей картина сенень, кода Вере Пазось чалги Эсь пильгтнесэ Елеононь пандонть лангс ды тона таргави-лепштяви келей лаймекс.

Малахия пророкось пряды Ташто Заветэнь книга-тнень Пазонтъ велявтомасо ды корты Сондензэ: „Сон теке солавтыця тол, ды прок шлиця щелок, ды, мерят, весе моданть валдомгавтыця чи“.

Од Заветсэнъ Инепазонтъ валгомазо невтезь седеяк мазыйстэ. Пшкадтяно ниле евангелистнэненъ. Васенцесь, Матфей, Иисус Христосонь лови Эсь одирьванзо мельга сыця алужокс.

Омбоцесь – Марк, неи Сонзэ эйсэ кудазоркс, кона сырги куватень путешествияв ды Эсь самозонзо максы важотненень од тевть.

Лукань евангелиясонтъ Иисус Христос аравтови сюпав-содавикс ломанекс, кона туи васоло ёнкстнэс тевень якавтомо ды Эсь уретнень кармавтсынзе ярмаконзо тевс нолдамо.

Нилеце Евангелистэсь, Иоанн, лецтни Иисус Христосонь валонзо: „Мон сырған тенк таркань анокстамо, мейле сан мекев ды сайтядызь Эстенъ“.

Римлянтнэненъ кучомасонтъ нетяно, кода Сон велявтомадо мейле весементъ сайсы Эсь кедензэ алов.

Коринфянтнэненъ васенце кучомасонтъ Павел Апостолось корты, што Инепазось сы кулозтнень вельмевтеме. Коринфянтнэненъ омбоце кучомасонтъ невтеви од кудо, конась анокстазь минек туртов, зярдо кукорьгадозь кудонок калады.

Колоссянтнэненъ кучомасонтъ (3,4) кортави: „Зярдо сы Христос, сестэ Сонзэ марто тынь кадовтадо слаvas“.

Фессалоникиецтнэнень васенце кучомасонть (5,23) Павел Апостолось алтасы тенек Пазонь Цёранть менельстэ валгоманзо. Омбоце кучомасонть (1,7) невтеви онсо Пазонть неемазо, Кона велявты Эсь святоензэ марто.

Тимофейнень кучомасонть кортави: Инепазось аноксты видечинь каштаз Сонзэ вечкиця учицянзо туртов.

Титнэнень кучомасонть кортави „оймень китордомадо“.

Иаков Апостолось кармавты прянь кирдезь учомс Инепазонть самонзо.

Павел Апостолось лецтни се чиденть, зярдо Нишкесь сы чопода пелеве ладсо.

Иоанн Апостолось максы Пазнэнень весе кемицятненень ине уцяска: „Ней минь Пазонь эйкакшт, но зярс апак панжо, што ультяно. Ансяк содатано, зярдо панжови, теевтяно Сонзэ ёнов молицякс, эдь Сонзэ несынек истямокс, кодамокс Сон ули“ (1 Иоан. 3,2).

Иуда Апостолось корты: „Инешкесь эскели Эсь тежа святоензэ марто“.

Иоаннонь Витькстамонь книгазо малав сэрсь алтазь Иисус Христосонь мекев велявтоманстэнь.

Кода нетяно, аволь ансяк Ташто Заветэсь корты Христосонь омбоце самодонзо, аволь ансяк Од Заветэсь ёвтни теде – весе Апостолтнэнень ёвтнемасткак алтазь те пародо паро кулянь пачтямонтень.

Иисус Христосонь омбоце самозо – сех покш кеняркс весе мирэнтень. Сонзэ эйсэ кеме алтамо сы шкантень, зярдо мода лангсо азорокс аштить акематне ды чоподачись. Зярдо ломантне авардезь авардить: „Мезе мартонок лиси, ков ускить эйсэнек?“

Библиясь ськамонзо максы виде ответ тень каршо.

Сон корты, весементень покшокс теевить Иисус Христосонь самозо ды казнетне, конатнень Сон явшесынзе Пазнэнь кемицятненень.

Зярдо те карми улеме, монень а ёвтави. Но мон пек парсте содаса Апос. Тевтнестэ стихенть (1,6-7), косо тонавтницятне кевкстсть: „А се ли шкастонть, Господи, Тон мекев ладясак Израилень инязорксчинть?“ Сон жо мерсь тенст: „А тынк тевесь содамс шкатнеде, конатнень Тетянк путынзе Эсь властьсэнзэ“.

Шкадонть, алкуксккак, содамс тенек а мезекс. Эряма тенек истя, штобу улевлинек анокт те часонтень! Иисус Христос мерсь: менель лангонь ангелтнэяк натой а содыть теде, Инепазось ансяк съкамонзо содасы шканть, зярдо каяты тердиця вайгель, панжовить менель пельтне ды Иисус Христос эсь тежа воинэнзэ марто таго лиси ломань сельме икелев!

Иисус Христос ялатеке витъкстась: башка ёнкстнэ невтсьсызь, кода васоло-аволь ашти Сонзэ мекев велявтомась. Сон мерсь: „Зярдо те карми улеме, сестэ суюконятадо ды кепедьсынк прянк, эдь сы Идицянк“. Ды лецтясь тенст валвелявкс: „Варштадо смоковницанть ды лия чувтнэнь лангс: зярдо сынь лопат нолдыть, тынь содатадо – кизэсь а васоло, истямо ладсо несынк Пазонь инязорксчинтькак“ (Лук. 21,28-31).

Кодат сеть башка тешкстнэ, конатнень мельга мерсь ваномо Христос? „Ды кармить знаменят чисэнтъ, ковсонть ды тештнесэ, мода лангсо жо – народонь тандадомат ды зыянонь учомат, эдь менель вийтне лыказевить“ (Лук. 21,25-26).

Шкась, конань онкстнить ангелтнэ, пек явови мода лангонь календарденть, конасонть сонзэ минь онкстнетяно. Минек туртов, кавто кедьсэ „эсь“ 70-80 иетнес кунцицятне, сядо, ветесядт иетне марявить

певтемекс. Пазонтень неть иетне – а мезть тейнеманьшка.

Ученойтнень ютксто ламотне, кить Святой Писаниянь ловныть молиця читнень ловозь, кортыть: минь пачкодинек се меельце пингентень, конась ушодовсь ламо тыщат иеде теде икеле Едемень садсо.

Ближней Востоксо тюремат. Кезэрень Персиясь нефтанзо вельде таго теевсь покш нациякс. Израиленть кемекстамонзо марто, зярдоней сон башка мастор, ули валютазо ды армиязо – историянь чарось прядызе эсь ине велямонзо. Самай те масторсонть вельмесь минек цивилизациясь, кона дивавты весе мирэнтъ. Икелев модемстэ сон яла лоткси-ванны, штобу пурнамс од вийть, лиясто апароскак понгони, ды ялатеке, тень лангс апак вано, ве таркасо а аштекшны.

Теде башка, неть ученойтне неить се картинанть, конань пек чарькодевиксстэ невтизе Иисус Христос, зярдонмерсь: „Кода ульнесь Ноень читнестэ, истя карми улеме весе мода лангонь Церанзо велявтомсто: эдь кода потоптонть икеле ярсась-симсть, урвакстнестъ ды венчнестъ се шканть самс, зярдон Ной совась ковчегс ды эзь арсеяк, зярс потопось эзь сырга ды весень эзинзе истожа, – истямо ули Ломань Церанть самозояк. Сестэ паксяс кадовить кавонест: вейкесь саеви, омбоцентъ кадовтсызь. Кеняркшнодо-эрядо, эдь а содатадо, кона часстонть Пазось сы“ (Матф. 24,37-42).

Неть ученойтне невтнить Даниил пророконтъ (12,4) книганзо лангс, конасонть пророкось корты меельце читнестэ „совавтомань ламолгавтомадо“, мезесь истя жо, келя, лецтни эрямонь пенть самодонзо. Ды сень ловозь, кода пророкось корты, што сы ятось ды ине вийсэ каяви весементъ лангс ды юты лангаст, миненек пек стака содамс Сонзэ самодонтъ.

Меельце комсьветее иетнестэ врачне ды психиа-
тратне кемевтить: ломань рунгось истямо цидярд-
мас, келя, апак анокста ды истямо лепштямось тензэ а
кирдеви, конань алов сон понгони, – ды ялатеке ард-
тано апак лотксе. Ученойтнень ютксто ламотне, кинь
трудост теизь неть скоростнень, велявтсть се чу-
довищанть жертвакс, конань сынсь панжизь-нолдызь!

Покш образования марто ломантне а вельть умок
раксесть Петрань омбоце кучовксонзо лангсо (3 гл.
10-12), но водородной бомбань сезевемась ды кобаль-
тонь седеяк кежев бомбась сынсткак тагдавтызь. Ней
сынъ оймень панжозь пшкадсть Библиянтень.

„Сы Пазонтъ чизэ теке венъ сулей, ды сестэ мене-
лесь гайтьсэ тетъкеви, сыргозезь пальця вачкотъкстнэ
каладыть, модась ды лангсонзо весе тевтне туить тю-
шумбар. Бути истямо ладсо весемесь лондады, сестэ
кодамокс карматадо уleme те святой эрямосонтъ
тынъ, Пазонтъ учицянзо, се чистэнтъ, зярдсольця
менелесь сявори ды сонзэ вийтне седеяк каладыть?“
(2 Петр. 3,10-12).

Мон, нама, Вильям Миллерэнь ильветъксэнзэ а
нолдаса ды Христосонь самонзо шкантькак ловомо а
карман. Но весе оймесэ кеман: шкатне, конатнесэ
эрятано, пек явовить икеленсетнень эйстэ. Эрва
кодат тамашатне истя ламолгадсть, взяткань максне-
матне ды властнень рамсемась велявтсть эрва чинь
эрямокс!

Теде башка, минь эрва косо вастневтяно акеме-
мань вийтнень – христианстванть сех покш ятонзо
марто, кона церькованть каршо мольсь языческой
Риментъ эйстэ саезь. Антихристэсь, конань самодонзо
лецтнестъ весе пророктне, касы-виевгады эрванть
сельме икеле. Апелиця, ёжов ды висъкстэме анти-

христэнтъ бажамонзо стака лоткавтомс. Войнантъ, вачочинтъ, орматнень ды куломантъ – весеменень содавикс являениятнень – ней вастсыть эрва косто. Менель рунгсо онкставиця шкась, паряк, максы тенек кемень, сядо ды тыща иень пингть, но те шкась, паряк, сы а течи-ванды. А стяко, натъ, минек пингедентъ ёвтазель: „А юты те расъкесь, кода Сон велявты“ (Матф. 24,34).

Кадык эрва христианинэсь кеняркшны Сонзэ учомсто. Иисус Христос мерсь: „Кеняркшнодо, эдь а содатадо, кона часстонть Инепазонк сы“ (Матф. 24,42). Оймень китордовтыця те кемемась таго минек, Пазнэнь кемицятнень, кармавты эсь эрямонок алтамс Нишкентень служамонтень. Иисус Христос мерсь: „Тевс сынст нолтнеде, зярс Мон а сан“ (Лук. 19,13). Христиантнэнь туртов те шкась кадык тееви учомань ды анокстамонь поракс. Иисус Христос мерсь: „Тынь-гак уледе анокт, эдь, кодамо чассто аволиде учо, Ломань Церась сы тыненк“ (Лук. 12,40).

Историясь капши се одс вельмемантень, зярдод ятнэ пульзить Нишкентъ пильгепес Ды Иисус Христос ули венчазь Инязоркшчинь трононтень. Библиясь корты: „Давидэнь престолсонть ды Эсензэ инязоркшчисэ петь а улить, штобу кемекстамс Сонзэ суд ды видечи вельде пингеде-пингес“ (Исаия, 9,7).

Те ине чистэнтъ лоткить весе тюрематне ды сёвно-матне. Пежетть-орматкак а улить. Се чистэнтъ пшкадить Тензэ весе язычниктне, ды ве ломаньгак Пазтомо а кадови. Весе перть пельксэсь истя откстоми-мазылгады, кодамокс сон ульнесь Едемень садсо. Се чистэнтъ натой звертне ладить вейкест-вейкест марто ды Пазонь вечкемась пештясы весе мода лангонть. Се чистэнтъ „Ды кадык сы Тонь инязоркшчись“ озксось ули топавтозь!

Кода чись валдомты меленек,
Эрямонть пешти крайстэ крайс,
Истя Пазонть самозо тенек
Алтасы моданть валдо райс.

Вана мейсэ христианинэнтъ кемемазо!

КЕМГАВКСОВОЦЕ ГЛАВАСЬ

ДЫ ОКОЙНИКИ – ОЙМЕНЬ СЭТЬМЕЧИ

„Духсо виевенть Тон кирдят педе-пев те-
езь масторсонть, эдь сон кеми Тонеть“.

Исаия. 26,3

Ней содатано, мезе те Пазонтъ марто ладямось. Содатадо, кие те христианинэсь. Содасынк се пит-
нентькак, конань путынк часиянь кисэ пандомсто. Мон вастнинь ламо ломанть, конат кенярдозь мак-
совольть миллион долларс чек, ансяк эрямс уцяс-
кавсто. Миллионт ломанть бажить сонензэ, мода
лангонь те часиянтень-ладонтень, но эрваксть, зярд
уш сынъ сонзэ маласот, конань муинек Христоссто,
идемевсесь яви эйсэст ды сокоргавты, пексты кача-
монь шаршавсо. Багамось тенст а сасавкшны. Но
тынъ сайсынъ се эрямонь ладонтъ, ды ней сон пин-
геде-пингес тынк кедьсэ. Тынъ панжинк уцяскань
тайнанть.

Чарькодеви, весе тайнатне а лововить. Сатышка
сеть кевкстематнедеяк, конат апак реша.

Теке марто сынст экшсэ меште оймамонок ды се
мирэсь-ладось, конат ветясамизь кемемасо пештязь
эрямонтень. Тынсь несынъ, христианоень уцяскань
идеалось философонь превчидентъ покш. Сонзэ вакс,
мезентъ алтни тенек Иисус Христос, а ладясак натой

материализманть, атеизманть ды лия философской толковамотнень.

„Христианонь этикадо“ эсь трудсонзо Тиссен докторось ловинзе неть покшчитнень. Вана сынь кодат: васняк – ЦЕРАКС УЛЕМАСЬ. Зярдэ приминк Иисус Христосонь эсь Идицякс, тынь совиде Пазонь семияс. Ней тыньгак Сонзэ эйкакш. Эрямозонк чачсть инязоронь прават. Сонзэ церакс улемстэ санганк чудезевсь инязоронь верь, эдь тынь теевиде инязоронь Инязорокс.

Омбоцесь: **ТЫНЬ – НАСЛЕДНИК**. Библиясь тонавты, зярдэ чачтадо вере, Христоссо, эрямонк тейтядызь весементь азоркс-поладыцякс.

Колмоцесь: **МИР**. Тынь сайсынк Пазонть простямонзо, зярдэ карматадо эрямо кода эсь потсонк, истя жо малавикс ломаненк марто Пазонь мирсэнтьяк. „Арась часия нулготьксэвтненень, корты монь Нишкесь“ (Исаия. 57,21). Но крест лангс чавомстонзо Иисус Христос сьулмась тенек Пазонть марто паро эрямонь лад, ды Сон велявтсь минек потмо виекс. Бути кемемасо приматано Сонзэ, Пазонть ультяно идезекс, ды марясынек се меште оймамонть, конань лия вий вельде ломанесь а добовасы. Зярдэ Иисус Христос сови седейзэнек, олякстомтано мельганок пансиця пежеттенть. Сестэ кепедьсынек эсь прянок седе арсезь: ней сась шка апак пеле варштамс малавикстнэнь сельмс. „Зярдэ Инепазонть панжозь китне, Сон ломаненть ятонзояк мирясынзе“ (Валвел.16,7).

Нилеце ине онксось, кона лисни Христосто содамочитнестэ – **ТЕ ДУХОВНОЙ ЭРЯМОНТЬ УЛЕМАЗО**. Арась, паряк, вейкеяк ломань, кона бу витькставоль оймензэ куломадо. Кие а содасынзе икелень уцяскадонзо Пазонь валмеревкстнэнь, сенень, улема, а

ёвтавить эсь ёжомарямотне истямо жо валсо, но, тень лангс апак вано, сон мари эйсэст. Простойде простой ломантне шкань-шкань натой сынсь дивсить, мекс истя мельтеме ванить паронть ды кежевенть лангс, эдь седе паро тенст улелель цопадемс лезэвенть – ды шашт ве пелев. Натой кежевде кежев преступниктне, сех усксевиця аватне – весе содыть: оймест потсо ялатеке пикси кекшезь бажамо улемс ваньксэкс. Пазнэнь апак са ломантне, куш сынь васолот кемеманть эйтэ, ялатеке чарькодить: вельмить ансяк Христосонь вийсэ. Ансяк оймес Христосонь саезь, кармить эрямо духовной законтнэнь коряс.

Иисус Христос мерсь: „Мон сынь сень кисэ, штобу пря велькска улелель эрямонк!“ (Иоан. 10,10). Павел Апостолось мерсь: „Кие Христосонь потсо, се тваресь од, кезэренсесь ютась, ней весемесь лията“ (Кор. 5,17).

Чачомс Христоссо – те чачомс од бажамотнескемематнес, штобу пачкодемс валдо эрямос. Христос, минек Инепазось ды Тонавтыцясь, казимизь од часи-ясо. Тынь чачиде вере.

Ветецесь: КЕНЯРКСОСЬ АШТИ ДУХОВНОЙ КОРТНЕМАТНЕДЕ. Съкамочись – истямо майсема-безарькс, конадо седе апаро мезеяк арась. Седеяк пек вайсят седейрисксэс покш ошсо, зярдо вакссот а малавикс ялгат, а вечкевикс робота. Кода вешнетяно ломанть, конатнень марто бу ютавтомс ютко шка-тнень ды панжомс тенст эсь потмо ёжонок! Чинек-венек ёвтневлинек тенст эсь уцяскадонок ды учовлинек, зярдо сынь лездавольть тенек аволь ансяк тевсэ – эсь ойме лембесэсткак!

Минек масторсо пек сеетьстэ марят истямо кортамо: „Мон вешнян ломань, кона кортаволь эсень кельсэ“. Теде псалмань ловныцяськак евтась: „Ванан вить

пелев ды неян: кияк эйзэм а фати. Арась монень кудо, мондень кияк а пии-палы“ (Псал. 141,4).

Тынсь фатиде: Иисус Христос – вейкине се оясь, Кона чарькодъсы эрва тынк меленть, ды кодак ансяк пшкадтядо Тензэ, съкамонк а кадовтадо. Иисус Христос ансяк сови седейзэнк – Пазонтъ эйстэ васоло аштеманк сеске ёми. Нишкентъ марто кортнемась – а ёвтавикс кеняркс. Вейкеяк философ а максы тенк Сондензэ покш баславамка.

Христос мельга модемстэ ПУРНАДО ОД вийть. Съкамонзо икелензэ путозь бажамотнес ломанесь а пачкоди, теке марто, сетнес, конатнень икелензэ аравтынзе Вере Пазось. Моисеень кедьсэ аравтозь законтнэ лововить сех вишкакс, тынськак вельть лавшотадо, штобу истямо сэрчьисэ кирдедемс. Весе эрямонь пингтнень перть ломанесь примсесь мельга-мельцек молиция тешкст, яла кемсь, пурны вийть сынст сасамонтень. Ялатеке оймесэнзэ марясь: сех вадрясь, мезентень сон пачкоди – васня менстяма эсь ильветькстнэнь. Те лавшочидензэ эрва од иентъ каршо марят сядо раксемат. Сонсь ломанесь жо парсте мари-неи: Пазтомо покш бажамос, кода пандо пряс, а кузеви. Ансяк Нишкентъ лесксэнзэ вельде сон полавтсы эсь уцясканзо ды тееви личностекс.

Весе минь марсинек Савлань пшкадеманзо, конань сон ёвтызе Дамаск ошов кинть лангсо. Самай сестэ Иисус Христос совась сонзэ седейс ды эсь кежев врагсто теизе эсь виевде виев свидетелекс. Ламо истят полавтомат эрсить течияк, ды весе сынъ лиснить истямо жо вий вельде, кона теизе Савлань Павелэкс, – Иисус Христос эйсэст вельмевти!

Истят полавтомат ве философиясоjak а эрсить! Те певтеме виесь свал тынк кедь ало, ансяк венстинк

кеденк ды тердинк сонзэ. Пазось мерсь: „Иля пеле, эдь Мон – мартог, иля визде, эдь Мон – Пазот, Мон вийть тетъ максан, эсь десничасонтъ кирдтян“ (Исаия. 41,10). Кодат алтамот иляст уле, кодат авольть уле долконк, кодамо жертвакс аволиде велявто – Сонзэ виесь нужачинь минутасто тееви тенк идиця виекс.

Христианонь эрямось ды прянь ветямось тердтядызь **МАРЯВИЦЯ БАСЛАВАМОС**. Пежетесь ды ойме лембень а сатномась стака сталмокс лепшти рунгтнень эйсэ. Зярдю прят марят апацькавозекс, зярдю кинь-бути лангс кирдят кежть, сестэ оймень сэретьксэсь седеяк покш. Лецяк эсь прят неть апаратнеде, олякстомт сынст эйстэ! Эдь а стяко Иисус Христос мода лангсо улемстэ лецямонть вейсэндизе Эсь тонавтоманзо марто. Духонь эрямось, рунгонь шумбрачись ды превтне сюлмазь вейке сюлмосо, сынъ а явовикст!

Пазонтъ марто ладось ды Пазонь эрямось седейсэ Иисус Христосонь вельде – сынъ ломанентъ эйсэ кирдить-кепедить! Потмо оймень мирэсь – те духовной эрямонь касома, Пазонтъ марто кортнемань певтеме кеняркс.

Содавикс вийтне максневить ансяк христианинэнтень. Истямокс теевсть, примеркс, Пазонь мудротесь ды Нишкентъ прывтсо эрямось. Библиясь корты: „Бути киньгак превензэ а сатнить – кадык сынст вешти Пазонтъ кедьстэ. Сон максни эйсэст апак мурне-сёвно – ды ломанентень сыть неть превтне“ (Иак. 1,5).

Природань калавтница вийтнень лангс апак вано, Нишкесь максни тенек истят вийть, конат лиясто кирдить эйсэнек, мерят, кедькоморсо. Пазось ашти эсензэ престолсонть ды кармавтни тееме мезе сы мелезэнзэ. Идемевсеськак кирдеви Пазонь коморсо, ансяк сонензэ лиясто максневи шка нолтнемс апа-

ронзо секс – Нишкесь Сонсь нолтни эйсэнзэ. Святой Писаниясь тонавты эйсэнек: Пазонть ули башка планозо историянь эрва шкантень, эрва народонть ды ломаненть туртов. Святой Писаниясь панжи тенек Иисус Христосонь чачомадо Пазонь планонть, зярд аравтови Сонзэ Инязорксчись. Истямо лувсо христианинэсь эри-труди, сонзэ покш кемемазо сеньсэ: меельцьпелев Инепазось изнясынзе авидечитнень.

Христианинэнтъ улить лия башка ёнксонзояк, конатнесэ явовкшны лиятнеде. Иов мерсь: „Зярд ломанесь кулы, карми-арась мекев эрямо?“ (Иов. 14,14). Ды сонсь мерсь кевкстеманзо каршо: „Мон содан, грехень простницясь эзь куло, меельце чистэнтъ Сон улوصо лацесы пeverиця киськем“ (Иов. 19,25).

Кодамо келей сы шкась! Кодамо покш кемемась! Эрямось кодамо! Таркам а полавтса мода лангонь сех сюпавонть марто! Мон кадован инязоронь Инязоронть церакс, Христосонь наследникекс, менель лангонь семиянь членэкс!

Мон содан, косто сынъ, содан, мекс тесан, содан ков молян ды секс оймесэнь свал ашти валдо. Сон пешти седеем од кеняркссо, эжди сонзэ сэрьстэ сэрсь!

Увнось кандылов. Морясь чавсь толкунонзо берек чирень кевтнес, кепсесь кудонь сэрьшка чов. Кивчкаесь ендол, зэрнесь пурьгине, пувась кельме варма, но кевенть штелькссэ удось нармунь. Прянзо тонгизе селмо алов ды удось. Самай те мода-масторонь сэтъмечись-ладось: удомс кандыловонь-вармань увномсто!

Иисус Христоссо минь аздатано мелявкст-талномат. Кандыловось урны-увны, ансяк минек седейтнесэ кеме инязорокс – оймамонь сэтъмечись.

Окойники мастор лангсо – оймень сэтъмечи!

© Word Inc. Texas
Mordvin edition copyright © 1993 Licht im Osten
© 1996 Erzja Translation by Licht im Osten

ГРЭМ БИЛЛИ
ПАЗОНТЬ МАРТО ЛАДЯМО
Эрзянь кельс ютавтывзе А. Доронин.
Лиси нилецеде, 1990 ие.
1962 ие. „Свет на Востоке“ издательствась, Корнталь.

Б. Грэм

ПАЗОНТЬ МАРТО ЛАДЯМО

19.078

Б. Грэм

**ПАЗОНТЬ МАРТО
ЛАДЯМО**

Б. Грэм

**ПАЗОНТЬ МАРТО
ЛАДЯМО**